



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

11F3085



John W. Storr



ERASMI. FROELICH.
SOCIETATIS. JESU.

QUATUOR.
TENTAMINA.

IN. RE.

NUMARIA. VETERE.

- I. Dissertatio Compendiaria de Utilitate Rei
Numariæ Veteris.
- II. Appendicula ad Numos Coloniarum Ro-
manarum, a cl. Vaillantio editos.
- III. Appendicula ad Numos Urbium, Græce
loquentium, sub Augustis percussos, &
a laudato Vaillantio vulgatos.
- IV. Dissertatio de Numis, Monetariorum
Veterum culpa, vitiosis.

EDITIO. ALTERA.

Ab Auctore. recognita,

Multis locis, Numisque locupletata.


VIENNÆ AUSTRIÆ, typis Mariæ Theresiæ Voigtin Viduæ,
Universitatis Typographæ, Anno M. DCC. XXXVII.

11F3085

HARVARD
UNIVERSITY
LIBRARY



SERENISSIMO. ET. REGIO.
PRINCIPI.
FRANCISCO. III.
DUCI. LOTHARINGIÆ.
ET.
BARRI. &c. &c.

 V A S. TIBI. *delicias offero ,*
SERENISSIME. DVX. *Antiqua*
Numismata. Magnus ille TVVS.
vereque Regius Animus, etiam, dum
a gravioribus divertit curis, gravi-
bus, eruditis, Augustis sese oblectationibus reficit.

Servas apud TE. veluti domestica gaudia, ac Tanto Principe digna, veteres Orbis Moderatorum Numos; illic intueri amas Summorum Principum vultus, & Regiarum Virtutum symbola: Victoriarum, ac Meritorum in Rem Publicam monumenta avidus legis, olim Ipse, & jam nunc quoque, sæpe legendus.

Sane, si, quæ olim tenuit, hodie perinde vigeret, multa, variaque in honorem Magnorum Principum Numismata cudendi consuetudo; jam dudum TVIS. in Monetis se se ostentasset SPES. AVG. & SPES. REI. PVBLICAE. tum SALVS. PRO. VINCIARVM. & FELICITAS. TEMPO. RVM. atque inde exorta. HILARITAS. POPVLI. & BEATA. TRANQVILLITAS. Commendaretur profecto TVIS. in Numis insignis illa TVA, & avita RELIGIO, ac PIETAS. Singularis item MODERATIONI. atque CLEMENTIAE. laudis epigraphe tribueretur. Porro autem TVA illa MVNIFICENTIA. & MAGNIFICENTIA. TVA item PROVIDENTIA. & SAPIENTIA. & harum Comites AEQVITAS. & IVSTITIA. in auro, argentoque, adfig-

*adsignatis Lotharingæ Sceptro Pannoniæ Fascibus,
resplenderent.*

*Ego quoque singulari in me INDVLGEN-
TIAE. OPTIMI. PRINCIPIS. Numisma inscri-
berem, cujus benevolentissimo Permissu mihi licuit.
Tanti Principis Serenissimum, Regiumque Nomen
exiguo huic libro præfigere; ut ejusdem splendore
illustrata juvaretur obscuritas mea, minusque jam
lucem publicam, hoc Bono Sidere freta, reformidaret.*

*Illæ me quoque spes confirmat: esse in hac mea
opella quadam, quæ, cum REGIÆ. CELSITV-
DINI. TVÆ. placitura credam; majorem sint
mihi, quam fautorum, si qui fuerint, benigni calculi,
& magis pretiosam gaudii, honorisque materiem
præbitura.*

*TIBI. vero, quis ambigat, volupe futurum,
DVX. SERENISSIME. Urbium illarum vetu-
stissima, certaue monumenta in hisce Numis nostris
ob oculos habere, quas in Mœsia, Thracia, Asia
minore, Palestina, & Ægypto, Insensissimis Chri-
stianæ Rei hostibus qua eripuerunt, qua ereptas inte-*

gris cum Regnis possedere Invicti illi e Serenissima Lotharingica Stirpe Duces, & Heroës, Majores TVI. aterna memoria dignissimi.

Atque ad instaurandos priscos illos, adversus Religionis nostræ hostes, & admirabiles progressus, dimidio fere abhinc seculo felicissime viam jam aperuit, Magnus ille Christiani orbis Heros, & Belli Ducum gloria, CAROLVS. Avus TVVS. qui soluta Vienna Obsidione, Buda expugnata, Barbaris ad Mohacsium insigni clade attritis, Austriaci, atque una Orthodoxi Imperii fines quam latissime protulit.

DEVS Optimus Maximus id votis nostris concedat: ut AVGVSTI. SOCERI. TVI. & vere PATRIS. Auspiciis, & felicibus armis avitorum TIBI. quoque Regnorum justæ possessio adseratur.

Ita fiet, ut Majores TVOS. immortalis nominis fama Illustrissimos, quorum Virtutes strenue emularis, felicitate quoque exæques, aut etiam præcellas.

Quo,



Quo, aliisque beatissima Sortis muneribus ut cum
SERENISSIMA. CONIVGE. TVA.
incomparabili illa Germanie Gemma, & Austria
Ocello, quam longissimam etatem, ad Catholica,
Publicaeque Rei maxima commoda, constanter per-
fruaris; ego, cum bonis omnibus, & cum Sociis
praesertim meis, Divinam Majestatem ardenti-
bus votis, precibusque identidem orare, dum exo-
rem, nullo vitae meae tempore omittam.

REGIAE SERENITATIS
VESTRÆ

Infimus in Christo Servus
Erasmus Frœlich S. J.


FA-

FACULTAS

R. P. *Præpositi Provincialis Soc. JESU*
per Austria Provinciam.

EGO Wilibaldus Krieger, Societatis JESU
per Austriæ Provinciam Præpositus Pro-
vincialis, Potestate mihi facta ab Admodum
Reverendo Patre Nostro Francisco Retz, Præ-
posito Generali, facultatem concedo, ut Liber,
cui Titulus : Quatuor Tentamina in Re Nu-
maria Vetere, ab Erasmo Fretelich, ejusdem
Societatis Sacerdote compositus, & a Revi-
soribus memoratæ Societatis approbatus,
typis mandetur. In quorum fidem hoc testi-
monium, manu propria subscriptum, meique
officii sigillo munitum dederam Viennæ, 8.
Aprilis 1737.

WILIBALDUS KRIEGER,
Soc. JESU qui supra.



AD LECTOREM.

Tentamina hæc ut succisivis horis conscriberem, ac publicæ luci, tribus deinceps Libellis, committere auderem, animos mihi, & sumptus primum, iterumque suffecit R. P. LUDOVICUS DEBIEL e Soc. Jesu: ad postremum Tentamen idem contulit R. P. SEBASTIANUS KAYSER, ex eadem Societate, ambo Viri, bonarum literarum amantes perinde, ac egregie periti. Hi, dum in Antiquissima Academia Viennensi bene meritos Discipulos Philosophica lauro condecorarent; Libellos istos Illustrissimorum, & Perillustrium Neo-Magistrorum, & Baccalaureorum, uti nominant, honoribus inscribendos curaverunt.

Ad alteram hanc editionem adornandam, præter auctoritatem, & subsidia eorum, quorum nutus imperii loco habeo, atque Amicorum cohortationes, id etiam me adduxit: haud pauca interea temporis numismata antiqua Granelliano Cimelio accessisse, Græcæ præcipue, quæ incremento non contem-



nendo amplificare, & adiuvarc hæc mea Tentamina
possent.

Cimelium istud, cujus numismata, æri incisa,
exhibeo, diuturnis curis, ac pertinaci industria con-
quisivit R. P. CAROLUS GRANELLI e Soc. Jesu.
AMALIÆ. AUG. a Sacris Confessionibus; Idemque
amplissima illa, qua pollet, eruditione, ac profunda
doctrina, acerrimoque judicio, collectos ab se, per-
spectosque numos pulcerrimum in ordinem digessit.
Viro huic non modo numos ipsos, benigne exhibi-
tos, & suggesta identidem præclara monita; sed ipsam
in Re Numaria Vetere institutionem me maximam par-
tem debere, lubens merito profiteor.

Dissertationem Compendiariam de Utilitate Rei
Numariæ Veteris, quæ primum Tentamen efficit,
idcirco conscripseram; quod scirem esse homines, qui
crederent: numorum veterum cognitionem, ad eru-
ditam oblectationem potius, quam ad insignem ali-
quam in Re Literaria utilitatem pertinere; de quibus
tamen polliceri mihi vix poteram: fore aliquando,
ut Eruditissimi SPANHEMII librum celeberrimum,
sed prolixum, de Usu, ac Præstantia Numismatum
Antiquorum conscriptum, studiose perlegerent, at-
que ita denique æquiores hac de re ferre sententiam
discerent.

Novi vix quidquam, hic certe, prolatum fuit,
quod

quod quidem tale Lectori, in Antiquariorum Libris nonnihil versato, videri possit; Tironum quippe hæc sunt stimulo, & utilitati conscripta. Eadem fortassis Eruditis quoque hand ingrata propterea accident; quod in opella hac, uno velut obtutu, sistere sibi ob oculos, & revocare in memoriam ea possint, quorum, quia magno labore fuit comparata notitia, dulce est meminisse. Pleraque omnia, quibus hæc Dissertatio constat, fateor, me Viris Doctissimis, ANTONIO AUGUSTINO, NORISIO, SPANHEMIO, VAILLANTIO, HARDUINO, JOBERTO in acceptis referre oportere.

In hac altera editione, præter minora quædam additamenta, Chronologica accessione hæc Dissertatio facta est locupletior: Æras quippe prope omnes, quæ in Regionum, & Urbium veteribus numis hactenus lectæ, & intellectæ sunt, ex NORISIO, VAILLANTIO, HARDUINO, & numis nostris collectas, atque inter se collatas, quam potui, commodissimo isthic compendio proposui. Erunt fortasse, qui ad singula hujus Dissertationis capita appositos numerum iconismos desiderent. Verum, quoniam bene multa suppleri ex utraque Appendicula possent, & extarent id genus iconismi in aliorum libris; nolebam opellæ meæ pretium novum numis non novis conciliare.

Tentamen alterum definitur Appendicula ad

Numos Coloniarum Romanarum, a CL. VAILLANTIO editos. Appendiculæ hujus prior editio quinquaginta, hæc nova, denis plures, Coloniarum numos exhibet: quos inter sunt nonnulli egregia raritate pretiosi, & majore consideratione digni. Ejusmodi sunt: Neronis, cum Octavia, Sinopenfis, & alii ejusdem Urbis: Julix Aquilix bini: Cornelii Gallieni, & Claudii Gothici singuli Antiocheni: Philippi Patris Bostrensis, in quo ΔΟΥΚΑΡΙΑ. Gallieni Iconiensis, cujus urbis nulla apud VAILLANTIIUM mentio: duo Viminacienses numi, aversæ partis typis, hactenus non prolatis, & Dacici totidem, ejusmodi annorum notis insignes. Maximini, & Maximi singuli Antiocheni, aliique, quorum raritatem, ac pretium Eruditus Lector agnoscat.

Singulorum numorum utraque facies, æri incisa, adjungitur: in quibus, aliisque numorum iconismis exhibendis, fateor, plus fidei, ne quis in epigraphen, aut in figuram error irreperet, qui Rei Antiquariæ obesset, quam elegantix esse datum.

In tertio Tentamine, quod est Appendiculæ ad numos Augustorum, ab urbibus, Græce loquentibus, cufos, & a laudato VAILLANTIO vulgatos, plura producantur, e numis veteribus hactenus, quod sciam, non detecta. Appendiculæ huic, quæ primum numis quinquaginta supra ducentos constabat, satis amplæ interea temporis, ut pro unico, privatoque Cincilio,

melio, opes accessere, quibus numismatum numerus, si Auctarium, sub finem adiectum, computem, ultra tercentesimum, ac tricesimum excrevit. Singulorum iconismi, quos aliqua varietas distinguit, expositioni sunt præfixi.

Videor mihi e pretiosis hisce Antiquitatis reliquiis nonnulla cruisse, quæ ad Historiam, Chronologiam, Geographiam veterem, Mythologiam, totiusque Rei Numariz Veteris cognitionem illustrandam, & provehendam aliquid momenti habeant. Ex his namque proferuntur Urbium Nomina, & Magistratus, Epochæ, & Situs, varizque posticæ numerum partis Inscriptiones, & Figuræ: qualia apud VAILLANTIUM, & alios fortasse Antiquarios frustra quæras.

Ultimum denique Tentamen, nunc aliquod locis, & exemplis auctum, in Numos, Monetariorum Veterum culpa, vitiosos inquiri: atque illa potissimum vitia expendit, quæ barbarum aliquid invchere in Rem Literariam possent.

Est vero hæc materia haud levis in Re Antiquaria, & Historica momenti; qua caveri possit: ne quæ sunt reapse vitia, & Monetariorum errata, assumantur in Historiæ, & Chronologiæ instaurandæ, refinendæque instrumenta. Neque Auctorem quenquam mihi quidem videre licuit, qui hac de re expresso scripsisset: paucos, qui, carptim, & velut aliud
agen-




agentes, de vitiosis ejusmodi veterum numis mentionem iniecissent.

Si quando ab aliis Viris Doctissimis seorsum sentire me coëgit veritatis amor; id feci ea, qua me adversus tales Viros uti decuit, modestia, observantia, atque honorifica compellatione: quorum nempe ego Eruditionem, & illustria in Rem Literariam merita altum suspiciam.

Ego vero si quid peccavi, atque utinam raro! non animo malo, aut altercandi libidine (quæ duo a me procul arcere studeo) sed eruditionis; ac temporis defectu, benigne aut mone, aut indulge, Erudite Lector! ubi porro, quod non displiceat, quodque non inutile ad Rem Literariam putes, isthic forte aliquantulum repereris; una mecum DEO Optimo Maximo, bonorum omnium Fonti, grates, laudesque persolve, & Vale.





DISSERTATIO DE UTILITATE REI NUMARIÆ VETERIS.

CAPUT I.

*De Numorum Veterum Ordine, & Utilitate
ad Historiam.*

Numos veteres in quinque ordines dispescunt Quinque
Numerum
ordines. vetustatis periti. Primus Regum numos
complectitur: Macedoniæ, Syriæ, Ægypti,
Ponti, & aliorum. Alter Urbium, sive
sui juris fuerint, sive Regibus, aut Augu-
stis subiectæ. Tertius numismata exhibet,
quæ Consularia vocant; quod ea etiam tempora compre-
hendant, quibus Consules Rempublicam Romanam ob-
tinebant. Rectius tamen hæc familiarum Romanarum
dicas, ad quarum seriem illustrandam plurimum con-
ferunt. Quarta classis ex Augustorum, Augustarum, Cæ-
sarum, & qui illos affinitate, aut sanguine attingerent,
numis conficitur. Quinta denique est Heroum, Heroi-
dum, Deorum, Dearumque, Conditorum urbis, atque
aliorum, qui arte quapiam, aut meritis in patriam incla-
ruerunt. Quanquam numi isti referri etiam ad Regum,
Ur-

Urbium, aut Augustorum ordinem possint; si alteram metalli faciem species. Utrunque enim signata sunt numismata; quorum facies *Adversa* ea dicitur, quæ caput, seu effigiem Regis, Augusti, Deive, aut illud denique ostendit, cujus seriem constituere tibi est in animo. Altera *Aversa* appellatur, in qua rerum, cum laude gestarum, atque alia sese symbola offerunt.

*Metalli va-
rietas.*

Metalli genus quod attinet, numi Regum, Urbium, Deorum ænei sunt fere, aut argentei: ex auro paucos reperias, præterquam, qui ad Macedoniæ Reges pertinent, & nonnullos alios. Consulares argento plurimi nitent: auro effulgent pauciores: ære Asses, atque Assis partes rigent, & alii subinde, Monetariorum nominibus insignes. Augustorum numismata auri, argenti, æris vim immensam conficiunt. Supersunt etiam numi vilioris metalli, quos argenti pellicula, seu crusta tenuissima, artificum ingeniosa fraus obduxit; hos *Subaratos*, *Pelliculatos*, aut *Incrustatos* dicas. *Serratos* porro argenteos vocant, quorum omnis circum limbus quasi ferra incisus est, seu fraudis pelliculatorum detegendæ causa, seu potius ornatus; quando & æneos quosdam Syriacos simili incisura denticulatos tenemus. Rursum æneos alios argento tinxerunt, *metallinas* nunc cum Italis nominant: id genus numi post Gallienum frequentes. Æris præterea flavescens alios, alios rubro, quo Cyprium æs solet, colore videas, mixti metalli alios, quod Corinthiaci æris genus quoddam videri posset. Olim demum e ferro, plumbo, corio, atque aliis e rebus monetas confectas legimus; earum tamen, si qua superat, rara avis est.

*Metalli ra-
tio.*

Modulum, seu molem numorum si species, magni, mediocres, parvi secernuntur. Romanorum numi aurei, ac argentei parvi fere occurrunt: Græci, qui Regum, & Urbium sunt, magni etiam, & crassiusculi. Ænecorum ex omni modulo copia est, quantam vix credas. Peculiaris

llaris item moduli, seu maxima numismata non pauca, Principum, ac eruditorum gazæ ostentant. Missilia hæc erant, non monetæ currentis genus: *Medaglieni* dicuntur Italis. Ex his ænea satis multa producuntur; minori numero aurea, & argentea itidem comparent: Regum tamen, ac Urbium ex argento satis frequentia sunt. Majorum numismatum genus aliud *contorniates* compellant; quod eorum ora latior, tornatili velut limbo emineat, figuræ tamen mediæ humili sint cœlatura. Tertio Augustorum sæculo, circa Gallieni tempora numorum decor, ac modulus cum Imperii majestate imminui cœpit; atque adeo numorum moles non ad superiorum sæculorum modulum exigenda, sed isti temporum iniquitati contempera-
randa est. De Ordine Numorum, in quem ob typum, materiam, & modulum digeruntur, ad præviam tironum notitiam tantum.

De Numorum veterum utilitate ad Historiam, dum hic universe aliqua perstringam, ea nolim, de solis omnino numis, aut de pauculis, atque obiter inspectis, a me dicta quisquam existimet. Mutuas enim sibi operas numi & Historiarum scriptores præstant. Deinde, quomodo in Physicis, & Mathematicis una, & altera observatio ad formandum continuo systema non est satis; ita numos complures, ac probatæ vetustatis curate contemplari, quin & numum sæpe e multis unum nosse necesse est, atque sic demum Historiæ suppetias venire. Anselmum Bandurium audiamus, virum ab Historiæ, & antiquitatis peritia celebrem. Ita habet *præfat. tom. I. numismat. Imperat. a Decio ad Palæol. Movebat scilicet (ad eam numorum seriem colligendam) quod plurima in horum Caesarum numis insignita erant, quorum ratio percipi non poterat, nisi inter se & cum Augustorum numis compararentur: veluti, quod in Constantii numis victoria Sarmatica commendaretur &c. quæ facile intelligebant, qui horum omnium numismata con-*

*Quomodo
numi præ-
sint Histo-
ria.*

treſtauerant; alii ne conjeſtura quidem conſequi poterant. Recto igitur numorum veterum uſu, Hiſtoricos ſcriptores illuſtrari, conciliari, ſuppleri, atque emendari poſſe conſtando.

*Compen-
ſantur nu-
morum Hiſte-
ricorum
deſectus.*

Spiffum illud FLAVII VOPISCI dictum eſt, *in Aureliano: Neminem ſcriptorum, quantum ad Hiſtoriam pertinet, non aliquid eſſe mentitum.* Aſt illud verum, ſed acerbum eſt: ſcriptores optimos magnam partem aut omnino non, aut mutilos, & lacunis intermiſſos ad nos perueniſſe; aliorum opera, ſcribarum mendis obſita, vix medicam manum admittere: hos oſcitantia, illos materiæ humilitate, alios privatis affectionibus labi potuiſſe; quin & ſæpe lapſos fuiſſe, in aperto eſt, qui tot inter ſe pugnantia adferant. Malo huic mederi in primis numi veteres poſſunt. Nam quod ad ubertatem, ac magnitudinem rerum bello, ac pace geſtarum ſpectat; in tot variorum numiſmatum acervis, quæ a tot Regibus, Urbibus, Populis, a gente Orbis Domina percuſſa ſint, ultra dubitare, nugari eſt. Auctoritas porro, ac veritas ea conſtat, cui nec oſcitantia; nec ignoratio, aut memoriæ lapſus offecerit. Signata quippe fuerant publica auctoritate, & Senatus Conſulto: ſignata eodem, quo res geſtæ ſunt, tempore: ſignata ſingulari cum induſtria, quam admirandus artificum labor plerumque ipſe teſtatam facit. Neque vero, privato affectu vitiatam hic geſtorum veritatem fuiſſe, credibile eſt; ne de tam recentis, publicique mendacii impudentia totus orbis rideret.

*Veterum
& recentiorum ſen-
ſus.*

Hæc talia cum ſecum reputaret R. P. JOANNES HARDUINUS S. J. *in Chronologia Vet. Teſt.* ita ſcribere non dubitavit: *Adjicimus ſubinde veteres numos, quorum teſtimonio aſſerri humanum certius nullum poteſt.* Idem veteribus ſenſus fuit. LIVIUS ipſe *Lib. 4. C. 20.* & POLYBIUS *L. 3. C. 5.* dubiis in rebus, ad antiquas inſcriptiones (quibus utique plenæ ſunt veterum mone tæ) ſe confugiſſe conſtantur. Numos

vete-

veteres adhibuit **ARRIANUS** in *Periplo maris rubri*; ut verum erueret: utrum *Barygasis* ad *Gangem* usque *Alexander M.* penetrarit. Ita habet: Ἀφ' οὗ μέχρι νῦν ἐν βαρυγάζοις παλαιὰ προχωρεῖ δραχμαί, γραμμασί ἑλληνικοῖς ἐγκυκαταγμέναι. Ἐπίσημα τῶν μετ' Ἀλέξανδρον βασιλευσάντων Ἀπολλοδότου, καὶ μενάνδρου. *Ex quo, ad hac usque tempora, in Barygasis antiqua Drachma reperiuntur, Graecis insculpta literis, cum insignibus Apollodoti, & Menandri, qui post Alexandri obitum illic regnarunt.* Mitto jam veteres; quando nostra etiam ætate viri, primi in *Historia Ecclesiastica* nominis, non defuerunt, qui antiquis e numis lucem, ac pondus suis scriptis arcesserent. Prætereo nunc alios; satis meam in rem argumenti habent ea, quæ incomparabilis *Cardinalis Baronius* in *Annalibus*, & in criticis ad eosdem animadversionibus doctissimus *Pagius Historiæ subsidia* e numis veterum non parce petierunt. Quid emolumenti ad *Historiam antiqua numismata* conferre possint, aliquid hætenus universe indicatum est: deinceps quid ad *Romanæ historiæ utilitatem* proprie e numis proveniat, bina capita ostendent.

CAPUT II.

Numorum Consularium, seu Familiarum Romanarum, ad Romanam Historiam Utilitas.

Romana inter numismata vetustissima habemus ex ære, quod, *Servio Tullio Rege*, teste **PLINIO L. 33.** signari cœpit. *As* dicebatur libralis primum ex ære numus, cujus nota I vel ● cernitur: ea unam libram indicat. *As* duodecim uncias constabat; hinc *semis*, seu semi-as, sex uncias appendebat. *Triens* seu ¾ assis, numus erat quatuor unciarum: *Quadrans* vero seu ¼ assis, qui tres uncias æquaret; unde & *Teruncius* dictus est. *Sextans*

denique, numus, qui duas uncias seu $\frac{2}{3}$ assis valeret. Igitur trientis signum ●●●●, quadrantis ●●●, sextantis ●● prisco in ære positum videmus. Æneis hisce numis primum pecudum formæ impressæ sunt, bovis, ovis, equi, suis, & rotæ currus; quasi testarentur primas opes, & pecuniæ vim, pecora, & agrorum culturam fuisse. Bello primo Punico, propter inopiam, As ad sextantem imminutus est, seu qui duas tantum uncias penderet. Hannibalis porro tempore uncialis numus pro asse erat, mox lege Papiria semiunciales Asses facti. Plura HARDUINUS *de Re monet. Vet. Rom.* Comparet in his deinde monetis prora navis, qua Saturnus in Italiam vectus est, item Caput Jani geminum: de his vide OVIDIUM *1. Fast. V. 229.* &c. tum in veteribus aliis Herculis clava, & cestus: alibi caput pileatum, aut Mercurii, aut Vindicii, qui Tarquinianam conjurationem detexit: alibi Delphinus Neptuno Sacer in ære exhibetur. Singularis vetustatis numum quinquessem, seu quinque librarum, oblongum, & bovis figura insignitum protulit-*illustr. SPANHEMIUS tom. 1. de præstantia & usu num. ant. dissert. 1.* quem ipse Parisiis in museo ad S. Genovefam vidisse se meminit.

*Argentæ
monetæ.*

Argentum Romæ signatum est quinque annis ante primum bellum Punicum Q. Ogulnio, & C. Fabio Consulibus anno V. C. 485. Fabii hujus numum Harduinus habuit ita inscriptum: C. FABI. C. F. EX A. PV. *Cajus Fabius Cai filius: ex argento publico.* Argentei numi alii Denarii dicti; quod decem asses valerent: eorum nota X vel X decimum numerum denotat. Alii *Quinarii*, quia quinque assibus æstimati, litera Q, vel numerali nota V. signati sunt. *Sestertius*, quasi sesquitertius, numus dicitur, qui duos asses, cum semisse valet. Hinc ita notatur HS, vel HS vel IIS, id est: duo asses, & semis. Observatum illud est: cum sestertia neutro genere efferuntur, totidem millia indicari, quot numerus adjunctus mo.

monades continet; ut Quina sestertia; vel sestertium, valent 5000. sestertiorum. Dum vero numerus adverbio exprimitur; valet totidem centena millia. Sic decies sestertium, conficit summam decies centenorum millium sestertiorum; cujus rei exemplum in Augustorum numis afferetur. Reperiuntur etiam denarii notæ XVI. & quinararii VIII. qui tunc temporis totidem assibus, variato valore, mutati sunt.

Argentei numi primum capite galeato Romæ, aut Castore & Polluce in equis, stella utriusque pileo imminente, signati sunt; deinde bigis item, aut quadrigis: unde *bigati*, & *quadrigati* nominantur: *Victoriat*, quibus victoriæ simulacrum inesset; *Ratiti* vero appellati sunt, qui ratem præ se ferrent, quales etiam ænei Quadrantes, & Trientes visuntur. Subinde moneta argentea, pariterque aurea (quæ tertio decimo anno belli secundi Punici, qui fuit V. C. 547. percussa est) variarum rerum figuris, & Virorum illustrium nominibus, ac gestis signatæ fulserunt, præsertim inclinante Republica; quo tempore, & æneos complures Monetarii suis nominibus insignivere, addito muneris indicio IIIVIR. A. A. A. F. F. *Triumvir auro, argento, ære flando, feriundo*. Paucula hæc præmonitum isthic tironem oportuit; quæ tamen ipsa haud exiguum jam lumen ad Rei Romanæ notitiam affundunt.

Historiæ Romanæ, quæ ab exactis Regibus ad Augustos pertinet, invenusta profecto fors est; quippe cujus scriptores fere non novimus, nisi aut deperditos, aut mutilos. Mœsti inspicimus Livii, ac Dionis hiatus: amissa, Attici, Hygini, Messalæ, Terentii Varronis, & commentariorum illorum, quorum Gellius L. 10. meminit, desideramus monumenta; quando horum ope illustrari, & ordinata magis serie texti Romana posset historia: tot familiæ, tot virorum nomina, & facta egregia ab oblivione vindicari: Fasti denique Romani in meliorem formam redigi.

Argenti & auri typus.

Historiographi nominis suppleri debent.

digi. Dolorem hunc magnam partem numismata antiqua, quæ Familiarum Romanarum dicimus, mitigarunt; his enim multa virorum, ac familiarum nomina, gestos magistratus, & præclare patrata, memoriæ posterorum adserta, in acceptis referimus. De nominibus primum, tum de gestis magistratibus, denique de factis illustribus e numis aliqua perstringam.

*Nominum
Romanis
usitatorum
diversa,*

Tria fere Romanis, nobili genere oriundis, fuisse nomina constat. Primum *Prænomen*, quod habet quidam affine illi, quod nos cum sacro Baptismate fortimur. Alterum *nomen* proprie dictum, quod gentem, seu familiam notat. Tertium *cognomen*, aut *agnomen*, quod variis ex eventibus, causisque desumptum plures ejusdem familiæ, eodem etiam prænomine usos, discerneret.

Prænomina.

Prænomina cum alia multa e numis Familiarum condiscimus, tum illa, quæ familiis nonnullis erant propria; atque adeo, ad ipsa eruenda nomina, facem præferre possunt; quandoquidem nec omnia tria nomina, nec eo, quomodo diximus, ordine in numis, librisque perpetuo comparent. Itaque e numis constat: gentem *Domitiam* Ænobarborum sola prænomina CN. aut L. *Cnei*. aut *Lucii* usurpasse: *Aquiliam*, seu *Aciliam* pronomine *M. Manii* gavissam esse: *Sulpitiam*, SER. *Servii*: *Claudiam*, seu *Clodiam* AP. *Appii*: *Æmiliam* gentem MAM. *Mamerci* prænomen amasse; quod postremum etiam nominis loco deinde positum fuisse Æmiliorum numi ostendunt. Prænomen N. *Numerius* Fabiæ genti familiare fuit, cujus e numo ita inscripto: N. FABI. PICTOR. *Numerius Fabius Pictor*. LIVII editiones L. 37. c. 47. & 50. corrigendas esse monuit Spanhemius; ubi habetur, Q. *Fabius Pictor*, nam in antiquioribus exemplaribus, loco Q. legebatur M.; sed enim N. *Numerium* & non *Quintum* vel *Marcum* scribi oportere numus evincit; cum alium hoc tempore Fabium Pictorem fingere non liceat. Id etiam numi nos monent:

eadem prænomena non raro ad filios, & nepotes transiisse: uti L. CAECILIVS. L. F. L. N. *Lucius Cæcilius Lucii filius, Lucii nepos.* AP. CLAVDIVS. AP. F. AP. N. Aliaque his similia.

Cognomina, ignota fere ante hac, ad quam familiam *Cognomen.* pertineant, numismata rursus commonstrant. Ita in Accoleja Familia Cognomen LARISCOLVS, in Canidia CRASSVS, in Confidia PAETVS, detecta sunt &c. Sola etiam Cognomina nonnunquam in numis exprimuntur; ac tum ex aliis, ubi Familiæ nomen additur, dignoscuntur: ita TVRDVS ad Papiriam, BVRGIO ad Juliam, ACISCVLVS ad Valeriam gentem spectare animadversum est. Ipso etiam symbolo cognomina nonnunquam indicantur: ita: Q. VOCONIVS. VITVLVS. cum vituli imagine; Valeriæ gentis, modo relatæ, inscriptio ACISCVLVS, cum acisculo comparet, quod est latomorum instrumentum, malleo simile. Ita Q. Pomponius Musa, Musam in numo exhibet: P. Accolejus Lariscolus, Phaëtonis sorores, in larices conversas: Publius Malleolus, malleum: L. Lucretius Trio, Septem stellas, Triones dictas: Furius Crassipes, pedem: Scarpus manum, quæ Græcis *καίρος*: Florus florem: Acilius, Salutis simulacrum; quod *Acilius* ab *ἀντίποινα*, vel *ἀντίποινα* derivatum fuisse crederetur. Offerunt sese etiam bina Cognomina absque nomine, cum Prænomine tamen; ut Q. METEL. MACEDONIC. *Quintus Metellus Macedonicus*, qui fuit de gente Cæcilia: L. PISO. FRVGL de Calpurnia; atque alia similia. Id quidem eo factum, quod in eadem gente, quæ fecunditate accresceret, Cognomina varia, novas stirpes subnatas discernebant, atque ita, quæ Cognomina antea essent, in Nomina jam assumerentur. Talia in numismatis observantur ex Æmilia gente, PAVLLVS. LEPIDVS. REGILLVS. SCAVRVS. BVCA. e Sempronia, GRACCVS. e Claudia, NERO. PVLCHER. MARCELLVS.

LVS. e Cornelia, COSSVS. LENTVLVS. SVLLA. CE-
 • THEGVS. SCIPIO. &c. qui Scipiones e suis cognomini-
 bus honorum, aliisve, novas rursus stirpes suffecere :
 AFRICANORVM. ASIAGENVM. HISPALORVM. NA-
 SICARVM. SERAPIONVM.

Idem etiam vocabulum alterius familiæ quandoque
 cognomen, alterius prænomen legitur. L. ÆMIL. M. F.
 PAVLLVS. *Lucius Æmilius Marci filius, Paullus.* Hic
 Paullus, Æmiliæ cognomen est. In alio PAVLLVS. LE-
 PIDVS. Hic Paullus prænominis loco est. Tum hæc
 etiam: PRIMVS. SECVND. TERTIVS. QVARTVS. Q.
 QVINTVS. D. DECIMVS. prænominum alias, alias co-
 gnominum vicem subeunt. Dum vero e sua, in aliam
 familiam quis adlectus est, nomen veteris familiæ suæ, ex
 qua adoptatus est, tanquam cognomen adjungebat, mu-
 tata fere terminatione ex *us* in *ianus*; Nomen vero fami-
 liæ, in quam adoptabatur, Nominis proprii loco pone-
 bat. Ita e numis etiam, quam quis in familiam, & ex
 qua adlectus sit, patescit; qui id genus vocabula integre
 etiam scripta referunt: A. LICINIVS. NERVA. SILIA-
 NVS. e Silia gente in Liciniam: CN. LENTVLVS. CLO-
 DIANVS. e Clodia in Corneliam Lentulorum adoptatus
 esse noscitur. Vide etiam DIONEM L. 46.

*Nomina
 propria.*

Nomina porro, seu propria gentium, aut familiarum
 vocabula non modo plurima e numis suppetunt; sed, quod
 caput est, illa etiam, de quibus altum apud historicos si-
 lentium: & item illa, quæ, effigie addita, gentis origi-
 nem produnt. In unica Fulvii Ursini numorum Consu-
 larium collectione Familiæ Romanæ, quas in scriptoribus
 frustra quæras, detectæ sunt: Cipia, Crepusia, Durmia,
 Fabrinia, Sepulia. Patinus deinde Minciam, ac Treba-
 niam memoriæ posterorum e numis restituit. Vaillantius
 e Coloniarum numis Alitiam, Aliariam, Alustiam, Brag-
 giam, Lurinam, atque alias protulit. De Vatronia fa-
 milia

milia, nostro in numo reperta, in Appendicula dicetur. Mitto quas antiquarii præterea, pene jam intermortuas, in lucem historiæ e prisco ære protraxerant; uti Accolejam, Calvisiam, Cordiam, Egnatulejam, Moeniam, Pin-
niam, atque alias. Originem autem gentis, quo pacto numorum effigies aperiant, e paucis conjice. In Pomponiæ gentis numis, Caput, & nomen NVMAE. POM-
PILI. legitur; nam teste PLUTARCHO in *Numa*, a Pomponio, Numæ filio, ea gens descendit. Ita in Tulliæ gentis numismate, SERVIVS. Tullius; in Marcie, ANCVS Mar-
cius, visuntur. Juliæ gentis moneta, Veneris, & item Æneæ, patrem tollentis, imagines exhibet, cujus filius Julius posteris nomen dedit. Priscorum vero Regum, aut Consulum capita hisce in numis expressa tiro cum viderit; caveat, eorundem tempore cufos ne credat: id feri nepotes pietatis, & memoriæ causa faciundum curaverunt.

Tandem e nominibus eluctamur. At enim, quando in eo pars Historiæ magna sita est: nosse, quinam, quo nomine, & quam e gente fuerint, quorum præclare gesta enarrantur; temporis in nomina impensæ minime poenitet. Ad gestos magistratus gradum facio, quorum adeo longus ordo produci e numis posset; ut altero libello opus esset, si, quod quique, aut qua ex Familia, munus publicum administrarint, afferre vel præcipuos vellem. Brevitati cum studeam, enumerabo duntaxat magistratum nomina; quæ tamen in numis, suis etiam honorum insignibus, armis, vestitu, præmiis, aut aliis denique symbolis egregie illustrantur. Objiciunt igitur hic sese Religionum antistites: PONTIFEX. MAXIMVS. AVGVR. cum suo lituo, qui baculus est, superne recurvus. QVINDECIMVIR. SACRIS. FACIVNDIS. FLAMEN. MARTIALIS. & QVIRINALIS. SEPTEMVIR. EPVLONVM. de quo alibi. Rursus Reipublicæ ordinarii Rectores intra urbem: CONSVL. cum lictorum fascigerorum,

rorum, aut solis fascium iconibus. CENSOR. cum adducto ante tribunal equo. PRAETOR. AEDILIS. CERVILIS. suis etiam ille fascibus, hic Sella Curuli insignes. Tum minores alii magistratus: AEDILIS. PLEBIS. QVAESTOR. VRBANVS. PRAEFECTVS. VRBIS. TRIVMVIR. & QVATVORVIR. A. A. A. F. F. PROTRIVMVIR. CVRATOR. DENARIORVM. FLANDORVM. Iterum magistratus extra Ordinem constituti: DICTATOR. TRIVMVIR. REIPUBLICAE CONSTITVENDAE. & AD. FRVMENTVM. EMVNDVM. Denique extra Urbem magistratus leguntur: IMPERATOR. PROCONSVL. PROPRAETOR. LEGATVS. AVGVSTI. LEGATVS. PRO. PRAETORE. QVAESTOR. PROCONSVL. PROQVAESTOR. TRIBVNVS. MILITVM. PRAEFECTVS. CLASSIS. ET. ORAE. MARITIMAE. TRIVMVIR. Coloniae deducendae, aut reficiendis Sacris aedibus. DVVMVIR. QVINQVENNALIS. qui Duumviri Censorum munere in Coloniae fungebantur.

Numi Historici.

Verum non Magistratus tantum, alia etiam praecclare gesta numi Familiarum suppeditant, quorum pauca quaedam hic exempla adducam. Extat Aemiliae gentis numisma, in quo virilis persona flectit genu, dextra oleæ ramum porrigit, sinistra frænum adstantis cameli moderatur. Inscriptio: M. SCAVR. AED. CVR. EX. S. C. *Marcus Scaurus Aedilis Curulis, ex Senatus Consulto.* Infra: REX. ARETAS. Scaurus nempe indicatur recepisse in fidem Populi Romani supplicem Aretam, Regem Arabiae, cuius symbolum camelus est. Simili plane cum typo in alio numo occurrit BACCHIVS. IVDAEVVS. Arabiae item Regulus, aut Judææ Ethnarcha, de quo silent historici: nomen illius, cui se supplex Bacchius submiserat, altera ex parte legitur: A. PLAVTIVS. AED. CVR. S. C. *Aulus Plantius Aedilis Curulis, Senatus Consulto.* Cornelii Sullæ numus, eundem in folio sedentem exhibet, pone
Re-

Reges Numidiæ, & Mauritanïæ genua flectunt, nempe Bocchus, & Jugurtha; epigraphe: FELIX. quod cognomen ab Sulla assumptum esse, etiam veteres inscriptiones testantur. Aliud numisma nos intueri fingamus, in quo Victoria quadrigam urgens invehitur, quæ victoria fuerit, inscriptio clare docet: P. HVPSAEVS. AED. CVR. C. HVPSAE. COS. PREIVER. CAPTV. *Publius Hupsæus Ædilis Curulis, Cajo Hupsæo Consule Priuernum Captum.* In Æmiliæ rursus gentis numo tres vincti propter trophæum adsunt, ad quod vir togatus dextram extendit; inscriptio. PAVLLVS. TER. in alio simili L. PAVLLVS. Nempe Perseum Macedoniæ Regem cum duobus filiis ab Æmilio Paulo in triumphum abductos, atque ter triumphatum esse, numus ostendit; unde & Paulo huic Macedonici nomen accessit. Denique in Marci Lepidi numo, ipse repræsentatur, coronam imponens Ptolemæo Regi Ægypti, qui sceptrum cum insidente aquila gestat; epigraphe: TVTOR. REGIS. M. LEPIDVS. PONT. MAX. *S. C. Tutor Regis Marcus Lepidus, Pontifex Maximus, Senatus Consulto.*

Pauca hæc exempla, e nominibus familiarum, Magistratibus, aliisque gestis delibata indicium haud leve faciunt, quantum juvari Historia, ac Fasti Romani ex omnium coævorum numismatum copia possint. Certe felix ille rerum Italicarum investigator Carolus Sigonius, & Onuphrius Panvinus, Fastorum veluti Pater, diserte professi sunt: ille Denariorum, iste omnis generis numorum ope, se plurimum profecisse. Iisdem usi sunt mediis, qui præterea ad Fastos, ac Historiam Romanam perpoliendos manus admoverunt: Hubertus Goltzius, Stephanus Vinandus Pighius, Eminentiss. Norisius in emendationibus ad Fastos, & in Epistola Consulari. Atque id causæ erat viris eruditissimis cur tanto studio numos familiarum conquirerent, ac eruditis animadversionibus ornatos, cum

Numerorum familiarum collectores & interpretes.

literato orbe communicarent. Ingenti Historiæ emolumento Fulvii Ursini, Patini, Goriæ, & Vaillantii Collectiones in lucem prodire, Doctissimi Havercampii curis aliquantum auctæ. Neque defuere alii viri doctissimi, qui suam egregie symbolam huc conferrent: Antonius Augustinus, Spanhemius, Begerus, & nuper Liebeus in Gotha Numaria. Quid si Morellii collectionem integram mors viri solertissimi nobis non eripuisset? Quid si Christoph. Adamus Rupertus perficere potuisset opus, de cujus molitione ita ad Reinesium scripserat? *Et quantus numismatum numerus est, quæ nec ipsi (Fulvio Ursino) nec aliis tentata, spem certam mihi faciunt fore, ut in ipsis utiliter laborem, & in multis cibum sumam minime præmansum.* Nova nempe subsidia e numis adhuc Historia præstolatur, quorum ope illustratam eam esse, auctamque tum hæcenus vidimus, tum ex Augustorum numis luculentius comprobabitur.

CAPUT III.

Ad Historiam Augustorum, eorundem numismata quid faciant?

*Historia
Augusto-
rum numis
adjuvanda.*

Consularia numismata numero perinde, atque typorum varietate, & majestate quadam longe inferiora sunt iis, quæ ad Augustorum seriem referuntur; adque idcirco Historiæ Augustæ uberior itidem isthinc utilitas provenit. Sane tot Orbis Dominatorum non jam sola nomina, titulosque, sed expressos ad vivum vultus, sed consignata gesta, honorum insignia, aliaque monumenta coram oculis usurpare; quantum jam sola hæc res ad figendam tot personarum, ac rerum illustrium memoriam habet momenti? Deinde recte coordinatam, & absolutam Augustorum, Augustarum, Cæsarum, atque his affi-

affinium seriem, historicorum veterum nemo est, qui æque præstare, ac veterum numismata, argentea præsertim, possint. Atque de illa quidem temporum conditione, qua sub tertii Augustorum sæculi medium Romana se haberet Historia, ita questus est R. P. BANDURIUS loco supra citato: *Sed cum plurima complectatur pene supra veri fidem, tum etiam destituta est historicis, aut scriptores plane nugaces, & imperitos nata est, ex quibus nihil fere extundi potest, quo stirpium series illustretur, demonstreturve temporum ratio. Hoc incommodo maxime laborat Deciorum historia. Quæ Trajani Decii uxor fuerit, diu addubitatum est, nunc constat (e Græcis numis, qui Herenniam cum Decio exhibent) Herenniam Etruscillam fuisse, ex eoque matrimonio natum Herennium Etruscum.* Verum aliorum etiam temporum historicam seriem ex Augustorum prisco ære integrari posse, manifestius ut constet; argumenti loco quorundam nomina hic recensebo, quorum notitia veteribus numis, non historiographis debetur.

Vespasiani Aug. filius ΟΥΕΣΠΑΣΙΑΝΟΣ. ΝΕΩΤΕΡΟΣ. *Ves- Series Augustorum, numismatum ope expleta.*
spasianus Junior e Smyrnæorum numismate ab Harduino prolatus est. Marcianam Trajani Sororem, ejusque filiam fuisse Matidiam, e numis, ac marmoribus innotuit. Antonino Pio binos filios tribuunt historici; sed quinam illi? alterum quidem numisma græcum nominat, in quo legitur: Μ. ΤΑΛΕΡΙΟΣ. ΑΝΤΩΝΙΝΟΣ. ΑΤΤΟΚΡΑΤΟΡΟΣ. ΑΝΤΩΝ. ΤΙΟΣ. *Marcus Galerius Antoninus, Imperatoris Antonini filius,* Sallustiam Barbiā Orbianā Severi Alexandri uxorem fuisse, e similibus monumentis ostendit Vaillantius. Tranquillinā Gordiani Pii uxorem, *Furiam Sabiniam* compellatam esse: Hostilianum, hæc etiam habuisse nomina: *Cajus, Valens, Messius, Quintus*, e numis patuit; quorum ope itidem Decii filium fuisse Hostilianum, & cum Herennio fratre Cæsaris, ac Principis Juventutis titulo gavisum

visum esse, Bandurius demonstrare contendit. Gnea Cornelia Supera, non nisi e numis nota, a Vaillantio, & Comite Mediobarbo Valeriani junioris conjux declarata est; Posthumi vero, Junia Donata a Chifletio. Domitium Domitianum, quem ZOSIMUS L. 1. refert, in suspicionem rerum novarum cum aliis duobus ducibus Epitimio, & Urbano venisse, ac statim poenas dedisse; numismata Augustum, & anno amplius imperium tenuisse, Patino, aliisque vadibus asserunt. Eadem instrumenta Marinianam Licinii Valeriani: Severinam Aureliani uxorem prodiderunt. Nimiis ne sim, prætereo, quæ de Pacatiano Tyranno, de Severiano, Valerii Severi filio, de pluribus Constantinis, & Constantiis, de Constante Juniore, atque de Magnia Urbica, e numis antiquarii erudite eruerunt, aut probabili conjectura assecuti sunt.

*De adversa
facie nu-
merum
Augusti.*

Jam vero ad penitiorum Historiæ Augustæ notitiā, alia quædam, ex adversa, averſaque numerum parte decerpemus, quæ aut scitu magis necessaria, aut illustria occurrunt. Adversa igitur numerum istorum facies, Augustorum, Augustarum, Cæsarum, ac Tyrannorum caput, nomina, titulosque præ se fert, titulo etiam in alteram nonnunquam partem excurrente. Nomina quod attinet, nolo hic eorum Syllabum texere, qui prolixus nimium foret. Si rem compendio vis, GOLTZII *Theſaurum Rei Antiquariæ* consule. Ipsos etiam e numis expressos vultus, & brevem vitæ notitiā si præter nomina cupis, LAURENTII PATAROL præclarum opusculum adhibe, quod inscribitur: *Series Augustorum, Augustarum, Cæsarum, & Tyrannorum omnium* &c. Quod si præterea numerum latinorum (nam Græcos Vaillantius dederat) Augustam seriem, ordine chronologico digestam, quis petat; Comitum Mediobarbi opus, a Doctissimo Argelato auctum, & emendatum comparet. Raritatem porro docet Vaillantius

lantius in libro, cui titulus: *Numismata Imperatorum Romanorum præstantiora.*

Tum ea, quæ de nominibus Romanorum in numis Familiarum dicta sunt, huc etiam lumen aliquod adferre possunt. Id tamen hic monendus est tiro: quorundam Augustorum nomina, qualia vulgo circumferuntur, in veteri metallo nuspiam deprehendi. Ita nunquam Caligula, sed Cajus: nunquam Caracalla, aut Heliogabalus, seu rectius Elagabalus; sed uterque: Marcus Aurelius Antoninus legitur. Nam altera illa, agnomina erant potius, quæ numorum majestas respuebat.

Ad Honorum titulos me converto, quorum præcipuos, qui in numis Augustorum reperiuntur, ipsorum fere numorum ope exponam; quandoquidem magnam Historiæ Augustæ, & Politici status partem horum cognitione illustrari existimo.

IMP. *Imperator* in græcis ΑΤΤΟΚΡΑΤΩΡ. Titulum *De Titulis Augustorum &c.* hunc triplici notione sumptum esse, numi etiam palam faciunt. Primo, cum quis belli gerendi Dux a Senatu renunciatus est semel, aut sæpius; uti in familiarum numis legere est: ANTON. IMP. *Antonius Imperator.* SVLLA. IMPER. ITERVM. &c. ubi ipsa vox: ITERVM denotat, Imperium semel collatum abrogari, atque aliud conferri e Senatus arbitrio, dum Respublica valebat, potuisse. Deinde Imperatoris nomen, prænominis loco ab Augustis assumptum, perpetuum imperium significat; uti frequentissime legere est: IMP. CAES. *Imperator Caesar* &c. & quidem sine ullo ITERVM, aut TERTIVM, quod perpetuitas has innovationes non recipit. Tertio cum Imperator præter prænominis locum etiam ad cognomina Augustorum adjungitur, uti: IMP. CAES. DIVI. F. AVGV. STVS. IMP. XXI. *Imperator Caesar, Divi filius, Augustus, Imperator viceßmam primum.* tum fere, addito etiam numero, denotat, quoties Augustus ille post victoriam ob-

tentam a militibus Imperator acclamatus, & salutatus sit. Id quod declarat numerum talium typus averſus, ubi militum geſtientium figuræ, adſtante Auguſto, exhibentur; tum comprobatur numerus ipſe ad IMP. adjeſtus: qui, cum etiam bellorum geſtorum, ac relatarum victoriarum quandoque numerum excedat, ad acclamationes iſtas referendus eſt. Ita in Valentiniani Tertii, itidem in Theodoſii numo legitur: IMPER. XXXXII. *Imperator quadrageſimum ſecundum acclamatus.*

CAES. vel C. *Cæſar*. KAIZAP. Ita ab Julio Cæſare (nam Juliæ gentis vetus id cognomen erat) dici deinceps Auguſti omnes voluerunt, etiam qui poſt Neronem ad alias familias pertinerent. In Auguſtorum numis plerumque nomini proprio præponitur IMP. CAES. aliquando vero ſubjungitur: CAES. AVG. Nomen Cæſaris item gerunt Auguſtorum Filii, Nepotes, Adoptati, & in Collegas deſignati, ſed præpoſitum nomini; uti GERMANICVS. CAESAR. qui erat Tiberii Auguſti ex fratre Druſo nepos, & a Tiberio adoptatus. Q. HER. ETR. MES. DECIVS. NOB. C. *Quintus Herennius Etrufcus Meſſius Decius Nobilis Cæſar*. Decii Auguſti filius &c. Titulus hic NOB. C. vel N. C. *nobilis*, vel *nobiſſimus Cæſar*, a Philippo Juniore coëptus, tertio, & quarto ſæculo frequens occurrit. Cæſares, qui Auguſti non eſſent, nudo capite in numis fere exprimuntur: Auguſti lauro, aut corona radiata redimiti fere videntur. Primorum tamen Auguſtorum quidam, ut Octavianus Auguſtus, Tiberius, Otho, Hadrianus, & alii, capite nudo, aut, cum ſolo Cæſaris titulo, laureati comparent. Notio cognominis huius CAESAR. aut ab aliquo ex matris utero cæſo, aut a cæſarie repetenda eſt, aut ab Elephante per quemdam Juliorum occiſo, tempore belli primi Punici. Numum aſſert ANTONIUS AUGUSTINUS *Dial. 3.* in quo Elephas anguem calcans, infra: CAESAR. quod vocabulum Punice ajunt elephantem ſignificare.

TRIB.

TRIB. POT. vel TR. POT. vel T. P. Tribunitia Potestate ΔΗΜΑΡΧΙΚΗΣ ΕΞΟΥΣΙΑΣ. Ea potestas, cum sacrosancta haberetur, & legibus intercedendi jus daret, nunquam ab Augustis dimissa est. Attamen ut libertatis speciem omnem ne tollerent, eam quotannis sibi innotabant; hinc crescentes Tribunitiæ Potestatis numeros, singulis imperii annis, numi exhibent. Collegam quoque Tribunitiæ Potestatis eum fere tantum sustinebant, quem sibi successorem designabant. Sic in Tiberii numo TRIB. POT. XXXIIX. legitur, cum tamen ipse annis non amplius viginti tribus rerum potitus fuerit. Nempe ab Octaviano Augusto jam antea in Collegam TRIB. POT. assumptus est. Quod & Hadriani numus apud Vaillantium representat, in quo Trajanus, & Hadrianus dexteras jungunt, cum epigraphe: TRIBVNITIA. POTESAS. & in alterius simili typo. ADOPTIO. Unde a Trajano adoptatus, ac in consortium potestatis hujus adscitus Hadrianus colligitur. Titulus TRIB. POT. post Gallienum vix in numis amplius usurpatus est; atque in Constantino M. eundem expirasse putat LIPSIVS *de Mag. Vet. Pop. Rom. C. 15.*

COS. *Consul.* ΤΗΙΑΤΟΞ. vel ΟΥΤΙΑΤΟΞ. Notissimum hunc, & inter ordinarios magistratus supremum, Augusti continuum non gessere; quippe qui aliunde summam auctoritatem satis firmatam haberent. Numismata id etiam docent, in quibus nonnunquam idem gesti Consulatus numerus, cum accrescentibus usque Tribunitiæ Potestatis numeris adnotatur. Nam gesti Consulatus numerum tandem eundem, cum crescente singulis annis Trib. Pot. numero, adscribebant, donec rursus Consules fierent; quasi dicas: *Consul secundum, vel tertium &c. emeritus*; quod utique pluribus annis convenire potest. Ita exempli causa in Septimii Severi numis COS. III. *Consul tertium* conjungitur cum TRIB. POT. X. usque ad TR. POT. XVIII.

quod manifestat: eum interea temporis consulatu abstinuisse. Præterea cum consulatum Kalendis Januariis adire moris fuerit, Trib. Potestatem vero eo anni tempore sibi Principes innovarent, quo eam primum sumpsissent; potuit etiam hac de causa idem annus consulatus cum Trib. Potestatis diversis duobus conjungi.

PONT. MAX. vel P. M. *Pontifex Maximus*. ΑΡΧΙΕΡΕΥΣ. ΜΕΤΑΣ. vel ΜΕΓΙΣΤΟΣ. Religiosi hujus muneris erat, leges scriptas interpretari, ac cerimonias, & Sacra quæque supremo cum arbitrio moderari. Hunc magni momenti honorem, perpetuum retinuisse Augustos numismata etiam comprobant, in quibus PONT. MAX. titulus sine ullo iterationis numero consignatur. Sub tertii sæculi finem haud ita sæpe in ære adnotatus observatur; minime vero in Christianorum Cæsarum numis, qui eum detrectabant: uti peculiariter de Gratiano Aug. narrat ZOSIMUS L. 4.

P. P. *Pater Patriæ* ΠΑΤΗΡ. ΠΑΤΡΙΔΟΣ. Titulo hoc se ornatum esse M. Tullius magnifice deprædicat. Eodem Julius Cæsar, ac post eum Augustus, tum reliqui in Imperio Successores ab Senatu compellati sunt. Ingentem hunc honorem, cui tamen nulla propria potestas adnexa erat, Tiberius initio pertinaciter recusavit, quod & numi commonstrant, qui eo titulo carent. Nero etiam primum abnuit, juvenilem ætatem causatus: mox tamen recepit, Suetonio teste. Vespasianum sero, Trajanum etiam invitum hunc titulum acceptasse, Suetonius, & Plinius in Pænegririco memorant. Sed numi hos redarguunt, qui Augustos illos primo, aut altero Imperii anno Patris Patriæ nomine insignes proponunt. Jam vero P. P. A. inferioribus sæculis legenda esse: *Perpetuus Augustus*, vel *Pius-Perpetuus Augustus*, historicorum & veterum inscriptionum ope convenit.

PIVS. FEL. AVG. vel P. F. A. Pius, Felix, Augustus. ΕΥΣΕΒΗΣ. ΕΥΤΥΧΗΣ. ΣΕΒΑΣΤΟΣ. PIVS in nu-

numis Cæcilius Metellus, & Pompejus MAGNVS. PIVS. legitur. In Augustorum ære primum Antoninus PIVS appellatur; dein alii frequenter hoc cognomine usi sunt; quod utrum gentile nomen, an laudis titulus sit, variant sententiæ. FELIX. Sulla nominatus est, uti de ejus numo meminimus. Commodus Imperator, occiso Perenne, ut refert LAMPRIDIUS *in Com. C. 8.* ab Senatu Felix appellatus est; atque in ejusdem numis hic titulus primum, dein & in aliis Augustorum monetis legitur.

AVG. vel AV. vel A. *Augustus* ΣΕΒΑΣΤΟΣ. vel ΑΥΤΟΤΕΤΟΣ. Commune hoc eorum cognomen esse novimus, qui post Octavianum Romæ principatum tenuere. Augusta vocabantur, teste OVIDIO 1. *Fast.* sacra quæque, & templarite consecrata; hinc Augustos Sacros, & quasi viva templa dixeris. Titulus hic ab Octaviano primum, Romuli loco (quod nomen ei a Senatu offerebatur) susceptus, in reliquos manavit. Duos Augustos Collegas græci, ac latini numi primos sistunt M. Aurelium Antoninum, & L. Verum. Nam isthic utriusque Augusti aut caput, aut personas integras, additis etiam nominibus, ac titulis expressas, videre est. Augustorum denique Uxores, Matres, Sorores, ac Affines mulieres, Augustas etiam dictas esse e numis Marcianæ, Matidiæ, Juliæ Mamææ, atque uxorum copiosissimis aliis liquet.

AVG. etiam *Augur* legitur, sed raro. Id munus, ut in superstitioso populo, magni nominis fuisse Antonii numisma comprobatur, in quo ipse jam IIIVIR. R. P. C. *Triumvir Rei Publicæ constituendæ*, tamen Auguris titulum fert; quin & in Julii Cæsaris jam consecrati numo lituus, Auguris ad auguria instituenda instrumentum, consignatus cernitur. In Augustorum ære signato Auguris nomen vix deprehendes, præterquam in Vespasiani, AVGVR. TRI. POT. & in græcis Titi, ac Domitiani ΟΙΟΝΙΕΤΗΣ. *Augur* legitur.

CENS. vel **CE.** *Censor.* **ΤΕΙΜΗΤΗΣ.** Magistratum hunc fastigium quoddam honorum Plutarchus nominat; nam censor, supremus vitæ, ac facultatum, cum ingenti potestate, inspector erat. Censoriam Potestatem quidem Augustus, & ejus in Imperio successores susceperunt; Censoris titulum tamen non nisi Vespasianus, ejusque filii Titus, ac Domitianus in veteri metallo usurpasse animadvertuntur. Verum in specioso illo libertatis ludo Censoris personam sustinere alios etiam Augusti sinebant. Extat numisma L. Vitellii, qui erat Pater A. Vitellii, postea Augusti; in hoc caput laureatum Claudii Aug. refertur cum epigraphe: **L. VITELLIVS. COS. III. CENS. S. C.** *Lucius Vitellius, Consul tertium, Censor, Senatus Consulto.*

PROCOS. *Proconsul.* Id nomen olim summam belli potestatem, extra urbem, pro Consule administratam, notabat. Octavianus Aug. & successores, etsi re ipsa Proconsulis potestatem haberent, teste **DIONE L. 32.**, aut Filiis, Collegisve Proconsulatum darent; is titulus tamen in Diocletiani numismate, nec ante comparet. Aliter **ΑΝΘΥΠΑΤΟΣ.** *Proconsul* Magistratum Provinciæ Proconsularis indicat, de quo alibi.

D. N. Dominus noster. Hic titulus circa Diocletiani tempora invaluit, uti e numis colligitur. Eundem Octavianus Aug. detestatus est; Cajus vero, & Domitianus ambivere quidem Domini appellationem; sed numis committere non sunt ausi. In Antiocheno Getæ numismate apud Vaillantium primum occurrit hic titulus: **VICT. D. D. N. N. Victoria Dominorum nostrorum:** videlicet Getæ, & Antonini Caracallæ. Dei denique titulum, cum illo *Domini* conjunctum (ut nunc Græcorum levitati suum **ΘΕΟΣ.** & **ΗΡΩΣ** conniveam) Aureliani, & Cari numis adulatio inscripsit: **DEO. ET. DOMINO. NATO. AVRELIANO.** in altero: **DEO. ET. DOMINO. CARO.** quas appellationes viventibus adhuc datas fuisse putat Spanhemius.

De

De DIVI. ΘΕΙΟΥ. titulo, post mortem dato, deque Apo-
theosi Augustorum alibi mentio fiet.

PRINC. IVVENT. *Princeps Juventutis*. Antiquum
id, ac præcipuum Romanæ pueritiæ decus erat, quo or-
nabatur is, qui Trojam ludentibus nobilissimis pueris præ-
erat. Is ludus ab ipso Ænea institutus, uti VIRG. *L. 5. Æn.*
memorat, diutissime ab Romanis conservatus fuit. Au-
gusti deinde filios, ac nepotes eo titulo cohonestarunt,
quod ex istorum numis in promptu est: qui una decla-
rant, eos ludos equestres fuisse; quoniam equestri statua
plerumque Principes Juventutis effinguntur, uti: NERO.
ET. DRVSVS. TITVS. DOMITIANVS. GETA. & alii.
Quanquam aliquoties etiam inter militaria signa stantes
exhibeantur, ut: COMMODVS. PHILIPPVS. VALE-
RIANVS.

Cognomina honorum alia demum numaria penus ^{Tituli a}
subministrat, quæ cum totidem devictas gentes prædi- ^{devictis}
cent; historicam utilitatem per se ipsa eloquuntur. Hæc ^{gentibus.}
fere occurrunt: GERM. *Germanicus*, SARM. *Sarmaticus*,
BRIT. *Britannicus*, DAC. *Dacicus*, ADIAB. *Adiabenicus*,
ARM. *Armeniacus*, PERSICVS. GOTHICVS. nonnun-
quam adjecto: *Maximus*, ut PARTH. MAX. *Parthicus*
Maximus. Peculiarior illa sunt, in græco, atque latino
Volusiani numismate: IMP. C. C. VA. F. GAL. VEND.
VOLVSIANO AVG. *Imperatori Casari Cajo, Vandalico,*
Finnico, Galendico, Vendenico Volusiano Augusto. Hic no-
mina populorum indicantur, Sarmatiam incolentium; con-
tra quos expeditionem sub Gallo, & Volusiano susceptam
esse e ZOSIMO *L. 1.* colligitur. Illustrat & hic numus PRO-
LEMÆUM *L. 3. c. 7.* ubi similes Sarmatiæ populos enumerat.

Jam titulorum satias tironem ceperit. Vertamus ^{Pars avar-}
igitur numos, & quid ex averfa horum parte ad Histo- ^{sa numo-}
riam Augustam proveniat, tantisper indagemus. Verum ^{rum Aug.}
id mihi etiam hic dolet, ob tantam materiæ ubertatem ^{quanta bi-}
^{storia sub-}
^{ministrat.}
omit-

omittenda plura esse, quam vellem, & rei dignitas postulare. Quarum enim rerum hic non est consignata memoria, belli, an pacis tempore, domi, forisve, toto pene orbe gestarum? Magna illa licet, ast quoniam obvia in numis, & contrita sunt, silentio prætereo: Victorias, Triumphos, Sacrificia, Ludos, firmata Fœdera, Concordiam stabilitam, Pacem datam, aut partam: uti & frequentissima illa Neronis moneta Pacem totius Imperii egregie enarrat, in qua templum Jani clausum expressum est cum hac inscriptione: **PACE. P. R. TERRA. MARIQ. PARTA. IANVM. CLVSIT.** *Pace Populo Romano terra, marique parta, Janum clusit.* Neque de tot Exercituum, variis in terris militantium, numis, neque de aliis Legionum & Cohortium dicere hic vacat. Legionum certe in solis M. Antonii argenteis numis, viginti quatuor numerari solent; ac præterea sub Gallieno bene multæ suis etiam cum titulis, & insignibus non sine utili voluptate spectantur. De variis regionibus in potestatem Populi Rom. redactis, in Geographicis aliqua perstringam, & de Coloniais item, quarum plurima notitia numis debetur.

Hic igitur pauca carpam, quæ aut magnitudine se sua, aut peculiari ad historiam accessione commendant. Quid jam eo est illustrius, videre: queis gentibus Reges dederint Augusti? age sane videamus! In Trajani numismate, ipse sublimi in loco assidet, stante retro Præfesto Prætorii: Parthomaspaten, ad pedes suos assistentem, Trajanus protensa dextra Regem instituit, cum epigraphe: **REX. PARTHIS. DATVS.** In alio, Rex, genu flexo supplex comparet; pone legitur: **REX. PARTHVS.** Idem Trajanus alio in numo tres personas adstantes, e sublimi pegmate Reges renunciat; uti inscriptio fert: **REGNA. ADSIGNATA.** Simili in moneta Antoninus Pius effulget, ubi habetur: **REX. ARMENIIS. DATVS.** Illud porro Historicorum silentium egregie compensat, quod de

eadem Antonino numisma prodidit, in quo Antoninus representatur, barbaro adstanti dextram porrigens, cum epigraphe: REX. QVADIS. DATVS. Quadi populi Moraviam, & vicinam Austriæ partem incolebant.

Non vincere duntaxat populos, victisque adsignare Regna voluere Augusti; verum etiam parta tueri, ac detrimentum passa instaurare, iisdem curæ fuit. Tiberio imperante, multas Asiæ urbes terræ motu corruisse, TACITUS *L. 2. Ann. C. 47.* STRABO *L. 12.* aliique referunt. Eas urbes ab Tiberio instauratas, ejusdem numisma eloquitur, in quo Tiberius sedens, laureato capite exhibetur, dextra pateram, symbolum Pietatis tenens, sinistra hastam; cum epigraphe: CIVITATIBVS. ASIAE. RESTITVTIS.

Unius Hadriani numismata quot non id genus præconia afferunt? In his mulieris, uno genu nixæ, variæ occurrunt effigies; adstat Hadrianus, ac sublevandæ mulieri (quæ aliquam Provinciam, aut Urbem refert) dextram porrigit. Provincias porro inscriptio indicat: RESTITVTOR. ASIAE. item, AFRICAE. ARABIAE. ACHIAE. GALLIAE. HISPANIAE. ITALIAE. MACEDONIAE. MAVRETANIAE. PHRYGIAE. SICILIAE. BITHYNIAE, & urbis NICOMEDIAE. quam etiam EUSEBIUS *in Chronico* terræ motu collapsam, & ab Hadriano restitutam commemorat. His pariter e numis Hadriani profectioes colliguntur, quas plurimas ab Urbe instituit; quanquam eas alii numi expressis verbis referant: PROPECTIO AVG. & crebrius: ADVENT. AVG. *Adventus*, vel *Adventus Augusti*, addito etiam Provinciæ nomine, in quam advenerat, uti ARABIAE. ASIAE. &c. Post Hadrianum, M. Aurelius RESTITVTOR. ITALIAE. Lucius Verus ARMENIAE. & PARTHIAE. Gallienus, & Posthumus GALLIAE. in numis signati sunt: nec desunt, quibus RESTITVTOR. ORIENTIS. aut ORBIS. adscriptum reperias. Restitutoris titulus Augustis datus est; quod vel civilem

disciplinam, vel leges, ac mores, vel splendorem Provinciae, aliaque emolumenta in meliorem statum redegerint.

Munificentia Aug. exempla.

Pacis fructus quam dulces Romanis Augusti nonnulli reddiderint, toties datum populo frumentum, aut tesserae frumentariae, aut pecuniae distributae, in numis declarant, in quibus typi fere modium, cum spicis, aut Imperatorem, e sublimi munera largientem, exhibent, aut figuram muliebrem stantem, quae dextra tabellam attolit, in qua punctula aliquot videre est, tesserarum, aut munerum datorum valorem indicantia: est vero horum epigraphae: LIBERALITAS. AVG. vel PLEBEI. VRBANAЕ. FRUMENTO. CONSTITVTO. vel ABVNDANTIA. AVG. &c. In Elagabali numo, Sidone percusso, habetur modius, cum epigraphae: AETERNV. BENEF. *Æternum beneficium.* nonnunquam numero addito, quoties repetita sit largitio, ut: LIB. III. *Liberalitas Tertia* &c. Peculiariter Donativa militum, aut populi, in numis, iisque rarioribus, CONGIARIVM inscripta cum elegantibus figuris occurrunt, etiam numero adjecto, uti CONG. II. DAT. POP. *Congiarium secundum datum populo.* CONG. AVG. VIII. *Congiarium Augusti nonum;* & his similia.

Sed enim alia quaedam, atque singularia illa munificentiae Aug. exempla in veteri aere resplendent. Ab Cajo Augusto vestigal (quod *Ducentesima* dicebatur, aut a pecuniae numero, aut a parte bonorum pendenda) benigne remissum esse, ejusdem Caji numus indicat; in cujus media area hae notae extant: R. CC. *Remissa Ducentesima.* Ducentesimam hanc a Tiberio impositam fuisse Tacitus *L. 2. Ann.* monuit. Similem Galbae munificentiam bona historicorum pace nesciremus, nisi numismata ejusdem memoriam praestarent. In averfa horum parte arcus columnis ornatus assurgit, ad quem tres vincti debitores adstant, inscriptio: QVADRAGENSUMA. REMISSA. in alio:

alio: XXXX. REMISSA. rursus in altero, in quo figura Romæ stantis: ROMA.R.XL. *Roma, remissa quadragesima, seu quadragesima.*

E Nervæ numismate aliud beneficii genus, Augusta Justitia dignum, nobis innotuit. In eo palma arbor, Judææ symbolum, expressa cernitur, cum lemmate: FISC. IVDAICI. CALVMNIA. SVBLATA. Domitianus, Nervæ decessor, acerbissime ab Judæis exegerat: ut didrachmum quotannis Jovi Capitolino singuli penderent, quem Titus gentis debellator pendi imperarat. Deferebantur tum, per Fiscalium exactorum calumniam, innocui multi alienigenæ, quasi, ne didrachmum solverent, Judaicam originem dissimularent. Eam calumniam igitur, moderatione adhibita, a Nerva sublatam fuisse, inscriptio innuit. Ea res a DIONE CASSIO *Lib. LXVIII. sub initium*, manifesto testimonio comprobatur.

Ejusdem Nervæ munificentia Italiæ incolæ magno onere absoluti sunt, numo iterum historici vicem subeunte. Signati in illo videntur muli duo soluti, inscriptio: VEHICVLATIONE. ITALIAE. REMISSA. Vehiculatio onus erat, quo ad promovenda suis jumentis vehicula publica Italiæ incolæ adstringebantur.

Hadriani denique singularis liberalitas minime tacita abibit. Hic fisco suo, aut ærario publico debita, quæ jam a sedecim annis solvenda restabant, simul omnia condonavit. Referunt id quidem historiographi; at magnitudinem remissorum nominum exacte notatam numo debens, in quo lictoris figura, læva fascem virgarum, dextra facem gestat, qua abjectam humi chartarum congeriem exurit. Explanatio circum oram inscripta est: RELIQUA. VETERA. HS. NOVIES. MILL. ABOLITA. *Reliqua vetera, debita, sestertium novies millies abolita.* Horum nominum, quæ ad solvendum reliqua fuerant, summa novies millies centena millia sestertiorum conficit;

cum *novies* adverbio expressum sit, uti supra diximus. Jam si sestertii unius pretium, grossum nostratem statnam, quod proximum vero esse puto; summa hæc conficit quadraginta quinque florenorum nostratium milliones: dignum Romano imperio debitum, & Imperatore donum. Atque vel idcirco aliud Hadriano numisma haud immerito inscriptum est: **LOCVPLETATORI. ORBIS. TERRARVM.** Finirem, nisi me Antonini Pii beneficentia, illustri Pietati conjuncta, moraretur, cujus testes sunt duo Faustinae Senioris numi. Horum alter Antoninum in suggestu exhibet, adstante tritici modio: inferius puellæ circumstant, quas nempe Antoninus in honorem, ac memoriam Faustinae uxoris suæ, jam inter Divas relatæ, munifice alebat; inscriptio: **PVELLAE. FAVSTINIANAE.** Altero in numo infans a muliere porrigitur alteri mulieri, in pegmate stanti; fortassis præsidi ejus parthenonis alumna offertur: inscriptio eadem.

*Numisma-
tum Aug.
Collectores
& inter-
pretes.*

Paucula hæc, e numis Augustorum decerpta, exempli, ac stimuli loco tironi sufficiant. Si vero (quod desidero ab eo, qui proficere cupit) his contentus minime sit; ad eat eruditissimorum virorum elucubrationes, quæ post Æneæ Vici, Jacobi Stradae, Sebastiani Erizzi, & Adolphi Occonis (qui integram Augustalium numorum seriem primus conscripsit) laudabiles conatus sese offerent. Offerent autem se opera, Augustorum ordinem numis, ac doctissimis interpretationibus illustrantia, Patini, Angeloni, Tristani, Mediobarbi, Begeri, Harduini, Vaillantii, Pedrusii cum continuatore suo Petro Piovene e S. J. Tum pro declinantis Imperii Augustis, Celeberrimi Du Cangii & Bandurii collectiones eruditam aviditatem explere poterunt. Si plures nosse desideras, qui sparsim, & quibusdam eruditis dissertationibus historiam Augustam e numis adjuverunt, Anselmi Bandurii Bibliothecam Numa-
riam consule.

CAPUT IV.

*Numismata Regum, & Urbium, atque alia,
quid Chronologia serviant?*

Veterum Regum historiam, & chronologicum, Chronologia
etiam Augustorum, ordinem non optime habuif- numisma-
se, ex ipsis scriptorum tenebris elucet. Ubi pri- tica illu-
mum numorum veterum accessit studium, vidimus Re- stratores.
gum series instauratas, & locupletiores, atque historias
varias meliori temporum ordine digestas. Vaillantius certe
Seleucidarum Imperium, seu Regum Syriæ historiam, pa-
riterque Ægypti Regum, ad fidem numismatum accom-
modatam coordinavit. Quantos Chronologiæ nodos sa-
gacissimus P. Harduinus in libro de numis Herodiadum, &
de numis Populorum, & Urbium: item in Chronologia
Veteris Testamenti diffuere aggressus est? quot incerta No-
risius in Epochis Syromacedonum, atque aliis in disserta-
tionibus, numorum ope fecit, satis certa ut essent? Quid
ad Regum collustrandos, & corrigendos ordines non præ-
stiterunt, ut de aliis nunc fileam, eruditissimi viri Bege-
rus, & Spanhemius? in quorum libris Regum numi-
smata invenire est, non jam notiora illa Macedoniæ, Sy-
riæ, Ægypti, Siciliæ; sed ista etiam: Regum Parthiæ,
Edessæ, Thraciæ, Ponti, Bithyniæ, Cariæ, Cappado-
ciæ &c. & quarundam Reginarum. In Begero præterea
Pyrrhus Epirota, Nicoclia Heroïna, Donnus alpium
Regulus, Commius Atrebas, Indutiomarus Trevir, alii-
que suis quisque in numis conspiciuntur. Urbium deinde,
græcarum imprimis, cum numerosissima jam habentur nu-
mismata, tum alia usque, aliaque inveniri compertum
habeo. Vetera igitur tot instrumenta, qua ratione Chro-
nologiæ subveniant, ut delibare quidpiam tiro possit, de

numerorum notis præmittendum est aliquid, quibus anni in ære veteri significantur.

Nota annorum in græcis numis.

Græcis juxta, ac Hebræis in more esse scimus, ut numeros literis exprimant. Literis itaque, & majusculis quidem græca numismata annos indicant, ita ut A. valeat 1. B. 2. Γ. 3. Δ. 4. E. 5. pro 6. singularis nota ζ vel Ϝ. aut, ut in Antiocheno ære Ϸ interponitur. Deinde rursum Z. valet 7. H. 8. & Θ. 9. porro I. valet 10. K. 20. & sic usque 90. cujus nota iterum insititia est Q vel Q vel Υ vel Ϛ, quæ formæ literam Koph, orientalibus populis familiarem, referunt. Pergitur denuo: P. valet 100. Σ. 200. &c. litera Sigma post Domitianum fere perpetuo C. & non Σ. signata legitur; antea vero vix uno, alterove in numo C. sed Σ. comparet. Synchronus Domitiano MARTIALIS hujus Sigmatis C. meminit *L. 14. Epigr. 80. Lunata scriptum testudine sigma.* Ipsum porro anni vocabulum, aut prorsus omittunt, positis tantum numerorum notis: ut 5MP. anno 146. aut litera L. indicant, quæ est initialis τῷ Λυκάβατος anno, ut: L. AI. Λυκάβατος ἰνδεκάτῃ, anno undecimo. De quo vocabulo MACROBIUS *L. 1. Saturn. Annum vetustissimi Græcorum Λυκάβατα appellant.* Litera L. potius quam A. (nam utraque græca est) uti voluerant; ne usitator jam illa A, quæ valet 30, cum numeris confunderetur. Idcirco etiam vocem ETOTΣ anno, a multis loco Λυκάβατος usurpatam, non sola initiali litera E, quæ valet 5, confignarunt; sed ET. vel ETO. vel expresse ETOTΣ. Anno. Literarum porro numeralium ordo, utcunque locutus, nihil turbat; non enim loco alligatus est valor, uti in Arabico-Indicis numeris, quibus hoc tempore utimur. Sic, seu ponas L. AI. seu L. IA. annus undecimus indicatur. Jam vero hi annorum numeri numis impressi aut indicant, quot annis quis regnum tenuerit; quod ad Regum seriem chronologicam constituendam plurimum confert: aut initium aliquod memoria dignum, quod Epocham, seu Æram dicunt, iisdem

dem notatur; unde deducere annorum computum Reges, aut Urbes coeperunt. De præcipuis numismatum epochis aliqua attingam.

Prima est Seleucidarum epocha, quæ anno ab Urbe condita Varroniano 442. ante æram Christianam 312. incipit, quo Seleucus I. Syriæ Rex Media potitus est. Anteriorem hac æra numi certam non præstant. Nam qui in Thraciæ Regum numis occurrunt numeri, in anteriora quidem tempora recedunt; ast quorum incerta adhuc ratio. Æram Persicam vetustissimam in M. Aurelii numo, a Communi Lydiæ signato, quem in Appendicula exposui, satis certo me deprehendisse existimo. Pariter in eorum Regum ære, qui Alexandrum M. antecesserant, nec titulus ΒΑΣΙΛΕΥΣ. nisi in uno forte, alterove, nec numeri nota deprehenditur. Sic in vetustissimo Amyntæ Macedoniæ Regis numo, reperitur ΑΜΥΝΤΑ. cum figura equi, Thessaliæ symbolo. In alio legitur: ΠΕΡΔΙΚΟΥ. etiam Macedonis ante Alexandrum M. In antiquissimo Samiorum numo: ΠΟΛΥΚΡΑ. Σ. Πολυκράτης Σαμίων. *Polycrates Samiorum* Tyrannus. Ipsius subinde Alexandri M. numismata literas quidem, quæ arithmologæ videntur, præ se ferunt; sed quas ne Harduinus quidem, mirum illud, & perspicax ingenium, interpretari est ausus.

Seleucidarum igitur æra occurrit in numis Regum *Seleucidarum æra* Syriæ, in quibus a Seleuco Primo numeri, perpetuo in successoribus accrescentes, notantur. Eadem in numis Regum Arabiæ, & Parthiæ Adiabenicæ, ut Aretæ, ac Vologesi, & Pharnacis adhibetur. Urbes etiam bene multæ, hisce Regibus fere tum subditæ, hanc æram usurparunt: Apamea, Damascus, Emisa, Tripolis, Tyrus, Orthosia Phœnicum, Edessa, Palmyra &c. Ponti Urbes, & Reges Harduinus annos suos supputasse putat ab eo tempore, quo primus ex iis Pharnaces cum Romanis societatem inierit, estque annus V. C. 456. quod ex variis
Au.

Augustorum numis, in Ponto cufis, eruere satagit. Mithradatem tamen, *Magnum, & Eupatorem* cognomine, Seleucidarum æra usum esse, quippe qui Romanis infensus fuerit, numisma comprobatur: ΜΙΘΡΑΔΑΤΟΥ. ΕΥΠΑΤΟΡΟΣ. ΒΙΣ. *Mithradatis Eupatoris, anno 212.* nam si 212. addas æræ Seleucidarum 442., conficitur annus V. C. 654., qui congruit cum temporibus hujus Mithradatis. Alius ejusdem Mithradatis numus, nota Δ insignis, annum ejus regni quartum indicat. Spanhemius æram Ponticam deducendam censet a Primo Mithradate *κτίστη, Conditore*, seu fundatore regni, quem Morellius ad annum V. C. 448. retulit.

*Anni Regni
aut Imperii.*

Ptolemæi, Ægypti Reges, annos adepti regni suis in numis consignarunt; quod inde colligitur, quia & parvi sunt numeri, & cum novis Regibus, ad numerorum initia reditur. Augustorum deinde etiam numi, in Ægypto percussi, annos Imperii adnotatos exhibent, quod & aliæ quædam in Asia urbes præstiterunt: Cæsarea Capadociæ, Antiochia Syriæ, Metropolis, urbs Phrygiæ, Anemurium Ciliciæ. Nonnullæ & Imperii, & æræ suæ annos numis insculpserunt, cujus exemplum inferius affertur.

Alia epocha.

Æra celebrior altera, Pompejana ab anno V. C. 691. ducitur, dum Pompejus, in Syria inferiore victor, Romani Imperii fines protulit. Hanc monetis suis intulere Antiocheni ad Hippum, Dorenses, Gadarenses, Gazenses, Philadelpheni, Raphiotæ. Paullo post, nempe an. V. C. 705. æra Cæsariana, seu Antoniana cœpit; dum pulsus e superiore Asia Parthis, CAESAR. DICTATOR, & ANTONIVS. IMPERATOR, uti numi loquuntur, id bellum confecerant. Eam epocham pecuniæ suæ insculpsere Botryeni, Laodiceni, Ptolemaitæ, Raphaneotæ, Sinopenses, &c.

Rur-

Rurfus ab Actiaca victoria, devicto Antonio, & ÆGYPTO. CAPTA. uti habet numus Augusti, æram urbes quædam inchoarunt, quæ ad an. V. C. 723. statuitur, qui annus in numis græcis vocabulo: ΕΤΟΥΣ ΝΙΚΗΣ *anni victoriæ*, insignitus est. Harduinus tamen Actiacam æram ad a. V. C. 728. submovet, aliamque ab ASIA. RECEPTA. ut numisma Augusti indicat, ad a. V. C. 724. nempe incipiendo ab autumno anni V. C. 723. Augustanam appellatam, constituit; qua usæ fuerint urbes: Anthedon, Apamea, Laodicea ad Libanum, Leucadia Syriæ, & aliquamdiu Seleucia. Denique aliæ ab aliis annis sua tempora supputare urbes cœperunt, quibus aut conditæ, aut instauratæ, aut coloniæ jus, aliasve gratias adeptæ sunt, seu amicitiam, societatemve cum Romanis inierunt: quas epochas apud Vaillantium, Harduinum, Norisium, Goltzium, aliosque videre est. Nonnunquam eadem urbs varias successu temporum epochas adoptavit. Exemplo sit Antiochia Syriæ, quæ Seleucidarum æra primum usæ, Pompejanam deinde suscepit; quod ei Pompejus *Ἀυτονομίαν*, id est, *suis legibus uti dedisset*; eamque causam & numis simili vocabulo inscripserat. Actiacam etiam, seu Augustanam æram Antiochia adhibuit, in Augusti honorem: quam, etsi tempore esset posterior, prius tamen, ac Cæsarianam, in ære suo usurpavit. Denique eadem urbs in Tiberii primum numismatis Cæsarianam substituit, ob confirmatam, aut instauratam ab Cæsare *Ἀυτονομίαν*, a. V. C. 707. Numeratum tamen est ab anno 705. quia isto anno lustrum cœperat.

Majori tironum commodo hic subjungo alphabetico Catalogus Epocharum, Regionum, & Urbium. ordine Regionum, & Urbium Epochas, ex Vaillantio, Harduino, & Norisio desumptas, ac studiose inter se collatas. Ubi controversia intercedit, adnotavi; uti & causam cœptæ æræ paucis indicavi. Initium istarum fere omnium Epocharum deducitur ab autumno ejus anni

Urbis Condite Varroniani, cujus numerus adscribitur; nisi aliud admoneam. Adjunxi etiam Epochas a me primum, quod sciam, in Græcis numis detectas, de quibus fufius in Appendicula actum. Incerta, adjectione rē forte, notavi.

ABΩNOTEIXITΩN. *Abonotichitarum*. Paphlagoniæ. forte: 803
 AΔPAMNΩN. vel AΔPANNΩN. *Adramnorum*. Coelefyriæ.

Casariana.

705

AΔPIANOΠIOAEITΩN. *Hadrianopolitarum*. Ab anno XVI.

Hadriani. In Thracia. *circiter.*

885

AITEAION. *Ægeorum*. Ciliciæ. In numis etiam AΔEEAN-
 AΠOTΠIOAIC. & MAKPEINOTΠIOAIC. compellatur.
 Primo anno a Pharfalica pugna Julius Cæsar omnes
 Ciliciæ urbes Tarsum convocat, & Provinciæ res
 constituit.

707

AΔEEANAPEON. KAT. IΞON. *Alexandrinorum ad Issum.*

Ciliciæ urbes multæ Romanis junguntur, aut sub-
 jiciuntur.

686

AMACIAC. *Amasia*. Ponti ad Cappadociam. Harduinus
 ab an.

746

Norifius, & Vaillantius ab an. *circiter.*

743

E numo nostro Trajani in Appendicula colligitur: non
 coepisse æram ante

744

AMICOT. *Amis̃*. In Ponto Galatico. Urbs se liberat
 a Stratone Tyranno, qui eam Regibus eripuit.

721

ANAZAPBOT. *Anazarbi*. Ciliciæ. Augustus in Ciliciam
 venit.

734

ANΘHΔΩNOΣ. *Anthedonis*. Syriæ. *Augustana*. forte.

723

ANTIOX. ΠP. ΠΠION. *Antiochenorum ad Hippum montem.*
 Coelefyriæ. *Pompejana*. Pompejus Syriæ urbes a
 Judæis liberat.

691

ANTIOX. ΠP. CAPON. *Antiochenorum ad Sarum amnem.*
 Cappadociæ, vel Ciliciæ. Augustus in Cilices be-
 neficus. Norifius, & Vaillantius.

734

Hanc

- Hanc urbem, antea Comana dictam, ejusque æram pu-
tat Harduinus ab an. 746
- ΑΝΤΙΟΧΕΩΝ. ΜΗΤΡΟ. ΚΟΛΩΝ. *Antiochia Metropolis, Co-
lonia. In Syria. Quadruplicem æram adhibuit:*
Primo *Selencidarum.* 442
sub M. Antonio, & Julio C. deinde *Pompejanam.* 691
Tertio, sub Augusto, usa est *Augustana.* 723
Denique sub Tiberio, & reliquis *Casariana.* 705
- ΑΠΑΜΕΩΝ. *Apameorum. Coelesyriæ. Selencidarum.* 442
& *Augustana.* 723
- ΑΡΑΔΙΩΝ. *Aradiorum. Phoeniciæ. Excusso Regum jugo
Romanis se committit, & αὐτοκρατίαν accipit. Noris,
& Vaillant.* 495
Harduinus. 493
- ΑΡΕΘΟΥΣΑΤΩΝ. *Arethusanorum. Syriæ Phœnices.* 685
vel 686
- ΑΣΚΑΛΩΝΙΤΩΝ. *Ascalenitarum. Palæstinæ, vel Phœ-
nicæ. In libertatem se vindicat, bello Regum in-
testino, & Romanis jungitur.* 650
- ΑΥΤΟΥΚΤΑΝΩΝ. *Augustanorum. Ciliciæ. Romanis ac-
cedit.* 770
vel 771
- ΒΟΣΤΡΑ. *Bosra. Arabiæ Petrææ. Arabia Adquisita
a Trajano anno nono Imperii sui.* 859
- ΒΟΥΡΥΘΝΩΝ. *Bosryenorum. Phoeniciæ. Casariana.* 705
- ΒΥΒΛΙΩΝ. *Byblierum. Phoeniciæ. Harduinus, & Noris.* 734
Vaillantius censebat numum esse Caracallæ, quem Ela-
gabalo tribuit Hard. 748
- Ab Augusto ΙΕΡΑ. *Sacræ renuntiatur Byblus.*
- ΓΑΒΑΛΕΩΝ. *Gabalensum. Syriæ. Jul. Cæsar αὐτοκρατίαν dat.* 707
P. Harduinus. 708
- ΓΑΒΗΝΩΝ. *Gabenorum. In confinis Phœnices: urbs
Iturææ, vel Trachonitidos, uti ex numo nostro
conficitur.* 693

A Pompejo e servitute Judæorum libertati redditur.

vel 694

ΓΑΔΑΡΕΩΝ. *Gadarensum Pompeitarum*. Syriæ. Pompejana.

691

vel 690

ΓΑΖΑ. *Gaza*. Syriæ Palæstinæ. a Pompejo liberata. 693
Harduinus. 691

DACIA. PROVINCIA. Libertas a Philippo an. IV. concessa.

1000

Quo tempore anni cœperit æra, incertum est.

ΔΑΜΑΣΚΗΝΩΝ. *Damascenorum*. Decapolitanæ Syriæ. 442

ΔΙΟΣΠΟΛΙΣ. *Diospolis*, seu Jovis Urbs. Palæstinæ. Sub Domitiano aut condita, aut instaurata. *circiter*. 846

ΔΩΡΕΩΝ. *Dorensium*. in Cilicia. Cilicia filiis Ariarathis Regis a Senatu Romano concessa. Epocha hæc est a nobis eruta e numo M. Aurelii Cæsaris.

circiter. 623

ΔΩΡΩΝ. vel ΔΩΡΙΕΩΝ. *Doriensum*. Phœnices. Pompejana.

691

ΕΙΡΗΝΟΠΟΛΕΙΤΩΝ. *Irenopolitarum*. Ciliciæ. Sub Claudio. *circiter*.

805

ΕΜΙΣΩΝ. ΚΟΛΩΝ. *Emisenorum Colonia*, vel ΕΜΙΣΗΝΩΝ. In Phœnicia. *Seleucidarum*.

442

ΕΠΙΦΑΝΕΩΝ. *Epiphanensium*. Ciliciæ. Est tamen etiam Epiphania Coelesyriæ, quam Norisius Pompejana æra usam putat.

690

Illius vero in Cilicia æram Harduinus statuit, a foedere cum Romanis.

686

Denique aliam sub Cajo Aug. cœptam statuit Vaillantius.

791

ΖΗΛΙΤΩΝ. *Zelitarum*. In Ponto ad Cappadociam. Cæsar Pharnace victo Pontum recipit.

707

vel 708

ΙΕΡΟΚΑΙΣΑΡΕΩΝ. *Hierocasiensum*. Lydiæ. Civita-
tibus Asiæ Restitutis ex terræ motu, sub Tiberio.
Vaillant. 779

Harduinus æram incipit a Julio mense. 775

ΙΑΙΕΩΝ. *Iliensum*. Troadis. A Sulla beneficia accepit.
Vaillant. 673

Harduinus vero. 686

ΚΑΙΣΑΡΕΙΑΣ. ΓΕΡΜΑΝΙΚΗΣ. *Cæsarea Germanicia*. Palæ-
stinæ ad mare. Antea *Turris Stratonis*, dein in
honorem, & tempore Claudii Aug. Germanici,
nomen novum accipit. Harduinus. 795

Norifus a Cajo Cæsare deducit: dum Antiocho,
filio Antiochi, Commagenen, & Ciliciæ ma-
ritima dedit. 791

vel 792

Latinus numus COL. CAESAREA. L. IB. ΦΛΑ. αν. 12.
Flavorum: a Vespasiano beneficiis aucta. 823

ΚΑΙΣΑΡΕΙΑΣ. ΣΕΒΑΣΤΗΣ. ΙΕΡ. ΑΣΥΛ. ΥΠ. ΠΑΝΕΙΩ. *Cæsarea*
Augusta, sacra, & inviolata sub Panis monte. In Itu-
ræa. Latine CAESAREA. PHILIPPI. A Phi-
lippo Zenodori filio condita, & dicata Cæsari Au-
gusto, olim Lefen dicta. 751

ΚΑΝΘΘΑΙΩΝ. *Canthacorum*. Decapolitanæ Palæstinæ.
Pompejana. 691

ΚΑΠΙΤΟΛΙΕΩΝ. *Capitolienſum*. Cœlesyriæ. In memo-
riam Capitolii a Domitiano instaurati. 846

Harduinus Capitoliadem putat esse Æliam Ca-
pitolinam, seu Jerusalem.

ΚΥΡΡΗΣΤΩΝ. *Cyrrhestarum*. Cyrrhus, urbs Cyrrhesticæ
Syriæ. 442

Æram Seleucidarum in numo Alexandri Syriæ
Regis præ se fert.

ΛΑΟΔΙΚΕΩΝ. ΙΟΥΔΙΕΩΝ. *Julienſum Laodiceorum*. Syriæ.

A Julio Cæs. beneficiis aucta, subinde etiam Colonia facta.

706

vel 705

ΛΑΟΔΙΚΕΩΝ. ΠΡΟΣ. ΛΙΒΑΝΩ. *Laodiceorum ad Libanum.*
Cœlesyriæ.

442

Harduinus Laodiceos Libani eosdem facit cum Juliensibus, & Syriacæ Laodiceæ solum tribuit numos inscriptos ΛΑΟΔΙΚ. ΤΩΝ. ΠΡΟΣ. ΘΑΛΑΣΣΑΝ. Idem Laodiceus Cœlesyriæ in Chronol. Vet. Testament. etiam Augustanam æram tribuit.

723

ΛΑΟΔΙΚΕΙΑ vel ΛΑΟΔΙΚΕΩΝ. *Laodicea.* Cariæ, in Phrygiæ confiniis. Visto Antiocho, Asiæ urbes libertati restitutæ.

565

ΛΕΥΚΑΔΙΩΝ. *Leucadiorum.* & ΚΛΑΥΔΙΕΩΝ. Qui etiam dicuntur *Claudienses* in Cœlesyria; usi sunt æra Augustana a Gordiano incipiendo.

723

Usque ad Gordianum vero alia, a Claudio Aug., in ipsos benefico.

801

vel ex mente Harduini ab anno X. Claudii.

803

ΛΥΔ. ΚΟΙΝ. *Lydorum Commune.* Æra a nobis eruta e numo M. Aurelii. Est vetustissimæ æræ Persicæ instauration, a divisione Imperii Persici per Darium.

233

ΜΑΚΕΔΟΝΩΝ. ΚΟΙΝΟΝ. *Commune Macedonum.* A pugna Pharsalica.

706

ΜΟΥΣΕΑΤΩΝ. Cognomine ΑΔΡΙΑΝΩΝ. *Hadrianorum Museatorum.* Ciliciæ. Pompejus Piratis deletis 22. Ciliciæ urbes instaurat.

696

ΝΕΑΠΟΛΙΣ. ΣΑΜΑΡΕΙΑΣ. Cognomine ΦΛΑΥΙΑ. *Flavia Neapolis Samaria.* Subinde etiam COL. SERG. NEAPOL. Flavioꝝ æra.

823

ΝΕΟΚΑΙΣΑΡΕΙΣ. & ΝΕΟΚΑΙΣ. ΜΗΤΡΟ. *Neocæsarienses, & Neocæsarea Metropolis.* Ponti Polemoniacy. Polemo Rex Neróni cedit Regnum: Neocæsarea fit Metropolis. Vaillant.

815

Har-

Harduinus e numo M. Aurelii deducit, æram
non cœpisse, nisi

817

ΟΡΘΟΣΙΕΩΝ. *Orthosensum*. Phœnices. *Selencidarum*

442

ΠΕΛΛΑΙΩΝ. *Pellensum*. A nobis primum ex numo hujus
Pellæ, quæ in Decapolitana Syriæ sita erat, pro-
posita est æra, quæ Pompejana est.

691

ΠΟΜΠΕΙΟΠΟΛΕΙΤΩΝ. *Pompejopolitarum*. Ciliciæ. *Vide*
Epiphania.

686

vel

687

COL. PTOLEMAIS. *Colonia Ptolemais*. Phœnices.
Casariana.

705

Notis.

706

ΡΑΒΒΑΘΑΜΗΝΩΝ. *Rabbathamenum*. Syriæ. Sub Domi-
tiano aucta.

846

ΡΑΒΒΑΘΟΜΟΜΗΝΩΝ. *Rabbathmomenorum*. Arabiæ, vel
Palæstinæ tertiæ. A Nerone beneficiis aucta.

811

ΡΑΜΑΘΗΝΩΝ. *Rhamathenorum*. Palæstinæ; ut Ascalon.

650

ΡΑΦΑΝΕΩΤΩΝ. *Raphaneotarum*. Syriæ. *Casariana*.

705

ΡΑΦΙΑ. *Raphia*. Palæstinæ. Harduinus *Pompejana*.

691

Noris, & Vaillant. æram melius incipiunt an.

693

vel

697

ΡΗΚΑΙΝΗΚΙΩΝ. ΚΟΛΩΝ. Cognomine ΣΕΠ. *Septimiano-*
rum Rhesanensium Colonia. Mesopotamiæ. Ob re-
missum ab Hadriano tributum.

885

Noris.

886

ΣΑΜΟΚΑΤΕΩΝ. ΜΗΤΡΟΠ. Cognomine ΦΛΑ. *Flavio-*
rum Samosatenum, Metropolis. Commagenes. A Ve-
spasiano, inter an.

823

&

825

ΣΕΒΑΣΤΗ. ΙΕΡ. ΑΤ. ΝΑΤΑΡΧ. *Sebaste Sacra, propriis legibus*
utens, Classica. Ciliciæ. Fit Archelai sedes, Eleusa
ante dicta. *circiter*.

734

Nomen in honorem Augusti datum ab Arche-
lao R.

- ΣΕΒΑΣΤΗΝΩΝ. ΣΤΡΙΑΣ. *Sebastenorum Syria*. Olim Samaria, ab Herode in honorem Augusti ita compellata, dum instauraretur. Vaillant. 729
Sed Harduinus. 727
- ΣΕΛΕΥΚΕΩΝ. ΠΙΕΡΙΑΣ. *Seleucensium in Pieria*, regione Syriae. 691
Uti sunt vero prius, usque ad Tiberium, *Augustana* æra. 723
Norisius tertiam dat, a pace inter Antiochos, Cyzicenum, & Grypum fratres. 645
- ΣΙΔΩΝΙΩΝ. *Sidoniorum*. Phœnices. Ab Antiocho Cyziceno *ἀντιοχεια*. 643
vel 642. ex mente Harduini. Sub Elagabalo æram Græcorum recepit. 442
- C. I. F. SINOPE. *Colonia Julia felix Sinope*. Ponti Galatici. A Lucullo libertate donata est; qua æra usa est sub Augusto, & resumpsit sub Alexandro, & reliquis, uti ostendemus in Appendicula. 684
Altera æra a deducta Colonia per Jul. Cæsarem. 705
- ΣΚΗΨΙΩΝ. *Scepsiorum*. In Æolide. *Augustana*. 723
- ΣΜΑΤΤΩΝ. *Smattarum*. Ponti Asiatici. *forte*. 817
- ΤΙΒΕΡ. ΚΛΑΥΔ. *Tiberiensium Claudiorum*, seu ΚΛΑΥΔΙΟ ΤΙΒΕΡΙΕΩΝ. In Judæa, vel Galilæa. Antea *Chenoret* dicta. Sub Tiberio instaurata. 770
Epochæ initium in vere statuit Norisius.
- ΤΡΑΛΛΙΑΝΩΝ. *Trallianorum*. Cariæ. Antoninus Pius collapsam restituit. Vaillant. 898
Ab anno secundo Antonini Pii supputat P. Harduinus. 892
- ΤΡΑΠΕΖΟΥΝΤΙΩΝ. *Trapezuntiorum*. Ponti Cappadociæ. Æra a nobis primum deprehensa in numo Septimii Severi. Pontus fit Provincia Romana a Nerone. 816
vel 815

ΤΡΙΠΟΛΙΤΑΝ. <i>Tripolitarum</i> . Phœnices. <i>Pompejanam</i> primum adhibet.	691
deinde ab Augusto æram <i>Seleucidarum</i> .	442
Harduinus in Chronol. Vet. Testam. etiam <i>Cæsarianam</i> adfert.	705
ΤΥΡΟΥ. ΙΕΡΑΣ. ΜΗΤΡΟΠ. <i>Tyri sacra Metropolis</i> . Phœni- ciæ. <i>Græcorum</i> , seu <i>Seleucidarum</i> .	442
VIMINACIVM. P. M. S. COL. <i>Provincia Mæsia supe- rioris Colonia Viminacium</i> . Ab anno tertio Gor- diani Pii, in Aprili.	993
ΦΙΛΑΔΕΛΦΕΩΝ. ΚΟΙΛΗΣ. ΣΥΡΙΑΣ. <i>Philadelphiorum Cæle- syræ</i> .	691
ΦΛΑΟΥΤΙΟΠΟΛΙΤΑΝ. <i>Flaviopolitarum</i> . Ciliciæ. A Fla- vio Vespasiano condita, vel instaurata.	827
ΦΛΑ. ΧΑΛΚΙΔΕΩΝ. <i>Flaviorum Chalcidensium</i> . In Chalci- dene Syriæ. Sub Flavio Domitiano Romanis ac- cessit.	845

Cum pleræque Epochæ initium ab autumno ducant, atque adeo anno Romano, quod a Kal. Januariis coëpit, non integre respondeant; de hoc computo pauca monendus est tiro.

Primo: Si æræ initium certo jam sciatur, & occurrat in numis numerus æræ c. g. 8. quæ æra sciatur aliunde coëpisse autumno an. V. C. 798. tum adde 8. & erit 798 + 8 = 806. anno V. C. cujus autumno exiit annus octavus æræ. Si velis addere 7 = 8 - 1. habes an. 805. cujus autumno coëpit annus octavus æræ.

Secundo: Si æræ initium nescias, scias autem ex aliqua numi notâ, quoto anno Imperatoris, & consequenter quoto V. C. anno ante autunnum is numus cusus sit; subtrahæ numerum æræ signatum c. g. 8. ab anno isto V. C. c. g. 806. & erit 806 - 8 = 798. anno V. C. cujus autumno illa æra coëpit. Si subtrahas 8 - 1 = 7. habes 799. an.

V. C. cujus autumnno exiit annus primus æræ. Hæc uno obtutu in adjuncta tabella conspicias.

Tertio: Si æræ initium non dum scias: nec numus, qui numerum annorum exhibet, indicet, quo anno cusus sit; intra tot annos imperii, quot annis ille numus convenire potest, incerta interea fluctuabit epocha: nisi intra spatium illud, subtractione dicta supputatum, insigne apud historicos meliores quiddam occurrat, quod suadeat, Urbis, aut Provinciæ, ab eo anno, æram esse inchoatam. In sequente tabella anni ad libitum sumuntur.

Annus
Anno V.C. Æræ Urbis, aut Provinciæ.

798	-	-	-	-	-	I ^{mus}
799	-	-	I ^{mus}	-	-	II.
800	-	-	II.	-	-	III.
801	<small>finitur</small>	-	III.	<small>incipit</small>	-	IV.
802	<small>in</small>	-	IV.	<small>in</small>	-	V.
803	<small>autumno</small>	-	V.	<small>autumno</small>	-	VI.
804	-	-	VI.	-	-	VII.
805	-	-	VII.	-	-	VIII.
806	-	-	VIII.	-	-	IX.

*Exempla
epocharum
crucen-
darum.*

Qua vero arte similes Epochæ e numis certo comprobari, aut etiam erui queant; uno & altero exemplo, e Norisio petito, insinuabo. Epocham Seleucidarum, non in alium, atque dictum V. C. annum 442. incidere posse, duo numismata conficiunt; alterum Hadriani ita inscriptum: ΤΡΙΠΟΛΕΙΤΩΝ. ΗΚΥ. *Tripolitanoorum*, in Syria, anno 428. alterum Antonini Caracallæ: ΕΜΙCΩΝ. ΚΟΛΟΝΙΑC. ΗΚΩ. *Emisænoorum Colonia* anno 528. Ex priorè Hadriani elicitur: Epocham Seleucidarum non potuisse incho-

choari ante annum V. C. 442. Nam cum ex historicis, & hac ipsa numeri magnitudine 428. constet, Tripolitanos Epocha Seleucidarum usos esse; illud etiam sciatur, Hadrianum imperium adiisse a. V. C. 870. die undecima Augusti: si igitur ab 870. subtrahas 428. pervenies ad coeptum in autumno primum annum Seleucidarum a. 442. ab V. C. Jam si æra Seleucidarum statuta fuisset a. V. C. 441. annus Tripolitanorum 428. coepisset a. V. C. 868. in autumno, & exiisset anno 869. in autumno, a quo Græci annum inchoant; Verum anno 869. Hadrianus nondum Imperium adiit: non igitur in anteriorem annum, quam V. C. 442. Epocha Seleucidarum statui potest. Sed neque in annum aliquem posteriorem hanc æram removeri posse, dictus Caracallæ numus ostendit, in quo Emiseni (quos etiam Seleucidarum æra usos constat) annum 528. adnotarunt. Nam Caracallam occisum esse an. V. C. 970. 8. Aprilis, satis certum habetur. Si igitur a. 970. subducas 528. provenit primus annus Seleucidarum a. V. C. 442. Quare si æra Seleucidarum inchoaretur serius a. V. C. 443. annus 528. Emisenorum, inchoaretur ab autumno anni V. C. 970. Caracalla jam in Aprili mortuo; quare non potuisset in Caracallæ viventis numo annus 528. consignari.

Alterum exemplum Aëtiacam æram ad an. V. C. 723. stabilit duobus Tiberii Numis. Prior horum ita habet: A. ΕΠΙ ΣΙΑΝΟΥ. ΑΝΤΙΟΧΕΩΝ. ΕΜ. *Anno primo Tiberii, sub Silano, Antiochenorum, anno 45.* Alter ita inscriptus est: Γ. ΕΠΙ ΣΙΑΝΟΥ. ΣΕΛΕΥΚΕΩΝ. ΖΜ. *Anno tertio Tiberii, sub Silano, Seleucianorum, anno 47.* Convenit porro, annum primum Tiberii esse V. C. 768., a quo subducendo 45. remanet 723. Epocha Aëtiaca. Simili ratione alter numus, annum Tiberii tertium, & dictam æram comprobatur.

Illud etiam tironibus observandum est: in græcis quibusdam Cæsarum, aut Augustarum numismatibus annum adscribi, non ejusdem Cæsaris, aut Augustæ, cujus imaginem æs repræsentat; sed ab Augusti tum imperantis, aut etiam jam demortui inito imperio numeratos annos signari. Id quod ex eo observatur, quod numeri majores fere sint, quam ut illorum annis applicentur, quorum æri insculpti sunt; sed dictorum Augustorum, Parentum, aut adoptantium annis probe conveniant. Ita in Titi numo ΕΤΟΤΣ. H. *anno 8.* ad Vespasianum refertur. In Commodο ΚΑ. & ΚΒ. *anno 21. & 22.* ad annos M. Aurelii pertinet: uti & Faustinae numus cum α. 19. & 17. Ipsiꝯus Marci Aurelii numisma cum Λ. ΔΩΔΕΚΑΤΟΤ. *anno duodecimo*, Antonini Pii annos notat. Ita Alexandri Severi Cæs. numisma Λ. Ε. *anno 5.* Elagabali Augusti annum Imperii exhibet: pariter Neroni adsignatos legimus annos Claudii: Antonino Caracallæ; Septimii Severi.

*Temporibus
nota in la-
tinis nu-
mis.*

Latinis in numis anni TRIBVNIT. POTESTATIS. multum ad Imperatorum annos constituendos habent momenti; cum continuato numerorum accremento ipsos imperii annos comitentur. Et licet aliqui antea Tribunitiam potestatem consecuti fuerint, quam Augusti fierent; ea res tamen facile Historicorum etiam ope coordinatur. Jure igitur Vaillantius, admodum optandum esse dicebat: ut numi omnes TRIB. POT. uniuscujusque Imperatoris exhiberent. Numeri gesti Consulatus plurimum huc faciunt; ii præsertim, quibus juncti sunt anni TRIB. POT. Numismata Coloniae Viminacii, Sinopes, & Provinciae Daciae etiam suis annorum adnotationibus egregie Chronologiam juvant. Viminacium anno tertio Gordiani Pii Colonia facta, annos suos usque ad tertium Valeriani exhibet. Quintus hujus Coloniae annus, tam in numis Gordiani tertii, quam Philippi Successoris legitur; hinc certo conficitur, Gordianum hoc, id est, septimo imperii

perii anno nondum expleto, e vita sublatum esse. Viminacii, Sinopes & Daciæ numos novos in appendicula vide. Hadriani numisma, quod ejus anno Imperii quinto, dum COS. III. notabatur, percussum est, egregie annum urbis conditæ illustrat, ita inscriptum: ANNO. DCCC. LXXIII. NAT. VRB. P. CIRC. CON. *Anno octingentesimo septuagesimo quarto, natali urbis, populo circenses constituti.* Denique variæ numerorum notæ, quæ in monetis declinantis Imperii occurrunt, quid sibi velint; cum res nondum omnino liquida sit, nihil in hoc compendio afferendum putavi. Consule P. JOBERT S. J. laudatum ubique libellum: *La science des medailles &c. capite, seu introductione undecima*, ubi probabilem has notas exponendi methodum reperies.

Hæc, aliaque Chronologiæ subsidia e numis petita, non profanæ modo, sed sacræ etiam Historiæ chronicum ordinem plurimum promoverunt. Sane Vaillantius singulari dissertatione, & Norisius, in Epistola ad Pagium, commonstrarunt, e numis Antiochenorum, & Herodis Antipæ, annum Christi nati denique stabiliri posse. Sed hæc longiora sunt, quam ut isthic locum inveniant. Atque ego e confragosis, ac impeditis Chronologiæ aviis, jam dudum est, cum tironem ad amœniora, planaue Geographiæ deducere desidero.

CAPUT V.

Geographiæ Veteris emolumenta ex numis.

AD geographicam notitiam cum utilitate comparanda, hæc fere sunt, quæ recte perspecta plurimum habent momenti: Locorum Nomina, Situs, Origo, Conditores, & Viri illustres, Status Politicus, Fertilitas, Vestitus incolarum, & Arma, Religiones, & Ritus.

Uberrim hæc omnia prisco in ære suppetunt; verum lætissimæ segetis spicas tantum aliquas hic carpere præfixa brevitatis indulget.

*Nomina
Urbium.*

Ingentem nominum copiam, quibus olim urbes compellatæ sunt, numismatum ope erutam, & emendatam esse; dubitabit nemo, qui vel a longe aliquid de Goltziï, Parutæ, Norisii, Vaillantii, Harduini, & Begeri operibus audierit. Harduinus certe, solius Antonini Caracallæ numos profert, diversis omnes locorum nominibus insignes, octoginta aliquot supra centum; quantam in aliis Imperatoribus copiam, apud alios etiam Antiquarios invenire licebit? Horum instrumentorum utilitatem multo ante jam agnovit Abrahamus Ortelius, Geographiæ renascentis Pater, qui ad eruenda e tenebris urbium nomina, numismatum subsidio usus est. Cellarii de Antiqua Geographia eruditum opus, neque tantas auctori laudes, neque tantam utilitatem literatis attulisset; nisi numis veteribus constabilita illic plurima legerentur.

Situs.

Situm porro urbium, cum omnium perspectum habere multum interest; tum earum præter cæteras, quæ eodem nomine compellatæ, e situs diversitate discerni debent. Illustre hujus rei exemplum e numis urbium ab Harduino collectis proferam. Antiochiæ nomen, scimus, urbes complures accepisse: eas ita adnotato situ numismata curate distinguunt. ANTIOXEON. ΜΑΙΑΝΔΡΟC. *Antiochenorum, Meander.* In Caria sitam esse hanc Antiochiam, notissimus Cariæ fluvius *Meander* indicat, qui in numo, eleganti ponte constratus, exprimitur. In alio ita: ANTIOXEON. ΠΡΟΣ. ΕΥΦΡΑΤΗΝ. *Antiochenorum ad Euphratem.* & quia illic Tauri montis pedem Euphrates alluit; sic etiam habetur: ANTIOXEON ΤΩΝ. ΕΠΙ. ΤΑΥΡΟΥ. *Antiochenorum, qui ad Taurum sunt.* Urbem hanc in Commagene locat STEPHANUS: Ἀντιόχεια ἐπὶ τῷ Ταύρῳ ἐν Κομμαγηνῇ. *Antiochia ad Taurum, in Commagene.* Iterum ANTIOX. Π. CAPON.

'Ar-

Ἀντιόχεια πρὸς Σάρον. *Antiochia ad Sarum*, Cappadociæ urbem se prodit, ad Sarum, Cappadociæ flumen, positam. *Antiochia Syriæ*, *Metropolis* præ se fert titulum: ΤΗC. ΜΗΤΡΟΠΟΛΕΩC. aut sic discernitur: ANTIOXEΩN. ΤΩΝ ΠΡΟC. ΔΑΦΝΗΝ. *Antiochenorum ad Daphnem*. Daphne, celeberrimum suburbium, & lucus hujus Antiochiæ appellabatur, ubi fana Apollinis, & Dianæ. STRABO L. 16. & SOZOM. L. 5. C. 19. Edessa nota Syriæ urbs, olim Antiochia nominata est. En ejus discrimen ab aliis: ANTIOXEΩN. ΤΩΝ. ΠΡΟC. ΚΑΛΙΡΗΘΗΝ. *Antiochenorum ad Callirhœen*. Audi PLINIUM L. 5. *Arabia* (latius sumpta) *habet Edessam, qua quondam Antiochia dicebatur; Callirhœen* à fonte nominatam. Denique Antiochia Pisidiæ, teste citato Plinio, *Cæsarea* nomen tulit; Hoc cognomine, & *Colonia* titulo, ac perpetua latina inscriptione se ab aliis Antiochiis discernit: COL. CAES. ANTIOCH. *Colonia Cæsarea Antiochia*, adjecto S. R. *Senatus Romanus*.

Nonnunquam etiam simulacra montium, ut Argæi, Garizim, septem collium Romæ, Acrocorintheta: aut alia fluviorum, virili forma, cum urna videas. Ita Commodi numisma Laodiceam urbem muliebri habitu effictam exhibet, sedentem in medio duorum fluviorum, quorum adscripta nomina: ΛΥΚΟC. ΚΑΠΡΟC. Sunt hi Phrygiæ fluvii, qui Laodiceam hanc Phrygiæ, ab alia in Libano monte ΛΑΟΔΙΚΕΩΝ. ΕΝ. ΤΩ ΛΙΒΑΝΩ. & ab alia in Syria distinguit, quæ signatur: ΛΑΟΔΙΚΕΩΝ. ΤΩΝ. ΠΡΟC. ΘΑΛΑΣΣΑΝ. *Laodiceenorum, qui ad mare sunt*. Quid elegantius illo Trajani numo, in quo nomen, & situm suum MESOPOTAMIA, media inter fluvios binos Tigrim nempe, & Euphraten, præclare exhibet? quæ regio figura muliebri, duobus viris urnæ incumbentibus, stipata repræsentatur.

Origines urbium aut ad certos Conditores, aut ad alias veluti *Matres urbes* referuntur, quæ & hinc Μητροπόλεις dicuntur, ex quibus Colonie deductæ sunt. *Origines coloniarum.* Namus
He-

Heracleæ in Ponto ita habet : ΗΡΑΚΛΕΩΤΑΝ. ΜΑΤΡΟΣ. ΑΠΟΙΚΩΝ. ΠΟΛΙΩΝ. *Heracleotarum urbis, Matris deductarum urbium.* Urbium Coloniae sæpe Metropolis suæ insignia in monetis expresserant, atque ita originem suam indicant. Specimen aliquod Siciliae numismata præbeant. Pegasus, notissimum Corinthiorum insigne, Syracusarum, & Hennæ numismata ostendant; Corinthiorum nempe hæ sunt Coloniae. Ita Megara Siciliae urbs, & Camarina nonquam Athenarum, suæ quippe Metropolis, æri consignarunt. Minotaurum, Cretæ insulæ signum, exhibent numi Taurominii, Gelæ, Argyrinæ, Entellæ, quæ totidem sunt Cretensium in Sicilia Coloniae.

Illæ porro urbes, quæ sub Augustis Coloniae factæ sunt, præter frequentia ista Coloniae deductæ symbola: Jugum nempe boum, cum colono, aut solum bovem, aut lupam cum Romulo, & Remo, aut signa militaria, de quibus omnibus in Appendicula fiet expressior mentio; præter hæc inquam symbola, coloniae istæ originem suam prænominem aliquo fere patefaciunt. Ita Coloniae ab Julio Cæs. aut ab Octaviano Augusto deductæ, *Julia*, vel *Augusta*, aut utroque titulo gaudent, ut: COL. IVL. VAL. *Colonia Julia Valentia.* COL. IVL. AVG. COR. *Colonia Julia Augusta Corinthus* &c. Pariter ab Ælio Hadriano, *Ælia*: a Commodio, *Commodiana*: a Septimio Severo, *Septimia Severa*: ab Antonino Caracalla, *Antoniana*, atque ab aliis aliter appellatæ leguntur. Cum duorum, aut plurium Imperatorum nomina Colonia jactat, tum primus horum fundator Coloniae, reliqui benefactores censendi sunt.

· *Conditores
urbium.*

Priscos autem urbium Conditores numi bene multos sufficiunt. In Tomitarum numismate, ab Ovidii exilio celebrium, habetur: ΤΟΜΟΣ. ΚΤΙΣΤΗΣ. ΤΟΜΕΙΤΩΝ. *Tomus Conditor Tomitarum.* In Pergamenorum numo: ΠΕΡΓΑΜΟΣ. ΚΤΙΣΤΗΣ. *Pergamus Conditor.* In alio Nicopolis,

leos, Epiri urbis: ΝΙΚΟΠΟΛΙΣ. ΣΕΒΑΣΤ. ΚΤΙΣΤ. *Nικόπολις, Σεβαστος Κτίστης. Nicopolis. Augustus Conditor.* Ita Byzantium BYZAC. Gortyniorum in Creta ΓΟΡΤΥΝ. Tarentinorum ΤΑΡΑΣ. Cyzicenorum ΚΥΖΙΚΟΣ. alique e numis urbium Conditores noscuntur. Neque fœminæ, quibus urbes originem debent, prisco in ære nullæ apparent. Amazones binæ ΣΜΥΡΝΑ. & ΜΥΡΙΝΑ. binis urbibus Smyrnæ, & Myrinæ, ab se constitutis, nomen dedere, & in numis recipere memoriam. Pariter ΑΒΔΗΡΑΣ. ΚΟΡΑΣ. *Abdera Puella*, in numo meminit Abdera Thraciæ: nomen ΚΟΡΑ honorificum est, cum id Proserpinæ velut proprium, etiam numismata tribuant.

Instauratores, qui tanquam alterius Conditoris nomen merentur, monetæ Patrensiū (nunc Patrasso) exprimunt. Horum urbs olim *Arœ*, dein *Patra* dicta est, ab Ampliatoris nomine ΠΑΤΡΑΟΥ. *Patrai*, uti numus habet: & alius: ΑΡΟΗ ΠΑΤΡΕΩΝ. *Arœ Patrensiū*. Ipsa demum ab Augusto Colonix honore aucta, auxit & titulos: COL. A. A. PATRENS. *Colonia Arœ Augusta Patrensis*.

Jam aliorum Virorum illustrium, Heroum, Ducum, *Viri illu-* ac bene de suis urbibus meritorum numismata, *a posteris* *scri.* cusa, multa in Italiæ Cimeliarchiis se conspexisse Spanhemius asserit, qualia erant: Thesei, Meleagri, Hectoris, Diomedis, Ajacis Locri, & Telamonii, ac aliorum complurium. Fœminarum porro, Reginarum, aut Amazonum: Phædræ, Nausicæ, Arsinœs, Philistidis &c. Neque viri literis inclyti nulli comparent: ut in numo Samiorum Pythagoras, Tarentinorum Architas, Syracusanorum Archimedes, Megarensiū Euclides, Tejorum Anacreon, Homerus in ære Chiorum, Smyrnæorum, atque aliarum etiam urbium.

De Statu Politico ea e numis proferam, quæ ad ma- *Jura, leges,* gistratus, jura, & fœdera pertinent. Magistratuum va- *& præcol-* rietati, jura, & leges antea perspecta lucem majorem af- *lentia ti-* ful- *tuli.*

fulgebunt. Primum Coloniae, Urbis Romae legibus regebantur, duosque veluti Consules, quos Duumviros appellabant, Rei publicae moderatores in singulos annos innovabant. Municipia propriis legibus utebantur, Duumviros tamen, magistratum etiam supremum, agnoscebant. In Coloniais, & Municipiis populus in decurias distributus est; decuriarum praefecti Decuriones, quorum prima post Duumviros auctoritas, in numis ita notatur: D.D. *Decreto Decurionum*, vel D. D. P. P. *Decuriones posuerunt*. Jus cudendae monetae quae Coloniae, aut aliae urbes Augustorum tempore obtinuerint, ipsae monetae loquuntur. Singularem hanc fuisse gratiam numus Patrensis comprobatur, inscriptus: INDVLGENTIAE. AVG. MONETA. IMPETRATA. & alii: PERMISSV. AVGVSTI. Atque intra Italiam certe vix ulla Colonia jure monetae feriundae gavisa est, cum paucissima compareant numismata; imo certae vetustatis fortasse nulla. Hispaniae Coloniae, & Municipia frequentes usque ad Claudium percussere numos; sub Claudio, ac deinceps nulli comparent. Unde, aut C. Iulius sub imperii finem, aut sub initium Claudius hoc Monetae cudendae jus ipsis abrogasse censetur. Aegyptiacae Coloniae numus certus non dum prolatus est. In Galliis an praeter Nemausum alia Colonia, aperto nomine, numos cuderit, ignoro. In Trivultiensium Commentariis, & a Cl. Bandurio singuli Postumi numi proferuntur, quos Lugduno attribuunt. Alterius epigraphe est: C. C. A. A. *Colonia Claudia Augusta Agrippinensis*; alter ita habet: COL. CLAVD. AGRIP.

Illis deinde in urbibus, quae Romanis subjectae, *suis tamen juribus, legibusque uti* permittebantur, titulus ATTONOMOT adscriptus est: ΕΑΥΤΘΕΡΑΣ. *libera*, illis, quibus a vestigalibus quibusdam, aliisque oneribus immunitas data est. In latinis Coloniarum, & Municipiorum numis titulus IMMVNIS. eodem fere recidit. Praeter ΜΗΤΡΟ-

ΠΟΛΕΩΣ. titulum, etiam alius Primatus honos tribuebatur, quo urbes alias, etiam metropoles, ejusdem regionis *Prima* illa excelleret. De hoc ipso tamen Primatu inter urbes aliquas contentionem fuisse numi palam faciunt. Nam & Ephesus, & Smyrna perinde ΠΡΩΤΗ. ΑCΙΑC. *Prima Asia* inscribitur. Sic Amasia ΠΡΩΤΗ. ΠΟΝΤΟΥ. *Prima Ponti*, pariterque: Η. ΜΗΤΡΟΠΟΛΙC. ΝΙΚΟ. ΠΡΩΤΗ. ΠΟΝΤΟΥ. ΚΑΙ. ΒΕΙΘΥΝΙΑC. *Metropolis Nicomedia Prima Ponti, & Bithynia*, deprehenditur. Atque adeo trium regionum primam se jactat urbs Lydiæ Sardes: CΑΡΔΙC. ΑCΙΑC. ΛΥΔΙΑC. ΕΛΛΑΔΟΥC. Α. ΜΗΤΡΟΠΟΛΙC. *Sardes Asia, Lydia, Hæladis prima Metropolis*. Quin & inferioris ordinis urbes, metropoles tamen fuisse, Magnetum urbs declarat, quæ alio in numismate *Metropolis*, in alio rursus ita signata conspicitur: ΜΑΓΝΗΤΩΝ. ΕΒΔΟΜΗ. ΤΗC. ΑCΙΑC. *Magnetum urbs, septima Asia*. Is ordo inter complures urbes, & metropoles gentis ejusdem, aut idiomatis observabatur, quæ communitate quadam Sacrorum inter se nectebantur. Singularis Treboniani Galli numus id comprobat, in quo Sacellum Apollinis Clarii expressere Colophonii, cum ara in media numi facie; circum tredecim statuæ viriles erectis dextris, totidem Sociatas Urbes designant, inscriptio: ΕΠΙ. CΤΡΑ. ΚΑΙ. ΚΑΛΛΙCΤΟΥ. ΙΕΡΕΟC. ΙΩΝΩΝ. ΚΟΛΟΦΩΝΙΩΝ. in medio ΚΟΙΝΟΝ. ΙΩΝΩΝ. Ἐπὶ Στρατηγῇ Κλαυδίου Καλλίστῃ &c. *Sub Pratore Claudio Callisto, Sacerdote Jonum, Colophoniorum, Commune Jonum*. Nempe Colophoniorum Prætor erat Callistus, & Sacerdos Communitatis Jonicarum urbium, Apollini devotarum. Tredecim Sociatas Urbes aliud numisma Rhodiorum numerato exhibet: ΚΟΙΝΟΝ. ΙΓ. ΠΟΛΙΩΝ. *Commune tredecim urbium &c.*

Alia dignitatum nomina, & jura ferebant urbes ab Deitatis cujusdam solemniori cultu, uti: ΙΕΡΑC. ΚΑΙ. ΑCΤΑΟΥC. *Sacræ, & non violandæ*. Asylum templorum causa dabatur; ita ut nemo ex iis locis peti ad deditio-

nem posset. ΝΕΟΚΟΡΟΥ. *Æditus* urbis titulus magni honoris habitus est, quo se cives *Ædituos* Tutelaris Dei prædicabant: numerum etiam in ære adnotabant, quoties aut religiones instaurassent, aut novo Numini, Majestatique ejus se devovissent. Ita legitur: Β. ΝΕΩΚ. vel expresse ΔΙC ΝΕΩΚ. bis *Æditui*. Γ. vel ΤΡΙC. ΝΕ. *Ter* *Æditui*. ΕΦΕCΙΩΝ. ΜΟΝΩΝ. ΑΠΑCΩΝ. ΤΕΤΡΑΚΙ. ΝΕΩΚΟΡΩΝ. *Ephesiorum, qui uni omnium quater* *Æditui*: videlicet ante Caracallam, cujus hic numus est, nulla urbs alia hunc honorem obtinuit; at subinde Nicæa Bithyniæ, ac Hierapolis Syriæ se quater Neocoras in monetis jactavere. Maritimæ quædam urbes, ΝΑΥ. ΝΑΥΑΡΧΙΑΟC. seu *Classica* urbis jura numis præferebant; quibus nempe præsidariam classem, ejusdemque præfecturam habere concessum est. Denique peculiaris illa honorum potius, quam Jurium vocabula prætermitto, ut in numo Sidetum, in Pamphylia: CΙΑΗΤΩΝ. ΛΑΜΠΡΟΤΑΗC. ΕΝΔΟΕΟΥ. *Sidetum urbis splendidissima, & illustris*; & in alio Smyrnæ: CΕΒΑCΤΩΝ. ΚΑΑΛΕΙ. ΚΑΛ. ΜΕΓΕΘΕΙ. Smyrnæorum *Augustorum venustate, & magnitudine, & alia similia.*

Magistratus Romanus.

Post jura, & honorum titulos in vetusto urbium ære lustrata, Magistratuum ratio sese offert, quorum alii e Romanorum instituto compellati: alii Patriis variarum urbium moribus electi, numis inserti cernuntur. De latinis vocabulis præter Duumviros, & Decuriones, de quibus dictum est, nihil memorandum occurrit, præterquam illud: ΙΙΒΙΡΙ. QVΙNQ. *Duumviri Quinquennales*, illi Duumviri vocabantur, qui quinto quoque anno electi, censuram una exercebant, & lustrum condebant in Coloniis, Urbem imitantibus. Idem exacto hoc Duumviratus anno *Quinquennialitii*, honoris ergo, compellati sunt: uti *Consulares* Romæ appellabantur, qui Consulatu functi essent. Hic revocanda sunt in memoriam illa, quæ Capite II. & III. adducta sunt, & hoc etiam porro exponuntur:

nentur: PROCOS. *Proconsul*. PROPR. *Proprator*. LEG. AVG. *Legatus Augusti*. Q. PR. *Quæstor Provinciæ*; is ærarium curabat. PROQ. P. *Proquæstor Provinciæ*. III VIR. vel PROIII VIR. *Triumvir*, vel *Protriumvir* *Coloniæ deducendæ*.

Græcis porro vocabulis signati Romani magistratus hi fere sunt: ANΘ. vel ANΘΤΠ. Ἀνθύπατος. *Proconsul*. Gubernans pro Consule provinciam Populi Romani; nam cæ provinciæ, prioribus Augustorum temporibus, Proconsulares dicebantur, quæ Senatui Populoque Romano propriæ ab Augustis permissæ sunt. ANTICTP. Ἀντιστратный, qui *Proprator* redditur, Provinciis Prætoriis Præfectus, vel ΠΙΕC. KAI. ANΤΙ. ΤΟΤ. CEBACTOY. Πρεσβυτης &c. *Legatus, & Pro Pratore Augusti*, cui parebat Provincia Augustis, non Senatui subiecta, ac propria; quales etiam præter cæteras fuisse Daciam, & Arabiam, numi produnt, uti ille Trajani: ARABIA. AVGVSTI. PROVINCIA.

ΗΓ. ΗΓΕΜΟΝΟC. *Præsidis* titulus, eum fere denotat, qui minori cuidam Imperatorum Provinciæ præerat, quanquam Proconsulibus etiam, & Proprætoribus quandoque tribuatur. Denique TAMIAC. *Quæstor* is erat, cui ærarii cura crederetur. Lapsu temporum Provinciæ Populi Rom. Augustorum sub potestatem aliquæ translatae sunt, atque vicissim aliæ ab Augustis Senatui, Populoque cedebantur.

Patrii urbium Magistratus Sacri perinde, atque Pro-
fani in numis deteguntur; hi fere sunt: APXIEPETC. <sup>Magistra-
tus gen-
tium exte-
rarum
sacri.</sup> Summus in Asia Sacrorum Antistes, unde & ACIAPXHC. di-
ctus est; quemadmodum & in Rhodiorum numismatis
iuncta habentur: ACIAPXOY. KAI. APXIEPEΩC. & in *Epistola
Smyrnaeorum de Martyrio S. Polycarpi*, eadem persona
jam APXIEPETC. jam ACIAPXHC. compellatur. IEPETC. ΔΙΑ.
ΒΙΟΤ. *Sacerdos Perpetuus*; nam alii magistratus, etiam
sacri, suis temporibus abdicabantur. CΤΕΦΑΝΟΦΟΡΟC.

Sertiger, vel *Coronifer* latine reddi potest, qui ludorum Curator, & Præses erat; quin & ludi, & urbes ipsæ hoc nonnunquam cognomine honoratæ sunt. ΘΕΟΛΟΓΟΥ, *Theologi*, seu *Desloqui* munus erat, Divina interpretari, ordinare, tueri. ΕΠΙΜΕΛΗΤΗC. *Procurator*, seu Curator ludorum, & etiam negotiorum, ad politicum statum æque, ac ad Religiones facientium.

Magistratus patrii profani.

Profanorum deinde magistratuum nomina quædam ab Atheniensium veteri instituto urbes aliquæ accepisse videntur; non eodem tamen ordine, jure, ac temporis spatio aliis in locis hi magistratus administrati sunt. *Archontes* Athenis olim perpetui erant, deinde decennales; denique annui, ilque proceres quingenti, qui rursus in decem quinquagenas divisi *Prytanes* alternatim dicebantur: nempe illis 5. hebdomadibus, quibus quinquaginta illi ordine suo actu Rempublicam regebant; ex Prytanebus istis in Decurias 5. coordinatis, rursus *Proædri* πρῶτος vocati sunt, qui decem sua quique septimana gubernabant; ex *Proædri* ἐπιστάτης, *Epistates* sortito electus est, qui diem unum non amplius præerat, & penes quem claves erant. In Urbium numis vero ΑΡΧ. ΑΡΧΟΝΤΟC. titulus variis non tam Romanis, quam patriis urbium, ac Provinciarum Rectioribus, etiam Pontificibus datus est. Eorum plures nonnunquam, etiam cum primatus Prærogativa uni concessa, constitutos fuisse, numismatum inscriptiones efficiunt, uti: ΑΡΧ. ΠΡΩ. ΤΟ. Β. Ἀρχωντος πρώτου τὸ β. *Archonte primo* vel *primario iterum*. vel sic: ΑΡΧΟΝΤΟC. Α. ΤΟ. Β. *Archonte primo iterum*. Ubi τὸ *Iterum*, prodit, cum magistratum non fuisse perpetuum.

Π. vel ΠΡΥΤ. ΠΡΥΤΑΝΕΙC. *Prytanes*: in numis, aut urbium Rectores, aut ad negotia majoris momenti, etiam sacra curanda designatos Proceres denotat. ΕΠΙCΤΑΤΗC. *Epistates*, Supremus Præfectus, aut Inspector habetur. CT. vel CTP. CTPATHΓOC. *Prator urbis*, nam τὸ *σεατός* perinde

inde populum urbis, ac exercitum significat. ΓΡ. vel ΓΡΑ. ΓΡΑΜΜΑΤΕΩΣ. *Scriba* titulus, & munus vilia Romæ, & Athenis habita sunt; Verum in urbibus Asiæ γραμματεὺς *Scriba* secretorum omnium conscius, atque inter primos magistratus putabatur. Hinc eundem titulum honoris ergo suis in numis urbes Cariæ, Mysiæ, Lydiæ, Joniæ, & Phrygiæ expresserunt. ΣΟΦΙΣΤΟΥ. *Sophista* seu *Sapientis* appellatione viri docti, ac disertis se efferebant, quorum opera ad legationes, aliaque expedienda utebatur Patria. *Sophistæ* statuis donati, aliisve honoribus mactati sunt; aliquos etiam ex iis in numis videmus Archontes: quin & Romæ Consules factos esse legimus.

Alii præterea sunt, tum sacri, tum profani magistratus, qui rarius numis inscripti reperiuntur; eos tamen insinuandos putavi: ΑΓΩΝΟΘΕΤΗΣ. *Ludorum Constitutor*, vel *Præses*. ΕΦΟΡΟΣ. quasi *Tribunus plebis*, celebris Laconum magistratus. ΠΟΛΙΤΑΡΧΟΣ. *Urbis præfectus*. ΠΑΝΗΓΥΡΙΣΤΗΣ. *Panegyrista*, qui laudes Deorum diebus festis prædicabat, sacer magistratus. ΠΡΟΔΙΚΟΣ. *Curator*, *Defensor*, vel *Patronus*. ΠΑΡΟΧΟΣ. qui Romanis, in alienis terris degentibus hospitia præberet, *Præbitorem* dicere possumus. ΣΥΝΑΡΧΟΣ. *Principatus particeps*, vel *collega*. Multa magistratus vocabula cum particula ΕΠΙ. vel Τ. ΤΙ. ΤΙΟ. *sub*, efferruntur, uti: ΕΠΙ. ΓΡ. ΣΕΚΟΥΝΔΟΥ. *Sub Scriba Secundo*, *Magnetum*. ΕΠΙ. Τ. ΡΟΥΦΙΝΟΥ. *Sub Pratore Ruffino*, *Smyræorum*. Sæpe subauditur nomen muneris gesti, ut ΤΙ. ΠΟΝΤΙΑΝΟΥ. *Sub Pontiano*, *Marcianopolitarum* magistratu.

Fœdera, ac Societates hac voce ΟΜΟ. ΟΜΟΝΟΙΑ. *Concordia*, additis fœderatarum urbium nominibus, explicant numismata. Sic: ΟΜΟ. ΕΦΕΣΙΩΝ. ΣΜΥΡΝΑΙΩΝ. *Concordia Ephesiorum, & Smyræorum &c.* aliquando vocabulo *concordia* omisso, sola urbium sociarum nomina cum particula Κ. ΚΑΙ. &, aut sine illa collocantur: ΜΥΤΙΛΗΝΑΙΩΝ. ΚΑΙ. ΠΕΡΓΑΜ. *Mytilenæorum, & Pergamenorum* con-

concordia; aut ΜΥΤΙΑΗΝΑΙΩΝ. ΠΕΡΓΑΙΩΝ. *Mytilenaeorum, & Pergaeorum.* Communitates variae populorum, aut urbium e numis discuntur. Nam praeter illud Commune Jonum, de quo dictum est, occurrunt: ΚΟΙΝΟΝ. ΚΡΗΤΩΝ. & ΜΑΚΕΔΟΝΩΝ. ΓΑΛΑΤΩΝ. ΒΕΙΘΥΝΙΑC. *Commune Cretensium, Macedonum, Galatarum, Bithynia.* Item Κ. Κ. ΚΟΙΝΟΝ. ΚΙΛΙΚΙΑC. *Commune Cilicia.* ΚΟΙΝΟΝ. ΖΗΛΙΤΩΝ. ΚΟΙΝ. ΛΥΔΙΑC. & ΘΕΣΣΑΛΩΝ. ΛΕΣΒΙΩΝ. *Commune Zelitaeum, Lydiae, Thessalorum, Lesbiorum,* atque etiam aliorum. ΚΟΙΝΟΝ. ΤΑΡCΟΥ. ΑΜ. Κ. Γ. Β. Κοινὸν Τάρεω ἀμφοτέρωC Κιλικίας. Γεωσίας βελῆ. *Commune Tarfi utriusque Cilicia: Senatus Consulto.* Alibi porro pro Γ. Β. legitur Γ. Π. Γεωσίας Προσάγματι. *Senatus Edicto*, adjecto ΔΗΜ. Δῆμος, *Populus.* Antiochiæ numi praeter S. C. etiam græcis literis idem expressere Δ. Ε. Δόγματι Ἐπαρχίας. *Decreto Provincia.* In aliis similes inscriptiones occurrunt: Γ. Γ. Γεάμματι Γεωσίας. *Rescripto Senatus.* ΔΟΓΜΑΤΙ CΥΝΚΑΗΤΟΥ. *Senatus Consulto &c.* Hæc de Nominibus, Situ, Origine, Conditoribus, Viris illustribus, ac Politico Regimine urbium, & regionum breviter ostensa potius, quam plene explicata sunt. Quod ad Geographicam notitiam e numis hauriendam reliquum est, binis capitibus absolvam.

CAPUT VI.

Utilitas numismatum ad scientiam naturalem: Ubi de fertilitate Regionum una agitur.

*Fertilitatis
signa magis
nota.*

Utile, ac jucundum scitu est: quid quæque ferat regio. Abunde ejuscemodi notitiam numaria penus subministrat. Quæ arbores, plantæ, fruges, animalia, insecta, pisces, aliaque aliis terris aut propria aut eximia sint, isthic intueri bene multa licet. Obvia illa non moror, cum Thessalia, Hispania, Numidia, Maurata-

retania, numis suis equos insculpsere, quibus eæ regiones abundant: seu cum Ægyptus, ac in ea Alexandria, Italia, Africa, & præsertim Sicilia, spicis signatis, ubertatem tritici indicarunt. Sive cum vini generosi affluentiam uvæ symbolo jactavere Byzantii, Dacia, Cnidii, Maronitæ in Thracia, & plures ejus regionis urbes: Cassandrenses quoque in Macedonia, Perpereni Lydiæ, & Palæstini in numis, Samaritano caractere inscriptis. Notiora etiam illa feracitatis insignia sunt: Eubœæ Bos, Arabiæ Camelus, Africæ Elephanti exuviæ, & Scorpio, Ægypti Crocodilus; tum Alexandrina, Cretensia, ac de Judæa numismata Palmas ostentant, etiam trifidas, & Caryotas, quæ singularis saporis Dactylos, præsertim in valle Hierichuntina ferebant. Tyrii, Muricis sui, ex quo celeberrima illa Purpura confecta est, imaginem reliquerunt; Ægyptii item Ibidis avis, quam, quod serpentes exterminet, sacram habuere: ea non multum a Ciconiæ forma abludit. Hispaniæ Cuniculus adsidet, quorum illic mira copia; ut *Cuniculosa Celtiberia* a Catullo appellata sit.

Peculiariora nunc aliqua de arboribus, & plantis primum, tum de animalibus prisco ex ære adferam. ^{Arboris, & plantæ.} Pretiosissimam Balsami arborem Samaritanorum numismata: Cretensia vero Cydæorum, & Elyriorum, Dictamnium representant, herbam Cretæ propriam. Balauustum Rhodiorum in monetis frequens occurrit; flos mali Punici est, quo ad tingendas lanas utebantur. Ascalonitarum ΑΣΚΑΛ. ΑΣΚΑΛΟΝΙΤΩΝ. toties laudatas veteribus Cepas, unaque Columbas, aliquot eorum numi exhibent. Nobilissimam Ægypti plantam Lotum (unde populi Lotophagi nomen traxerunt) variis in numis ita videre datur; ut ejusdem folia, flores, & fructus, qui lilio non absimiles, caput instar papaveris efferunt, belle illic exprimantur. Lotum triumphali in curru sublimem Augusti numisma adducit,

H

Ægy-

Ægypti captæ symbolum. Is honos in alio Augusti numo etiam Strobilo nucis pineæ est habitus; insigne id erat Augustæ Vindelicorum, quod Vindelicium harum arborum ferax esset: hodieque ea urbs eodem insigni decoratur. Mamertini, & Syracusii itidem Strobilum in numis, ob similem feracitatem, ostentant.

Illustre præ cæteris numismatum antiquorum decus Barce, urbs Pentapoleos Cyrenaicæ, protulit, in cujus ære adeo dilaudata apud veteres herba *Lasēpitium*, seu *Silphium Cyrenaicum* dicta, floret etiamnum, & sui memoriam conservat. Nuspiam ea herba jam invenitur; si forte aliquando invenietur, id numis debebitur, sine quibus ejus figura, variæque floris, ac fructus formæ omnino interiissent. Hujusmodi numos apud Antonium Augustinum, & Spanhemium reperias, qui *Silphium* tam florens, quam etiam bulbiferum distincte exhibent, inscripti vel: ΒΑΡΚΑ. *Barce*, vel ΚΤΡ. ΚΟΙΝ. Κυρηναίων Κοινόν. *Commune Cyrenæorum*: quibus loca declarantur, ab herbæ tam pretiosæ singulari fertilitate celebrata. Nam *Silphium* aliis quidem etiam in terris, uti in Syria, Perside, Parthia, Media creverat; sed nullibi tanta virtute, quanta in Cyrenaica regione. Ejus rei testes Spanhemius Theophrastum, Strabonem, Dioscoridem, Galenum, Plinium, & Scribonium Largum adducit. Certe PLINIUS L. 19. refert, Neroni caulem unum hujus *Lasēpitii* Cyrenaici dono missum esse; adeo jam tum rarum, atque in pretio fuerat.

Ægypti fecunditas.

A terrarum fertilitate priusquam ad alia convertar, causam ipsam fecunditatis, ab *Ægyptiis* Hadriani numis insculptam, præterire non possum: quam, nescio, utrum feliciori ingenio illi consignaverint, an R. P. Harduinus expositionem ejus assecutus sit. His in numis Nilus, viri specie effictus, virgam, seu arundinem manu sustinet, adjecto Cornu Copiæ: Inscriptio annum imperii Hadriani ita refert: L. ΑΝΔΡΕΚ. ΑΥΓΑΣΤΑΥΟΣ ΔΑΔΝΑΤΥ. anno duodecimo, in alio

alio etiam, *anno decimo tertio*. Sed aliæ adhuc numerorum notæ utrobique comparent, nempe 15, quæ *sedecim* valent; quod ita accipiendum est: annum duodecimum Hadriani, aliosve, quibus dictæ notæ additæ sunt, maximæ fecunditatis in Ægypto fuisse. Cum enim Nilus quotannis Ægyptiorum terras inundet, hi longa experientia edocti, tum fertilissimum annum fore prænuntiabant; cum Nilus in locis certis *sedecim* cubitos altus mensoria arundine deprehenderetur: vide HERODOTUM in *Eusebe*. & PLIN. L. 5. Igitur mensoriam hujusmodi virgam his in numis Nilus ostendat; adpositus numerus 15. seu 16. una cum Cornu Copiæ, ejus anni fertilitatem indicat.

Plantarum fere hæcenus notitia e numis petita est; *Fera peregrina*. iidem de animalium historia quam bene meriti sint: cum initio obvia pauca attigerim, hic plusculum videamus. Elephantorum, etiam loricatorum bigas, aut quadrigas numismata non pauca produunt. Elephantum *Λυχνύχῃ*, seu *Δαδύχῃ*, id est, qui facem proboscide allucere doctus esset, formam conservat numus ΒΑΣΙΛΕΩΣ. ΑΝΤΙΟΧΟΥ. ΕΠΙΦΑΝΟΥΣ. ΔΙΟΝΥΣΟΥ. *Regis Antiochi, Illustris, Bacchi, Syriæ Regis, Ægyptiorum æri veteri præter Crocodilos, Hippopotamum insculptum cernimus, quem latine fluviatilem equum dicas, animal quadrupes, & amphibium. Ejusdem formam elegantius etiam Otaciliæ Severæ numus offert, cum epigraphæ: SAECVLARES. AVGG. Saculares ludi Augustorum: nempe Philippi Patris, & Filii. Ædiliū id erat, vel Prætoris Urbani, & subinde Augustorum etiam studium, ut publicis in ludis, & spectaculis peregrinas belluas producerent. Ita Domitiani temporibus Rhinocerotem exhibitum fuisse, numi illius, minimi moduli, Rhinocerotē signati testantur. Similibus ex instrumentis Aldrovandum, Pierium & Jonstonum corrigit Spanhemius, qui alterum Rhinoceroti cornu affinxerant; cum in nu-*

mismatibus apertum sit, unicum tantum cornu e belluæ hujus naribus prominere.

Alce etiam in Philippi filii, & in Philippi Patris numo Hyæna conspicitur, Sæculo Milliario exhibitæ. Caprini porro generis peregrina animalia, variata pelle, ac mirum in modum retortis cornibus: Pantheras, ac Tigrides: Cervos item peregrinos, & Mambrinas, id est, Capras Indicas varii Augustorum, Siciliæ, & aliarum regionum numi spectandas objicient. Serpentum deinde, ac Draconum varias species Asiæ præsertim, ac Thraciæ numismata promunt; quæ fere Æsculapii, & filiæ ejusdem Hygiæ, aut Glyconis (qui alterum se Æsculapium ferebat) honoribus percussa sunt, quorum cultus in illis regionibus vigeat.

Pisces.

De piscibus denique mentio aliqua facienda est. Delphinorum quidem imagines obviæ sunt, seu Neptuno, seu Apollinis tripodi adjunctæ. Nonnunquam puerum vehit Delphinus, qui aut Icadius est, Apollinis filius, Delphos Delphino delatus, ut Delphorum numus repræsentat: aut Palæmon; aut si alis instructus est, Cupidinem refert. Notum est Delphinorum ingenium, quod pueris innoxie colludere ament. Phocænam piscem a Delphino, teste ARISTOTELE *L. 6. hist. animal.* non multum abludentem, Phocænsium numus proponit intuendum, cui lupus insultat, cum epigraphe: ΕΠ. CT. ΚΑ. CKPEIBONIANOT. ΦΩΚΑΙΕΩΝ. *Ἐπὶ Στρατηγῆ Κλαυδίου Σεργίλωνιδου Φωκαίων.* *Sub Præ-tore Claudio Scriboniano, Phocaensium.* Phocæa Joniæ urbs, capturam uberem Phocænarum, & fors inde nomen habuerit. Lupus vero cur pisci insultans repræsentetur, e PLINIO conjicere licet, *L. 10.: Simile quiddam lupi ad Mæotin paludem faciunt. Nam nisi partem a piscantibus suam accepere, extensa eorum retia lacerant.* Piscis, ad porci formam accedentis, effigiem ostentat moneta ΛΟΠΑΔΟΥΣ-ΣΑΙΩΝ. *Lopadussaorum:* Lopadussa insula est in Africo mari.

Pe-

Pelamidum piscium capturam apud Byzantios copiosam fuisse, præter Aristotelem, & Strabonem PLINIUS L. 9. memorat; quæ autem forma fuerint, Byzantium complures numi ostendunt, binis, aut ternis Pelamidibus insignes. Neronis numisma unicum, quatuor piscium imagines ob oculos ponit: Polypum, Sepiam, Cammarum, & Pom-pilum. Pisces hos cum fecundissimos memorent rerum naturalium scriptores, ad Poppææ fecunditatem, quæ Neronis uxor erat, refert Spanhemius: quam ultra mortale gaudium Nero accepisse, apud Tacitum perhibetur.

Hæc de utilitate ad scientiam naturalem e numis veteribus desumpta, monstrosos porro, ac fabulosos animalium figuris amplificari possent. Sed quoniam brevem esse, atque omnia explicare, in tanta rerum copia ejusdem esse non potest, & de fabulosis animantibus alibi mentio cursim incidet; hætenus dicta ad tironum animos, antiquariæ eruditionis amore inflammandos, satis esse reputavi.

CAPUT VII.

*Vestes, Arma, Religiones, Ritus, Ædificia
in numis expressa, Pictoribus, Architectis,
Poëtis quid prosint?*

Veteribus in numis exquisitam quandam coelaturæ ars coelaturæ, eruditioni-juncta. artem, tum in latinis, florente Imperio, cum in antiquioribus græcis, periti omnes admirantur.

Excellit porro artem eruditionis copia. Coelaturæ artificium Pictoribus, Statuariis, Architectis plurimum adfert subsidii: eruditionis copiosa materies & his, & omnibus bonarum literarum studiosis, ac præsertim Poëtis plurimum prodest, quos inter, & Pictores multum convenit.

Agnovit id Zacharias Zachius, nobilis Statuarius, qui primus collecta veterum numismata, literarum, & artium commodo publici juris facere constituit; sed morte prohibitus est. Ex ejus manuscriptis Albertus Leander in descriptione Italiæ plurima se hausisse profitetur. Et certe cum pictorum, & poetarum artis summa in eo fere vertatur, ut minutissimas quasque res, & lineamenta ad vivum, verumque exprimant; materies vero frequentissime ex historiis, fabulisque veterum deligatur: in confesso est, quantum utrosque juvent tam copiosæ, tamque fideliter effictæ imagines, vestituum, armorum, Decorum, rituum, ædificiorum; imo quam hæc illis omnino necessaria sint: ne delphinum silvis appingant, fluctibus aprum.

Vestes Romanorum.

Vestimentorum, quæ Romanis, belli, ac pacis tempore, in usu erant, genera omnia numi veteres exhibent. Toga nihil frequentius; Togam, etiam Senatoriam prætextam, in eleganti Augusti numismate videre est: tum vestem Censoris, Sacerdotum, Pontificum, etiam Pontificia Maximi in Augusti numo: deinde militare Sagum, ac Paludamentum Imperatoris, ejusdemque Parazonium, quod lati, & sine cuspidē cultri genus est, nodum pro manubrio habens; alii id instrumentum sceptrum dicunt: Baculus itidem Consularis eburneus, cui Aquila superposita est, non raro occurrit.

Capitis ornamenta.

Capitis ornatus apud Augustos aut *Laurus* est, aut *Corona radiata*, quæ in ære medio frequenter Augustis imponitur. Labascente Imperio *Diademate* caput cincti comparent, quod fascia quædam est, tempora ambiens, & gemmis distincta; eam tamen prisca Reges fere puram in numis gestant. Aliæ item Coronæ, numismatum in typis offenduntur. *Querna* O. C. S. *Ob civis servatos*: in Augusti numis obvia. *Rostrata*, seu *Navalis*, quæ laurus erat, rostrorum navalium simulacris intertexta, data ob victoriam navalem. *Muralis*, & *Vallariz* sui item nominis effigies

in

in circulum contextas præ se ferunt. *Spicae*, procuratæ annonæ indicium. *Graminea* in Galliæ numo comparet, quam soli Principi dabat miles. *Pontificalis* e victimarum craniis, & pateris commissa, Augusti numo impressa cernitur. De Coronis ludorum, & Deorum inferius aliqua afferentur. Singularis est in Hadriano, *Corona ex loto*, quam is in memoriam dilecti Antinoi, in *Ægypto* mortui, assumpsit, & ANTINOEIAN. appellavit. Augustarum porro ornamenta capitis (ut varium, ac mutabile semper, in vestitu præsertim, est fœmina) mira varietate oculos pascunt; atque modos hic aliquos videas, ab nostræ ætatis capitis cultu, etiam virili, haud multum ablucentes.

Porro Armorum, & Signorum Militarium omne genus hic emicat: Jacula, gladii, hastæ, clavæ, clypei, parmæ, varia militaria signa, equitum vexilla, quæ subinde labara dicta sunt, Aquilæ Triariorum, signa *Principum*, & *Hastatorum*, etiam literis: P. & H. indicata: scuta, imagines, & manus dextræ, quæ manipulos indicant, longis perticis præfixæ; diversæ formæ galeæ, loriceque, & quidquid demum ad bellum gestabat, aut exportabat miles, in numis exercituum, cohortium, item in iis, ubi ADLOCVTIO. COHORTIVM. ab Augusto facta, aut PROPECTIO. AVG. consignata est, atque in aliis plurimis spectare vix oculus sufficit.

Exterarum deinde gentium amictus, & ornamentorum ratio, quam diversa in tot Regum numis promicat! amœnum certe spectaculum Arfacidæ, Parthiæ Reges, præbent, quæ caput mire comatum Cidaribus, & humeros Candys, vestis Regi propria contegit; neque minus Abgarorum Edeßæ Regum, Tigranidis Armeniæ Regis mitræ, ac vestimenta eruditionis avidum oculum afficiunt, atque aliorum etiam Regum, Heroum &c. varia indumentorum genera. Tum autem plurimarum gentium vestimenta, at-

atque arma, ea numismata frequentissime explicant, quæ easdem gentes ab Romanis victas, aut captas muliebri fere specie proponunt, aut victas sub tropæo stantes, aut genu flectentes, aut sedentes demisso vultu; uti ARABIA. ADQVISITA. DACIA. CAPTA. HISPANIA. RECEPTA. ARMENIA. ET. MESOPOTAMIA. IN. POTES-
 STATEM. POP. R. REDACTÆ. VICTORIA. CARPICA. & GOTHICA. Talia & in illis numis spectanda obveniunt, qui inscribuntur: DE. GERMANIS. DE. SARMATIS. DE. PARTHIS. item SIGNIS. RECEPTIS. ubi Parthus de genibus signum Romanum offert. In alio sedens sub tropæo efficta est ALAMANNIA. in alio FRANCIA. Rursum alibi MAVRETANIA. PANNONIA. CAPPADOCIA. GALLIA. simul cum HISPANIA. quin & TRES. GALLIAE. adstantes conspiciuntur. Obruor jam illis, in quibus tot regionum Exercitus leguntur: EXERCITVS. NORICVS. CAPPADOCICVS. PERSICVS. SYRIACVS. RHAETICVS. MOESIACVS. aliique nonnulli. Taceo jam de illis numis, quos, aut RESTITVTORI, aut ADVENTVI. AVG. in tot provinciis inscriptos, superius adduxi. Quantam denique vestium, variorumque armorum notitiam illa numismata adferre poterunt, in quibus longissimus Virtutum ordo procedit, quarum suo quæque vestitu, armis, ac symbolis, summo cum ingenio, instructa apparet, incredibili Poëtarum, ac Pictorum utilitate? verum de his inferius.

*De Diis,
 Deabus-
 que.*

Ad religiones, ac ritus transitum facio. Dii, Deæque, quorum nomina etiam Mythologiæ tirones norunt, in veterum numis omnes occurrunt: sed non vulgaribus sæpe cognominibus, symbolisque insignes. Ita Jovem, Apollinem, Dianam, Venerem, nec pueri ignorant; aut Jovem Casum, montis figura repræsentatum, aut Jovem Labradensem, securi armatum: Apollinem Aëtiæ togatum, aut Lycæum Apollinem cum lupo: Dianam Icariam, seu

seu Tauropoliam, velatam, ac tauro vestitam: Veneris Paphiæ simulacrum metam, seu conum esse, aliaque id genus, vix alii, præter numorum veterum interpretes norunt. Jam præter vulgaria illa Deorum signa, & instrumenta, ut Bacchi coronam ex hedera, aut pampinis, ejusque tigrides: Cereris spicas, & faces: leones, ac cymbala, seu tympana Cybeles: Chloridis flores, Neptuni tridentem, ac delphinos: laurum Apollinis, & lyram, aut arcum, & sagittas: Palladis noctuam, Veneris columbas, Mercurii alatum petasum, & arietem, vel canem, aliaque complura, quæ omnia numis insculpta occurrunt; præter hæc inquam, omittenda illa non sunt, quæ nomine quidem plerisque perspecta, imagine non item esse puto. Talia se spectanda offerunt Apis, seu Osiris, bovis simulacro effictus, inter cujus cornua lotus emicat: Isis cum sistro, & flore caput ornata: Harpocrates loto insidens: Telesphorus pallio, & peregrino pileo tectus: Æsculapius, Terminus, Silenus, Pan, Satyri, aliique suis cum symbolis. Tum muliebris formæ videntur Vesta, Lucina, tres Parcæ, Nemesis, Hygia, Nymphæ &c.

Fabulosa monstra longo hic itidem ordine procedunt: Hippocentauri, etiam currum trahentes: Scylla, canibus succincta: Hydra septiceps, ac trifaux Cerberus cum Hercule: cujus labores, duodenis plures, soli numi Græci, ac inprimis Nicæenses, repræsentant. Pegafus cum Perseo, Minotaurus Cretæ: Stympthalides aves, quarum formam, frustra hæcenus quæsitam, ex Nicæno Maximi Cæsaris numo, absterfis fabulis, deteximus. Sphinges Ægypti, Gryphes, Phoenix radiatus: Tritones, Syrenes: Capricornus in piscem abiens, in Augusti numis frequens, qui eo sub sidere, felicitatis symbolo, natus est. Quin & omnia duodecim Zodiaci signa in eleganti Valeriani numismate resplendent: cum epigraphæ loci:

*Monstra
Fabulosa.*

ΑΙΓΕΩΝ. NE. NA. Ἀγίων νεωρόρων ναυαρχίδος. *Ægeorum, vel Ægeorum adituorum, Classica urbis, in Cilicia.*

Possẽm jam hic de magis reconditis Deorum nominibus, & figuris, quas numismata ostentant, aliqua differere: uti de Cabiris fratribus, de Deo Luno, de Astarte, seu Dea Sidonia, de Sole Elagabalo, de Hyblæa in numo Hyblæ Siculæ, de Adranō, siculo itidem Deo: de Diana Leucophryne, & Pergæa: de Venere, & Baccho barbatis; de Derceto, Ascalonitarum Dea, in piscem desinente: de Coronide, Æsculapii Matre: de Alabando, Alabaden-sium Deo; de Jovis nominibus, ac figuris omnino multis, variisque, & mysteriorum gentilium plenis: de Canopi, & Anubis, Ægyptiacorum Numinum simulacris, atque aliis pluribus. Sed de quibusdam in utraque Appendicula sermo erit; cætera ad acuendum tironis gustum indicasse sufficiat.

*Sacrificio-
rum appa-
ratus.*

Ab Diis, Deabusque ad superstitiosum eorundem cultum delabimur. Vestium sacrarum, atque instrumentorum typos perpulchros numi commonstrant; hic mitra Pontificalis, seu albo-galerus cum infulis, titulo & apice conspicitur, qui apex peculiare quoddam signum esse Flaminis Martialis, e numis discitur. Sacrorum deinde armorum apparatus hic omnis panditur: secespita, cultri genus est; securis, præferculum, seu urceolus, patera, simpulum, seu capeduncula, mero, vel sanguini capiando apta, thuribula: item aræ, ac tripodes miræ varietatis. Præter lituum Auguralem, etiam in M. Antonii numo gallinæ pullus, ad vasculum quoddam avide tendens, exprimitur; quo, celebre illud Tripudii Solistimi augurium bono tunc omine processisse, notatur. Aspergillum item tum ordinarium, tum Lustralis ille Ramus, quo Censores ad lustrandum utebantur, in Augusti numis visitur.

: Neque sola instrumenta, sed omnem Sacrificii pompam numi quidam ante oculos statuunt: Vittatos, & Corona-

ronatos Sacrificulos , stantem sub ictu Infulatam Victi-
mam, libantem ad aras Sacerdotem, Cornicines demum,
aliosque ministros, & assistentes intueri licet. Sæcula-
rium quidem certe Ludorum ritum omnem, e duodenis
Domitiani numis feliciter eruit, ac erudite demonstravit
exiguo, sed succi pleno libello PETRUS RAINSAINT, cui titu-
lus: *Dissertation sur douze Medailles de jeux séculaires de
l'Empereur Domitien.*

Religiosos inter ritus, Ludi, atque Certamina, Diis <sup>Certami-
num, & se-
storum no-
mina, ac
figura.</sup> quæque suis consecrata, non postremo loco sunt. Ur-
bium numismata, quibus Certaminibus insignita habean-
tur, solemniora ex iis, ac frequentiora hic attingam.
Alia a loco, in quo celebrari solerent, nomen accepere:
HAIA, & OATMΠIA. *Elia*, & *Olympia*, ab Elide, & Olym-
pia, finitimis Peloponesi urbibus. Jovi hæc Certamina
sacra erant; & Olympia quidem ab Hercule instituta:
unde Olympiadum notissima æra. NEMEAIA. a regione ejus-
dem nominis, in Peloponeso, Herculi sacra. ΙΣΘΜΙΑ.
Isthmia, in Isthmo Corinthiaco, Neptuni, aut Melicertæ
honoribus constituta. AKTIA. *Aëtia*, Apollini Aëtico sa-
crata. ΠΥΘΙΑ. *Pythia*, Apollini Pythio, sic dicto, ob oc-
cisum Pythonem. Habentur quoque ΠΑΝΙΩΝΙΑ. ΠΥΘΙΑ.
Pythia, a Communi Jonum celebrata. ΛΗΤΩΕΙΑ. *Latona*
sacra. ΔΗΜΗΤΡΙΑ. Matri Deum, Cereri dicata, *Cerealia*.
ΚΕΝΔΡΕΙΪΑ. id est, κεντρώων δρόμους ἔτιςια. *Stimulatorum cursu*
incitata Isthia, uti exponit R. P. Harduinus, in honorem
Deæ Iūs instituta Certamina; cum Io etiam in Gazensium
numis scripta sit ΕΙΩ. ΗΡΑΚΛΙΑ. *Heraclia*, ab Hercule Jovi
Olympio instituta. ΑΣΚΛΗΠΙΑ. *Asclepia*, Æsculapio dedi-
cata sunt, quæ etiam ΣΩΤΗΡΙΑ. *Soteria*, id est, *Saluatoria*
nuncupantur; quod Æsculapius ægrotantes posse salvos
præstare crederetur. ΚΑΒΕΙΡΙΑ. *Cabiria*, a Diis Cabiris ita
appellantur; qui tres fratres sunt, Cabira, & Vulcano

geniti, & æris fabricam docuisse feruntur. **CAPITO-**
LINVM. Certamen, Jovi Capitolino consecratum erat.

Alia quædam certamina ab Augustis, & Cæsaribus, ut: **CEBACMIA.** vel **ΑΤΤΟΥΤΕΙΑ.** *Augustalia*, & **ΚΑΙΣΑΡΕΙΑ.** *Cæsarea*, nomen traxerunt; ita etiam a nominibus privatis Imperatorum: **ΤΡΑΙΑΝΕΙΑ.** **ΑΔΡΙΑΝΕΙΑ.** & **ΕΥΣΕΒΕΙΑ.** *Pia* ab Antonino Pio. **ΚΟΜΜΟΔΕΙΑ.** **ΕΤΕΡΕΙΑ** &c. a totidem Augustis compellata in numis leguntur. **ΑΛΕΞΑΝΔΡΕΙΑ.** tamen ab Alexandro Magno potius, quam ab Alexandro Severo nomen obtinere, aut fortasse diversis temporibus ab utroque. **ΑΤΤΑΛΕΙΑ.** **ΓΟΡΔΙΑΝΕΙΑ.** Honoribus *Attali*, Pergami Regis, & *Gordiani Pii* Augusti instituta. **ΦΙΛΑΔΕΛΦΕΙΑ.** *Fraterno Amori sacra*, qui inter Caracallam, & Getam optabatur. **ΕΠΙΝΕΙΚΙΑ.** Quæ occasione *Victoria*, ab Augustorum aliquo relatæ, indicta fuerunt.

Alia Certaminum vocabula aut modum ipsum, aut habitos Victoribus honores indicant: **SACRA.** **PER.** **ΟΕ-
CΥΜΕΝΙΚΑ,** seu **ΟΙΚΟΥΜΕΝΙΚΑ.** ad quæ convenire liceret omnibus, *ex omni terra habitata*: **ἔξ ὅλης γῆς.** *Sacra* vero dicta sunt, quia Diis consecrata: aut quod Sacræ Coronæ eorum præmia essent. τὸ **PER.** alii legunt *Perpetua*, alii *Periodonica*, vel *Periodica*: ad quæ nempe invitarentur *Periodonica*, **περιοδονίκαι**, qui *Periodum* vicissent. Id quod alii de illis dictum volunt, qui decies, vel decies, & septies Victores evasissent; aliis, cum Festo Pompejo, *Periodonica* sunt, qui Pythia, Isthmia, Nemea, & Olympia vicissent. **ΙΣΕΛΑΣΤΙΚΑ.** **ΙΣΕΛΑΣΤΙΚΑ.** ab **ἰσιλάσσειν**, quia victores ingenti *cum plausu invehi* in urbem solebant; ab hac ingressus pompa, aut ab ipso decursionis modo **ΕΝ.** **ΚΟΔΡΕΙΤΑΙΣ.** *In quadrigis* Certamina appellata sunt. **ΧΡΥΣΑΝΘΙΝΑ.** dicuntur, quorum Victores Corona, *aureis floribus* contexta, donari constitutum esset. His porro Ludorum, ac Certaminum inscriptionibus numismata Deos Præsides, certantium currus, palmas, aliosque

ramos, & coronas præsertim adjungunt. Egregie cum numorum typis concordat LUCIANUS in *Anacharsi*, ubi Olympiis oleaginam coronam, Isthmiis pineam, Nemeis ex apio, Pythiis vero poma attribuit. Isthmiis tamen apium frequentius adjungitur, & Augustalibus quercus, ob memoriam Octaviani Aug. De alio Ludorum vocabulo, quod in Philippi numo ΔΟΥΚΑΡΙΑ inscribitur, quodque ab nemine, quod sciam, hæcenus proditum est, in Appendicula agetur.

Judaicum adeo Tabernaculorum festum, Σκηνοπηγίαν græcis dictum, pulchre, expresso Tabernaculo, numisma ΒΑCΙΑΕΩC. ΑΓΡΙΠΠ. *Regis Agrippæ Junioris* indicat; atque in altera numismatis facie per Spicas, Pentecostes festum denotatur, quod & ab Hebræis קציר & θερισμὸν, *messet* a græcis appellari, observavit Spanhemius.

Lectisternii, apud Romanos usitati, apparatus Cæliæ familiæ numus producit; ubi in ara, tropæis adstantibus ornata, Dei simulacrum recumbit; inscriptio L. CALDVS. VIIIV. EPL. *Lucius Calvus Septemvir Epulonum*; ad quos Septemviros Lectisternii cura pertinebat.

Consecrationis porro ritum (quo Augusti inter *Divos* ^{Consecratio} referabantur, postquam inter vivos esse desiissent) numismata Rogo quodam, multo ornamentorum, & imaginum suggestu insigni, exprimebant, cujus vertici quadrigarum, aut aquilæ simulacrum impositum cernitur. Similem funebrem structuram nunc vulgus Castrum Doloris vocat. Nonnunquam Apotheosis ista Stellam symbolum habet, quæ indicat, sideribus receptam esse illius Imperatoris animam; alias sola Aquila id denotat; vel quia Jovis ministra est, vel quia vivam aquilam e Rogo succenso, in quo clausa antea detinebantur, repente dimittebant, signum animæ Augusti, in cælum evolantis. Augustarum CONSECRATIO aut Pavone, Junonia ave, significata comparet, aut Tensa, mulis juncta. Tensa

currus erat, quo Deorum exuviæ ad pulvinar in circum vehébantur: id græcis in numis ΑΠΗΝΗ, ipso hoc vocabulo tensæ adsignato, compellatur. Cæterum Ludi, Venationes, variaque spectacula Romanorum, cum ipso, res certe visu jucundissima, Circo maximo, aut Hippodromo, aut Amphitheatro, eorumque accessoriis structuris, metis, statuis &c. prisco in ære representantur.

Ædificia.

Res ipsa me hic ad extantia hodieque in numis veterum Ædificia deducit, ex quibus originarias formas instauratæ jam ad pristinam majestatem, ac perficiendæ Architectonices petere hujus artis studiosus poterit. Nam præter modo relata publica illa, grandiaque ædificia, Templis quam plurimis numi resplendent, quorum alia ingenti fornice fastigiata, alia peristyllis, aut longo præstructorum graduum ascensu, alia ambulacris, columnis, statuisque magnifice ornata: qualia sunt, IOVI. VLTORI. aut IVNONI. MARTIALI. aut AETERNITATI. FLAVIORVM. aliisque inscripta. Urbium numismata quot, & quam varia Delubra, ac Tempia exhibeant, longum foret recensere; unicum adeo numisma non raro duas, aut tres etiam Deorum ædes miranti oculo objicit. Arcus triumphales, statuis, ac columnis decoros, ingenti artis ostentatione in numis cœlatos, sola Neronis tempora quot non sufficiunt? quam superbi illi Arcus in numis Trajani cum epigraphe: FORVM. TRAIANI. & in altero BASILICA. VLPIA. Quæ jam alia memorem? tot Colossos summa arte, & ingenio designatos: Columnas, etiam Rostratas, aut Pharo non absimiles, Obeliscos, Pontium structuras miræ elegantiae, seu quibus fluvii constrati, seu quibus VIAE MVNITAE SVNT. In tanta monumentorum veterum copia, ac venustate varii generis tectorum, graduum, trabeationum, ac basium, atque aliorum decoraminum formas deprehendet Architectus: diversos item columnarum ordines; uti inter cæ-

te-

teros, Corinthiorum numus, Getæ honoribus percussus, Capitellum unicum columnæ, Corinthiaci ordinis, cum parte scapi, omni studio expressum exhibet.

Mirum quantum Architecto, veterum rerum, uti oportet, studioso, arridebunt ista: coram in ære intueri Rostra, sedem illam Romanæ facundiæ, tum vetera, in numo Lollie familie, inscripto cognomine PALIKANVS. Cum nova etiam Rostra Julia, a Cæsare erecta, quæ in numismate Sulpiciæ familie extant, cum epigraphæ: C. SVLPICIVS PLATORIN. *Cajus Sulpicius Platorinus*. Basilicam itidem, quam teste M. TULLIO *ad Attic. L. 4. epist. 16.* Paullus, ex Æmilia gente, erexit, ita inscriptam numus proponit: AIMILIA. M. LEPIDVS. REF. S. C. *Æmilia basilica: Marcus Lepidus refecit, Senatus consulto.* Deinde VIL. PVB. *Villa publica* in Titi Didii numo. & in alio Scribonii Libonis, PVTEAL. SCRIBONI. visitur, quod ara quædam erat. Rursum alibi Comitium cum CLOACINA in oculos incurrit, ibidemque Togati, suffragia in urnam conjicientes: alibi Prætoris Tribunal spectatur, adjecta tabella, cui duæ Judiciarie literæ inscriptæ leguntur. A. C. *Absolvo, Condemno.* Denique tot, ac tam varia opera minoris structuræ, quibus plena sunt numismata, vix attingere jam licet: Aras, Rogos, Sellas Curules, atque alias: Curruum diversa genera, itemque Navigiorum, & his plura, quæ veteri in ære mallem, quam hac in charta, ab antiquariæ rei tironibus legi.

CAPUT ULTIMUM.

*Numorum Veterum Utilitas, ad conciliandum
amorem Virtutum.*

Fuit id veteribus in more positum: ut non præceptis Numorum
Veterum
studium fa-
cilis via ad
virtutem. modo, ac legibus, sed fabulis etiam, symbolisque Virtutem animis instillarent. Ea ratio, propterea, quod

quod suavi illapsu mentem occupat, & ipsa nonnunquam legum vi valet amplius, aut felicius durat. Jucundam ejuscemodi Virtutum Scholam, earum præsertim, quæ ad mores, ac civitatem pertinent, Romana nobis numismata recludunt; eorum plurimæ aversæ partes Virtute aliqua, personam lepide induta, insignes comparent, quæ præclara sui imagine oculos omnium, animosque advertat. Sane Paullo Pedrusio, e Societate Jesu, id studii genus appositum ad Virtutis amorem medium visum est: quippe numorum veterum, quæ Parmensis Gaza servat, explanationem omnem eo direxit; ut nobilium adolescentum, qui tum Parmæ Musis operam dabant, animos ad Virtutem inflammaret. Neque defuerunt alias, qui planiori hac via ad Virtutem a vitiis declinarent. Apud WAGENSEILIUM *dissert. de Re Monet. Vet. Rom.* Æneas Vicus refert: novisse se aliquos, quos unius rei numariæ studium, ad Virtutem a perdita luxuria traduxisset. Et certe ornatissimum illud virtutum agmen, quod Romano in ære identidem sese offert, pertinaces etiam animos in sui denique amorem abripiet.

*Virtutum
variarum
simulacra.*

Jam primum ob oculos sese sistunt HONOS. ET. VIRTUS. ut individuos comites noris: *Honos* laureatus, Cornu Copiæ sinistra sustinet, dextra hastam puram, id est, sine pilo, seu cuspidē. *Virtus* galea, & sago, more militari tecta, dextra parazonium, læva hastam gerit; ea Martis etiam, aut Herculis sub symbolo effingitur, quæ tot monstra debellat, quot vitia. Mox huc se infert ÆQUITAS. quæ præter Amaltheæ Cornu, ac hastam puram, bilance est instructa; quo signo etiam MONETA. quæ ad Æquitatis opera momenti plurimum habet, semper armata visitur; ea tribus personis expressa: Aurum, Argentum, Æs denotare solet. IVSTITIA. sella curuli, nempe pro tribunali assidet, hasta pura insignis, & porrecta patera, Religionem sibi curæ esse, ostendit.

FI-

FIDES. MILITVM. aut FIDES. EXERCITVVM. dextras jungit, aut militaribus in signis dextram erigit : iisdem implexis manibus Spicas, & Caduceum **FIDES. PVBLICA.** adjungit, ubertatis, ac felicitatis notas. **CONCORDIA.** qua etiam res parvæ crescunt, pateram ad aras attinet; quod Religione firmetur : tum bina adeo Copiæ Cornua ostentat, adposita quandoque stella, bono fidere : & floribus bonæ spei signis. **CONCORDIA. EXERCITVVM.** Signa militaria, Victoriolæ simulacrum alatum, manu prætentum, aut junctas iterum dextras ostentat. **CONCORDIA. AVGVSTORVM. CONCORDIA. MILITVM. CONCORDIA. FELIX. CONCORDIA. AETERNA.** atque similia, ipsos Augustos, ut M. Aurelium, & L. Verum : aut Augustum cum Jove, vel Marte, vel Augusta, vel Senatu Romano, dextram committentes exprimit.

PAX. PVBLICA. PAX. AETERNA. Oleæ rimum, Cornu Copiæ, Caduceum, hastam puram, alias & facem offert, qua bellica arma exurit. Tiberii Claudii numus **PACI. AVGVSTAE.** inscriptus, mythologico insignitus est symbolo; ubi Pax alata, Caduceo serpentis capiti imminet. Fertur de Mercurio fabula : eum serpentes binos, hostiliter congressos, virga contigisse; mox, placatis odiis, eisdem circum virgam amice sese amplexos pependisse. Inde Pacis, & Felicitatis symbolum habetur ea virga. Caduceum idcirco latino sermone dictam putant; quod lites, ac contentiones cadere faciat. Græcis ΕΙΡΗΝΗ. *Pax*, spicis coronata, frugum terræ ubertatem, cum pace florentem, significat.

Pacis fidæ Sociæ sunt **SECVRITAS. & TRANQVILLITAS. SECVRITAS. PVBLICA. vel PERPETVA. vel AVGG. vel ORBIS.** alias stat, alias sedet : nonnunquam semicincta, caput manu dextra fulcit, columnæ, aut

hastæ puræ innixa, aut sertum, aut crumenam gestans, cui etiam ara adstituta visitur. **TRANQVILLITAS.** stat, temone navis fulta, manibus hastam puram, aut spicas præfert: est & **BEATA. TRANQVILLITAS.** aræ inscripta. Deinde **SPES. AVGG. vel PVBLICA.** celeriter gradientem refert, ac dextra florem attollit. Est & **MODERATIONI** inscriptum numisma, & alterum **CLEMENTIAE.** parvula virtutum harum sigilla multo, varioque ornamentorum, ac sertorum decore isthic circumdata, quanto in pretio hæ virtutes fuerint, commonstrant. Est in Cimelio nostro Commodi numus, ex ære medii moduli, qui in aversa parte singularem hanc inscriptionem intra Coronam lauream offert: **MAGNIFICENTIAE. AVG. COS. VI. De LIBERALITATE. ac MVNIFICENTIA. AVG.** exempla, & symbola attulimus; quo & **VBERTAS. & ABVNDANTIA. & PROVIDENTIA. AVG. & ANNONA.** procurata, & **FELICITAS. TEMPORVM. vel PVBLICA. vel SAECVLI.** virtute parta pertinet. Hæ omnes, jam Cornu Copiæ, jam spicas, alias orbem, Caduceum, modium tritici, papaver, olæ ramum, aram, Deos, Augustorum capita, aliaque præ se ferunt, facili omnium interpretatione.

Mulierum deinde propria virtus **PVDICITIA.** vultum obtegens, Augustarum in ære sæpius commendatur. **DISCIPLINAM,** & fortasse **PATIENTIAM.** Hadriani numismata prædicant. Quid jam de aliis Virtutum Comitibus, aut Filiabus dicam? quales occurrunt Victoria aligera sertum, & palmæ ramum offerens, vel tropæum struens, vel scuta inscripta obtendens, & centum denique modis variata; seu **VICTORIA. AVG. seu VICTORIA. AETER. Æterna,** aut aliter, comp-

pelletur. Dein pileo, aut rude, vel Cornu Copiæ insignita LIBERTAS. & virente cum olea, ac hasta pura LIBERTAS. PVBLICA. Tum HILARITAS. LAETITIA. FVNDATA. quæ ferta, flores, ramos, anchoram etiam, & temonem ostentant; ut sua lætitiæ moderamina sint, & firmamenta. Virtutum denique omnium corona AETERNITAS. effulget; quæ jam stat ad aras expansis manibus, jam orbem pede premit, aut eidem, circulis astronomicis inscripto, insidet: alias, annulum sustinens, Leonibus vehitur, aut Elephantis, quos diutissime vitam protrahere perhibetur: nunc orbem, cui Phoenix insidet, nunc temonem, aut hastam puram manu fert: demum alibi una manu Solis radiatum, altera Lunæ cornigerum caput contollit, perpetuas alterni temporis mensuras.

At enim PIETAS. & RELIGIO. mihi intactæ *Religio, & Pietas in Deos.*
ut abeant? quando harum testes numi fere decimo quo-
vis forulo recurrunt. Næ tu mihi bellus homo es: inji-
ciet fortasse aliquis, qui stimulari nos ad Pietatem, ac
Religionem, munificis veterum superstitionibus posse ar-
bitraris. Arbitror sane; nam veri Dei Cultor, ubi per-
petuam illam Deorum, ac Religionum memoriam, tot
concepta, ac soluta Vota, tanta solemnitate actas gra-
tias: ubi contuitus fuerit tantis sumptibus excitata tem-
pla, delubra, statuas, aras, ubi PROVIDENTIA.
DEORVM agnita: ubi SALVS. AVG. aris inscripta,
ubi summa negotia, Religionibus cœpta, aut terminata,
ob oculos observata fuerint; ubi vel uni Jovj, quæ lau-
des non adscriptæ sunt? I. O. M. *Jovi Optimo Maximo.*
IOVI. SOSPITATORI. VLTORI. QUIETA-
TORI. VICTORI. CONSERVATORI. AVGV-
STI. &c. & illa IOVIS. STATOR. ubi Jovis in
K 2 recto

recto casu est; Stator, quod fugam stiterit: ita & IO-
VIS. CVSTOS. Tum persoluta & suscepta Vota.
VOT. X. MVLT. XX. MVLT. XXX. Vota decen-
nalia persoluta: & suscepta pro multis vicennalibus, mul-
tis tricennalibus: loco MVLT. alias SIC. legitur: SIC.
XX. Sic Vicennalia &c. decurrant. Cum a victoribus
CL. V. Clypeos Votivos poni, & mille alia Religionis
curatissimæ testimonia deprehenderit. Hæc, inquam, omnia
ubi Orthodoxus cum animo suo reputaverit; nulla ne-
mentem pulsabit cogitatio: Hem! malo Dæmoni tantum
cæcæ gentes honoris, atque cultus impenderant; & ego
Veri, & Unius Dei Cultor, num paria facio saltem, cum
citra comparisonem plura, ac maiora deberem?

*Pietas in
Principes,
Filios, Pa-
rentes,*

Neque vero PIETAS in Principes, in bene meri-
tos, in Patriam, aut Parentes, Liberosve peculiari sym-
bolo caret; dum ei Ciconiam adstitutam cernimus, ani-
mal in parentes gratum, si aliud quodquam. Inde græ-
cum ἀντιπαλαγεῖν, *gratias reddere*, a voce πάλαιος, *Ciconia*
deducitur; & vice versa apud Hebræos כִּיּוֹן *Ciconia*, a
כִּיּוֹן *beneficentia*, ortum trahit. Pietatem in Principes tot
tituli, & honores, etiam nimii, post mortem habiti con-
testantur: illa etiam Græcorum: ΘΕΑ. ΡΩΜΗ. *Dea Roma*.
ΙΕΡΑ. CTNKAHTOC. aut ΙΕΡΑ. ΒΟΥΛΗ. *Sacer Senatus*,
piam subditorum reverentiam luculenter commendant.
Augustarum in liberos Pietas ipsarum personam exhibet,
binos etiam infantes uberibus admoventem, cum epigra-
phe, vel SORS. REIPUBLICAE. vel PIETAS.
AVGVSTAE. At hoc tempore fortem hanc, ac pie-
tatem quæ detrectant Matres! quantum inferiores!

Sexti Pompeji numisma Antonius Augustinus feli-
cissime exposuit; ubi duo filii, alter Patrem, Matrem al-

alter humeris susceptos asportant, in medio stat Neptunus. Inscriptio, incipiens a capite Cnei Pompeji Magni (qui Sexti Pater erat) & in alteram partem continuata, sic habet: MAG. PIVS. IMP. ITER. PRAEF. CLAS. ET. ORÆ. MARIT. EX. S. C. *Magnus Pius, Imperator iterum, Praefectus classis, & ora maritima, ex Senatus Consulto.* Duo dicti Juvenes Catanæ, dum Ætna fureret, pii in Parentes, Æneæ æmuli extiterant, & eosdem flammis eripuerant. Hoc exemplo, tunc celeberrimo in Sicilia, Sextus Pompejus suam in Patrem Pietatem signaverat, cujus mortem ultor persequabatur, uti historiæ confirmant. Noluit vero Æneæ effigie uti; quod auctor esset familiæ Julæ, cui inimici utique Pompeji erant. Neptunus, aut Præfecturam Classis notat, aut ipsum Sextum Pompejum, qui a militibus, vivo adhuc Patre, per adulationem Neptuni filius appellabatur.


A superstitione, aut naturæ ductu præstita Pietate, *Christiana* ad monumenta Christianæ Pietatis lubens convertor, *Pietatis* quibus numismata ab Constantini Magni temporibus consecrata videmus. *monu-* Celebre illud Monogramma **X** (quod literis x & p initialibus *Christi*, *χρῖστῦ* nomen indicat) in Placidie numo, lauro cinctum, in galea Constantini, & in signis militaribus frequentissime emicat, inscriptionibus variis: GLORIA. EXERCITVS. vel HOC. SIGNO. VICTOR. ERIS. vel GLORIA. ROMANORVM. Magnentii numisma ita profert: A. **X**. Ω. SALVS. DD. NN. AVG. ET. CAES. *Alpha, & Omega Christus, Salus Dominorum nostrorum Augusti, & Caesaris,* Magnentii videlicet, ac Decentii.

Præterire hic nolo: hoc ipsum monogramma, e Græcis elementis x. & p. compositum, jam antea in Pto-

lemæorum, Ægypti Regum, numis insculptum legi; id quod in uno ipse perspicue vidi. Ubi tamen Christi Servatoris nomen indicatum utique non fuit; verum aut initiales literæ urbis, aut Monetarii signum, aut aliud denique nobis ignotum illic expressa fuerant. Idem hoc monogramma Isidorus Hispalensis recenset inter notas, dispungendis sententias servientes, & exponit: *χρήσιμον*, quasi *Utile* ad omnia; quod nempe, ex mente ISIDORI: *Est nota ad voluntatem cujusque*. Eleganter tamen assumptum est ad *Χριστῷ* nomen indicandum; cum & Crucis figuram in litera x, & initiales duas literas ejusdem sacri nominis complectatur, quod profecto universo hominum generi *χρησιμώτατον* fuisse, læti confitemur. Salutiferum itidem Crucis signum, jam lauro circumdatum, jam in Augustorum manibus, & capite, jam his literis inscriptum comparet: IC. XC. NIKA. *Jesus Christus Vincit*. Ipsa Servatoris effigies, radiato capite insignis, cernitur cum epigraphe: SALVS. REIPUBLICAE. aut IHS. XPS. REX. REGNANTIVM. aut græce idem: IS. ΧΣ. BASIL. BASIL. *Ἰησὺς Χριστὸς Βασιλεὺς Βασιλέων*. Vetat me brevitatis ad illa etiam divertere, quæ numerorum veterum notitia ad exactam Sacrarum Literarum expositionem conferre possit. Id solum habeto: extare orationem, compositam a R. P. Ægidio Laccary, Soc. Jesu, qua interpreti Sacræ Scripturæ numismatum intelligentiam necessariam esse contendit. Mitius ea de re R. P. Grainville, ejusdem Societatis, qui dissertatione, inter suas octava, utilitatem numerorum, ad S. Bibliorum interpretationem, exemplis ostendit, quam, si lubet, in Memoriis Trivultianis consule. Similia variis in operibus Doctissimus P. Harduinus quoque sufficit.

Finem dissertatiunculæ huic, de numorum veterum ad Virtutis studium utilitate, imponant verba FRANCISCI PETRARCHÆ, Bono Reipublicæ Literariæ Nati. Is cum Carolo IV. IMP. numos aliquot Augustorum, qui se Virtute, & Clementia commendarent, dono misisset, hisce verbis munus exornavit: *Ecce Caesar, quibus successisti! Ecce quos imitari studeas, & mirari, ad quorum formulam, & imaginem te componas &c. Tuum est, non modo nosse, sed sequi; Tibi itaque debentur.* Hæc sibi, habita sui status ratione, dicta quilibet putet, qui veterum numismata tractaverit. Quod si, eadem perlustrando, quidpiam occurreret, quod ad Virtutem minus facere, aut adeo cum ea pugnare videretur: etsi in græcis vix, ac ne vix quidem in latinis id eveniat; tum illud Divi Basilii, ad adolescentes, de librorum lectione monitum, huc, velim, quisque accipiat: *οὐ πάντα ἐξ ἡς παραδεικτέον ἡμῖν, ἀλλ' ὅσα χρήσιμα. Non igitur omnia nobis recipienda sunt, sed utilia duntaxat.*





INDEX CAPITUM

Differtationis

De Utilitate Rei Monetariæ Veteris.

Caput I. De Numerum Veterum Ordine, & Utilitate
ad Historiam. *Pag. 1.*

Caput II. Numerum Consularium, seu Familiarum Romanorum, ad Romanam Historiam Utilitas. *Pag. 5.*

Caput III. Ad Historiam Augustorum, eorundem Numismata quid faciant? *Pag. 14.*

Caput IV. Numismata Regum, & Urbium, atque alia, quid Chronologiæ serviant? *Pag. 29.*


Caput V. Geographiæ Veteris emolumenta ex Numis. *Pag. 45.*

Caput VI. Utilitas Numismatum ad scientiam Naturalem: ubi de Fertilitate Regionum una agitur. *Pag. 56.*

Caput VII. Vestes, Arma, Religiones, Ritus, Ædificia in numis expressa, Pictoribus, Architectis, Poëtis quid profint? *Pag. 61.*

Caput VIII. & Ultimum. Numerum Veterum Utilitas ad conciliandum amorem Virtutum. *Pag. 71.*

AP-



APPENDICULA

Ad

Numos Coloniarum Romanarum,

Per Cl. Vaillantium editos.



I.

AVGVSTVS. CORINTHI. Caput Augusti nudum.

C. HEIO. POLLIONE. ITER. C. MVSSID. PRISCO. HVIR. *Cajo Hejo Pollione Iterum, Cajo Mussidio Prisco, Duumviris. Corona ex aplo.*

Numos Augusti bene multos, Corinthi signatos, Dotissimus Vaillantius producit; hic noster tamen in illius præclaro opere non extat. Quanquam Corinthi-

L

rin-

rinthiacos numos, cum hoc eodem averſæ partis typo, atque inſcriptione eadem, adferat in Agrippa Juniore, in Tiberio, & in Germanico. Cum igitur omnes hi numi eadem Duumvirum nomina, & quidem HEIO. ITERVM. præ ſe ferant: ac certum ſit, Duumviros Coloniais, ut Conſules Urbi, non ultra annum præſuiſſe; conſequens eſt, hos tres Vaillantii numos, una cum noſtro Octaviani Auguſti, eodem anno percuffos fuiſſe. Cur vero his quatuor potiſſimum: Auguſto, Agrippæ, Tiberio Cæſari, & Germanico, uno eodemque anno numum Corinthii inſcripſerint, & quis ille annus fuerit, ſic habeto: Anno Æræ Chriſtianæ quarto, V. C. 757. S. Ælio Caro, & C. Sentio Saturnino Coſſ. Auguſtus, V. Kalendas Julias, adoptavit *Tiberium*, & eadem die *Agrippam*. VELLEIUS *L. 1. c. 103.* SÜETON. *Tib. c. 12. & 15.* Ne vero quid moveret Tiberius, juſſus eſt ab Auguſto Germanicum adoptare, antequam ipſe adoptaretur. DIO *L. 55.* TACITUS *L. 1. Annal. c. 13.* SÜETON. *cll. 1.* Subditque Vellejus: ea die inſolitæ votis, ac plauſibus Romam omnem perſonuiſſe. Igitur & hoc eodem anno his quatuor de adoptione tam ſolemni gratulantur ſignatis numis Corinthii. Quare non recte videtur Vaillantius in Germanico, hunc ejusdem numum ad annum Æræ Chriſti 17. V. C. 770. referre, quo, aut ſequente, Tiberius III. & Germanicus II Conſulatum adierunt; præſertim, cum ipſemet in Agrippa inſinuet: Tiberii, & Agrippæ dictos numos intra annum adoptionis eorundem cuſos fuiſſe, quem annum Æræ Chriſt. 4. & V. C. 757. fuiſſe conſentiunt Calviſius, Petavius, Pagius, & Uſſerius, qui poſtremus tamen anno V. C. Fabiano utitur. Corona ex apio Iſthmia Certamina denotat; quod ex aliis numis Corinthiacis patet, ubi in medio coronæ ex apio legitur: ISTHμία. Neptuno hæc ſacra erant, Iſthmi Corinthiaci Tutelari Deo, Hinc & PINDARUS in *Nem. hymno 4.* Neptunum Corinthiaco

thiaco apio coronatum inducit: quod jam advertit Patinus, & Vaillantius.

Numus hic, ad dictos tres, simili inscriptione signatos, adjunctus, atque ita ad Historiam illustrandam proficiuus, ex ære parvo est.



II.

A. VATRONIO. *Aulo Vatronio.* Caput Augusti nudum.

L. FVRIO. LABEONE. HVIR. COR. *Lucio Furio Labeone, Duumviris Corinthi.* Pegasus.

Vatroniam familiam, ex qua hic Aulus Duumvir erat, apud antiquos scriptores nusquam reperio. Inscriptio tamen vetus apud GRUTERUM pag. 1077. tres Vatronios, Caji prænominem, & diversis cognominibus insignes exhibet, atque una primum detectam hanc in numo familiam comprobatur. L. Furius Labeo, in alio Augusti numo apud Vaillantium cum L. Arrio Peregrino Duumvir Corinthi affertur. Igitur, aut bina Duumvirum paria, ob negotiorum accrementa, tum Corinthi erant: cujus rei exempla in aliis Augusti numis clara habentur; aut Furius, horum altero collega mortuo, alteroque suffecto, novum numum signari fecit. Nam si alio anno Furius


rursum Duumvir fuisset, τὸ ITERVM. adjunctum esset; nisi vero & hoc quandoque neglectum est.

Pegasus, notum Corinthi insigne, a Bellerophontis fabula ortum habet. Eam inde natam putant, quod Bellerophon veloci, & præclaro equo in circo usus; aut quod nave celeri, equi forte figuram præferente, vectus sit. Utrumlibet statuas, τὸ πηγῶν fortasse propius ad veritatem a πηγῶς, *firmus, bene formatus*, quam a πηγῇ, *fontis*, quod is equus ad Prienen fontem captus sit, derivari poterit. πηγῶς enim tam navi bene compactæ convenit, uti per se patet; quam etiam præstanti equo. HOMERUS *Il. i. v. 123.*

— — — δώδεκα δ' ἵππους
πηγῶς ἀθλοφόρους.

Duodecim etiam equos, bene formatos, præmia certaminis ferentes. De Familia Furia, item de nominibus Duumvirum numi præcedentis, jam Vaillantius notatu digna attulit.

Numus hic ex ære parvo est.



III.

... VDIVS ... COR. *Tiberius Claudius, Corinthi.* Caput laureatum Tiberii Claudii.

... ONIO. FLAM. CN. ... *Duæ figuræ togatæ stantes, dextra pateram tenentēs. Parvi moduli.*

Hic numus a Doctissimo LIEBEO, in *Gotha Numaria*, vul-

vulgatus, mutilus pariter exhibetur. Hic noster tamen urbis nomen, COR. & cognomen Duumviri prioris, FLAM. quod *Flamine*, vel *Flaminiano* legendum puto, atque etiam alterius Duumviri prænomen, CN. *Cneo* aperit. Cætera in laudato Liebeo videri possunt.



IV.


NERO. CLAUD. CAES. AVG. *Nero Claudius Caesar Augustus*. Caput Neronis laureatum.

M. AC. CANDIDO. DVIR. GEN. COL. COR. *Marco Acilio Candido Duumviro. Genio Coloniae Corinthi*. Figura muliebris stans, dextra pateram, sinistra Cornu Copiæ gestat.

A Pud Vaillantium hic, sub Nerone, Corinthi Duumvir non comparet; eum tamen ante nos protulit LIEBEUS, in *Gotha Numaria*, e simili numo. Acilia gens plebeja est: Candidus, cognomen a colore. Figura muliebris Genium urbis Corinthi repræsentat. Nam locis juxta, ac hominibus Genios Tutelares præesse, etiam Idololatræ crediderunt. SERVII *Glossa in illud. VIRGILII L. 5. Æneid. Incertus, geniumne loci &c.* Ita habet: Nullus locus sine Genio est. Genius a prisco verbo *geno*, seu gigno dicitur;

citur; hinc, cum rebus gignendis præsit, ubertatis signum Cornu Copiæ gerit : quam tamen ubertatem Religione quærendam esse, porrecta patera monet. Genios muliebri etiam forma effictos esse, hic, aliique numi veteres docent; quanquam virilis forma frequentior sit: qua forma etiam in Neronis alio numo Vaillantius Genium Coloniae Corinthi sistit.

Numus hic æneus, pariter alii duo Neronis, qui sequentur, parvi moduli sunt.



V.

NERO. CLAVD. CAES. AVG. *Nero Claudius Caesar Augustus.* Caput Neronis laureatum.

M. AC. CANDIDO. II VIR. COR. *Marco Acilio Candido Duumviro Corinthi.* Neptuneus vehitur duobus equis marinis.

Neptuneus Tutelare Corinthiorum, & Isthmi numen est, uti ex PAUSANIA in *Corinth.* ex Pindaro citato ad numum I, atque ex multis Corinthiorum numis, Neptuneo signatis, colligitur; rarius tamen illic equis marinis (qui ob flexam caudam Hippocampi, ἵπποκαμποι, dicuntur) vectus exprimitur. Hac Neptuni figura ad Neronem ipsum
Co-

Corinthii, tanquam alterum Neptunum, & suum Tutelarem alluisse videntur. Nero enim Corinthi Isthmia, Neptuno sacra, ingenti cum solemnitate celebravit, ac deinde, velut novus maris Arbiter, ingenti apparatu, & admota ipsemet manu Isthmum perfodere, ac maria committere aggressus est: uti Suetonius refert in *Nerone c. 19.* & XIPHIL. ex *Dione L. 63.*



VI.

NERO. CAESAR. Caput Neronis laureatum.

TI. CLA. ANAXILAO. II. VIR. COR. *Tiberio Claudio Anaxilao Duumviro Corinthi.* Figura muliebris stans, dextra coronat Imperatorem togatum.

Iterum hujus Coloniae Genius muliebri habitu comparet. De Nerone in Achaja versante narrat XIPHILINUS ex *Dione L. 63.* eundem omnibus in urbibus certasse, & victorem proclamatum esse his verbis: NERO. CAESAR. *Victor hujus certaminis coronat Populum Rom. & suum orbem terrarum.* Hoc tamen in numo Genius Coloniae Neronem Victorem coronat.

Claudia gens, ex qua hic Duumvir, & in quam adoptatus ipse Nero erat, Patritia est, e Sabinis oriunda, cui praenomen Tiberius familiare. Anaxilaus superbum cognomen,

nomen, a Græcis sumptum, *Rex populi*, aut potius *Salvator populi*, latine reddi potest; nam juxta SCHOLIASTEN EURIPIDIS: Ἄναξ κυρίως Σωτήρ, *Anax proprie salvator dicitur*.



VII.

NERO. CLAVD. CAES. AVG. ANNI. CII.

Nero Claudius Caesar Augustus, anni 102.

Caput laureatum Neronis.

OCTAVIA. AVG. C. I. F. S. *Octavia Augusta: Colonia Julia Felix Sinope.* Caput Octaviæ, Uxoris Neronis.

Sinope potens erat Paphlagoniæ urbs, teste DIODORO SIC. *Lib. 14.* Ἡ Σινώπη Μιλασίων ἦν ἄποιος, κειμένη ἐν τῇ Παφλαγονίᾳ, μέγιστον ἔχεν ἀξίωμα τῶν περὶ τὸς τόπους. *Sinope Milesiorum erat Colonia, in Paphlagonia sita: Maximam habuit in illis locis auctoritatem.* Quare & a STEPHANO Διαφανεσάτη, *Illustrissima* compellatur. Eandem ad Euxini maris littus stetit, pulcre FLACCUS *Lib. 2.* indicat:

Magna Pelago tremat umbra Sinopes.

Sinopensium numi admodum rari sunt: neque, cum Epochæ notis, tribus plures offendit Vaillantius. Duplicem tamen hujus urbis Epocham inde eruit ipse, & Eruditissimus P. Harduinus. Prior Epochæ statuitur anno V. C. 684. in autumno cœpisse, quo Sinope a Lucullo liber-

bertate donata est. Alterius initium ducitur ab autumno anni V. C. 705. itaque primus annus maximam partem congruit cum anno V. C. Romano 706. quo Colonia per Julium Cæsarem Sinopen deducta fuit. Utramque hanc æram STRABO *Lib. 12.* testimonio suo confirmat.

Ad posteriorem æram pertinent numeri 102. in rarissimo hoc nostro, parvi moduli, numo signati. Nam si ad 705. addam 102. devenio ad an. V. C. 807. qui fuit Neronis primus: id quod ipsam, constitutum hætenus hujus æræ initium egregie confirmat.

Gratissimum hic me aliquid Erudito Lectori præstiturum existimavi; si Epistolæ partem retulero, quam ad me Belgrado anno 1733. dederat Collega meus; in qua, præter alios Græcos, & Coloniarum numos, ab se in Asia partem contrectatos, partem comparatos, ita ad extremum quosdam Sinopenses, epocha etiam insignes, recenset.

C. I. F. XXXI. *Puto ante numeros esse A.* Caput Augusti, sine Corona.

EX. D. D. Capita jugata M. Antonii, & Cleopatæ. *Ex ære medio.*

IMP. SEV. ALEXAND. Caput laureatum.

C. I. F. S. A. CCXCIII. Figura cum hasta, confidens in lecto. Numus hic *ex ære magno est*, barbaræ manus fabrica.

IMP. MAXIMINVS. AVG. Caput laureatum.

C. R. I. T. 2. AN. ☪☪☪. V. *sic.* Templum distylum, in quo, ut puto, Nemesis sin. elevans stat, dextra flagellum tenet, ad pedes rota. *Ex ære medio.*

TRANQVILLINA. AVG. Caput. Sed barbaræ manus opus, magis etiam, quam prior Maximini numus.

C. I. F. S. Templum distylum, in quo figura stans, præcedenti similis, sine rota. *Ex ære medio.*

M. IVL. PHILIPPVS. CAES. Caput sine corona.

C. I. F. S. AN. CCC. XIX. Templum distylon, in quo mulier stans, seu Dea dex. pomum tenet, sin. flagellum, ad pedes rota. *Ex ære magna. Hactenus laudata Epistola verba.*

Rarissimis his numis, a Viro antiquitatis egregie perito exacte descriptis; Epochæ anterioris Sinopensium confirmationem debemus, quam ex unico Gordiani numo Vaillantius eruerat. Primus certe, ex hic propositis, Augusti, & Antonii numus, anno 31. insignis, ad posteriorem Sinopensium Epocham anni V. C. 705. revocari nequit; quando ultra Antonii interitum hi 31. anni excurrerent. At vero cum Æra altera anni V. C. 684. præclare congruit annus ille tricesimus primus. Adjectis enim 31. ad 684. conficitur annus 715. cujus autumno exiit annus Sinopensium tricesimus primus, qui coepit autumno anni 714. quo eodem anno, Pagio, & Norisio calculum subducentibus, Antonius cum Augusto pacem iniit, & Ovans urbem ingressus est; uti id quoque in Fastis Capitolinis legitur. Recte igitur a Sinopensibus percussus est eo anno numus, in quo Capiti Augusti, Antonii vultus consignaretur.

Ad eandem priorem æram illustrandam facit numus Alexandri; nam 294. adjectis 684. conficiunt annum V. C. 978. Alexandri Augusti quartum. In Maximini numo eadem epocha adhibita, sistit annum V. C. 989. Maximini Aug. secundum.

Numeri, in Philippi Junioris numo notati, 319. additi ejusdem æræ annis 684., dabunt an. V. C. 1003. cujus autumno exiit annus Sinopensium tercentesimus undevicesimus, atque adeo incepit autumno anni V. C. 1002. qui fuit Philipporum postremus. Illud mirum est: Philippum filium, jam aliquot annis Augustalis tituli participem, nudo capite, & cum solo Cæsaris titulo exhiberi.



VIII.

IMP. CAES. DOM. AVG. GERM. P. M. TR.
P. V. COS. *Imperator Caesar Domitianus Augustus,*
Germanicus, Pontifex Maximus, Tribunitia
Potestate Quintum, Consul. Caput
laureatum.

COL. PATRAE. *Colonia Patra.* Romam, rupi insi-
dentem, ac tenentem d. victoriolam, s. scutum, coronat Im-
perator, retro adstans, & hastam sin. sustinens. *Medii aris.*

R Arrior est hic aversæ partis typus, qualis posterius sub
M. Aurelio, & Lucio Vero a Cl. Vaillantio exhibetur.



IX.

IMP. TRA. HADRIANVS. AVG. P. P. *Im-*
perator Trajanus Hadrianus Augustus, Pater
Patria. Caput Hadriani lau-
 reatum.

COL. PTOL. DIVOS. CLA. *Colonia Ptolemais.*
Divos Claudius. Colonus boves agens, cum quatuor
 vexillis.

Colonie deductæ symbolum, jugum boum, cum co-
 lono erat; propterea, quod primos urbis condendæ
 limites aratro, bove, & vacca juncto, definirent. Vide
 ISIDORUM *L. 15. Origin.* ubi citat Catonis verba. Vexilla
 milites veteranos, in Coloniam missos, declarant. CICERO
 etiam, in *Philippica secunda*, agens de Colonia, Casilinum
 deducta, vexilli, & aratri meminit. Ptolemais alia Cy-
 renes, alia in Thebaide Ægypti, alia ad sinum Arabicum
 erat; nostra ad Phoeniciam pertinet, olim Ace, teste Ste-
 phano, & Plinio, dicta.

Hanc Coloniam a Claudio Aug. factam esse PLINIUS *L. 5.*
 & numus noster comprobant, in quo *Divos Claudius* le-
 gitur. Hinc in simili Neronis numo, non tam ideo, uti
 censebat Cl. Vaillantius, *Divos Claudius*, adscriptum est;
 quod Nero a Claudio in Claudiam familiam adoptatus
 sit: quam idcirco, quod Divi Conditoris sui memoriam
 Colonia perennare in ære suo voluerit. Nam Hadrianus
 ad Claudiam familiam quidem certe non spectat. Sed
 enim e solo Neronis numo, ita inscripto, conijcere id
 Vaillantius poterat, hoc nostro, qui ex ære medio est,
 nondum cognito.

X.



X.

T. AEL. ANTONINVS. AVG. PIVS. *Titus Aelius Antoninus Augustus Pius. Caput laureatum Antonini Pii.*

CO. AE. CA. *Colonia Aelia Capitolina. Caput muliebri turritum, eleganti cum ornatu.*

NUmum hunc, qui æneus mediæ magnitudinis est, jam ante nos vulgavit LIEBEUS in *Gotha Numaria*, sed absque inscriptione capiti adjuncta. Hierosolymam, sub Tito everfam, ab Hadriano instauratam, & Coloniam factam esse: ac eandem *Æliam*, ab Ælio Hadriano Conditore, *Capitolinam*, a templo Jovis Capitolini, illic erecto, appellatam fuisse, testantur XIPHIL. ex *Dionē L. 69.* PROLEM. *L. 5.* SPARTIANUS in *Hadriano.* EUSEB. *L. 4. hist. Eccl.* CEDRENUS ita de Hadriano: κτίζει νέαν Ἱερουσαλήμ, ἣν καὶ Ἀίλιαν προσσηγόρευσε. *Condit novam Jerusalem, quam & Æliam appellavit.*



XI.

IMP. CAES. M. AVREL. ANTONINVS.
AVG. P. M. *Imperator Caesar Marcus Aurelius
Antoninus Augustus, Pontifex Maximus. Caput
Marci Aurelii Antonini, Philosophi dicti,
fine laurea.*

COL. AEL. CAP. *Colonia Ælia Capitolina. Colonus
boves agit.*

Colonia Ælia Capitolina Antonino Pio, & M. Aurelio
numos inscripsit, etiam ob memoriam Conditoris
sui Ælii Hadriani: a quo Antoninum Pium adoptatum
esse (uti & eundem superior numus Ælium compellat) &
in cujus gremio M. Aurelium educatum, refert ÆLIUS
SPARTIANUS, *in Ælio Vero, & in M. Anton. Philos.* De Je-
rosolymæ, dein Æliæ urbis, nominibus ita S. HIERONYMUS,
Epist. ad Eustoch. *Ingressa est Jerosolymam urbem trinominem:*
Jebus, Salem, Jerusalem; qua Ælio postea Hadriano de rui-
nis, & cineribus in Æliam suscitata est.

Hic numus ex ære magno est, atque adeo in raro-
rum numero habendus.

XII.



XII.

M. COMMO. ANT. P. FELIX. AVG. *Marcus Commodus Antoninus Pius Felix Augustus.*
Caput Commodi laureatum.

COL. IVL. AVG. PHILIP. in basi: **DIVVS. AVG.**
Colonia Julia Augusta Philippi. Divus Augustus. Imperatorem, in basi stantem, coronat figura muliebris.

Genius Colonie Philippensium coronat Augustum, Conditorem ejus Colonie, a quo Julia Augusta dicitur. Hunc typum in Philippensibus numis, sub omnibus Imperatoribus, quorum numi extant, perpetuum esse, adnotavit Vaillantius, excepto Commodo, cujus numum cum alia figura adfert. Sed Commodi etiam temporibus dictum typum Philippenses usurpasse, noster hic numus definit. Philippi (quæ a **PLENIO** etiam **L. 4. Colonia** nominatur) olim Thraciæ urbs, deinde Macedoniæ adjecta, fuit Juris Italici, teste **CELSO L. 50. Dig. T. 15. de Conf. Colonia Philippensis Juris Italici est.** Prope hanc Campi Philippici, ubi Pompejus a Julio Cæs. & deinde Brutus, & Cassius ab Augusto victi sunt. **VIRGIL. Georg. 1.**

Romanas acies iterum videre Philippi.

Hi Philippenses sunt, ad quos S. Paulus scripserat, & quorum mentio fit, *Act. 16. v. 12. Et inde Philippos, qua est prima partis Macedonia civitas, Colonia.*

Numus hic ex ære medio est.



XIII.

SEPT. SEV. PERT. AVG. *Septimius Severus Pertinax Augustus. Caput Septimii, cum Corona radiata.*

COLONIAE. CAES. ANTIOCH. S. R. *Colonia Caesarea Antiochia. Senatus Romanus. Deus Lunus stans, caput pileo Phrygio tectus, dextra hastam tenet, sinistra Victoriolam: Gallus ad pedes adstat: a tergo Lunæ crescentis signum.*

L Unum marem, non Lunam muliebri specie, Afiani colebant, ne uxoribus obnoxii essent: Vide SPARTIANUM *in Caracalla.* Ab ORPHEO *etiam hymno* 8. Lunaribus Deitas: *Θηλύστε, καὶ ἀρσέν.* *femina, & mas* nuncupatur. Gallus nocturna tempora, quibus Luna præest, cantu distinguit. Victoriæ signum captam a Septimio Antiochiam, & occisum rebellem Pescenium indicare potest. Vide HERODI. *L. 2.* & SPARTIAN. *in Pescenio.* aut domitos Osroënos, Adiabenos, & Arabes; de quibus XIPHIL. *ex Dione L. 75.*
An-

Antiochia, quæ hunc numum percussit, in Pisidia erat; **PLINIUS L. 5. Piside, quorum Colonia Cæsarea, eadem Antiochia.** Hujus etiam mentio incidit *Act. 13. v. 14.*

Similem quidem huic numo jam produxit Vaillantius, sed in ære magno: noster autem parvi moduli est; ac præterea id diversi affert, quod nomen COLONIAE, integre scriptum, contineat.



XIV.

IVLIA. AVGVSTA. Caput Juliæ Pix, seu Domnæ, quæ fuit uxor Septimii Severi.

COL. CAES. ANTIOCH. S. R. *Colonia Cæsarea Antiochia. Senatus Romanus.* Deus Lunus stat, veste muliebri indutus, a tergo imago Lunæ crescentis: dextra hastam tenet, sinistra Victoriolam, quæ tropæum humeris impositum fert; columna etiam sinistram fulcit: Gallus humi adstat, & Lunus caput bovis pede premit: id quod in nullo Coloniarum numo apud Vaillantium observatur.

Caput bovis ad pedes Luni, in numo Nysæorum, Illustriss. Spanhemius primum Eubœam denotare conjecterat: deinde sententiam mutarat; Seguinus vero ad varias Lunæ cum tauro similitudines refert. **DIODORUS SICULUS Lib. 2.** hæc de Luna, Isis nomine apud Ægyptios

culta, adnotavit: Κέρατα δ' αὐτῇ περιτίθασιν, ἀπὸ πρὸς τῆς ὄψεως, ἣν ἔχουσα φαίνεται, καὶ ὅν ἂν χρόνον ὑπάρχει μνηστεύσεως, καὶ ἀπὸ τῆς καθιερωμένης αὐτῇ βοῆς παρ' Ἀγυπτίοις. *Cornua autem ipsi apponunt, propter faciem, quam habere videtur eo tempore, quo crescit: tum propter vaccam, ab Ægyptiis ipsi consecratam.* Videor mihi hoc nostro in numo non solius Deitatis Lunaris, sed triformis Hecates simulacrum reperire, quæ eadem in cœlo Luna, in terris Diana, apud inferos Proserpina habetur. Nam signum Lunæ crescentis, prope caput, Lunam in cœlo fulgentem notat. Gallus humi adstans fecunditatis est symbolum; id ex Æliano constat, qui narrat: Gallum Latonæ in deliciis fuisse, quod ei parturienti affuerit. Diana vero, & Latonæ filia est, & ipsa Lucina vocatur, partuique præest. Tum fecunditatis, & ubertatis Deam Dianam esse, satis Dianæ Ephesiæ simulacrum ostendit, multis uberibus turgens: atque ab ORPHEO etiam Lunare numen, Φερίμαρτι, o frugum ferax! *hymno 8.* salutatur. Denique caput bovis resectum, sub pede, Proserpinam apud inferos indicat, de quo PRUDENTIUS *contra Symmach. L. 1.* in metro, cui titulus *de cultu Lunæ, quam & Dianam credunt*, ita canit:

Placatur vacæ sterilis cervicæ resecta,

Et regnare simul Cæloque, Ereboque putatur.

VIRG. *Æn. 6.* & SIL. ITAL. *L. 15.* similia adferunt. Denique Victoriæ simulacrum porrigi ab Hecate, convenit cum illis HESIODI verbis, in *Theogonia*, ubi de Hecate agit:

— Ἐνθα θεὰ παραγίνεται, δὲς κ' ἐθέλῃς,

Νίκην προφρονέως ὀπάσαι.

Tum Dea adest, quibus voluerit,

Victoriam prompte ut prabeas.

Ad conjecturam hanc, si subrideat Lector; noverit, Appendiculam hanc ad Vaillantium esse. Quare licere mihi id, quod illi licuit, puto: dare nempe aliquid conjecturis, veritatis nonnunquam eruendæ proflomis.

Numus hic, magni moduli ex ære, inter rarissimos
haud dubie locandus est ; cum alium, ex ære parvo, no-
stro aliquantum similem, Vaillantius raris adnuderet.



XV.

IVLIA. AVGVST. *Julia Augusta.* Caput
Juliaë Domnæ.

COL. CAES. ANTIOCHIA. *Colonia Caesarca Antio-
chia.* Mulier stans, dextra ramum, sinistra Cornu Copiæ
portat.

Genius Colonie palme ramo victorias Septimii, aut
filiorum Caracallæ, & Getæ indicat ; de quibus
vide in eorundem numis.

Hic numus est ex ære medio.



XVI.

IVLIA. AVGVSTA. Caput Julix Domnæ.

MVNIC. STOBEN. *Municipium Stobense.* Victoria gradiens, dextra sertum, sinistra ramum præfert.

Victoriæ simulacrum, Septimii in Oriente felices expeditiones, de quibus in ejusdem numo, palmæ ramo indicat, & sertum coronat. Stobensem urbem Macedoniæ STEPHANUS tribuit: Στόβος πόλις μακεδονίας: & PLINIUS L. 4. in Macedonia: *Oppidum Stobi Civium Romanorum.* Municipium fuisse, e numis demum liquido constat. Municipis quid sint, AULUS GELLIVS L. 16. c. 13. docet: *Municipes sunt Cives Romani ex Municipiis, legibus suis, & suo jure utentes; muneris tamen cum Populo Romano honorarii participes, a quo Munere Capessendo appellati videntur.*



XVII.

IVL. DOMNA. AVG. *Julia Domna Augusta.*

Caput ejusdem.

GET. CAE. ANT. AVG. in medio: C. M. L. *Geta Caesar, Antoninus Augustus, nempe Caracalla. Colonia Metropolis Laodicea.* Antoninus Caracalla, & Geta stantes, dexteras jungunt.

Hæc Laodicea Syriæ est, quæ adhæsit Septimio contra
Pe-

Pescenium Nigrum; atque idcirco jura captæ Antiochiæ Syriæ, *Colonia*, & *Metropolis*, in Laodiceam translata sunt; quod Antiochia Pescenium recepisset. Hinc & Laodicea in numo Gazæ Regiæ Parisiæ SEP. *Septimia* a Septimio, novo veluti Fundatore, compellatur. ULPIANUS *L. 50. Dig. T. 15. de Cens.*: *Est & Laodicea Colonia, in Syria Coele, cui Divus Severus jus Italicum, ob belli civilis merita, concessit.* Antiochiam Laodiceenem etiam in servitutem datam esse, HERODIANUS *L. 3.* refert. Cur Caracalla, & Geta in numo Juliæ Matris dextras jungant; quos tamen usque discordes fuisse, ex HERODIANO *L. 3.* constat; lucem idem HERODIANUS *L. 4.* afferet, ubi Juliam Matrem, quæ filios concordem apud se habere studuit, ita eos, cum Imperium divisissent, alloquentem inducit: ἡν μὲν, ἔφη, καὶ θάλασσαν, ὡς τέκνα εὐρίσκετε, ὅπως νείμῃθε &c. τὴν δὲ μητέρα, πῶς αὖν διέλοιθε; *Terram quidem, inquit, & mare invenistis o filii, quomodo divideretis; matrem autem qua ratione dividetis?* Tum igitur Matris gratia publicam concordiam aliquamdiu simulaverint. Id numus hic exhibet; & comprobatur XIPHIL. ex *Dione L. 77. in Caracalla.* προσπειῶντο μὲν γὰρ καὶ φιλεῖν ἀλλήλους, καὶ ἐπαινῶν. *Simulabant mutuam amorem, ac sese mutuam collaudabant.* Nisi quis malit, hunc numum cūsum esse in memoriam ejus facti, quo Caracalla: *Antoninus, Augustus, & Geta, Caesar* simul renunciati sunt; quod ita refert SPARTIANUS in *Severo cap. 16.* *Filium ejus Bassianum Antoninum, qui Caesar appellatus jam fuerat, annum decimum tertium agentem, participem Imperii dixerunt milites: Getam quoque, minorem filium, Casarem dixerunt.*

Hic numus ex ære medio est.



XVIII.

M. AVR. ANTONINVS. AV. *Marcus Aurelius Antoninus Augustus. Caput laureatum Antonini Caracallæ.*

MVNICI. STOBENS. *Municipium Stobense. Victoria stans, dextra facem, cui serpens implexus est, sinistra Cornu Copiæ tenet.*

NUllum similem Stobensem numum sub hoc M. Aurelio Vaillantius protulit; eundem tamen partis aversæ typum in alio Juliæ Domnæ, Stobis percussio, illic videre est. Rarior est hæc Victoriæ imago, qua Salus etiam per serpentem, & Genius loci per Cornu Copiæ indicari videntur.

Stobenses Victoriæ signarunt in Caracallæ numo; quod is Parthos a se victos esse gloriaretur, qui adveniente Romano exercitu in montes se receperant. *XIPHIL. ex Dione L. 78.*

Hic, &, qui proxime sequuntur, tres Caracallæ numi ad mediæ æris modulum pertinent.

XIX.



XIX.

M. AVREL. ANTONIN. *Marcus Aurelius Antoninus.* Caput Caracallæ laureatum.

COL. AVG. TROAD. *Colonia Augusta Troadenfis.*
Templum quatuor columnarum, in quo idolum Apollinis,
arcum tenentis.

Multos Troadensium numos, Caracallæ dicatos, vulgavit Vaillantius, sed nullum, in quo templum extaret. Troas ex Ilii rudibus ab Alexandro M. primum, deinde ab Antigono Rege instaurata est; atque idcirco etiam **ALEXANDRIA. & ANTIGONIA**, in numis compellata legitur. Eandem Immunem suis temporibus, id est, Augusto imperante, factam esse, STRABO *L. 13.* refert: quapropter etiam **AVGVSTA**, dicitur. Apollinem, Tutelare Trojæ Numen esse, vel ex OVIDIO *1. Trist. eleg. 2.* omnes norunt:

Jupiter in Trojam, pro Troja stabat Apollo.

Hoc in numo stat Apollo arcum tendens, aut pro Troja, aut in Pythonem, quem ubi sagittis confecerat, Pythius dictus est. Apollinis *τοξοφόρος Arcitenentis* apud PINDARUM etiam mentio fit, in *Olymp. ode. 6. v. 100. & ode. 14. v. 15.* ab eodem PINDARO *Pyth. ode. 9. ἐν τοξοφόρῳ Ἀπόλλωνι,*
la-

latum arcum gerens Apollo, nominatur. DIODORUS etiam Apollinem ἰσχυρὴν τῷ τόξῳ, arcus inventorem, & Cretensium hac in arte magistrum appellat.



XX.

IMP. M. AVR. ANTONINVS. *Imperator Marcus Aurelius Antoninus. Caput laureatum Antonini Caracallæ.*

SEP. TYRVS. METRO. COLONI. *Septimia Tyrus, Metropolis, Colonia. Templum plurium columnarum, infra quod Conchylum.*

TYrum Phoeniciæ metropolim fuisse, vetus ejus urbis numus apud Harduinum, cum aliis, demonstrat: ΤΥΡΟΥ. ΜΗΤΡΟΠΟΛΕΩΣ. ΚΟΙΝΟΝ. ΦΟΙΝΙΚΗΣ. ΑΚΤΙ. *Tyro Metropoli: Commune Phœnicia, Asia celebravit.*

Templum, hic expressum, cum nullum in eo Idolum compareat, censetur esse Herculis, qui (teste STRABONE L. 16. de Tyriis) τιμᾶται δὲ καθ' ὑπερβολὴν Ἡρακλῆς ὑπ' αὐτῶν. *Colitur ab ipsis singulariter Hercules.* Adjicitur Conchylum, seu Murex, ex quo celebris illa Tyriorum Purpura conficiebatur. PLIN. L. 5. *Nunc omnis ejus (Tyri) nobilitas Conchylis, atque Purpura constat.* Tyrus SEPTIMIA. compellatur in numo Caracallæ, ab ejusdem Patre Septimio Severo.



XXI.

M. AVRELIVS. ANTONINVS. AVG. *Marcus Aurelius Antoninus Augustus.* Caput Caracallæ laureatum, cum signo impresso, caput referente.

C. L. I. COR. *Colonia Laus Julia Corinthus.* Leo posterioribus pedibus subsidens.

Similem Leonis typum, in Corinthiaco itidem Lucii Veri numo, exhibuit Vaillantius, atque ad monumentum sepulchrale Laidis refert, quod Corinthi extitisse, eique simulacrum Leænæ impositum fuisse, PAUSANIAS in *Corinthiacis* narrat. Vt erudito ne hic assentiar, duo obstant. Primum, quod Leo bene jubatus in utroque numo effictus est; atque si ARISTOTELI credimus, *Lib. 6. Hist. anim. cap. 31.* Οὐκ ἔχει δὲ λέαινα χαίτην, ἀλλ' ὁ ἀγρὸν λέων. *Non habet leana juba, sed leo mas.* Neque quidquam hic obest: hisce nostris temporibus repertas esse in America Leænas, jubis horridas. Alterum est, ipse Pausaniæ locus, si integer, & non mutilus in considerationem veniat; qui ita habet: ὡς δὴ λέαινα ἐπίθημά ἐστι, κρινὸν ἔχουσα ἐν τοῖς προτέροις ποσίν. *Cui (Sepulchro Laidis) Leana imposita est, arietem tenens pri-*

○

prioribus pedibus. Verum nihil simile in illo Vaillantii, aut nostro hoc numo deprehenditur.

Quare aut aliud hoc monumentum Corinthi fuit; aut fortitudinem bellicam in Parthos indicat, cujus laudem Lucius Verus obtinuit, & ambivit Caracalla. Fortasse adulari etiam hoc symbolo Caracallæ voluerunt Corinthii, qui Alexandrum Magnum in ore ferre, & assimulare soleret, cujus insigne Leo erat; Leonem in annulo signatum gestabat Caracalla. Vide SPARTIAN. *in Carac.* HERODIAN. L. 4. PLUTARCH. *in Alex.* Præterea, cum bellum Parthicum gereret Caracalla, ipse ad Senatum scripserat: Leonem, qui de improvviso de monte descenderat, pro se pugnasse: teste XIPHILINO, ex *Dione* L. 78. Huc facit, quod apud Gesnerum habetur: Leonem quietum *residere*, cum adversarius se aliquo signo victum fatetur; id quod hic ad fugientes Parthos pertinere potest. Ridicula de cicuratis Leonibus idem Xiphilinus narrat, quibus Caracalla familiariter utebatur.

Colonia Corinthus IULIA. dicitur, a Julio Cæsare, a quo Colonix jura obtinuit: LAVS, cognomen honoris est, uti Laus Pompeja, urbs Italiæ, in honorem Pompeji compellata est.

Est hic numus ex ære medio.



XXII.

M. AVR. ANTONINVS. PIVS. AVG. GERM.

Marcus Aurelius Antoninus Pius Augustus,
Germanicus. Caput laureatum Ca-
racallæ.

COL. A. A. PATR. *Colonia Augusta Aroë Patrensis.*
Lupa cum Romulo, & Remo.

PATRÆ, Achajæ urbs, hodie *Patrasse*. PLINIVS L. 4. *Patra*
Colonia. Ἀρόν Αροῖ, teste PAUSANIA L. 7. vetus ei no-
men fuit, ab idonea ad arandum terra. Dein Patra com-
pellata est a Patrao, seu Patreo ampliatore, quem & numi
exhibent. Ab Octaviano Augusto Colonia facta, Augusta
titulum adjecit. Lupa cum Romulo, & Remo, Civium
Romanorum, in Coloniam missorum, symbolum est;
quemadmodum vexilla, & alia militaria signa, milites,
Coloniis adscriptos, indicare, dictum est.

Hic numus ex ære parvo est.



XXIII.

IM. C. P. SEPT. GETA. PIVS. AVG. *Imperator Caesar Publius Septimius Geta Pius Augustus.* Caput Getæ laureatum.

MVNICI. STOBEN. *Municipium Stobense.* Victoria gradiens, dextra lauream fert, sinistra palmæ ramum.

SPartianus de Geta, Septimii Severi filio, & Caracallæ fratre refert: eundem in Parthico, & Britannico bello ingenti gloria floruisse. Gratulari ergo hoc typo videntur Stobenses Getæ Augusto de obtentis victoriis.

Hic numus medii inter æneos moduli est.



XXIV.

IMP. CAESAR. M. AVR. ANTONINVS. PIVS. AVG. *Imperator Caesar Marcus Aurelius Antoninus Pius Augustus.* Caput laureatum Antonini Elagabali.

TYRIORVM. Hercules stans inter tropæum, & columnam, cui insistit Victoriola: dextram extendit ad tropæum, sinistra clavam, & leonis exuvias gerit: ad pedes Palma arbor, & Conchylum.

Hercules peculiare Tyriorum numen, teste JUSTINO
L. 44.

L. 44. est habitus; atque idem florentibus ipsorum rebus, in Hispaniæ insulam Gades Coloniam deduxit, pulso ejus Rege Geryone, cum duobus fratribus. Hoc tamen in numo Hercules Tyrius cum Thebano illo idem esse repræsentatur; nam Thebani Herculis primum laborem fuisse Nemeæ leonem, a variis Poëtis, & a PHILIPPO BYZANTIO ita canitur:

Ἦλθε τῆς Νεμίας θῆρ ἀπλετον.

Perdidit Nemeæ belluam insatiabilem.

Tropæum, & Victoriola columnæ insistent, aut ob Herculis victorias, in extremum occidentem prolatas, aut ob Colonias, a Tyriis in totum fere orbem dimissas, consignata videntur. Palma, græce *φόνιξ*, Phoeniciæ symbolum est, palmarum feracis. Conchylum proprium, uti dictum est, Tyriorum insigne.

Hic numus magni æris modulum attingit.



XXV.

M. AVREL. ANTONINVS. *Marcus Aurelius Antoninus.* Caput laureatum Elagabali.

MVNICIP. STOBENVN. *Municipium Stobenum.* Coronam dextra, & palmam sinistra portat Athleta.

A Thletam, hac figura expressum, in numis Coloniæ, a Vaillantio editis, non reperi. Indicat hæc

effigies, aut certamina quædam a Stobenſibus celebrata eſſe, aut potius Stobenſium Municipum aliquem in Olympiciſ ludis, aliisve, Victorem fuiſſe. Appoſite plane ad numi noſtri typum, & hanc conjecturam VITRUVIUS L. 9. *Athletis, qui Olympia, Pythia, Iſthmia, Nemea viciffent, Græcorum majores ita magnos honores inſtituerunt; uti non modo in conventibus ſtantes cum palma, & corona ferant laudes &c.*

Quid, ſi celeberrimus ille, Elagabali temporibus, Athleta Aurelius Ælix hic exhiberi dicatur? ſane de eo ita magnifice DIO CASSIUS *in fragmentis, per Carminium Falconem Roma editis, an. 1724.* Ο δὲ Σαρδανάπαλος καὶ ἀγώνας ἐποίει, καὶ θεὰς σύχνας, ἐν αἷς Ἀυρήλιος Ἄλιξ ὁ Ἀθλητὴς εὐδοκίμησεν ὅς τοσούτον τὴν ἀνταγωνιστὰς ὑπῆρξεν, ὥστε πάλην τε αἶμα, καὶ παγκράτιον ἐν τῇ Ὀλυμπίᾳ ἀγωνίσασθαι ἐθελῆσαι καὶ τοῖς καπιτωλίνοις καὶ αὐτῷ νικῆσαι. *Sardanapalus (Elagabalus) certamina multa, & ſpectacula conſtituit, in quibus Aurelius Ælix Athleta magnam gloriam conſecutus eſt. Is adeo certaminum emulos ſuperaverat; ut lucra ſimul, & pancratio certare in Olympiacis voluerit: & in Capitulinis etiam utroque certamine vicerit.* Deinde ſubneſcitur: Eundem porro Romæ utroque certamine, quod alium neminem, Victorem extitiſſe.

Neque hoc primum exemplum eſt Athletæ, in numo conſpicui. Neronis bini numi apud TRISTANUM *Tom. 1.* Athletam in curru ſublimem, palma, laureaſque decoratum exhibent, quorum alter EVTYMIVS, alter STEFANAS. inſcriptus legitur.

Hic, & ſequens Elagabali numus ex ære medio eſt.



XXVI.

IMP. C. M. AVR. ANTONIN. *Imperator Caesar Marcus Aurelius Antoninus.* Caput Elagabali laureatum.

MVNICIP. STOBENIVM. *Municipium Stobenium.* Jupiter sedens, dextra Victoriolam, sinistra hastam tenet.

HAec Jovis effigies in Stobensium numis apud Vaillantium non habetur. Victoriæ sigillum Jupiter attinet, *Νικηφόρος* dictus, in memoriam victoriæ, adversus Titanes relatæ: hasta pura Divinæ potestatis indicium habetur.

Cl. Patinus in numo Juliæ Domnæ: MVNICIPIVM STOBENSIVM inscriptum cum deprehendisset, orthographiam nominis hujus urbis illo e numo petendam monuit. Verum variis modis illud recte scribi, vel nostri, hic adducti numi conficiunt, in quibus tum STOBENS. id est STOBENSIVM. vel STOBENSE. tum STOBENVM. & STOBENIVM. integre expressum vidimus.

XXVII.



XXVII.

IVL. AQVILIA. SEVERA. AVG. *Julia Aquilia Severa Augusta.* Caput Aquiliæ, uxoris Elagabali, cum signo incuso, caput laureatum Elagabali referente.

TYRIORVM. Dea Astarte, tutulato capite, stans inter tropæum, & columnam, cui insistit Victoriola: dextram ad tropæum extendit, sinistra tenet baculum: ad pedes Palma, & Conchylium.

A Starte, quæ & 'ougavin, *Uranie*, seu Venus Cœlestis, & Quarta Venus, item Hebræis אַסְתָּרוֹת *Astaroth* appellatur, eadem cum Luna esse censetur. Eam LUCIANUS *de Dea Syria*, describens, turrim capiti, & baculum manui attribuit. Phœnices eam in primis coluere, & horum coloni Carthaginenses; uti SALVIANUS *L. 8. de gubern.* suo etiam tum tempore, ejus cultum Carthagine familiarem fuisse deplorat. Caput Elagabali, qui Deo Elagabalo, seu Soli devotissimus erat, junctum in hoc numo capiti Aquiliæ uxoris, suspicionem mihi iniecit: Tyrios allussisse ad id Elagabali factum, quo Deo suo Elagabalo, repudiata Pallade, Astartes simulacrum in uxorem Romam deferri, atque idcirco festos dies tota Italia celebrari jussit.

Rem

Rem narrat HERODIANUS L. 5. quem, ne longior sim, latine loquentem inducam: *Negans autem cordi esse suo Deo (Elagabalo) uxorem, atque armatam (Palladem) simulacrum Uranies iussit adferri, quod scilicet Carthaginensibus, omnique Africa incredibilem in modum venerabile positum esse a Phœnissa Didone, creditur &c. hanc Afri Uranien vocant, Phœnices Astroarchen, Lunam esse, affirmantes. Congruere igitur aiebat Antoninus matrimonium Solis, & Lune.*

Est hic numus ex ære medio.



XXVIII.

IVL. AQVILIA. SEVERA. AVG. *Julia Aquilia Severa Augusta. Caput Juliae Aquiliae.*

TYRIORVM. Urna, ex qua prodit ramus oleæ, infra illam Conchylum: eidem nunc inverso literarum ordine inscriptum legitur sic: $\text{ΑΙΑ ΗΡΑΚΛΗ ΑΠΗΜΥΛΟ}$. id est: ΗΡΑΚΛΙΑ ΟΛΥΜΠΙΑ . *Heraclia, Olympia.*

Olympica certamina a Tyriis celebrata esse, hic numus indicat, quæ eadem Heraclia dicuntur ab Hercule, a quo in Olympia urbe, quæ olim Pisa dicta est, in
p ho-

honorem Jovis Olympii instituta sunt. PINDARUS *Olymp. ode. 3.*

Ἦτοι Πίσα μὲν Διὸς.

Ὀλυμπιάδα δὲ ἔα-

σεν Ἡρακλῆς.

Sane Pisa quidem Jovis est;

Olympicum autem certamen

instituit Hercules.

Ipse etiam typus numi indicat, distincta non esse certamina; cum unica tantum urna, unicusque ramus proponantur, Oleam, & Oleastrum Olympicis ARTEMIDORUS *L. 4. c. 54.* attribuit. PINDARUS *Olymp. ode 4. de Psaumide Olympionice* ita canit: Ὃς ἐλαία στέφανοθής, qui olea coronatus est: Et LUCIANUS in *Anacharsi*: Ὀλυμπιασὶ μὲν στέφανος ἐκ κοτίνῃς. *Olympiis corona est ex oleastro.*

Numus hic est ex ære medio, cujus formam Syro-græculus artifex sculpsisse videtur; cum literas græcas orientalium more collocarit.



XXIX.

M. OPEL. ANTONINVS. DIADV.C. *Marcus Opelius Antoninus Diadumenianus*
Caesar. Caput nudum.

COL. FL. PAC. DEVL.T. *Colonia Flavia Pacensis*
Deultum. Figura sedens, d. pateram, f. hastam. Medii
moduli.

Praestantioribus, ac rarioribus accenset Vaillantius
 omnes Diadumeniani numos, in Coloniis cufos: præ-
 terquam, quod hoc numi nostri iconium in Deultanorum
 numis insolitum sit.



XXX.

IMP. C. M. AVR. SEV. ALEXAND. AVG.
Imperator Caesar Marcus Aurelius Severus Alexan-
der Augustus. Caput Alexandri laureatum.

COL. FL. PAC. DEVL.T. *Colonia Flavia Pacensis*
Deultum. Mulier stans, dextra serpentem, sinistra pa-
teram tenet.

Similis figura muliebris cum serpente, & patera, in Ro-
 manis numis SALVS inscribitur: græcis *ῥυμία*, vel

ἡγία appellatur, & Æsculapii medici filia fuisse perhibetur. Serpentem, salutis symbolum, jam inde ab æneo illo Moyſis Serpente didicerint gentiles. Patera indicat, Religione quærendam eſſe ſalutem. Severo Alexandro optimo jure Hygia adſignata eſt; quando de eo hæc illuſtria narrat ÆLIUS LAMPRIDIUS: *Ægrotantes ipſe viſitavit per tentoria milites, etiam ultimos, & carpentis vexit, & omnibus neceſſariis adjuvit.* Deulton Thraciæ urbs eſt. EUSEBIUS L. 5. hiſt. c. 19. Δέσλτος κολωνία τῆς Θρακίας. *Deulton Colonia Thracia.*

Hic numus medii æris modulum non excedit.



XXXI.

IMP. C. M. AVR. SEV. ALEXAND. AVG.
Imperator Caesar Marcus Aurelius Severus Alexander Augustus. Caput laureatum.

COL. FL. PAC. DEULT. Mercurius stans, d. crumenam, sin. caduceum, cum strophio. *Medii æris.*

XXXII.



XXXII.

IVLIA. MAMAEAE. AVG. *Julia Mamaea Augusta. Caput ejusdem.*

COL. FL. PAC. DEVL. *Aquila rostro fertum gestans, aëe insistit, sine basi; utrimque vexillum erigitur, in quorum altero astrum. Medii moduli.*



XXXIII.

IMP. MAXIMINVS. PIVS. AVG. *Imperator
Maximinus Pius Augustus. Caput Maxi-
mini laureatum.*

COL. AVG. TROA. *Colonia Augusta Troas. Apollo
nudus stans, dektra lauri ramum gerit: pedem cippo im-
ponit.*

A Pollo, Troadis Tutelaris Deus, hic vaticinantis gestu,
rituque repræsentatur. Lauri ramum gerit; quia
laurus, teste Hesiodi Scholiaste, multum facit ad vatici-
nantium furorem. Ad somnia etiam interpretanda valere
laurum Hyginus fabulatur. Apud DIODORUM SIC. *Lib. 1.*
Apollo lauri inventor habetur.

Hic numus ex ære medio est.



XXXIV.

IVL. V. MAXIMVS. C. *Julius Verus Maximus
Casar. Caput nudum Maximi, filii Maximini.*

COL. AVG. TRO. *Colonia Augusta Troas. Tem-
plum cum Idolo Apollinis, arcum gerentis.*

Quante raritatis hic, mediæ formæ, numus sit, ex
co

eo liquet: quod Vaillantius Troadensem Maximi numum, ex ære parvo, & obvia alias figura signatum, rarissimis tamen accenseat. Quin omnes Maximini, & Maximi numi, in Colonia cusi, egregiæ raritatis sint, oportet; cum Vaillantius quatuor duntaxat in Maximino, & in Maximo totidem adferat.

Templum Apollinis est, non Tutelaris tantum, sed & Conditoris Trojæ, VIRGIL. 3. *Georg. Troja Cynthius author.*



XXXV.

IMP. CAES. M. ANT. GORDIANVS. AVG.
Imperator Caesar Marcus Antonius Gordianus Augustus. Caput Gordiani Pii laureatum.

ANTIOCHIA. S. R. *Antiochia. Senatus Romanus.*
Gordianus curru triumphali, quadriga equorum juncto, vehitur, dextra Scipionem Consularem cum Aquila gerens, sinistra lauri ramum: a tergo adfistens Victoria Gordianum coronat: miles antecambulo equos ducit: tres alii ad latus dextrum, palmam singuli præferentes, dignoscuntur.

Hic numus, qui ex ære magno est, ad Antiochiam Pisi-
diæ pertinet, quam adsignatæ literæ S. R. ab Antiochia Syriæ distinguunt. Videntur hunc numi typum ex Romano ære Antiocheni desumpsisse; quando & inter
nu-

numos maximi moduli Musci Farnesiani, & inter alios, mediæ formæ, Gordiano a Romanis percussos reperire est, qui similem averfam partem exhibeant cum inscriptione: TRIB. POT. III. COS. II. Unde conficitur, numum hunc cūsum esse, circa annum V.C. 993. Gordiani Pii tertium: Atque adeo Victoria de Persis, eorumque Rege Sapore, eodem, aut superiore anno relata est, quam hic triumphalis typus indicat. De victoria hac JULIUS CAPITOLINUS scribens, epistolam Gordiani refert, in qua, ad Senatum data, expressa mentio fit trium urbium receptarum: Antiochiæ Syriæ, Carrharum, & Nisibis; quippe quas Colonias fuisse, ac Metropoles, superstites earundem numi testantur. Quare apposite omnino tres milites, totidem palmas præferunt, quibus hæ tres receptæ urbes denotari videntur. Fortasse hic simul Processus Consularis Gordiani indicatur.



XXXVI.

IMP. GORDIANVS. PIVS. AVG. *Imperator Gordianus Pius Augustus.* Caput Gordiani laureatum.

COL. FL. PAC. DEVL'T. *Colonia Flavia Pacensis Deulton.* Nemesis stans, dextra flagellum, sinistra bilancem tenet; ad pedes rota.

Nemesis Dea scelerum ultrix est, & nocentes punit, teste
POM-

POMPONIO LÆTO *de Nemefi* ; idcirco flagello instructa est. Nomen obtinuit, aut a Νεμεσίῳ *succensēo* ; aut juxta Aristotelem ἀπὸ τῆς διανεμέσεως *a distributione*, cuique pro meritis facienda : hinc bilancem ostentat, Justitiæ propriam.

PLATO *de legibus* Nemefin : δίκης ἄγγελον, *allegatum Justitiæ Genium* nominat ; & POMPONIUS LÆTUS ita apertius de ea : *Rebus humanis trutinam adhibens*. Rota cur adjecta sit, idem Pomponius declarat : *Nemefis, quam plerique existimavere vim Fortunæ &c.* cui CLAUDIANUS concinit, *de bello Getico* :

*Sed Dea, quæ nitiis obstat Rhamnusia votis,
Ingemuit, flexitque rotam.*

Gordianus hoc in numo tanquam placator vindictæ cœlestis, quæ in terras tum desæviera, commendari videtur. Ita de eo JUL. CAPITOL. *in Gordiano tertio* refert : *Fuit terræ motus eo usque gravis imperante Gordiano, ut civitates etiam terræ hiatu cum populis deperirent ; ob quæ sacrificia per totam urbem, totumque orbem ingentia celebrata sunt.* Nisi hunc Nemefis typum eo referre malis : Gordianum, ad bellum Persicum profecturum, Nemefi sacrificasse ; quod Romanis in more fuisse, cum ad bellum procederent, testatur POMPONIUS LÆTUS *loco citato*.

Hic numus ex ære medio est, uti & sequens.



XXXVII.

IMP. GORDIANVS. PIVS. FE. AVG. *Imperator Gordianus Pius Felix Augustus.* Caput cum corona radiata.

COL. FL. PAC. DEULT. *Colonia Flavia Pacensis Deulton.* Lupa cum Romulo, & Remo.

Deulti etiam PTOLEMÆUS in *Thracia* meminit L. 3. c. 13. *Δέουλιτος Κολωνία.* & PLINIUS L. 4. *Develton cum stagno, quod nunc Deultum vocatur, Veteranorum.* Verum præter Veteranos Milites, etiam Togatos Cives in Coloniam hanc missos esse, horum symbolum, Lupa cum Romulo, & Remo indicat.



XXXVIII.

IMP. CAES. M. ANT. GORDIANVS. AV. *Imperator Caesar Marcus Antonius Gordianus Augustus.* Caput laureatum Gordiani Pii.

P. M. S. COL. VIM. AN. I. *Provincia Mæssa superioris Colonia Viminacium: anno primo.* Muliebris figura expansis manibus stans inter Leonem, & Taurum.

Quanquam Cl. Vaillantius hujus Colonie numum, anno

anno primo inscriptum, & solito Viminacensium iconio signatum, sub Gordiano Pio protulerit; hunc nostrum tamen, qui ex ære magno est, propterea proponendum putavi: quod Leonis, ac Tauri forma, isthic expressa, abludat a forma aliorum omnium hujus urbis numorum, quos inspicere mihi, aliisque hic loci, ubi per-frequentes habentur, contigerit. Nam in reliquis omnibus, quod meminerim, Leo, ac Taurus integro corpore, & alter ad alterum Mulieris stantis latus velut accedens effectus est. In nostro vero, dimidio tantum corpore Leo, ac Taurus prominent, ac velut a tergo figuræ stantis digrediuntur.

Fuerit hoc primum fortasse Monetæ Viminacensis typarium; quando & primum Colonie annum præ se fert, & reliqui hujus Colonie numi tum hujus, cum consequentium annorum omnes (qui Mulierem, inter Leonem, ac Taurum stantem, referunt) altero illo iconio signati comparent, quod haud dubie præ primo isto Monetæ Præfectis magis arriserit.



XXXIX.

IMP. GORDIANVS. PIVS. FEL. AVG. *Imperator Gordianus Pius Felix Augustus.* Caput ejusdem cum corona radiata.

P. M. S. COL. VIM. AN. IIII. *Provincia Mæsia Superioris Colonia Viminacium : anno quarto.* Mulier stans inter Taurum, & Leonem, utraque manu vexillum tenet, quorum alteri VII. alteri IIII. inscriptum est: Vexillis imposita sunt capita Gordiani, & Tranquillinæ.

Viminacium, nunc Widin in Servia, Colonia facta est a Gordiano Pio anno ejus Imperii tertio, V. C. 993. quo anno Gordianus, teste CAPITOLINO: *fecit iter in Mursiam, atque in ipso procinctu, quidquid hostium in Thraciis fuit, delevit.* Ab hoc anno, Colonie hujus anni, numis inditi, supputandi sunt. Numeri VII. & IIII. in vexillis notati, Veteranos Septimæ Claudianæ, & Quartæ Legionum, Viminacium deductos docent. De Septima certe Legione id confirmat *Notitia Imperii Sect. 30.* ubi ita habetur: *Præfectura Legionis Septima Claudiana, Viminacio.* In numis Gallieni Aug. hæc eadem Legio Septima Claudiana cum *Tauri* insigni, & Legio Quarta Flavia cum *Leonis* symbolo leguntur: unde patet, cur muliebris Colonie effigies media inter Leonem, & Taurum adstet. Quare, cum adscriptarum Legionum insignia adeo manifeste hic deprehendamus, nihil opus est, cum Patino, & Vaillantio ad moralem interpretationem confugere; aut cum R. P. Harduino Leones in Macedonia quærere.

Similem huic nostro, qui æris medii est, Viminacii numum jam vulgavit Vaillantius; nisi quod illic capita Gordiani, & Tranquillinæ uxoris, vexillis imposita non compareant, quæ in nostro perspicue extant. Milites igitur dictarum Legionum, eisdemque Coloni capitum Gordiani

diani Conditoris, atque ejus uxoris simulacra vexillis præfixerunt, honoris significatione, Romanæ militiæ non inusitata. Nam simile quid Juliano Augusto a militibus exhibitum HERODIANUS L. 2. narrat : τὰ δὲ σημεῖα ἄραντες, καὶ τὰς ἐκεῖναις εἰκόνας ἀποκαταστήσαντες προπέμπειν ἐπειρώντο. *Sublatis signis, impositisque illius iconibus, deducere eum tendunt.* Id genus alia SVETONIUS, in *Tiberio*, & *Calig.* & de Vitellio XIPHILINUS L. 65. referunt, ac TACITUS variis in locis.



XL.


IMP. GORDIANVS. PIVS. FEL. AVG. *Imperator Gordianus Pius Felix Augustus. Caput Gordiani cum corona radiata.*

P. M. S. COL. VIM. AN. IIII. *Provincia Mæssa superioris Colonia Viminacium: anno quarto. Mulier stans, dextra stringit posteriores pedes Cervi, aut Capreoli, capite deorsum pendentis, sinistra vexillum tenet.*

PECuliaris hic, & elegans numi Viminacensis typus, quem hactenus repertum esse, mihi non constat, facit, ut deleri jam possint illa Vaillantii verba, a Cl. P. BANDURIO in *notis ad numum Decii*, tom. 1. pag. 14. repetita:

In Viminacii Coloniae numis perpetuus est mulieris, inter bovem, & leonem stantis, typus. Si vexillum, quod sinistra tenet mulier, non ita attritum esset, ut numerus discerni posset; fortasse, animal illud ad Legionis cujusdam symbolum spectare, alicunde exsculperemus, quæ hoc anno Viminacii, aut hibernaverit, aut alio movens diverterit. Quod si Cervum id animal dicamus; dicere autem possumus, etsi minor Cervo fera, cum muliere stante comparata, videatur; nam alii Viminacenses numi simili proportionem Leonem, & Taurum exprimunt: Cervum, inquam, si manu stringat Coloniae figura, id celebrem in Mœsia Cervorum venationem significare potest, quos tam diu in equis persequiebantur, dum fatigati Cervi manibus capi possent. ARRIANUS de Venatione cap. 23. hæc habet: Ἀλλὰ τὰς ἐλάφους ἐνθα τὰ πεδία ἐυήλata, ἐν μὲν Μυσσίαις, καὶ ἐν Γέταις, καὶ ἐν Σκυθίαις, καὶ ἀνατὴν Ἰλλυρίδα ἀπὸ ἵππων τῶν Σκυθικῶν καὶ Ἰλλυρικῶν διώκουσιν &c. Verum Cervos, ubi plani se campi explicant, apud Mysos (seu Mœsos) & Getas, & in Scythia, ac circa Illyricum, equis Scythicis, aut Illyricis insistentes persequuntur &c.

Hic numus ex ære medio est.



XLI.

IMP. HILIPPS *sic.* *Imperator Marcus Julius Philippus.* Caput Philippi Senioris, cum corona radiata.

. . . . CASSANDR. . . . *Colonia Cassandrensis.* Muliebris figura capite tutulato stans, d. botrum attollit; f. Cornu Copiæ, & aliquid, masculo sedenti simile, sustinet.

Cassandria, Macedoniæ urbs, in Pallenenfi isthmo, antea Potidea dicta est: deinde a Cassandro Rege instaurata, nomen mutavit, teste PAUSANIA *Lib. 5. cap. 23.* consentiente Plinio, & Stephano. In ære veteri *Julia*, & *Augusta* compellata legitur. Numus noster, qui parvi moduli est, insolita hac icone aut Bacchum Muliebrem, aut Genium Colonix potius indicat, qui solum, vini generosi ferax, sublato botro denotat. Quid exigua illa figura prope Cornu Copiæ, manui insidens, sibi velit, nihil apppositi occurrit. Cl. Vaillantius Cassandrenses numos non nisi usque ad Septimii Severi tempora detexit.



XLII.

XLII.

MARC. IVL. PHILLIP^{sc.}OS. CĒSAR. *Marcus Julius Philippus Caesar.* Caput Philippi Senioris cum corona radiata.

COL. METROPOLIS. BOSTRA. *Colonia Metropolis Bostra.* In corona legitur AKTIA. ΔΟΥΚΑΡΙΑ. *Aktia, Dufaria.*

Actia certamina, in honorem Apollinis Actii, ab Augusto instaurata fuisse, e STRABONE *L. 7.* notum est. Sed ΔΟΥΚΑΡΙΑ quid sibi velint, quæve Certamina, aut Ludi sint, nemo, quod sciam, hæcenus exposuit. Dufaria ego audenter *Bacchanalia* interpretor. Nam primum Dufares Deus, seu aliis Dysares, ab Arabibus peculiariter colebatur. Docet id TERTULLIANUS in *Apolog. c. 24.* *Unicuique etiam Provincia, & Civitati suus Deus est, ut Syria Astarte, Arabia Dysares.* Et STEPHANUS BYZANTIUS scopulum Arabiæ altissimum Δουσαρήν dictum esse testatur ἀπὸ τοῦ Δουσαρὸς a *Dufare*: θεὸς δὲ οὗτος παρὰ Ἀραβί, καὶ Δαχαρήνοις τιμώμενος. *Deus autem hic ab Arabibus, & Dacharenis colitur.* Igitur & Bostre Dufaris cultus floruit, quam Arabiæ Petreæ PTOLEM. *Lib. 5.* attribuit. Porro eandem fuisse Metropolim, & antiqua Notitia Ecclesiastica, & numus hic ipse prodit, titulo Metropolis addito.

Accedit, quod SUIDAS Dufaris cultum in altera Arabiæ Petreæ urbe Petra viguisse memoret; quanquam non recte SUIDAS θεὸς Ἀρης, quasi *Deus Ares*, scripserit, & Martem interpretatus sit. Nam aperte ex STRABONE *L. 16.* & HESYCHIO corrigitur. Strabo Ναβαταίων πέτραν, *Petram Nabateorum urbem* nominat; Hesyichius porro a Nabatæis non *Deum Aren*, seu Martem, sed *Dufaren* cultum esse, eumque eundem esse cum Baccho declarat: Δουσαρὴν τὸν Διόνυσον. οἱ Ναβαταῖοι ὀνομάζουσιν. *Dufaren Nabataei Bacchum nominant.*

minant. Ex his manifesto jam constat, ΔΟΥΡΑΡΙΑ. nostro in numo nihil aliud denotare, quam præter Actiacos Ludos, alios etiam in Dufaris, seu Bacchi honorem, id est, *Bacchanalia* Bostreæ celebrata fuisse. Porro nomen Dufaris, Arabice *Dominum solutionis* significare, atque adeo cum Græcis Bacchi cognominibus, dum Λυαῖος, *solutor*, & Λυσίμενος *solutor curarum*, vocitatur, egregie convenire, atque alia plura apud BOCHARTUM in *Phaleg. L. 2. c. 19.* legere est, & apud DAPPERUM in *Arabia.* De Idolo, templo, & cultu Dufaris Suidas consulendus est; neque enim hic longior esse, quam res postulet, volo.

Numus hic ex ære magno est, probe conservatus, ita, ut inscriptionum verba, græca præsertim, facile, ac distincte legi possint.



XLIII.

IMP. M. IVL. PHILIPPVS. AVG. *Imperator Marcus Julius Philippus Augustus.* Caput Philippi laureatum.

P. M. S. COL. VIM. *Provincia Mæsie Superioris Colonia Viminacium.* Annus, infra scribi solitus, legi non potest. Vir paludatus, stans inter Taurum, & Leonem: dextra globum cum victoriola, sinistra hastam tenet.

Insolitus hic iterum numi Viminacensis typus figura
R vi-

virili, ac paludata comparet; ex quo, aliisque tum jam prolatis, tum infra producendis numis manifestum: nondum omnem numorum veterum, & cum iisdem erutæ eruditionis Thesaurum exhaustum esse. Ea victoriolæ effigie, globo insistente, quem figura Imperatoria sustinet, videntur Viminacenses gratulari Philippo, ac sibimet victoriam, qua Dacia, Mœsiæ contermina, a Carpis liberata est. Vide ZOSIM. L. I.

Hic numus magni æris modulum implet.



XLIV.

IMP. M. IVL. PHILIPPVS. P. F. AVG. P. M.
Imperator Marcus Julius Philippus Pius Felix Augustus, Pontifex Maximus. Caput Philippi cum corona radiata.

CL. CAES. ANTIOCH. S. R. *Colonia Cesarea Antiochia. Senatus Romanus. Vexillum cum Aquila, inter duo signa militaria.*

EXhibet quidem Vaillantius similem numum, sed *Cesareae* cognomen illic adjectum non habetur. Signa militaria cum Vexillo, & Aquila vix unquam antehac in hujus Coloniae numis conspiciuntur, sub hoc vero, & sequentibus Augustis frequentia occurrunt. Philippus, teste

teste Zosmo *L. r.* occiso Gordiano, pacem cum Persis, & foedus cum Carpis iniit. Igitur, bello sopito, complures Veterani in Colonias, atque etiam Antiochiam Pisidiæ dimissi videntur, qui numos, militaribus signis ornatos, percuti fecerint.

Numus hic est ex ære medio, uti & sequens.



XLV.

IMP. M. IVL. PHILIPPVS. AVG. *Imperator Marcus Julius Philippus Augustus.* Caput ejusdem Philippi Senioris cum corona radiata.

CL. CAES. ANTI. S. R. *Colonia Casarea Antiochia. Senatus Romanus.* Vexillum cum Aquila, inter duo signa militaria.

Hic numus ab superiore diversus est, quod in adversa parte titulos: P. F. *Pius Felix*, & P. M. *Pontifex Maximus*, non exhibeat, & in aversa parte solum ANTI. non ANTIOCH. scribatur.

Ex titulorum hac ad eundem Augustum positione, aut omissione conficitur: non continuo de nova systematis Historici fabrica argutius cogitandum esse, cum aliis alio numus plura, aut paullum diversa exhibet.

Aquilam, & signa militaria, sæpius hic occurrentia, ad deductos in Coloniam milites pertinere illa HYGINI verba confirmant: *Multis Legionibus contigit, bellum feliciter transigere, & ad laboriosam agricultura requiem primo tirocinii gradu pervenire; nam cum Signis, & Aquilis, & primis ordinibus, ac Tribunis deducebantur.*



XLVI.

IMP. M. IVL. PHILIPPVS. *Imperator Marcus Julius Philippus.* Caput Philippi Junioris cum corona radiata.

CAES. ANTIOCH. S. R. *Cæsarea Antiochia. Senatus Romanus.* Vexillum cum Aquila, inter duo signa militaria.

NUllum hujus Antiochiæ numum, cum capite Philippi Junioris, Vaillantius nancisci potuit; nostri bini ex ære medio sunt. Solum *Cæsarea* titulum hic præfert Antiochia, quem cum pluribus aliis urbibus tempore Octaviani Cæsaris Augusti eam accepisse existimo. Nam id in honorem Cæsaris Augusti factitatum esse, SÜETONIUS in ejus vita refert: *Reges amici, atque Socii, & singuli in suo quisque regno Cæsareas urbes condiderunt.* Similia, ob amorem in Cæsarem Augustum præstita, narrat EUTROPIUS,

in

in breviario, addens: ὁ θς ἐν τῇ καὶ νῦν ἵσθι αἱ Καισάρειαι. Ex quo & moderno tempore Casarea urbes dicuntur.



XLVII.

IMP. M. IVL. PHILIPPVS. *Imperator Marcus Julius Philippus.* Caput Philippi Junioris cum corona radiata.

COL. ANTIOCHI. S. R. *Colonia Antiochia. Senatus Romanus.* Vexillum cum Aquila, inter duo signa militaria.

NUMUS iste nomini urbis Antiochiæ solum COLONIAE titulum adjecit; præcedens vero solum CAESAREAE, sine expresso Coloniae vocabulo; hi tamen ambo numi citra controversiam ad Antiochiam Pisidiæ spectant. Quo iterum commonemur: eandem etiam urbem, non eosdem, aut omnes semper titulos suo in ære adnotasse. In hoc, aliisque, qui præcesserant, numis, illud notatu dignum est: non unam tantum medio vexillo, sed utrique etiam militari signo suam impositam esse Aquilam. Notum est, unicam cuivis Legioni fuisse Aquilam; quod & illud HIRTI confirmat, *de bello Hispan.* Erat Pompeji acies tredecim Aquilis constituta. Ubi, velut usitata phrasi, pro Legionibus Aquilas nominat. Verum

Antiochiam Pisidiæ tres Legiones deductas esse, vix credibile videtur; cum binis Legionibus plures Coloniae assignatas non reperiamus. Fortassis e tribus Legionibus Veterani in Colonos delecti sunt, qui suam, sub qua meruere, Aquilam, seorsim expressam voluerint; quos inter & Equites fuisse; vexillum denotat, Equitatus proprium.



XLVIII.

IMP. CAES. G. MESS. Q. DECIO. TRAI. AVG. *Imperatoris Caesaris Gneo Messio Quinto Decio Traiano Augusto. Caput Decii cum corona radiata.*

COL. CA. ANTIOCHI. S. R. *Colonia Caesarea Antiochia. Senatus Romanus. Mulier stans, capite tutulato, dextra Caduceum, hastæ præfixum, tenet, sinistra Cornu Copiæ.*

UNicum Decii numum, Antiochiæ Pisidiæ signatum, adfert Cl. Vaillantius, eumque frequentiori illa signorum militarium imagine cœlatum. Nostrium hujus numi typum, cum hac Caducei forma, in nullo hætenus Antiochensum numo deprehendi. Extant tamen apud Cl. P. Bandurium Romani numi, maximi moduli, ejusdem Decii, qui eundem typum, (si caput tutulatum Genii

Genii urbis Antiochiæ excipias) præ se ferunt, cum epigraphe: FELICITAS. SAECVLI. Igitur hic Genius Colonie Antiochenfis Caduceo, & Copiæ Cornu indicat: *Pacem*, & cum ea *Felicitatem Saculi*, Decii virtute partam esse. Pacavit autem Imperium Decius, tum quod tyrannos sustulit: Julium Valentem in Illyrico, Priscum, Gothis conjunctum, Jotapianum in Syria, teste Zosimo *L. r.* & S. AUREL. VICT. tum quod hostes externos arcuit, aut profligavit; quod complures Decii numi attestantur, inscripti: DACIA. CAPTA. DACIA. FELIX. VICTORIA. GERMANICA. RESTITVTOR. ILLYRICI. VICTORIAE. CARPICAE.

Hic numus est ex ære medio.



XLIX.

HER. ETRVSCILLA. AVG. *Herennia Etruscilla Augusta.* Caput Herenniae, uxoris Decii.

PROVINCIA. DACIA. Mulier stans, patrio vestitu ornata, dextra rham, sinistra baculum gestat: ad pedes a dextris Aquila, sertum rostro attollens, a sinistris Leo; inferius AN. V. *Anno quinto.*

Nullum Daciae numum in Herennia Etruscilla neque Vaillantius, neque Bandurius deprompsit. Daciam jam

jam a Trajano in formam provinciæ, Augustis obnoxie, redactam esse, ejusdem Trajani numus ex museo nostro eloquitur: DACIA. AVGVSTI. PROVINCIA. Anni vero, Provinciæ Daciæ numis, his temporibus inscripti, a Philippi Senioris anno Imperii quarto initium sumunt, quo eundem, uti supra insinuavimus, Daciam a Carpis liberaffe, e ZOSIMO *L. r.* colligitur; ac præterea liberam tunc, ac immunem factam esse a Philippo Daciam, existimat Vaillantius.

Hic numus magni æris modulum attingit.



L.

IMP. C. VIB. TREB. GALLVS. AVG. *Imperator Cajus Vibius Trebonianus Gallus Augustus.*
Caput Treboniani Galli laureatum.

COL. AVG. TRO. *Colonia Augusta Troas.* Equus liber pascens.

A Djecimus hunc numum, ex ære medio, quia in Vaillantio non reperitur; quanquam similem Bandurius jam attulerat, in quo tamen inscriptio tam adversæ, quam averfæ partis paullum diversi quiddam a nostra exhibet. Equus, libere pascens, Immunitatis symbolum ha-

habetur, qui typus in Colonie hujus numis sub aliis compluribus Augustis frequentior occurrit.



IMP. C. C. VIB. VOLVSIANVS. AVG. *Imperator Caesar Cajsus Vibius Volusianus Augustus. Caput ejusdem laureatum.*

PROVINCIA. DACIA. AN. V. *Provincia Dacia: anno Quinto. Figura muliebris, patrio ritu induta, utraque manu vexillum sustinet, quorum alteri V. alteri Xlfi. inscriptum visitur: ad pedes a dextris Aquila, sertum rostro gerens, a sinistris Leo. Magni moduli.*

PRæstans est hic numus, ob annum V. Daciæ, qui hæcenus in solis Decii numis repertus est. Hic annus Daciæ quintus, cum sub Decio postremum, & idem primum sub Volusiano compareat, Galli Collega, cujus itidem numum, anno V. Daciæ insignem, Cimelium nostrum servat; confirmatur, ipso hoc anno, qui est V. C. 1004. Decio successisse Gallum, & Volusianum: id quod etiam e Viminacensibus numis constabiliri potest; cum hujus Colonie annus duodecimus in Decio postremum, & primum in Gallo habeatur: qui respondet eidem V. C. anno 1004.

Cl. Vaillantius, nullo inspecto Volusiani, aut Gallipuno, cum anno V. Daciæ, sed deprehensum solum anno VI. Daciæ in Galli numismatis, inde collegerat: sextum illum Daciæ provinciæ annum respondere primo anno Imperii Galli. Verum id V. potius Daciæ anno deberi, uterque numus noster conficit, Gallo alter, alter Volusiano inscriptus.



LII.

IMP. VALERIANVS. P. F. AVG. *Imperator Valerianus Pius Felix Augustus.* Caput laureatum Valeriani Senioris.

PROVINCIA. DACIA. Mulier stans, patrio vestitu ornata, dextra vexillum tenet, sinistra cultrum, seu gladium Dacicum: pro pedibus a dextris Aquila, rostro ferunt gestans, a sinistris Leo: Inferius AN. VIII. *Anno nono.*

Vaillantius nullum Daciæ numum, Valeriano dictum, profert. Bandurius unicum adducit, eumque, licet annus illic adnotatus non legatur, singularem tamen appellat. Annus hic Daciæ nonus in annum Imperii Valeriani, & Gallieni tertium incidit. Gladium Da-

Dacicum recurvum, *Ἀκην*, *falcem* e CLEMENTE ALEXANDRINO *L. r. Strom.* appellant, quo Thraces primum usos esse, idem Auctor tradidit.

Est hic numus, uti & sequens ejusdem Valeriani, ex aere medio.



LIII.

IMP. C. P. LIC. VALERIANVS. AVG. *Imperator Caesar Publius Licinius Valerianus Augustus.* Caput Valeriani cum corona radiata.

COL. TYRO. MET. *Colonia Tyros Metropolis.* Templum plurium columnarum, infra quod Conchyllum.

Numum Valeriani Senioris, cum templi typo a Tyriis percussum, nec Vaillantius, nec Bandurius adduxit. De templo in numo Tyriorum vide dicta de numo Tyrio Caracallae.



LIV.

IMP. GALLIENVS. P. F. AVG. *Imperator*
Gallienus Pius Felix Augustus. Caput lau-
 reatum Gallieni.

PROVINCIA. DACIA. Mulier stans, patrio cultu induta, utraque manu vexillum attinet, quorum dextro V. & sinistro XIII. inscribitur: ad pedes a dextris Aquila fertum rostro gestans, a sinistris Leo adstat: Infra AN. X. *Anno decimo.*

Daciae numi cum Anno septimo apud Vaillantium, & Bandurium postremi comparent; nos nonum in Valeriano, & modo decimum Daciae annum, qui Gallieni quartus est, Chronologiae subsidio patefacimus.

Vexilla duo cum numeris V. XIII. inscribi solitis, Legionem Quintam, & Decimam Tertiam in Dacia constitutam demonstrant. Id quod rursus supra relatum Viminacensis numi interpretationem egregie confirmat: ubi Taurum, & Leonem Legionum, Viminacii collocatarum, insignia esse asseruimus. Nam hic ad vexillum Legionis

gionis Quintæ Aquila, ad alterum Legionis Decimæ Tertiæ Leo adpositus est. Iterum vero in Gallieni numis Legio Quinta Macedonica cum Aquila, & Legio Tertia Decima Gemella cum Leone exhibetur. Easdem porro Legiones Quintam Macedonicam, & Decimam Tertiam Gemellam Dio *etiam* L. 55. in Dacia constitutas fuisse meminit. Neque igitur Cl. Bandurio, & ante eum Harduino, aliisque assentior, qui Aquilam Romani Imperii symbolum, & Daciæ insigne Leonem hic denotare putabant; cum tamen ipse Bandurius Daciæ insigne, caput Asini, hastæ præfixum, in Treboniano asserat. Neque illud nostræ explicationi obest: Aquilam in numo Legionis Quintæ coronam rostro non gerere, quod tamen in Daciæ numis observatur; in illo siquidem Gallieni numo Victoria ipsa, cui adjuncta est Aquila, coronam dextra gerit, quam Aquilæ etiam attribuere, tum quidem superfluum, & parum conveniens erat.

Numi hujus, qui mediæ formæ est, coelatura omnino inelegans, & inertis sculptoris opus, prolabentes hoc tempore bonas artes, cum aliis pluribus subsequentiæ temporum numis manifestat.



LV.

IMP. P. LIC. GALLIENVS. AVG. *Imperator*
Publius Licinius Gallienus Augustus. Caput
 Gallieni laureatum.

COL. IVL. AVG. FEL. BER. *Colonia Julia Augusta*
Felix Berytus. Caput, & pectus Astartes super ara,
 utrinque Vexillum adstitutum est.

BERYTUS, in Phoenice sita, a Julio Cæsare, Conditore
 Colonie Julia dicta est. De ea PLINIUS *L. 5. Berytus*
Colonia, qua Felix Julia appellatur. Augusta cur dicta sit,
 ULPIANUS *L. 50. Dig. tit. 15. de cens.* aperuit: *Berytensis Co-*
lonia, Augusti beneficiis gratiosa, & ut Divus Hadrianus
in quadam oratione ait: Augustana Colonia. Agrippa
 etiam, teste STRABONE *L. 16.* sub Augusto duas Legiones
 Beryti collocarat, quas numus Augusti, & Claudii ad-
 signato numero V. & VIII. *Quintam, & Octavam* tum
 fuisse, produnt.

Duo Vexilla, in numo nostro exhibita, aut illas duas
 Legiones, aut alias substitutas denotant. Ad aram Ve-
 xilla adstituta nemo mirabitur, qui, quam religiose signa
 militaria Romani coluerint, perspectum habuerit. TER-
 TULLIANUS *in Apolog. c. 16.* *Religio Romanorum tota castrensis,*
signa veneratur, signa jurat, signa omnibus Diis preponit.
 Et DIONYSIUS HALIC. *L. 10. de Quintio* ita refert: *ἐξέλευσεν*
ἐκ τῶν ἱερῶν τὰ σημεῖα κατὰ θέαν. *Iussit e templis signa deferri.*

Hic numus medii æris modulo congruit.

LVI.



LVI.

IMP. C. P. LIC. GALLIENVS. P. F. A. *Imperator Caesar Publius Licinius Gallienus Pius Felix Augustus.* Caput Gallieni cum corona radiata.

ICONIENSIVM. CO. *Iconiensium Colonia.* Roma galeata sedens, Victoriolam dextra, sinistra hastam tenet. Infra S. R. *Senatus Romanus.*

Singularis hic, & optime conservatus mediæ formæ numus, Coloniarum Romanarum numerum auget. Nam Iconium Coloniam fuisse, neque e scriptoribus, neque ex numis hætenus, quod sciam, constabat. Iconium, hodie Cogni, in Lycaonia locat STRABO *Lib. 12.* Et M. TULLIUS *L. 15. Epist. Fam. Ep. 4.* *Ut Castra in Lycaonia apud Iconium faceret.* STEPHANUS hanc in Lycaonia
ur.

urbem Enocho, quem *Ἐννοχόν* nominat, attribuit; Sed MICHAEL GLYCAS *annal. part. 2.* a Perseo, Sardanapali successore, Lycaonibus devictis, conditam narrat, atque a posita illic imagine sua, *ἐκ τῆς ἰδίας ἀπεικονίσματος*, dictam esse *Ἰκόνιον*; seu *Ἐικόνιον*, uti habet CEDRENUS, idem referens. PLINIUS tamen *L. 5.* in Cilicia Iconium nominat, quod alius codex MS. Riconium scribit; ac mox Iconium in Lycaonia Plinius ipse constituit. AMMIANUS MARCELLINUS *L. 14.* Pisidiæ, FIRMILIANUS *Epist. ad Cyprian.* Phrygiæ Iconium adscribunt. Sed hæc aut ob vicinam, majoremve Lycaonia provinciam, aut idiomatis communione, aliave de causa latius, ac minus proprie dicta existimare malim, quam præter Lycaoniæ Iconium, aliud alibi statuere. Metropolin adeo Lycaoniæ fuisse Iconium, ex *Notitia Ecclesiastica vetere*, ubi primo loco Iconium ponitur, colligi potest; & item ex THEODORETO, *L. 4.* ubi de Amphilochio Iconiensi: *Laudatissimus Amphilochius, cui Lycaonum Metropolis regenda commissa est.*

Iconii cum Antiochia Pisidiæ nexus quidam, ex eodem, has literas S. R. *Senatus Romanus*, numis inferendi more indicatur. Videtur his notis utraque Colonia profiteri se Senatui, Populoque Romano obnoxiam esse; atque adeo Lycaoniam, & Pisidiam hoc tempore Provinciæ alicui adscriptam fuisse, quæ ad Populum, non ad Augustos pertineret. Eam provinciam Asiaticam fuisse, e PLINIO *L. 5.* conjicio, atque una nexum illum Iconii cum Antiochia Pisidiæ confirmo; ita habet: *Insident verticem Pisida &c.* & mox: *Hos includit Lycaonia, in Asiaticam Jurisdictionem versa.*



LVII.

CORNELIA. SALONA (sic) AVG. *Cornelia Salona*, seu *Salonina Augusta*. Caput *Saloninæ*, uxoris *Gallieni Augusti*.

CL. DAMA. METRO. *Colonia Damascus Metropolis*. Mensa, super qua vas, seu urna cum ramo palmæ.

NUmmum *Corneliæ Saloninæ*, *Damasci* percussum, neque *Vallantius*, neque *Bandurius* ullum exhibuit. Urna cum ramo palmæ certamina, *Damasci* habita, designat, quæ, credibile est, *CEBACMIA. Augustalia* fuisse, in *Augusti* honorem instituta; cum in *Damascenis Treboniani Galli*, & *Volusiani* numis hæc eadem, in quercæ corona inscripta, legantur.

T

Da-

Damascum olim Arabiæ attributam fuisse, ex **TER-**
TULLIANO *advers. Marcionem* L. 3. & ex *Dialogo Justini cum*
Tryphone ostendit **SPANHEMIUS**; deinde vero sub **Hadriano**
Phoenices Metropolin factam esse, e **SPARTIANO** collegit
NORISIUS. De ea **S. HIERONYMUS** in *Esaie* cap. 17. ita ha-
bet: *Ad Damascum, id est, Aram, sermo convertitur, quæ*
& ipsa Regalis quondam civitas fuit, & in omni Syria te-
nuit Principatum. Et alibi, de posterioribus Damasci
temporibus: *Phœnicia maritima Metropolis Tyrus, mediter-*
ranæa Damascus.

Medii inter æneos moduli hic numus est.




LVIII.

Caput Juvenile nudum, cujus inscriptio, vetustate vitiata, legi non potest.

COL. ΔΑΜΑ. ΜΕΤΡΟ. *Colonia Damascus Metropolis.* Mensa, super qua vas, seu urna cum ramo palmæ.

IN adversa hujus numi facie inscriptio capitis discerni quidem non potest; sed cum totus numi typus eandem prorsus artificis manum præ se ferat, quæ modo relatum Saloninæ numum efformaverat: ac præterea caput Juvenile nudum compareat; dubium vix est reliquum, numum hunc, qui ex ære medio est, ad Publium Licinium Cornelium Saloninum Valerianum, Gallieni, & Corneliæ Saloninæ filium pertinere.

Viri Cl. Vaillantius, ac Bandurius postremos Coloniæ numos in Cornelia Salonina attulerunt; nos alium adhuc Cornelii Salonini, & denique Claudii Gothici postremum exhibere possumus.



LIX.

sic.
IMP. CAES. P. AIC, CORN. GALLIENO.
Imperatoris Caesaris Publico Licinio Cornelio Gallieno.
 Caput Juvenile radiatum Cornelii
 Salonini.

CL. ANTIOCHI. S. R. *Colonia Antiochia.*
Senatus Romanus. Aquila, vexillo imposita, inter duo
 signa militaria.

Hunc Publium Licinium Cornelium Gallienum non
 alium esse, atque ipsum Publium Licinium Corne-
 lium Saloninum Valerianum, Publii Licinii Gallieni, &
 Corneliae Saloninae filium, tum ipsa adolescentis facies,
 ad lineamenta Cornelii Salonini, in Romanis numis ex-
 pressa, plane accedens; tum inprimis *Cornelii* nomen,
 huic

huic Salonino proprium, evincit. TREBELLII POLLIONIS narratio huc egregie facit, qua refert, in *Gallienis duobus*: Ad arcum Fabianum statuam erectam esse, cum inscriptione: GALLIENO. IVNIORI. SALONINO. quamquam ipse Pollio, hæsitet: Saloninum illum, an Gallienum nominet? ac affirmet, multos in historiis eum Gallienum, multos Saloninum prodidisse. Eundem igitur hunc Publium Licinium Cornelium Valerianum, tam Saloninum, quam Gallienum dici, hic noster, parvi moduli, numus, cum reliquis collatus, ostendit. Hoc numo refellitur R. P. Harduini Liciniorum Genealogia. Nam si ejus axiomati credimus: *Non habent in numis Romanis Cæsares, vel Augusti nomina, nisi ex Patre, vel Matre, vel Coniuge.* Unde igitur Publius Licinius Cornelius Gallienus, nomen *Gallieni*, nisi a Patre? unde *Cornelii*, nisi a Matre, atque adeo Gallieni Senioris coniuge, Cornelia Salonina, accepit? Neque hic illa valet Cl. Harduini exceptio, adversus numum græcum, a Vaillantio relatum, quem negat, ita inscriptum fuisse: Π. ΛΙΚΙΝ. ΚΟΡΝΗΛΙΟΥ. ΓΑΛΛΙΗΝΟΥ. ΚΑΙΣ. Sed eundem, in schedis Vaillantii extantem, male lectum fuisse contendit; nempe ΓΑΛΛΙΗΝΟΥ. loco ΒΑΛΕΡΙΑΝΟΥ. *Ut in numis omnibus aliis (inquit) Valerianus semper est, nunquam Gallienus.* Nihil, inquam, hæc isthic exceptio valoris habet; cum numus noster in ære certæ vetustatis, non in charta tantum extet: neque propterea, quod Licinius Cornelius cum *Gallieni* nomine repperus hætenus non fuerit, reperiri etiam subinde non potuit. Unicum hic objici posset: non videri *Imperatoris* titulum, Licinio Cornelio Salonino *Cæsari* convenire. Rarum esse id quidem fateor; ut, qui tantum *Cæsares* fuerint, *Imperatoris* titulum in numis præfixum habeant. Sed enim extant

hujus rei exempla tum in aliis latinis, tum in ipſis Cornelii Salonini numis, latino uno, ac binis græcis apud BANDURIUM *Tom. 1. pag. 261. & 262.* Satis igitur Cæſarem, ab Auguſto, prætermiſſus *Auguſti* titulus diſcernit. Neque aliæ rationes deſunt, quæ Imperatoris titulum Cornelio Salonino aſſerant; quando ex hiftoricis notum eſt: eundem a Patre adverſus barbaros Germanos in Galliam miſſum eſſe; & porro numus Salonini, a Bandurio relatus, Victoriæ exhibet, quæ ſtans, lauream porrigit Imperatori, cum epigraphe: VICTORIA GERMAN.



LX.

IMP. CAES. M. AVR. CLAVDIO. A. *Im-*
peratoris Caesaris Marco Aurelio Claudio Augusto.

Caput Claudii Secundi, seu Gothici cum
corona radiata.


ANTIOSHI. (sic) S. R. *Antiochia. Senatus Ro-*
manus. Vexillum inter duo signa militaria, quibus parva
Sacella imposita videntur.

Similem Claudii numum primus quidem vulgavit CL.
HAYM in *Thesauro Britannico*, sed signa militaria alio
modo illic exhibentur. Videtur Vir eruditus hunc nu-
mum non satis conservato typo nactus esse, cum loco
S. R. legerit, S. P. quanquam ipsemet deinde animadver-
terit: literas S. R. Antiochiæ huic usitatas, exprimi oportu-
isse, quæ in nostro numo distincte leguntur. Præterea
in numo Cl. Haymii, nomini Antiochiæ CL. præmissum
comparet; quas ille literas, *Claudia*, posse legi, non du-
bitavit; atque, Antiochiam a Claudio *Claudiam* dictam
fuisse, conjecit. Verum prolata nobis Antiochiæ istius
numi, easdem literas jam sub Philippo exhibent; ubi
sane CL. non *Claudia*, sed *Colonia*, legendum esse, in
aperto est. Id quod paullo ante propositi Damasceni
numi luculenter comprobant, quorum alter CL. ΔΑΜΑ
ΜΕΤΡΟ. utique legi debet, quemadmodum alter ejus-
dem

dem temporis: COL. ΔΑΜΑ. ΜΕΤΡΟ. *Colonia Damascus Metropolis.*

Capsulæ, seu ædiculæ, signis militaribus impositæ, videntur mihi parvula illa Sacella esse, quibus Aquilas militarium signorum tegebant Romani; nam Dio L. 40. de Legionum Aquilis ita habet: ἔστι Νεὸς μικρὸς, καὶ ἐν αὐτῷ αἰτὸς χρυσοῦς ἐνιδεύται. *Est Sacellum exiguum, in quo aquila aurea collocatur.* Accedit, quod in supra exhibitis hujus Antiochiæ numis, similia signa militaria Aquilam prætulerint.


Est hic numus ex ære medio.



APPEN-

APPENDICULA AD NUMOS URBIUM,

Græce loquentium,
Sub Augustis percussos,
A. Cl. Vaillantio editos.



I.

M. ANT. APMENIAN. ΚΑΤΑΔΟ . . ΩΣ. Μάρκος Ἀντωνίος, Ἀρμε-
νίαν καταδελύσας. *Marcus Antonius, qui Armeniam sub-*
egit. Caput nudum Marci Antonii.

ΚΛΕΟΠΑΤΡΑ. ΑΙΓΥΠΤΟΥ. ΒΑΣΙΛΙΣΣΑ. *Cleopatra Ægypti*
Regina. Caput Cleopatæ.

Rarissimum hunc numum, etsi urbis, in qua cusus
esset, nomine destitutum, adserendum putavi, Cl.
Vaillantii exemplo inductus. Numum similem,
sed ex argento (cum noster ex ære sit, medii moduli)
ante nos ex Gorkum, alterum, alterum ex Gaza Medicea

produxerat R. P. HARDUINUS in *præclaro opere de Numis Populorum, & Urbium, edit. Amstelodamensis, pag. 28.* In Mediceo numismate nomen Ægypti desideratur: in altero vero Gorlæi, ΑΙΓΥΤΙ. tantum legitur. In nostro autem ΑΙΓΥΠΤΟΙ. integre expressum habetur, binis locis & posito pro T.

Similem elementi permutationem præ se ferunt Numi Syracusarum, & Beryti, a Doctissimo Spanhemio adducti, in quibus legitur: ΣΙΡΑ. pro ΣΥΡΑκουσίων. & ΒΗΡΥΤΙΟΝ. pro ΒΗΡΥΤΙΟΝ. Qua in re, aut lapsi sunt, ob similitudinem soni, minus periti typariorum Sculptores: aut longe remotam vetustatem affectarunt; cum sint nonnulli, qui literam T inter primos Græcorum characteres non fuisse usitatam existiment.

M. Antonius, cum Armeniam invaderet, primum repulsus est. Subinde Artavasden Regem dolo cepit, atque mox omnem *Armeniam subegit.* Artavasden cum liberis, aureis vinculis constrictum, Alexandriam in triumphum duxit, & *Cleopatra* suæ, in medio populi, dono obtulit; tum jussit *Cleopatram Reginam Regum* appellari. Narrant ista DIO CASS. *Lib. 49.* PLUTARCHUS in *Antonio*, & FL. JOSEPH. *L. 15. Antiquit. c. 5.* Atque horum ita gestorum memoriam, eleganter sane hoc numi typo expressere veteres, dum Capiti *Antonii Armenia debellatoris* adsignarunt Caput *Cleopatra Ægypti Regina*: quæ etiam in latinis numis, *Regina Regum, Mater Filiorum Regum*, compellata legitur.



II.

ΚΑΙΣ. ΣΕΒΑΣΤΟΣ. Καίσαρ Σεβαστός. *Caesar Augustus*. Caput laureatum Augusti, cum incuso signo Monetarii, cui inscriptæ literæ discerni non possunt.

TIB. ΚΑΙΣΑΡ. ΠΡ. ΤΟ. Β. ΝΥΣΑΕΩΝ. Τιβέριος Καίσαρ, Γραμματεὺς τὸ Ἑ Νυσαίων. *Tiberius Caesar, Scriba iterum Nysaeorum*. Intra coronam lauream.

NUmmum hunc, parvi moduli, ad Nysam Cariae pertinere, adsignatus magistratus *Scriba* indicat, qui in aliis hujus Nysæ numis reperitur; hic tamen peculiari quodam monogrammate ΠΡ. τὸ γραμματεὺς exprimitur. Magistratum hunc, inter Urbicos supremum, quibusdam Asiæ populis fuisse, præter alia, ab Illustrissimo Spanhemio adnotata, hic numus egregie comprobatur; qui præterea nos docet: Scribæ suæ urbis titulum ab Nysæis *Tiberio Casari iterum*, honoris ergo, oblatum fuisse; id quod nec ex numis hætenus, neque ex scriptoribus, quod sciam, didicimus.

Sane si majorem alium urbis suæ magistratum, atque γραμματεὺς *Scriba*, agnovissent Nysæi; nullus dubito, quin ejusdem titulo *Tiberium Casarem* cohonestassent. Accedit Novi Testamenti locus, Actuum 19. v. 35. ubi de *Scriba Ephesinæ urbis* agitur, cujus numi itidem γραμματεὺς magistratum exhibent; ita habet Vulgatæ textus: *Et cum sedasset, Scriba turbas*. Græcus: κατασέλας δὲ ὁ γραμματεὺς τὸν ὄχλον. Syrus vero, loco γραμματεὺς, ponit: *Caput*, seu *Princeps Urbis*. Cum tamen in aliis S. Scripturæ locis, ubi non de Asianarum Urbium, sed Hebræorum Scribis, imo & Scribarum Magistris, seu Cancellariis mentio fit: uti *Samuelis Lib. 2. c. 8. v. 17.* & alibi, Syriacus textus non aliud exhibeat, quam *Sephra*, quod cum Hebraico שפרא convenit, & cujus propria significatio per communem illam *Scriba* γραμματεὺς notionem exprimitur.

Atque hæc omnia conficiunt: supremum Urbis Magistratum quibusdam Asiæ, præsertim Proconsularis, Populis *ῥαμματία* fuisse. Utrum vero τὸ ῥαμματιῶς hic reddi debeat: *Scriba*, vel *Caput*, seu *Præfectus Urbis*, vel *Cancellarius*; de nomine lis est, quam dirimat, cui est otium. *Scriba*, nomen: *Caput Urbis*, rem optime exprimit: *Cancellarius* ab utroque deficit.

Rarissimus numulus noster videtur eo tempore cusus esse, quo Tiberius Rhodiorum in Insula degebat, inquam politicis e causis teste DIONE *Lib. 55.* secesserat. Nam Nyfa hæc ad Xanthum fluvium sita, in Caria a Stephano locatur: a Ptolemæo in Lycia; utraque porro hæc regio attingitur finibus Perææ Rhodiorum. Tiberium autem Rhodi *genus vita civile admodum instituisse, mutuaque cum Græculis officia usurpasse*, SÜETONIUS in *Tiberio c. 11.* memorat. Porro neque illic honoribus caruisse Tiberium, VELLEIUS *Lib. 2. c. 99.* auctor est: *Illud etiam in hoc transcursu dicendum est, ita septem annos Rhodi moratum; ut omnes, qui pro Consulibus, Legatique in transmarinas profecti Provincias, visendi ejus gratia ad eum convenientes, semper privato, (si illa Majestas privata unquam fuit) fasces suos submisserint, suffique sint: otium ejus honoratus Imperio suo.*

Horum consideratione motus, probabile plane existimo, variis tum etiam honoribus a vicinis Asiæ urbibus maclatum esse Tiberium; quas inter Nysam Cariæ fuisse, elegans numplus noster persuadet. Quod si quis Tiberium Cæsaris titulo, ante adoptionem, ab Augusto factam, non compellatum esse contendat; non pugno, quin post secessum Rhodium hunc numum signarint Nysæi, memores illius comitatus, qua Tiberius, dum Rhodi ageret, adversus Græcos usus fuerat.

Hactenus dicta suis non carerent momentis; si, uti initio credebamur, certa esset numi nostri lectio: TIB. KAL.

ΣΑΡ. At enim (ut Utilitati Publicæ nihil omnino subtrahatur) fatendum est: nos fortasse oculis nostris, & conjecturæ æquo plusculum hic quidem tribuisse, quod alioqui sedulo cavimus. Cum enim in averſa numi facie primum duntaxat inſcriptionis vocabulum integrum, ac perſpicuum non eſſet; ſed litera prima appareret plane ſimilis τϕ T, minusculæ tamen formæ, ac alii epigraphes Characteres: tum ejusdem vocabuli, ac lineæ ultima litera ductum aliquem τϑ B præ ſe ferret; uti propoſitus typus, numulo ipſi quam ſimillimus exhibet: præterea mox altero, ac ſeparato vocabulo ſequeretur ΚΑΙΣΑΡ. porro autem in adverſa numi facie extaret Auguſti vultus, & nomen; qui tandem aliter, quam ΤΙΒ. ΚΑΙΣΑΡ. tuto legendum conſtitueremus?



Verum utiliſſimum illud Numos veteres undequaque eruendi, & vulgandi ſtudium, quod Illuſtriſſimus, & Eru-
ditiffimus MARCHIO MAFFEIUS, cum alias ſæpe, tum in *Epistola, ad Doctiſſimum Dn. Apoſtolum Zeno* data, orbi comprobavit; nobis item lucem aliquam affudit. Refertur in laudata *Epistola* numus, noſtro admodum ſimilis, & ejusdem forte tyarii, ex Muſco Rotheliniano, qui ita deſcribitur:

Auguſti Caput ſine literis; exinde in laurea ΦΙΑΟΚΑΙΣΑΡ.
ΑΥΡ. ΤΩΝ. ΝΥΣΑΕΩΝ.

Si numus hic, noſtro geminus eſt; nos loco φ legimus T, extrito nempe ſuperiore ductu τϑ φ. item τὸ O, ex

ΦΙΑΟ, ductum τὸ B esse putavimus. Mutuam tamen vicem numus noster, quoad reliqua integer, rependit. Nam & in adversa parte ΚΑΙΣ. ΣΕΒΑΣΤΟΣ. habetur, & in averſa non legendum est ΤΩΝ. sed ΤΟ. B. quod apud nos extra dubium est. Neque alioqui in ære veteri gentile nomen articulum adjunctum præ se ferre solet; nisi cum singularis expressio, ac distinctio quædam adjicitur, ut: ΙΟΥΛΙΕΩΝ· ΤΩΝ. ΚΑΙ. ΛΑΟΔΙΚΕΩΝ. item ΓΕΛΕΥΚΕΩΝ. ΤΩΝ. Π. ΚΑΛΥΚΑΔΩΝ. & in aliis similibus.

Alius tamen esse a nostro Rothelinianus iste numus, & nostra de Tiberio conjectura locum fortasse habere potest; si is numus ita, uti describitur, se habeat, & sit, quam noster, alterius moduli. Quare primas etiam super numo hoc nostro cogitationes, in hac altera editione, adponendas curavimus.



III.

ΓΑΙΟΣ. ΛΕΥΚΙΟΝ. *Cajus Lucium. Capita nuda jugata Caji, & Lucii filiorum M. Agrippæ, ex Julia, Augusti Filia.*

ΑΡΑΤΟΣ. ΓΡΑΜΜΑΤΕΥ. ΚΙΒΛΙΑΝΩΝ. ΝΙΚΑΙΕΩ. *Ἀράτος Γραμματεὺς Κιβλιανῶν Νικαίων. Aratus scriba Ciblianorum Nicaen-sium. Venus stans, d. pomum tenet, s. vestem adducit.*

Vulgavit quidem ante nos insignem hunc, parvi moduli, numum Eruditissimus SPANHEMIUS, *Tom. 2. de Usu, & Præstantia Num. ant. pag. 319.* apud eundem tamen ΑΕΥΚΙΟΣ. recto casu scriptum profertur; cum in nostro ΑΕΥ-

AETKION. citra dubium legamus. Primo fere hujus numi aspectu id mihi, quod cuivis facile poterat, in mentem venerat: honorari, aut saluari hoc numo Lucium a Cajo fratre; cum Cajo in Asia, Lucius frater, de Cajo bene meritus, in Occidente degeret. Verum ab Oraculo meo admonitus, atque ipse apud animum reputans: nunquam in numis parem a pari, quorum praesertim ambo expressi sint vultus, honorari, aut saluari; verum id urbes Principibus, aut Principes, ac populos Diis praestitisse: praeterea in omnibus, quos norim, Caji, & Lucii numis, Graecis perinde, ac Latinis, eodem ambos casu constanter inscriptos exhiberi; coepi merito suspicari, an non hic, facili errore, N pro Σ insculptum sit, aut vice versa Σ loco N. cum nempe ad aliorum numorum formam sculpendum esset: ΓΑΙΟΣ. ΑΕΤΚΙΟΣ. vel ΓΑΙΟΝ. ΑΕΤΚΙΟΝ. Nisi forte & literæ Σ forma quædam, similis latinæ N, tum illic in usu fuerit: quales certe in vetustis Graecorum inscriptionibus reperire est, uti apud Illustrissimum Scip. Maffei *Gallie Antiquit. Epistol. 19.*

Cilbiani Campi a Strabone *Lib. 13.* ad Tmolum montem, qui ad Lydiam pertinet, statuuntur. Plinius Cilbianos in superiores, & inferiores *Lib. 5.* dividit: cui consentiunt numi veteres, inscripti: ΚΙΑΒΙΑΝΩΝ. ΤΩΝ. ΑΝΩ. *Cilbianorum superiorum.* & alii ΚΙΑΒΙΑΝΩΝ. ΤΩΝ. ΚΑΤΩ. *Cilbianorum inferiorum.* Nicæam urbem, in Cilbianis campis, aliquam fuisse sitam, putat e numis colligi posse Cl. P. Harduinus S. J. & laudatus Spanhemius: atque ut a Nicæa Bithyniæ discerneretur, Cilbianorum nomen adjectum esse. Id potissimum e Caracallæ numismate inferunt, quod in Christianissimi Regis Gaza servatur, ita inscriptum: ΝΙΚΑΕΩΝ. ΤΩΝ. ΕΝ. ΚΙΑΒΙΑΝΩ. *Nicaensium, qui in Cilbiano sunt.*


Verum, quando scriptorum veterum nemo hujus Nicææ meminit; ejuscemodi numos aliter exponendos cense-

semus. Quemadmodum enim e numo Ptolemaidenō, ita inscripto: ANTIOXEON. TON. EN. PITOLAEMAI. *Antiochenorum, qui Ptolemaide degunt.* nequaquam novam in Ptolemaidenā regione Antiochiam erigit R. P. Harduinus, sed ad mercatores Antiochenos, Ptolemaide agentes, recte refert; ita sane haud video, cur non idem de Nicæensibus, Cilbianorum urbem frequentantibus, dicendum sit. Numos vero illos, qui habent: KIABIANON. NIKAIION. item KIABIANON. PERGAM. nihil ambigo ad ὁμόνοιαν seu *Societatis vinculum* pertinere, quo Cilbiani Nicæensibus, & Pergamenis arctius se se adstrictos profitebantur.

Numus noster ad Cilbianos inferiores revocandus est; quod *Scribe Magistratum*, quem aliæ ejus urbis monetæ, signatum præ se ferat. Veneris figura pomum ostentat, quo, uti notum omnibus, a Paride Phryge, trium Dearum Judice, donata est. Veneris hujus cultus in Phrygia, & vicinis provinciis floruit, quas inter est & Lydia. NICARCHUS *Lib. 1. Antholog.* lepide Venerem, ita Palladi insultantem inducit, cum nempe hujus statuam, pomum gestantem, Venus conspexisset:

Σὸν δόρυ καὶ σάκος εἶναι, ἐμὸν δὲ τὸ μῆλον ὑπάρχει
Ἄρκει τῷ μῆλι κείνῳ ὁ πρὶν πόλεμος.

*Te decet hasta, & clypeus; meum vero est malum:
Satis bellorum jam ex illo malo extitit.*



IV.

Γ. ΚΑΙΣΑΡ. *Cajus Cæsar*. Caput nudum Caji, filii Agrippæ.

ΤΙ. ΦΛΑ ΗΣ. ΚΑΛΥΝΔΕΩΝ. Nomen Magistratus non legitur. *Calyndæorum*. Apollo stans in veste muliebri, sinistra lyram attinet.

Κάλυνδα πόλις καρίας. *Calynda urbs Caria*. Ita STEPHANUS, Ptolemæus eam Lyciæ tribuit, in qua Provincia Cæjus Cæsar diem suum obiit teste VELLEIO PATERC. *L. 2, c. 102*. *Κάλυνδα* Ptolemæi exemplaria habent: *Κάλυμνα* Strabonis; numus pro Stephano facit.


Est hic noster, parvi moduli, numus rarissimus, tum propterea, quod Caji Cæsaris solum caput referat; tum etiam, quod Calyndæorum numum nullum Vaillantius proferat. R. P. Harduinus unicum producit, nullius Augusti, vel Cæsaris nomine, sed hoc vocabulo ΔΗΜΟΣ. *Populus*, insignem. Peculiari cultu apud Lycios Apollinem floruisse, colligo ex PINDARO, in *Pythiis*, ode. 1.

Λύκισι, καὶ Δάλωσι ἀνάσσων

Φοῖβε.

Lycie, & Delo imperans Phœbe!

PLINIUS *Lib. 3. c. 4*. Apollinem *Cytharædam* nominat: & in hymno *Lib. 1. Antholog. Græc. Epigram*. Apollinem *Λυρογυθία* lyra gaudentem salutat Poëta. Muliebri stola indutus Apollo etiam apud Aëgium colebatur, unde & Aëgiacus dictus est, cujus figuram in Augusti numis aureis videre est.



ΓΑΙΟΥ. ΚΑΙΣΑΡΟΣ. ΓΕΡΜΑΝΙΚ. *Caji Caesaris Germanici.* Laureatum Caput Caji, Caligulae dicti, ad cujus occiput aliud minusculum caput laureatum adsignatum est, Augusti, vel Tiberii.

ΒΥΖΑΝ. *Byzantium. Byzantium. Navis.*

Mirabatur Doctissimus P. HARDUINUS *Num. Populor. & Urb. p. 37.* a Cl. Vaillantio numum Augusti, Caji Cæs. & Claudii, Byzantii signatum, conspectum fuisse; cum is existimet vix congruere: ut primis his Imperatoribus percusserint numos Byzantini; cum nulli sub Nerone & reliquis usque ad Trajanum compareant, deinceps vero frequentissimi. Accedit: *Libera conditionis*, PLINIO teste *Lib. 4.* fuisse Byzantium, nec videri, ante Trajanum Romanis obnoxium fuisse. Hoc oppidum antea Lygos, deinde Constantinopolis appellatum est.

Celeberrimum hoc Thraciæ Emporium ob commodissimum ad maritima commercia situm, & eorundem frequentissimum exercitium, Navis effigiem sæpius in ære suo exhibet. Numus parvi moduli est.



VI.

ΤΙ. ΚΛΑΥΔΙΟΥ. ΚΑΙΣΑΡ. ΣΕΒΑΣΤΟΥ. ΓΕΡΜΑΝ. *Tiberius Claudius, Caesar Augustus, Germanicus.* Caput nudum Claudii.

ΑΓΡΙΠΠΙΝΑ. ΣΕΒΑΣΤΗ. *Agrippina Augusta.* Caput Agrippinae, uxoris Claudii, infra quod monogramma.

Monogramma Istud urbis potius, quam Monetarii cha-

characterem existimo; cujus vero urbis nomen indicatum sit, incertum mihi est. Inter omnia urbium monogrammata, quæ, numis consignata, interpretati sunt hæcenus eruditi, proximum, & prope geminum est Panormitanorum, in Sicilia; quod ipsum, duobus, tribusve modis variatum, videre est in collectione Parutæ, locupletata Cl. Havercampii opera. Habentur in Thesauro Regis Galliarum Panormitanorum Numi, etiam Græcis literis inscripti, cum Augusti alii, alii cum Tiberii capite, quos adducit R. P. HARDUINUS *Num. Popul. & Urb. p. 130.* Quid, si sub Cajo, Claudioque item Panormitanis id licuisse, successu temporis numi ostendant? Numus hic integerrimus, & perelegans mediæ magnitudinis est.



VII.

Caput Neronis nudum, & Agrippinæ matris, adversis vultibus: videri tantum possunt literæ PP, quæ ad nomen ΑΓΡΙΠΠΙΝΑ. spectant.

ΕΠΕΣΙΩΝ. *Ephesiorum.* Simulacrum Dianæ Ephesiæ, cum adminiculis.

Ephesus a PLINIO *Lib. 5. Lumen Asia, & opus Amazonum.* A STEPHANO πόλις Ἰωνίας ἐπιφανέστατη. *Urbs Jonia illustrissima, appellatur.* Erat a Dianæ templo, & cultu celeberrima. Idolum Dianæ Ephesiæ, seu Multimammiae, Παλυμάδης, numus exhibet; quo symbolo veteres naturæ Ubertatem, & Fecunditatem indicabant. Medii moduli numus est.



VIII.

ΝΕΡΩΝ. ΚΑΙΣΑΡ. *Nero Caesar.* Caput nudum Neronis.

ΘΕΣΣΑΛΟΝΙΚΕΩΝ. *Thessalonicensium.* Corona querna, cui imminet aquila, ramum unguibus stringens.

Thessalonica; nota Macedoniæ urbs, sub Valeriano, & Gallieno primum se Metropolim, & Coloniam in monetis compellat. Nomen gentile ex *θησσαλονίκη*, etiam Stephano est: *θησσαλονικεύς*. Neronis numum Thessalonicensem, cum corona querna, refert quidem Cl. Vaillantius, sed sine capitis epigraphe: tum etiam sine aquila, palmæ ramum stringente: ac denique parvi moduli, cum noster medii sit. Eruditissimus Patinus numum, qualem Vaillantius dedit, exhibens, suspicatur, coronam similem Neroni, multorum ludorum per Græciæ urbes victori, a Thessalonicensibus missam; cum similia a Græciæ urbibus Neroni præstita narret Suetonius in *Nerone c. 25*.

Verum, cum hujus coronæ typus pluribus subinde Imperatoribus adsignatus sit; mallet statum quidpiam, & urbi usitatum hac corona querna designari, & quidem ludos, in Augusti honorem, & memoriam institutos; quod & Aquila, Romani Imperii symbolum, palmæ ramum stringens, comprobare videtur. Præterea in Damascenis numis *Querna Corona* inscriptum legitur *ΚΕΒΑΚΜΙΑ*. *Augustalia*, seu *Certamina*, in honorem Augusti. Porro quercea corona (quæ ob Cives Servatos dabatur) Augustum

stum inprimis delectatum, & in numis honoratum fuisse, tritum, ac decantatum est.



IX.

NERΩN. ΘΕOC. ΑΓΡΙΠΠ . . . ΘΕΑ. *Nero Deus, Agrippina Dea.* Caput Neronis nudum, & caput Agrippinae, se mutuū conspicientium.


CTNAEITΩN. *Synaitarum.* Hercules nudus stans, sinistra protensa arcum jam solutum tenet: dextra, ex adductæ chordæ impetu, recedente.

AD prima Imperii Neroniani tempora videtur hic, parvi æris, numus elegantissimus pertinere. Tum enim *Matri summam omnium rerum privatarum, publicarumque permisit.* teste SÆTONIO in *Nerone c. 9.* Similia narrat Dio *Lib. 61.* qui Neronem, decem, & septem annos natum, Imperium adiisse perhibet; atque ei ætati congruum vultum numus noster exhibet. Dei, Deæque titulos, non insolita Græcis, adulatio adjecit: quibus honoribus non nisi fato sanctos Romani afficere consueverunt.

Synaitarum numum nullum apud Cl. Vaillantium, & fortasse nec apud alios Antiquarios reperias. Σύναιος a Ptolemæo in Phrygia magna collocatur: e quo urbis nomine recte formatur gentile *Συναίτης*, quemadmodum *Μενελαίτης* ab urbe *Μενίλαος*, apud Stephanum; cujus urbis numi itidem habent: MENEAAEITΩN. Confirmat hic numus lectionem Ptolemæi, antehac dubiam, atque comprobatur: recte in veteri notitia Episcopatum (uti Soler-

tissimus Cellarius adnotavit) pro Ἀγκυροσυνῆ restitutum esse : Ἀγκυράς Συναῖ. *Ancyra, prope Synaum.* Præterea in *Veteri Notitia Ecclesiastica* habetur: *In Phrygia Pacatiana: Sinnaï.* Ac deinde, ex actis 6. *Concil. Calchedon.* *Aramius Sinnaï Phrygia Episcopus.* *Sinai*, pro *Synai* scriptum, nihil obest; nam etiam κάλυνδα, & κάλυνδα, in notis ad numum IV, scriptum vidimus. Neque porro censeo, hanc urbem Σύνταος eandem esse, quæ STRABONI *Lib. 12.* Σάναος, etiam in Phrygia; nec eandem esse cum ea, quæ Ptolemæo Σάνης dicitur (quod nonnulli suspicabantur) ex eo patet, quod in eadem Not. Ecclef. & sub eadem Phrygia, ubi posita est *Sinaos*, paullo inferius suo nomine exprimat *Sanis*.

Figura Herculis hic non alia est, quam Stymphalides aves sagittis sternentis: id quod luculenter inferius, e Numo Maximi Cæs. Nicææ signato, commonstrabitur, in quo ipsarum volucrum decidentium figuræ comparent. Sunt etiam in hoc numo dignæ notatu literarum formæ C. & Ε. loco Σ. & Ε. quando priores illæ figuræ ante Domitiani tempora rarissime offenduntur. Pariter Ω loco Ω in numis hujus sæculi raro deprehendas.



X.

ATT. M ΩΝΟΣ. ΚΑΙΣ. ΞΕΒ. Ἀυτοκράτορος Μάρκου Ὀθωνος, Καίσαρος Σεβασῆ. *Imperatoris Marci Othonis, Caesaris Augusti.* Caput Othonis nudum.

L. A. Λυκάβαντος α. *Anno primo Imperii.* Caper Itans.

Ægyptios numos, sine urbis nomine expresso, sub Othone

Othone etiam Cl. Vaillantius adducit; nullum tamen cum hac Capri effigie uspiamprehendit. Ipsa hæc Capri effigies urbis nomen supplere videtur. Nam & Cl. Vaillantius Numum Hadriani exhibuit, cum eodem Capri stantis simulacro, & epigraphe ΜΕΝΔ. Μενδησίωv. *Mendesiorum*. Mendesium Nomon in Ægypto PLINIUS *Lib. 5.* recenset. Peculiarem porro Capri cultum apud Mendesios invecum fuisse STRABO *Lib. 17.* testatur: καὶ μίνδης, ὅπου τὸν Πᾶνα τιμῶσι, καὶ τῶν ζώων τεύχον. *Et Mendes, ubi Panem colunt, & ex animalibus Caprum.* Idem inferius: Λίγα δὲ καὶ τεύχον μινδῆσιον. *Capram, & Caprum Mendesi venerantur.* His consentanea HERODOTUS *Lib. 2. c. 46.* Qui ipsius Panis, & Capri idem esse apud Ægyptios nomen: μίνδης, adjungit. Diodorus Siculus inter sacra illa Ægyptiorum animalia Capri non est oblitus: καὶ τὰ περὶ τὸν τεύχον, τὸν ἐν Μίνδητι. *Quæ ad Caprum illum pertinent, qui in Mendete urbe colitur.* Parvi moduli est numus.



XI.

ΑΥΤΟΚΡΑ. ΤΙΤΟΥ. ΚΑΙΣΑΡ. *Imperator Titus Caesar.* Caput nudum Titi.

ΚΑΥΑΙ. ΦΙΛ. . . . ΒΗΝΩΝ. ΡΑΓ. *Κλαυδίου Φιλίππου Γαβηνών, ελγ.* *Claudianorum, Philippiorum Gabenorum, anno 133.* Figura stans, solo amiculo cincta, d. hastam.

GAbenorum esse hunc, medii moduli, numum, & recte in eo legi κλαυδίων φιλιππίων, aliaque plura in Domitiae

tiæ numo ostendentur. Annorum numeri denotant an. V. C. 826. usque ad autumnum, Vespasiani quartum, quo *Titus Caesar* recte IMPERATOR inscribitur, qui jam ante biennium de Judæis Triumphasset. Æra Gabenorum incipit ab autumno anni V. C. 693. Figura stans in Gabenorum numis Lunus esse solet, cujus etiam tenuia indicia, a tergo figuræ.



XII.

ΚΑΙΣΑΡΑ. ΤΙΤΟΝ. ΑΥΤΟΚΡ. *Kaisara Titon 'Autokratora. Casarem Titum Imperatorem* honorant Thessalonicenses. Capita nuda Titi, & Domitiani, adversis vultibus.

ΘΕΣΣΑΛΟΝΙΚΕΩΝ. *Thessalonicensium.* Corona querna, cui imminet aquila, ramum palmæ stringens. Typum habes in numo Neronis.

CAput alterum Domitiani esse, etsi nomen absit, & vultus ipse, & inscriptio soli Tito, tanquam natu majori facta, comprobant. Atque in aliis etiam Græcorum numis Fraternalam Titi, ac Domitiani concordiam, consignatis eorundem vultibus commendatam, videre licet. Numus est medii moduli.



XIII.

XIII.

ΔΟΜΙΤΙΑΝΟΣ. ΚΑΙΣΑΡ. *Domitianus Caesar. Ejusdem*
Caput nudum.

ΣΙΔΗΤ. Σιδητῶν. *Sidetum. Pallas gradiens, d. hastam*
puram sustinet, f. clypeum: sub pedibus serpens.

STEPHANUS: Σίδη πόλις Παμφυλίας ὁ πολίτης Σιδήτης.
Side urbs Pamphyliae, cujus incolae Sidetes appellatur.
Palladis illic cultum viguisse, commemorat STRABO L. 14.
Σίδη κυμαίων ἀποικος, ἔχει δὲ Ἀθηναῖς ἱερὸν. *Side Cymaeorum co-*
lonia est: habet adem Palladis. Ipse porro Domitianus
(cui noster parvi æris numus dicatus est) Palladem præ-
cipue ex omnibus Diis coluit, testante XIPHILINO *ex Dione*
Lib. 67. & comprobantibus ejus numis, iconē Palladis fre-
quentissime signatis.

Serpentem, Sapientiæ, & Prudentiæ Symbolum,
etiam cultum ab Idololatris obtinuisse, comprobat id,
quod de Atheniensis Minervæ cultu legitur in libello, in-
scripto: *Pœnitentia Cypriani.* Καὶ τῆς ἐν τῇ ἀκροπόλει Πάλλαδος
δράκοντι ἐλευτέρησα. *Draconi Palladis, qua in arce est, sacrificavi.*



XIV.

ΔΟΜΙΤΙΑ. ΚΕΒΑΧΘΗ. *Domitia Augusta. Caput Domitiæ,*
uxoris Domitiani.

ΚΛΑΥΔΙ. ΦΙΛΙΠ. ΓΑΒΗΝΩΝ. *Κλαυδίων Φιλίππων Γαβηνῶν.*
Claudianorum, Philippiorum Gabenorum. ΓΝΡ. ἀπὸ 153.
Lunus stans, d. hastam.

Nihil satis clarum, ac certum hætenus Rei Numariæ
etiam

etiam peritissimi protulerunt: cuinam urbi numi ΓΑΒΗΝΩΝ. tribuendi sint; propterea, quod plures, ac duæ præprimis urbes, hoc nomine *Gaba* insignes, dubium moverent. Neque vero, e solo hoc urbis cognomine: κλαυδιών, *Claudianorum*, decidi lis poterat. Et quamvis productus sit numus ΚΑΤΘΛ. inscriptus; is tamen satis infelicitur: κλαυδοφίλων, lectus, nihil subsidii attulit. At noster numus & lectioem, & urbem ipsam, ad quam pertinet, sua docet epigraphæ ΚΑΤΑΙ. ΦΙΛΙΠ. *Claudianorum Philippiorum*; id quod modo pluribus ostendam.

Urbes, *Gaba* dictæ, tres potissimum, quæ in Palæstina, aut in vicinia sitæ erant, in considerationem veniunt. Nam illa *Gaba*, quæ in Persia, & altera, quæ in Sogdiana inveniuntur, hic nihil obturbant.

Prima itaque *Gaba* Judææ oppidum erat, in terra Tribus Benjamin, de qua frequens in Veteri Testamento mentio, quæ in Hebraico textu: גִּבְעָה *Geba*, & cum παραγωγικο γִּבְעָה *Gibea* vocatur, id est: *Altus, excelsus locus*. Pariter *Lib. 3. Regum*, seu secundum Hebræos *1. Reg. c. 15. v. 22.* גִּבְעָה nominatur, cum addito: גִּבְעָה בִּנְיָמִן *Geba Benjamin*: quam eandem esse cum גִּבְעָה שָׁאוּל *Gibea*, seu *Geba Saul*, *Isaïæ 10. v. 29.* Tudelensis; a Cellario relatus, existimat. Hanc urbem latina vulgata Gabaam, & Gebam, & item Græcus interpres γαβαάν, appellant. JOSEPHUS *Lib. 5. & 6. Antiquit.* eandem γαβαάν scribit, quam vocem contractam esse ex γαβαά ipsum etiam nomen gentile γαβανίς arguit, quo JOSEPHUS ejus urbis incolæ *Lib. 5. Antiquit.* & alibi compellat. Quare cum hæc urbs potius Gabaa, vel Gibea, vel Geba, quam *Gaba* nominetur; γαβηών numi huc referendi non sunt.

Altera *Gaba* Galilææ adscribitur, ad Carmelum montem in confiniis Ptolemaidis sita. JOSEPH. *Lib. 15. Antiq. c. 9.* de Herode refert: χωρίον συνέκτισεν ἐπὶ τῇ Γαλιλαίᾳ, Γάβα καλέμενον. *Locum edificavit in Galilæa, Gaba dictum.*

Idem

Idem auctor eandem Carmelo adstituit, *Lib. 3. de Bello c. 4.* etsi MM. SS. varient, & Græca præsertim γάμαλα, pro γάβα exhibeant. Deinde in *Vita sua laudatus* JOSEPHUS Gabam ἐν μεθορίοις τῆς Πτολεμαίδος, in finibus Ptolemaidis sitam scribit. Consentit STEPHANUS: γάβη πόλις γαλαλαίας, . . . τὸ ἰδιὸν γάβηνός, Gabe, vel Gaba, urbs Galilææ, gentile Gabenus.

Atque ad hanc Gabam numos Gabenorum retulit Doctissimus Cardinalis Norisius, & cum eodem Cl. Vailantius. Quanquam hanc suam opinionem, quoad certiora prodantur, se tantum attulisse, NORISIUS ipse sapienter moneat, *de Epochis Syromaced. dissert. 4. §. 6.*

Tertiam denique Gabam in Ituræa, vel Trachonitide, ad Coelesyriæ, aut Phœnices confinia sitam fuisse, atque huic denique Numos γάβηνων tribui oportere contendo. Primum certe argumentum epigraphæ numi nostri ΦΙΛΙΠΠ. *Philippearum*, suppeditat: quæ compellatio cum in honorem Philippi Tetrarchæ (quod inferius clarius ostendemus) assumpta sit; Gabam Philippo subditam, atque ab eo beneficiis ornatam fuisse consentaneum est. Illa vero Gaba Galilææ esse non poterat; nam *Lucæ 3. v. 1.* legitur: *Tetrarcha autem Galilææ Herode; Philippo autem fratre ejus Tetrarcha Iturææ, & Trachonitidos.* Philippus vero ante Herodem decellit e vita, atque ejus regiones illico Provinciæ Syriæ adscriptæ sunt, quod e Josepho mox patebit. Fuit igitur hæc Gaba non Galilææ, sed Iturææ, aut Trachonitidos. Comprobat PLINIUS *Lib. 5. cap. 18.* Qui Gabam cum aliis urbibus Syriæ, Arce, Abila, & cum Cæsarea Paneade conjungit. Cæsarea Paneas vero celeberrimum fuit Iturææ oppidum, eidem *Philippo* subiectum, ac ab eodem pariter nomen trahens *Cæsarea Philippi*: uti habetur *Matth. 17. c. v. 13. & Marci 8. v. 27.* Hanc porro Gabam recte Plinius cum aliis Syriæ urbibus conjunxit, & item Gabam Stephanus, cum gentili nomine γάβηνός,

(εἴτι γὰρ ἔτα illic mendose loco γὰρ ἐτα legatur) recte in Syria collocarat; cum horum scriptorum tempore Ituræa, & Trachonitis ad Provinciam Syriæ redierit, cui jam Tiberius olim has regiones adscripserat. Audiatur JOSEPHUS *Lib. 18. Antiq. c. 5.* Τότε δὲ φίλιππος, Ἡρώδης δὲ ἦν ἀδελφὸς, τελευτᾷ τὸν βίον τὴν δὲ ἀρχὴν, ἣ γὰρ πατελείετο παῖδας, Τιβερίος παραλαβὼν, προθήκην ἐπαρχίας ποιεῖται τῆς Συρίας. *Id temporis Philippus, Herodis Frater, vitam finit. Ejus vero regiones, nam proles nullas reliquerat, Tiberius accipiens Provincia Syriæ adjecit.*

Denique nulli alteri Gabæ duo hæc cognomina: *Claudianorum, Philippeorum*, adeo apte, & proprie conveniunt, atque huic nostræ. Nam Ituræam, & Trachonitidem Agrippa senior dono accepit a Claudio Augusto; teste iterum JOSEPHO *Lib. 20. Antiq. c. 7.* κλαύδιος δωρεῖται τὸν Ἀγρίππαν τῇ φιλίππῃ τετραρχίᾳ. *Claudius Philippi Tetrarchiam dono dedit Agrippa.* Atque hinc *Claudianorum* cognomen Tetrarchiæ hujus populis; *Philippeorum* vero, in memoriam postremi illius Principis sui Philippi, in Gabenos haud dubie, ut in Cæsaream Philippeam benefici. His igitur omnibus probe expensis, ad Plinii Gabam (quam a Gaba Galilææ diversam etiam Salmasius, Hollstenius, & Cellarius agnoscunt) in Ituræa, aut Trachonitide sitam, referendos esse hosce Gabenorum numos plane mihi persuadeo.

Gabenorum æram ab eo tempore deducit Eminentissimus Norisius, quo Pompejus variis in Palæstina urbibus libertatem a Judæorum servitute impertiit. Initium statuit ab Anni V. C. 693. autumno; cui si adjungas in nostro numo consignatos 153. habes annum V. C. 846. qui recte Domitiæ capiti convenit; cum fuerit annus Domitiani tertius decimus, Gabenorum vero centesimus quinquagesimus tertius usque ad autumnum. Numus Titi, quem supra dedimus, & hic parvi moduli, Gabenorum
nu-

numismatum, quæ ego vulgata hætenus noverim, Augustis inscriptorum, antiquissimi sunt; quorum quidem Cl. Vaillantius quatuor duntaxat produxit. De Deo Lupo satis in Appendicula ad Numos Coloniarum dictum est, ad numum Septimii Severi, & Juliæ Piæ.



XV.

ΝΕΡΩΤΑΣ. ΘΕΟΣ. ΣΕΒΑΣΤΟΣ. *Nerva Deus Augustus.*
Caput Nervæ laureatum.

ΠΕΡΙΝΘΙΩΝ. *Perinthiorum.* Fortuna stans, d. temonem, f. Cornu Copiæ.

Viventis adhuc Nervæ honoribus hunc numum percussum esse, adjectus *Augusti* titulus probabile facit, & una insignem Græcorum, & Græcizantium adulationem arguit, de qua in Nerone dictum est. Perinthus Thraciæ urbs, ad Propontidem sita, etiam *Heraclea Thraciæ* dicta, quia ab Hercule condita, teste AMMIANO *Lib. 22.* a Balsamone idcirco etiam *Ἡράκλεια Πέρηνθος* appellatur.

Numus noster ex ære magno est, atque ideo etiam majoris pretii; nam Cl. Vaillantius Nervæ numos Græcos ex omni ære inter rarissimos collocat.



XVI.

ΑΥΤΟ ΚΡΑΤΟΥΣ ΤΡΑΙΑΝΟΥ ΚΑΙΣΑΡΟΣ ΔΑΚΙΚΟΥ. Ἀυτοκράτωρ Νέρουας
 Τραϊανός Καῖσαρ, Γερμανικός, Δακικός. *Imperator Nervus Tra-
 janus Caesar Germanicus Dacicus. Caput Trajani
 laureatum.*

ΑΜΑΣΕΩΝ. ΕΤΟΥΣ ΒΙΡ. *Amaseorum anno 112. Tem-
 plum quatuor columnarum cum gradibus.*

Amasia, in numis AMACIA, & AMACEIA, metropolis,
 & prima Ponti inscripta legitur, Ponti nempe ad
 Cappadociam. Nullum haecenus Amasiae numum editum
 novi, qui gentile nomen Ἀμασίων prae se ferret, quod no-
 ster perelegans, & parvi moduli exhibet: Templum in
 eodem expressum Bellonae Comanensis esse existimo;
 quando eodem in Ponto, ad eundem fluvium Irin, mo-
 dico intervallo ab Amasia distabant Comana, ubi Bellonae
 Templum totius late gentis singulari Religione observa-
 batur. De hoc ita HIRTIUS *de bello Alexandr. c. 86. Biduum
 Mazaca commoratus (Caesar) venit Comana vetustissimum, &
 sanctissimum Bellonae templum, quod tanta religione colitur,
 ut sacerdos ejus Deae Majestate, Imperio, & Potentia secun-
 dus a Rege, consensu gentis illius habeatur. Comana Ponti
 aliam esse urbem a Comanis Cappadociae, ostendit CELLA-
 RIUS Geographiae ant. Lib. 3. cap. 8. quanquam etiam hoc in
 loco Bellonam venerationi fuisse testetur STRABO Lib. 12.
 Amaseorum aeram non posse altius, quam ab anni V. C.
 743. autumnno deduci recte quidem Cl. Vaillantius censuit.*

Ab

Ab eodem tamen autumno, unde ipse Amasenorum annos supputat, æram hujus urbis non inchoasse, sed uno saltem anno descendendum esse, e numo nostro confici videtur. Nam si ad annum V. C. 743. addam annos Amasæorum 112. conficietur an. V. C. 855, qui usque ad autumnum respondet anno Amaseno centesimo duodecimo, nempe usque ad exitum Septembris october. Atque hoc eodem an. V. C. 855. constat, Trajanum numerasse annum TRIB. POT. quintum, & sextum non inchoasse ante 27. Octobris, uti demonstrat Doctissimus P. Pagius ad hunc annum, & nos sequente numo firmabimus.

Porro autem e numis, etiam nostri Cimelii, constat: Trajanum hoc titulo DACICVS (quem hic noster numus exhibet) non esse donatum, nisi post inchoatum annum TRIB. POT. VI. quandoquidem habentur ejusdem numi cum TRIB. POT. VI. alii cum, alii sine titulo DACICVS. qui antea non comparet. Præterea inter scriptores satis convenit: Victoriæ illam Dacicam (ob quam Triumphavit, ac Dacici titulum obtinuit Trajanus) æstate anni 856. relatam esse; atque adeo consequens est, non nisi circa autumnum anni V. C. 856. & finem anni VI. TRIB. POT. Dacici appellationem Trajano accessisse. Id quod rursus latini numi comprobare videntur; cum ^{ad} DACICVS. integre scriptum, in numis, qui TRIB. POT. VI. & VII. præ se ferunt, & vix in aliis deprehendatur.

Ex his itaque colligitur annum Amasæorum 112. saltem anno V. C. 856. si non 857. usque ad autumnum respondere debere, ut *Dacici* titulus congruere possit; atque adeo anno saltem uno æram Amasææ tardius inchoari debere, quam Cl. Vaillantius e numis, a se inspectis, interea collegerat. R. P. Harduinus Amasææ æram inchoat ab autumno anni V. C. 746. e cujus mente numus noster cusus esset anno V. C. 858. usque ad autumnum; cui calculo hic quidem nihil adversatur.



XVII.

N P. KAIC. TPAIANOC. *Nerva Caesar Trajanus. Caput laureatum Trajani.*

ΓΑΒΑΛΕΩΝ. IMP. *Gabalensium anno 143. Figura muliebris sedens, capite tutulato, d. papaver cum spicis, f. baculum. Nomen magistratus vetustate extritum est.*

GAbala alia Lydiæ erat, cujus numi annorum notis carent. Alia Phœniciæ a quibusdam tribuitur. Nostra in Syria prope Laodiceam maritimam constituta erat, de qua *PLINIUS Lib. 5. & plura Eminent. NORISIUS de Epoch. Syromaced. dissert. 3. c. 8.* Vaillantius perinde, ac *NORISIUS* Gabalensium æram e numis, aliisque argumentis constituunt exordium sumpsisse ab autumno anni V. C. 707. quo Cæsar ex Ægypto per Syriam contra Pharnacem profectus, variis beneficiis Gabalenses, aliosque ornavit. Si igitur ad 707. adjicias 143. obtinebis annum V. C. 850. cujus autumno exiit annus Gabalensium centesimus quadragesimus tertius, ad finem, aut, ut *Pagius* de Antiochenis censet, ipsis Calendis Septembris.

Confirmat hic numus celeberrimi *Pagii* sententiam: Trajanum antea in Cæsarem, ac subinde in Consortem TRIB. POT. & Imperii Proconsularis a Nerva adoptatum fuisse. Nerva enim (uti laudatus *Criticus* ostendit ad annum Christi 97.) Trajanum adoptavit in partem Imperii anno V. C. 850. circa finem Octobris, ubi jam numerabatur annus Gabalensium 144. & tamen Trajanus anno

eorundem 143. tantum *Nerva Caesar* compellatur. Igitur antea *Caesar*, & filius *Nervæ*, quam *Confors* *Tribunitiæ Potestatis*, & *Imperii*.

Submovet quidem æram *Gabalensium* R. P. *Harduinus* ad an. V. C. 708. sed nihil adfert, cur a statuto per *Norifium*, & *Vaillantium* Epochæ initio recedamus. Figuram muliebrem similem, in alio *Gabalensi* numo *Traiani Augusti*, e *Cimeliarchio Parmensi* deprompto, *Idolum*, παῖδον dictum, referre existimat *Doctissimus Numerorum Parmensium* interpret *R. P. Piovene S. J.* quoniam in suo illo numo duos leones ad pedes deprehenderat. Cum vero noster leones adjunctos non exhibeat; malim *Syriam Deam*, seu *Astarten* hic expressam arbitrari, cui tutulatum caput, & manus, baculo armata, a *Luciano* tribuitur. *Papaver*, & *spicæ* ab *Astarte*, quæ & *Venus* cœlestis, & *Luna* credebatur, non abludunt; cum sint fecunditatis symbola. *Medii* moduli est hic numus.



XVIII.

ATT. NER. ΤΡΑΙΑΝΟΣ. ΚΑΙΣ. ΣΕΒ. Ἀυτοκράτωρ Νέρβα Τραϊανός. Καίσαρ Σεβαστός. *Imperator Nerva Trajanus Caesar Augustus.*

Caput *Traiani* cum corona radiata.

ΚΟΙΝΟΝ. ΓΑΛΑΤΙΑΣ. ΕΠΙ Π. ΒΑΣΣΟΥ. *Commune Galatie, sub Pomponio Basso.* Lunus stans, d. *Victoriolam*, s. globum; a tergo lunæ falcatæ signum emicat.

R Ecce hic τὸ π. πομπωνίου. *Pomponio.* legi, commonstrant numi alii *Nervæ*, e *Gaza Medicea*, inscripti:

Z

ΕΠΙ.

ΕΠΙ. ΠΟΜΠΩΝΗΟΥ. ΒΑ. & alter ΕΠΙ. ΒΑΚΚΟΥ. ΠΟΜΠΩΝ. ΓΑΛΑΤΙΑΣ. Quos Doctissimus Harduinus adfert; aliud item Domitiani numisma, quo docemur, jam tum Pomponium Bassum Legatam, & pro Prætorē Galatiæ præfuisse: ΕΠΙ. ΑΙ. ΠΟΜ. ΒΑΚΚΟΥ. ΠΡΕΣΒΕΤΤΟΥ. *Sub Ælio Pomponio legato. De Galatia, Augustorum Provincia, hæc Eutropius Lib. 7. adnotavit: Galatia quoque sub hoc (Augusto) Provincia facta est, cum antea regnum fuisset; primusque eam M. Lollius pro Pratore administravit. Est numus ex ære medio.*



XIX.

ΑΥ. ΚΑΙ. ΤΡΑΙ. ΑΡΙ. C. ΓΕΡ. ΔΑΚ. Ἀυτοκράτωρ Καῖσαρ Τραιανὸς Ἀριστὸς Σεβαστὸς, Γερμανικὸς Δακικὸς. *Imperator Caesar Trajanus, Optimus Augustus, Germanicus, Dacicus. Caput ejusdem laureatum.*

TABHNΩΝ. *Tabenorum.* Figura stans in vestitu muliebri, d. botrum, f. hastam.

TAbenorum urbis incertus est situs. STEPHANO est τὰς πόλιν Λυδίας. *Taba urbs Lydia.* Ast in *Notitia Ecclesiastica Hieroclis* in Provincia Caria ponitur. LIVIUS *Lib. 38. cap. 13.* Tabas prope Gordiutichos, in finibus Pisidarum statuit. Eadem urbs fuerit Cariæ, quæ in Pisidiæ finibus: in Lydia tamen alteram fuisse oportet; nisi in septentrionalibus Cariæ plagis Tabos forte locare libeat, ubi Lydiæ, & Pisidiæ terminos minimo intervallo Caria dirimit: aut aliis temporibus eadem urbs aliis Provinciis ad-

adscripta, aliterque a Civili, aliter ab Ecclesiastico magistratu determinatæ fuerint provinciæ.

Tabernorum numi admodum rari sunt: ac Trajano inscriptum nullum vidit Vaillantius. Rara etiam aversæ partis effigies Bacchum exhibet, muliebri veste indutum. De simili quodam Bacchi Idolo videtur THEODORETUS *Lib. 3. Hist. Eccles. c. 7.* mentionem fecisse; aut certe Bacchum, sub utroque sexu a gentilibus cultum fuisse, declarat. Enarrans Græcorum sub Juliano Apostata in Christianos injurias, præsertim Emesæ patratas, ita habet: Διονύσω τῷ γυνιδι τὴν νεοδμητον ἀφιέρωσαν ἐκκλησίαν, τὸ καταγέλαστον, καὶ ἀνδρόγυνον ἐν αὐτῇ ἰδρύσαντες ἄγαλμα. *Baccho semi-muliebri Ecclesiam recens extructam dedicarunt, ridiculum, & Androgynum in ea simulacrum statuentes.* Numus est ex ære medio.



XX.

..... INA. ΘΕΑ. CEBACTH. *Plotina Dea Augusta.* Caput Plotinæ, uxoris Trajani.

AMACTPIANON. *Amastrianorum.* Figura stolata stans, d. pateram, s. hastam putam.

Rarissimus hic, mediæ moduli, numus aversæ partis inscriptionem ita mancā exhibet; ut præter urbis nomen nihil certi dignosci possit. Solet autem aliqui Amastrianorum numorum inscriptio, quæ typo repræsentantur Deorum, aut Heroum figuræ, hæc ipso nomine declarare.

De Amastrianis ita STEPHANUS: Ἀμαστρίς πόλις Παφλαγονίας, ἡ πρότερον Κρόμνα . . . τὸ Ἰθνικοῦ Ἀμαστριανός. *Amastris urbs Paphlagonia, antea Cromna: Gentile Amastranus.* Hanc urbem e quatuor pagis Sefamo, Cytoro, Cromna, ac Tejo ab Amastride, Darii ex Oxyathra fratre nepte, uxore Dionysii, Heracleæ Tyranni, compositam esse, refert STRABO *Lib. 12.*



XXI.

ΑΥΤΟΚΡΑΤΩΡ, ΑΔΙΑΝΟC. *Imperator Hadrianus.* Caput Hadriani nudum.

ΗΛΕΙΩΝ. *Eliorum, vel Eleorum.* Vir nudus, fluvio incumbens, d. coronam, s. arundinem gerit, ad pedes urna cum ramo palmæ.

ELis urbs, & regio Peloponnesi. Urbem STEPHANUS Olympiæ vicinam statuit: Ἡλίας πόλις πρὸς τῇ Ἀιγυπτίᾳ Ὀλυμπία, ἀπὸ Ἡλείου τῷ Ταντάλῳ παῖδος. *Elis urbs vicina ei, qua Ægyptia Olympia dicebatur, ab Eleo Tantali filio condita.* De hac egregie ad numum nostrum ita PLINIUS *Lib. 4. c. 5.* *Ipsa Elis in mediterraneo, & a Pylo XII. M. Pass. intus delubrum Olympii Jovis, ludorum claritate fastos Graciæ complexum.* Ludos hos Olympicos numus noster urna, & palmæ ramo indicat; quibus pulcre congruit figura illa nuda Penei fluvii, qui Elidem urbem interluebat, atque præter ipsum Gymnasium, ubi ad luctam exercebatur juvenis, deferebatur. STRABONIS *Lib. 8.* hæc sunt de hac urbe

urbe verba : 'Ρεῖ δὲ διὰ τῆς πόλεως ὁ Πηνιὸς ποταμὸς, παρὰ τὸ γυμνάσιον αὐτῆς. Coronam itaque, Victorum decus, Eliacæ juventuti ostentat Poneus. Multa tricatur Stephanus de gentili nomine ἐκ τῆς Ἑλίας deducto; Numus certissimam hac in re sententiam dicit. Numorum Eliorum rara apud Vaillantium mentio: noster idcirco etiam rarior; quod aversæ partis typum insolitum, & elegantem exhibeat, & magni moduli sit.



XXII.

ΑΥΤΟΚΑΙ ΤΡΑΙΑΝΑΥΓΟΥΣΤΟΣ. *Imperator Caesar Trajanus Hadrianus Augustus.*
Caput laureatum Hadriani.

ΑΕΟΝΤ. Α. ΙΑ. Λεοντοπολιτῶν. Λυκάβαντος. ια. *Leontopolitarum, Anno undecimo Imperii Trajani.* Vir stans, dextra hastam præpilatam, s. catulum leonis tenet.

Duo tantum Leontopolitarum numi apud Vaillantium extant: Antonini Pii alter, alter Juliae Domnae. Leontopolin in Delta Ægyptiaco locat Plinius, atque ibidem Leontopoliten Nomon Strabo, & Ptolemæus constituunt. Nomen urbi unde accesserit, egregie ad numum nostrum, qui parvi moduli est, illustrandum hæc refert *ÆLIANUS Lib. 12. hist. animal. cap. 7.* Λεόντας ἐν Ἀγύπτῳ σέβουσι, καὶ ἐξ αὐτῶν κέκληται πόλις. *Leones in Ægypto colunt, ac de iisdem urbs nomen traxit.* Ita & *STRABO Lib. 17.* Λεόντα δὲ Λεοντοπολίται. *Leonem autem Leontopolitæ colunt.* Nutritum etiam illic leonem, qui coleretur refert *DIODORUS SIC.*

Lib. 1. Καὶ τὸν Ἀντα, τὸν τεφεόμενον ἐν Λεοντοπόλει. Videtur itaque hic numus aut ipsum sacri Leonis Curatorem, aut armatum loci Genium, tanquam fortitudinis incolarum symbolum, referre.

Mirantur nonnulli, ecquid bruta, feraque animantia Ægyptii tantopere coluerint? uti de Capro, & Leone vidimus, ac de aliis aliunde constat. Probabiles hic aliquot hujus detestandi cultus origines adferam, potissimum e DIONORI SIC. *Lib. 1.* desumptas. Colebant igitur animalia Ægyptii, vel quod sibi persuaderent, dari *μεταμύχων*, & Regum, atque Heroum suorum animas in bestias illas immigrasse: vel quod Deos, ex Olympo fugientes, varias animalium formas suscepisse crederent: vel quia primi homines, pugnaturi in invasores, bestiarum icones, aut exuvias hastis præfixas, signum se consociandi, ac defendendi sustulerint: vel quod animalia illa utilissima Ægyptiis essent, ut boves, oves, canes, & singulariter Ibides, feles, vultures, quin & Crocodili; quod Arabibus Nili transitum formidandum redderent: vel quod primi Reges, & Heroes variis belluarum exuviis, ut leonum, luporum &c. pro galea, ac thorace usi essent, atque ita ipsarum velut speciem induissent: vel denique quia Principibus singulasque quidam, felicesque eventus ope illorum animalium obtigerint, ut Isidi per canes. Permisit denique ista Sapientissimus Deus; ut viderent mortales, quam abominandis involverentur superstitionibus, qui ab Unius veri Numinis cultu deviaissent.



XXIII.

AT. KAI. AΔPΓANOC. *Imperator Caesar Hadrianus. Caput ejusdem laureatum.*

ΕΠΙ. ΓΟ. ΑΛΑΝΔΡΟΥ. ΜΑΝΤΑΛΗΝΩΝ. *Sub Gorgia Alandro, vel Alandri filio, Mantalenorum. Jupiter vestitus stans, d. aquilam sustinet, sinistram mensæ, aut sellæ imponit,*

STEPHANO: ΜΑΝΤΑΛΗΣ ΠΟΛΕΩΣ ΦΡΥΓΙΑΣ· Τὸ ἰδιωτικὸν Μανταληνός. *Mantalus urbs Phrygiae: gentile Mantalenus.* Τὸ ΓΟ. ΓΟΡΓΙΑ legi posse, ac fortasse tanquam prænomen, e Goltzii Thesauro colligo, ubi numo habetur: ΓΟΡΓΙΑΣ. ΘΕΜΙΣΤΟΓΗΝ. Nihil tamen hic certi dictum velim: fors enim Γοργίῳ, aut aliter legendum est. Jupiter, hoc simulacro expressus, apud Cl. Vaillantium in numo Laodiceno Augusti, ita aperte inscribitur: ΖΕΥΣ. ΦΙΛΑΛΗΘΗΣ. *Jupiter veritatis amans.* Hic noster medii moduli, numus rarissimos inter habendus; cum unicum hujus urbis Vaillantius proferat, eumque serius sub M. Aurelio cūsum: qui numus quidem Neocororum titulum adjunctum exhibet, sed Magistratum non præ se fert.



ΑΥΤ. ΚΑΙ. ΤΡΑ. ΑΔΡΙΑΝΟΣ. ΔΙΟ. ΚΕΒ. Ἀυτοκράτωρ Καίσαρ Τραϊανὸς Ἀδριανὸς δις Σεβαστός. *Imperator Caesar Trajanus Hadrianus, iterum, seu bis Augustus. Caput laureatum.*

ΜΕΣΑΜΒΡΙΑΝΩΝ. *Mesambrianorum.* Bacchus sedens, veste talari indutus, & barbatus, ac fastigiata mitra caput tectus : d. cantharum, s. hastam gerit, thyrsō utrimque ornatam.

MIrum hunc Bacchi ornatum vix alibi, quoad omnia, deprehendas. Barbatum quidem Bacchum Naxiorum, & Catanensium numismata ostendunt; ast haud ita aliis instructum ornamentis. Simillimam nostræ, Bacchi effigiem, Eruditus Buonarottius e gemma Carpegniana exposuit, in qua tamen mitra, qualis in nostra comparet, non habetur. De barba Bacchi MACROBIUS *Lib. 1. Saturnal. Liberi Patris simulacra partim puerili atate, partim juvenili fingeant, præterea barbata, senili quoque.* Barba, & vestis prolixior eidem adscribitur a PAUSANIA *Lib. 2. cap. 30. & Lib. 5.* ita habet: Ἐνδεδυμένος ἐστὶ ποδήην. *Indutus est veste talari.* De mitra illud in *Anthologia Lib. 1. in hymno Bacchi* reperio: eum nempe etiam χρυσομίτην, *Aurea mitra decorum, salutari.* Canthari, ac Thyrsi, apte ad numum nostrum, SILIUS ITALICUS *Lib. 7.* meminit.

Cantharus, & Thyrsus dextra, lavaque feruntur.

Mesambria (uti eam HERODOTUS *Lib. 4. c. 93.* & quidam numi nominant) aut Mesembria, urbs est ad Ponti Euxini littus, & Hæmi montis pedem in Thracia sita, de qua STRABO *Lib. 7.* & ARRIANUS in *Periplo Ponti Euxini* videri possunt.

Numus hic, qui paucis Mesambrianis, hætenus, quod sciam, vulgatis vetustate præstat, est ex ære medio, & mirum quiddam in capitis epigraphæ offert, nempe: ΔΙΟ. ΚΕΒ. quod probe in numo expressum, qui aliter legi possit; quam δις Σεβαστός. *Iterum, seu altero anno Augustus.* sane non

non video. Quid vero nova hæc epigraphæ sibi velit, certi nihil assequor; nisi forte Græculi Thraces, procul ab Urbe, ad ipsos Romani Imperii fines constituti, cum in aliis Latinorum juxta, ac Græcorum numis, & monumentis cæteris legerent: Numerum quendam Imperatorio, aut Consulari titulo, vel Tribunitiæ Potestati adjungi, sive annos Imperii assignari, ipsi etiam, ad Augusti titulum, censuerint se annorum notam adscribere posse.



XXV.

ΑΥΤ. Κ. ΤΡΑ. ΑΔΡΙΑΝΟΣ. *Imperator Caesar Trajanus Hadrianus.* Caput laureatum.

ΝΑΚΡΑCΙΤΩΝ. *Nacrasitarum.* Caput muliebri, crinium structura ornatum, cui impositum aliquid flori simile.

PTOLEMÆUS *Lib. 5.* in Lydia recenset Nacrasum. Subinde ad Cariam pertinuisse, monet STEPHANUS: *Νάκρασος δῆμος, καὶ πόλις Καρίας.* *Nacrasus Populus, & urbs Caria.* Caput muliebri in hoc, parvæ formæ, numo aut Isidem, aut loci Genium referre videtur.

XXVI.

ΑΥΤ. ΑΔΡΙΑ. Ἀυτοκεράτωρ Ἀδριανός. *Imperator Hadrianus.* Caput laureatum.

CΥΔΡΕΩΝ. *Sydreorum.* Lunus stans, vestitu muliebri, d. scutum, s. hastam; a tergo signum lunæ falcatæ.

SYEDRA *Σύειδρα* a Ptolemæo in Cilicia Aspera locatur: a STEPHANO in vicina Isauria: *Σύειδρα πόλις Ἰσαυρίας ὁ πο-*

λίτης Συεδρεύς. *Syedia urbs Isauria: ejus civis Syedriens appellatur.* Hæc Syedra fortassis eadem est, quæ a STRABONE *Lib. 14.* Συδρη dicitur. Primus Syedreorum numus a Cl. Vaillantio sub M. Aurelio profertur; quare noster, qui parvi moduli est, vetustate excellit, & Luni simulacrum, quod alter Syedreorum numus nullus, exhibet.

XXVII.

ΤΡΑΙΑΝΟC. ΑΔΡΙΑΝΟC. *Trajanus Hadrianus.* Caput Hadriani laureatum.

ΦΛ. ΧΑΛΚΙΔΕΩΝ. Α. Φλαυίων Χαλκιδέων Α'. *Flavianorum Chalcidensium, anno 30.* Corona ex lauro.

Chalcis alia Eubœæ, alia Syriæ Coeles erat, eoque nomine & Regnum olim, & Urbs veniebat. Chalcidis Syriæ, præter alia tritiora, meminit EUNAPIUS *in vita Jamblici*: Πατρίς δὲ ἦν αὐτῶ Χαλκίς, κατὰ τὴν κοίλῃν προσαγορευομένην ἐν πόλιν. *Patria vero illi (Jamblico) erat Chalcis, quæ Syria, Cava dicta, urbs est.* Ad hanc Chalcidem referendos esse numos, qui Flavianorum prænomine signati sunt, ex Eutropio, & Suetonio jam deduxit Eminentissimus Norisius. Horum siquidem testimonio constat: Commagenen sub Domitiano, *Flavii* Vespasiani filio, Provinciam Romanam factam fuisse, cui Chalcidene accessit.

Annum Epochæ certum suppeditarunt bini numi Chalcidenses, Trajani unus, alter Hadriani, qui ambo eundem numerum Κ Ε. seu 25. exhibent. Unde conficitur: hos numos ipso Anno Trajani postremo, & Hadriani primo signatos fuisse, qui fuit V. C. 870. cui si demas 25. pervenies ad an. V. C. 845. cujus autumnio æra Chalcidis coepit. Concordat numus noster; adjunctis enim annis 30. ad 845. habetur annus V. C. 875. qui fuit Hadriani sextus.

Laudatus NORISIUS Chalcidensem Hadriani numum Florentiæ se vidisse commemorat, *de Epœb. Syromaced. dispers. 3. §. 3.* ita inscriptum ΦΛ.ΧΑΛΚΙΔΕΩΝ.Α. Verum hunc, quoad

quoad averſæ partis typum, & epigraphen, eundem eſſe cum numo noſtro, qui integerrimus eſt, mihi perſuadeo; quando in noſtro etiam τὸ Δ. aliquam ſpeciem τῷ Δ. ſed baſin non plane coëuntem exhibet.

Neque dubium mihi quidem reliquum eſt: Δ. item, & non Δ. illic expreſſum eſſe; cum in aliis omnibus numis Chalcidenſes annos diſtæ Epochæ, nunquam vero annos Imperii conſignaverint, ad quos hic conſugere oporteret. Præterea τὸ Δ. = 30. cum certa illa epocha certo congruit, uti oſenſum eſt.

Cl. Vaillantius in numis Trajani Δ. & Δ. repertum, ſupputat quidem ad annos Imperii; ſed Δ. = 4. quartum Æræ Chalcidenſis annum denotare poteſt, Trajani primum, V. C. 849. Porro autem illud Δ. malim characteri minus recte formato, aut in numo non ſatis conſervato loco Δ. accepto, tribuere, quam Chalcidenſibus, aliam adhuc ab illa certa æra, annos Imperii conſignandi rationem, ex incerta hac lectione, & præter urbium Syriæ morem, attribuire. Numus mediæ moduli eſt.



XXVIII.

..... ΤΙ. ΑΙ. ΑΔΡΙΑΝΟΥ ΑΝΤΩΝΕΙΝΟΥ. Τίτος Ἄιλιος Ἀδριανὸς Ἀυτοκράτωρ. *Titus Ælius Hadrianus Antoninus.* Caput laureatum Antonini Pii.

ΖΕΥΣ ΚΑΠΕΤ. C. ΑΝΤΙΟΧΕΩΝ. Ζεὺς Καπιτωλινὸς Ἀντιοχείων. *Jupiter Capitolinus Antiochenſum.* Jupiter ſedens in templo tetrastylo, d. victoriolam, ſ. haſtam gerens.

A D Antiochiam Carie, ad Meandrum ſitam, hic numus magni

magni moduli referendus est. **PLINIUS** *Lib. 5. in Caria: Antiochia - - - nunc eam circumfluunt Mæander, & Orsinus.* In numis hujus Antiochiæ etiam fluvius inscriptus legitur: ΜΑΙΑΝΔΡΟC. & ΜΕΑΝΔΡΟC. **R. P. Harduinus** numum **M. Aurelii** adfert, quem apud **R. P. Charronier S. J.** deprehenderat, ita inscriptum: ΖΕΥC. ΚΑΠΙΤΟΛΙΕΥC. ΑΝΤΙΟΧΕΩΝ. In nostro vero perspicue ΚΑΠΕΤΟΛΙΕΥC. Etsi Jovem Capitolinum, Romano in Capitolio venerationi expositum, exterae etiam urbes, Romanis aut sociatae, aut subditæ cohererent; tamen Antiochiæ Cariae Templum etiam Jovis Capitolini fuisse, ex fragmentis **LIVII** *Lib. 41. c. 20.* probabiliter colligitur; ubi de Perseo Rege agens, qui Græcorum urbes donis, & promissis sollicitabat, hæc habet: *Et Antiochia Jovis Capitolini magnificam Templum, non laqueatum auro tantum, sed parietibus totis lamina inauratum, & alia multa in aliis locis pollicitus, quia perbreve tempus ejus Regni fuit, non perfecit.* Non perfecisse, indicat, affecisse saltem hoc opus, quod deinde absolutum fuerit. Antiochiam vero hanc Cariae fuisse, præter numorum-epigraphen, id probabile reddit: quod Caria vicinissima fuerit Macedoniæ ex iis regionibus, quæ Antiochiam non incelebrem continerent. Atque, quod plus momenti habet: Caria tum Rhodiis parebat, quibus post Bellum Antiochicum data, & post Perseum debellatum adempta est, teste **LIVIO** *Lib. 45.* & **APPIANO** *in Syriac.* Rhodios vero a Perseo muneribus plurimum tentatos fuisse, **LIVIVS** *Lib. 41. c. 20.* ita enarrat: *Rhodiis nihil unum insigne, - ita omnis generis, ut quaque eorum usus postulaverunt, dona dedit.*



XXIX.

ANTΩNEINOC. KAICAP. *Antoninus Caesar.* Caput laurea-
tum Antonini Pii.

ΕΦΕCΙΩΝ. *Ephesiorum.* Cervus stans.

NOtum Dianæ, Ephesi Tutatricis, & Venationum Præ-
fidis, symbolum est cervus. Atque ipsa Diana Ἀρ-
τεμις Ἐλαφία apud STRABONEM *Lib. 8.* appellatur, a nomine
Ἐλαφος, *Cervus.* Unde Λαφεία Diana, a Patrensisbus culta,
nomen traxerit: de qua PAUSANIAS *in Achaïcis.* PINDARUS
quoque Dianam compellat Ἐλαφεόλον, *Cervorum Jaculatri-
cem.* Variis modis in ære veteri Dianæ adsignantur cervi:
Jam inter duos cervos medium adstat Dianæ Ephesiæ si-
gnum: jam ejus templo procurrens cervus affingitur; alias
ipsa cervorum biga, vel quadriga invehitur: alias sagittis
feras illas insequitur, aut stratis insultat, aut cervi, humi
collapsi, cornu prehendit: ipsa etiam cervi simulacrum
manu sustinet; & si quæ sunt aliæ diversorum typorum
formæ. Nonnunquam solus cervus signatus Dianam in-
dicat, cujus etiam LIBANIUS *in Encomio Diana* meminit:
Ἐφεσίοις δὲ καὶ τὸ νόμισμα τὸν ἔλαφον ἔφερον. *Apud Ephesios etiam
numismata cervum referunt.* Est parvi moduli.



ATT. KA. TI. AIAI. AAPI. ANTΩNEINOC. *Imperator Caesar Titus Aelius Hadrianus Antoninus.* Caput laureatum Pii.

KYZ ΝΕΟΚΟΡΩΝ. *Cyzicenorum Aedituorum.* Æsculapius semicinctus stans, d. baculum gerit, serpente obvolutum: adstat Hygia, d. serpentem, s. pateram gestans.

CYzicum insulam vocat PLINIUS *Lib. 4.* sed pontibus continenti junctam. STEPHANUS: Κύζικος πόλις τῆς Προποντιδος· τὸ ἔθνηκον Κυζικηνός. *Cyzicus Propontidis urbs est: gentile nomen, Cyzicenus.* Eandem nobilem, ac munitam urbem deprædicat FLORUS *Lib. 3. cap. 5.* Hygia, ὑγία, quod idem est, ac *salus*, vel *sanitas*, Æsculapii, Medicinæ Præsidis, filia credita est, teste PAUSANIA in *Atticis cap. 23.* Ἀγαλμὰ ἐστὶν Ὑγίας τε, ἣν Ἀσκληπιῷ παῖδα εἶναι λέγουσι. *Est etiam Hygia signum, quam Æsculapii filiam dicunt.* Numus est medii moduli.

XXXI.

AY. TI. AI. AAPI. ANTΩNEINOC. *Imperator Titus Aelius Hadrianus Antoninus.* Caput nudum Antonini Pii.

ΝΕΙΚΟΠΟΛΕΩC. ΙΕΡΑC. ΝΑΤΑΡΧΙΑΟC. *Nicopolis Sacra, & Classica.* Mulier stans d. pateram, s. hastam.

TRes urbes, Nicopolis nomine insignes, novi, quarum veteres numi superant. Alia in Thracia, ad Mestum amnem, ad Istrum alia in Mœsia: utraque Fluvio se suo, etiam in ære consignato, a tertia Nicopoli discernit, quæ in Epiro sita, occasione Actiacæ Victoriæ surrexit, & nomen ἀπὸ τῆς νίκης, a *Victoria* sortita est. Ad hanc noster, parvi æris, numus pertinet: atque hæc urbs in aliis itidem numis *Sacra*, & *Classica* titulos jactat. *Sacra* cognomen, & ab Apollinis fano percelebri, & ab Actiis ludis, quæ isthic ante Augusti instaurationem agebantur, obtinuit. *Classica* dicta est, quod Classi provinciae suæ præesset.

XXXII.

XXXII.

ΑΥΤ. Κ. Τ. ΑΙΑΙ. ΑΔΙΑΝΟC. ΑΝΤΩΝΕΙΝΟC. *Imperator Caesar Titus Ælius Hadrianus Antoninus.* Caput ejusdem nudum.

ΠΕΡΙΝΘΙΩΝ. *Perinthiorum.* Mercurius vestitus, & galero alato tectus stans, d. pateram, f. Caduceum tenet; ad dextram ara: ad pedes Mercurii canis.

Mercurius, qualis hic cum patera ad aram adstat, Camillus olim vocabatur; uti colligitur ex MACROBIO *Lib. 3. Saturnal. cap. 8.* ita habet: *Statius Tullianus de vocabulis rerum libro primo ait, dixisse Callimachum: Tuscos Camillum appellare Mercurium, quo vocabulo significant preministram Deorum.* Et mox inferius: *Romani quoque pueros, & puellas nobiles, & investes, Camillos & Camillas appellant, Flaminicarum, & Flaminum preministros.* Unde & Mercurius (quod ad numos ficulos Doctissimus Havercampius adnotavit, e SCHOLIASTE APOLLONII, *Lib. 1. Argon.*) in Samothracum mysteriis κάσιλος dictus est, idem cum Camillo, ut comprobat Poëta a Macrobio, dicto loco, adductus in testem:

— — — — — *Matrisque vocavit*

Nomine Casmilla, mutata parte, Camillam.

Deorum etiam cultum a Mercurio institutum fuisse DIODORUS SIC. *Lib. 1.* tradidit.

Canis Mercurio Camillo adponitur; quia, ut PLUTARCHUS in *Quest. Rom.* perhibet, canis sacrificio omnes fere Græci utebantur. Ipse quoque Mercurius, scientiarum Præses, canis specie ab Ægyptiis effictus est, & Anubis dictus; Quod canes de nocte perinde, ac die videant. Solet aliis in numis aries Mercurio adstitui; at in nostro, qui mediæ formæ est, arietem agnoscere non potui.

XXXIII.



XXXIII.

ATT. KAIC. AΔP. ANTONΓINOC. *Imperator Caesar Hadrianus Antoninus. Caput laureatum ejusdem.*

CAOTATPEQN. *Savatrensum.* Vir nudus stans, d. spicas tenet, s. arundinem, prope quam alia minuscula arundo adstituta est; ad pedes quiddam cancro simile.

Nullus Savatræ urbis numus apud Vaillantium, aut Harduinum reperitur. Eruditissimus, ac Nobilissimus SCIPIO MAFFEIUS in libro cui titulus: *Gallia antiquitates quaedam selecta, atque in plures Epistolas distributa. Epistola. 22.* Adfert numum a se inspectum, cujus epigraphæ: CAOTATPEQN. figuræ tamen in sculptæ non meminit. Vix aliqua apud veteres scriptores Savatræ mentio: a Ptolemæo in Isauria locatur Σαυάτρα, *Savatra*. Situs ejusdem ex hoc nostro, mediæ moduli, numo colligi posset; si satis certum esset, figuram illam nudam, Neptunum, & animal adpositum, cancerum marinum referre. Nam si urbs maritima, & Isauriæ fuit; conficere licet, Savatram prope urbem Hamaxiam, aut Syedram (quæ etiam Isauriæ tribuitur) sitam fuisse, quæ ambæ promontorium Anemurium respiciebant. De Isauria vero PLINIUS *Lib. 5.* Decurrit autem ad mare Anemurii regione supradicti. Neque potuit, nisi per angusto illo tractu, Isauria ad mare pertinere, inter Pamphyliam, & Ciliciam Asperam; cum harum provinciarum fines prope contigui fuerint. Verum
non

non nemini visum est: cannas illas, & nudum virum illum, palustrem locum, aut fluvium denotare, qui Savatram alluens, & fertilitatem tritici, quam irrigando adferret, spicis designet, & piscium, aut cancrorum copiam, simili quadam imagine indicet. Eruditi lectoris arbitrium esto. Fluviorum quidem, & aquarum viventium vix quidquam in Isauria reperiri STRABO *Lib. 12.* monet; paludes tamen binas ejus regionis nominat: 'Εὐσι δὲ καὶ λίμναι, καὶ ἑκαλὺς μὲν ἡ μέγας, ἡ δ' ἐλάττω Τρωγίτις. *Sunt vero etiam Paludes: majori Coralis, minori Trogitis nomen est.* Harum alteri aditam fuisse Savatram, mihi verisimile videtur.

XXXIV.

TI. AI. KAICAP. ANTONEINOC. *Titus Ælius Caesar Antoninus.*
Caput laureatum Antonini Pii.

ΕΠΙ. ΠΟ. ΠΕΙΟΥ. ΓΡΑΜ. ΤΡΑΙΑΙΑΝΩΝ. *Sub Pompejo Pio, Traillianorum Scriba.* Bacchus nudus, coronatus, curru vehitur, quem trahunt tigris, vel pantheriscus, & caper: capro nanus vetulus infidet, forte Silenus, nudus, præterquam amiculo, in humeros rejecto, tectus, qui tibias binas ori admovet; ad sinistrum latus currus Citharædus adstat.

Videtur Cl. Vaillantius ejusdem typarii numum inspexisse, sed vetustate corrosus. Nam cum cætera omnia congruant; Victoriæ tamen, loco Bacchi, currui imponit, & Cupidinem capro, loco tibicinis: nullum etiam magistratus nomen apud eundem legitur. Sane quod Victoriæ tigride, & capro junctis vehatur, insolitum, & congrua interpretatione destitutum videtur. Baccho e converso, quem integerrimus noster, bene magni moduli, numus exhibet, egregie omnia conveniunt.

Nam Bacchum tigribus vestum esse, cum victor ex Indiis rediret, quis Poëtarum non cecinit? Caper Baccho sacer est; tum quod is, Jovis jussu, ut refert ARODODORUS

Lib. 3. formam caprinam induerit: tum quod caprini generis animalia Baccho immolarentur, quia vitibus morsu noxia. Huc facit epigramma illud LEONIDÆ TARENTINI *Lib. 1. Anthol.* quo vitis in caprum, se admordentem, invehitur, cujus ultimum distichon ita habet:

ῥίζα γὰρ, ἱμπιδος ἴσα, πάλι γλυκὺν νέκταρ ἀνήσει,
ὅσσον ἐπισπείσασί σοι τεράγῃ θυομένη.

Quoad radix mihi firma baserit, reddet dulce nectar,

Quod ad libandum satis erit, dum tu, o caper! immolaberis.

Deinde Citharam, seu Lyram ad Bacchi chorum pertinere ex Alcæi fragmentis docemur:

Ἐἴθε λύρα καλὴ γεννημένη ἐλεφαντίνη,
καὶ μὴ καλοὶ παῖδες φοροῖεν Διονύσιον ἐς χαρόν.

Utinam lyra pulcra essem eburnea,

Et me pulcri pueri ferrent ad Bacchi Chorum.

Congruit porro in hoc: Tralles Lydiæ urbem fuisse: *Τράλλης πόλις Λυδίας πρὸς τῷ Μαιανδρῷ ποταμῷ. Tralles urbs Lydia ad Mæandrum flumen.* inquit STEPHANUS. Lydos autem singulari quadam arte, & concentu Lyram, aut Citharam tractasse PINDARUS *Nem. ode 4.* meminit:

Ἐξύφαινε γλυκεῖα
καὶ τὸ δ' αὐτίκα Φόρμυγξ,
λυδίᾳ σὺν ἀρμονίᾳ
μέλος.

Contexe statim dulcis Cithara,

Lydia cum harmonia, hoc quoque carmen.

Tibias denique ad Bacchantium harmoniam adhibitas fuisse, ex EURIPIDIS *versibus in Bacch.* colligimus, quos STRABO *Lib. 10.* ita refert:

Ἄνα δὲ Βακχεῖα συντόνω
κέρασαι ἡδυβόα Φρυγίων
Ἄυλῶν πνέσματι.

Dulcisona Bacchi festa, intento tibiaram


Phrygiarum flatu temperarunt.

XXXV.

ΑΥ.ΚΑΛ.ΑΝΤΩΝΙΝΟC. *Imperator Caesar Antoninus. Caput Pii laureatum.*

ΦΙΛ. ΚΟ. CΥΡΙΑC. *Φιλαδελφείων Κόλης Συρίας. Philadelphensium Coeles Syria. Caput muliebre, ut videtur, velatum, aut cincinnis ornatum, cujus fronti, flori simile quiddam, impositum est.*

Philadelphiam in Decapolitana Syriae *PLINIUS Lib. 5. recenset. Erat autem olim Coelesyria amplior, quæ & Decapolitanæ partem complecteretur. Hujus urbis nomen Eusebius, & Epiphanius φιλαδελφία scripsere, alii φιλαδέλφεια. De eadem ita STEPHANUS: τῆς Συρίας ἐπιφανὲς πόλις, ἡ πρότερον Ἀμμανα, εἴτ' Ἀσάρτη, εἴτα φιλαδέλφεια, ἀπὸ Πτολεμαίου τῶν φιλαδέλφου. Illustris Syria urbs, primum Ammanadicta, subinde Astarte, denique Philadelpbia, a Ptolemæ Philadelpho. In aliis hujus urbis numis τὸ ΚΟΛΑΗC. CΥΡΙΑC. sic scriptum offenditur: ΚΟΛΑΗC. CΥΡ. vel Κ. CΥΡ. vel Κ. C. Caput, Isidis esse videtur, aut Genii urbis. Numus est parvi moduli.*



XXXVI.

Inscriptio capitis, vetustate absumpta, non legitur.

Caput nudum Antonini Pii.

ΦΙΛΙΠΠΟΠΟΛΕΙΤ. *Φιλιπποπολεωτων. Philippopolitarum. Pallas galeata stans, læva hastæ innititur, clypeus ad pedem sinistrum.*

DE Philippopoli Thraciæ urbe *PLINIUS Lib. 4. Oppidum*
Bb 2 *sub*

sub Rhodope, Poneropolis antea, mox a conditore Philippopolis.
Fuit is Philippus Alexandri M. Pater. Est numus parvi
moduli.

XXXVII.

ATT. K. ΑΔΡΙΑ. ΑΝΤΩΝΕΙΝΟC. *Imperator Caesar Hadrianus*
Antoninus. Caput laureatum Antonini Pii.

ΕΠΙ . . . ΖΗΝΩΝΟC. ΠΡ. CEB. ΑΝΤ. ΦΙΛΙΠΠΟΠΟΛΕΙΤ. Ἐπὶ
Ζηνῶνος Πρεσβευτῆ Σεβασῆ Ἀντωνίνου, Φιλίπποπολεϊτῶν. *Sub . . .*
Zenone Legato Augusti Antonini, Philippopolitarum. Jupiter
sedens, d. pateram, f. hastam.

IN omnibus Thraciæ numis non aliud magistratus no-
men, quam ἡγεμόνος, *Præsidis Provinciæ*, comparet; si
Archontes Byzantinos, de quibus inferius agetur, exci-
pias. Unicus hætenus Bizyæ, urbis Thraciæ, numus
prolatus est, qui Πρεσβευτῆ, καὶ Ἀντισφάτην τῆ Σεβασῆ. *Legati,*
& Pro Pratoris Augusti, titulum exhibeat. Cl. Vaillan-
tius e Strabone collegit: Præsides, ipsos etiam Legatos
Augustorum, appellatos esse. Mirum tamen videri cui-
piam posset, cur sola Bizya *Legati*, non vero *Præsidis* ti-
tulo, ut urbes aliæ, usa fuerit.

Atque in nostro quidem, magni moduli, numo illud
mirandum magis: quod eadem Philippopolis aliis in nu-
mis, atque ipsius adeo Antonini Pii, constanter ἡγεμόνος,
Præsidis titulum consignaverit; in hoc tamen Πρεσβευτῆ Σε-
βασῆ, *Legati Augusti* compellatio exprimitur. Confirmat
quidem doctissimi Vaillantii opinionem MACER *Lib. 1. ff. de*
offic. Præs. *Præsidis nomen generale est, eoque & Proconsules,*
& Legati Caesaris, & omnes, Provincias Regentes, licet Se-
natores sint, Præsides appellantur. Qua tamen sententia
nostri numi, ab aliis ejusdem urbis, difformitas non satis
dilui videtur. Quare suspicari cœpi (ad quod ipsa etiam
tituli Πρεσβευτῆ in numis raritas momenti aliquid affert) an
non extra ordinem *Legati Augusti* in Thraciam graviorum
bellorum, aut negotiorum aliorum causa missi sint; aut
ipsis

ipsis Præsidibus, singularis honoris ergo, adjectus sit quandoque *Legati* titulus: uti huic Zenoni, expresso *Antonini Augusti* nomine, obtigisse, numus testatur. Legati porro munus jam olim apud Romanos Maximi nominis fuisse DIONYSIUS HALICARN. *Lib. 11.* nos docet: Ἐστὶ δὲ πάντων τιμω-
τατόν τε, καὶ ἱερώτατον ὁ Πρεσβευτὴς παρὰ Ῥωμαίοις. *Legatum esse,*
apud Romanos res est omnium honorificentissima, & sanctissima.



XXXVIII.

ΑΥΤ. ΚΑΙ. Μ. ΑΥΡΗ. ΑΝΤΩΝΕΙΝΟΣ. Ἀυτοκράτωρ Καῖσαρ Μάρκος
Ἀυγέλιος Ἀυτωνεύος. *Imperator Caesar Marcus Aurelius An-*
toninus. Caput nudum M. Aurelii.

ΑΜΦΙΠΟΛΕΙΤΩΝ. *Amphipolitarum.* Figura muliebris
sedens, capite tutulato, d. pateram porrigit.

DE hac urbe STEPHANUS: Ἀμφίπολις πόλις Μακεδονίας, κατὰ
Θράκην. *Amphipolis Macedoniae urbs, ad fines Thracia.*
Ipsi Thraciae eandem Suidas attribuit. Nomen Ἀμφίπολις,
quasi dicas *utrimque urbs*, nata est teste THUCYDIDE *Lib. 4.*
Διὰ τὴν περιέροισιν τῷ Στρυμόνος. *Quod eandem Strymon fluvius*
mediam perfluat. Ad hanc Amphipolin numum nostrum,
qui mediæ formæ, referendum putavi; etsi Cl. Vaillantius
numos, Ἀμφιπολεϊτῶν inscriptos, ad Syriæ Amphipolin re-
ferat, obcuri nominis oppidum.



XXXIX.

- - - K. M. ANTΩNEINOC. *Imperator Caesar Marcus Antoninus.* Caput ejusdem laureatum.

ΙΟΥΛΙΕΩΝ. *Julienſium.* Neptunus ſtans, pedem dextrum roſtro navis imponit, d. Delphinum, ſ. Tridentem geſtat.

Julienſes in Phrygia recenſet *PLINIUS Lib. 5.* Mari adſitam fuiſſe hanc urbem, Neptuni ſimulacrum, quale hic effingitur, Maris, & Navigationum Præſidis, probabiliter arguit. Ptolemæus etiam in Phrygia, haud procul ab urbe Synnada, *Juliopolin* collocat, quam eandem eſſe cum hac *Julia* nonnulli volunt. Alia tamen *Juliopolis* Bithyniæ fuiſſe videtur. Numus eſt parvi moduli.



XL.

ΑΥΤΟΚΡΑ. Κ. Μ. ΑΥΡΗ. ΑΝΤΩΝΕΙΝΟC. CEB. Ἀυτοκράτωρ Καίσαρ
Μάρκος Ἀυγέλιος Ἀντωνῆνος Σεβαστός. *Imperator Caesar M. Aure-*
lius Antoninus Augustus. Caput M. Aurelii cum corona
radiata: in area ad dexteram *ΑΠΧ Αππο 686.* ad sinistram
monogramma, seu signum Monetarii Μ in-
certæ significationis.

ΑΑ - - - - ΩΝ. ΚΟΙΝ. ΑΥΔ. Κοινὸν Αὐδιδας. *Commune*
Lydia. Mulier sedens d. pateram gerit. Nomen urbis
legi nequit: neque in Lydia similis initii vocabulum repe-
rio; nisi forte Alabanda sit, in vicina Caria.

Singularis hic medii moduli numus insolitam nobis in ad-
versa facie epocham, & in aversa epigraphen offert.
Nam *Commune Lydia* in nullo apud Vaillantium numismate
legitur. Epochā vero (quæ distincte, ac certo legitur,
cum sit numus in adversa parte omnino integer) ad quam
revocari annorum numerus, huic numo inculptus, de-
bet, exordio suo in ipsa, quod mireris, veterum Persiæ
Regum, post Cyrum, tempora incurrit.

Cum enim M. Aurelius Augusti titulum, quo hoc in
ære gaudet, nactus sit an. V. C. 914. ac vixerit usque 933.
atque adeo Augusti honore fruitus sit per annos undevi-
ginti; ab anno 914. subducendi sunt anni, in numo si-
gnati, 686. ut perveniam ad autumnum anni V. C. 228.
qui fuit ante æram Christianam 526. a quo, usque ad an-
num V. C. 247. per annorum novemdecim spatium, aptum
quoddam æræ Lydorum initium quærendum est.

Si Doctissimi USSERII *Annales Veteris Testamenti* sequi
libeat, apposite plane Lydorum hanc Epocham refere-
mus ad annum ante Æram Christianam, 521. V. C. Varro-
niano 233. Quo Darius, inter septem Magos, quorum
ipse unus erat, Principatum adeptus, totum Persicum Im-
perium (cujus tum pars Lydia erat, jam a Cyro subacta)
in septem partes, & viginti Præfecturas divisit; teste He-

HERODOTO *Lib. 3.* Ποιήσας δὲ ταῦτα ἐν Πέρσῃσι, ἀρχὰς κατεστήσατο ἑκοσι, τὰς αὐτοὶ καλεῖσσι Σατραπίας. *His in Persia perat̃is, Praefecturas viginti constituit, quas ipsi Satrapias nominant.* Divisionem hanc, in septem partes factam, ac celeberrimam fuisse PLATO comprobat; cum usque ad ejusdem tempora quædam illius divisionis vestigia perduraverint. Ita habet *Lib. 3. de Legibus:* de eodem Dario, Hystaspis filio, agens: Ἀρχὴν διείλετο, ἑπτὰ μέρη τεμόμενος· ὧν καὶ νῦν ἔτι σμίκερα ὀνόματα λείπειται. *Principatum divisi, in septem partes secans: cujus rei hodieque tenuia, velut per somnium, vestigia supersunt.*

Ab hoc igitur anno V. C. 233 Lydorum æram hanc in autumno inchoemus; adjectis annis 686. in numo signatis, prodibit an. V. C. 919. usque ad autumnum. Atque hoc eodem anno (uti ostendit Eruditissimus Pagius) de Parthis, tunc Persiam obtinentibus, M. Aurelius, cum Lucio Vero triumphavit, & Armeniaci, ac Parthici Maximi titulos obtinuit. Quare non sine peculiari ratione, hoc anno, veterem illam Persicam Epocham numo isthoc in memoriam revocarunt Lydi, eoque ingeniose triumphantem Aurelium honorarunt, cujus Imperii sextus hic annus agebatur. Illud etiam, notatu dignum, hic congruit: Post Parthicam hanc M. Aurelii Victoriam pacem in universo Romano Imperio floruisse; quod itidem in Persico Imperio dictis Darii temporibus accidisse, HERODOTUS loco indicato innuit.



XLI.

ΑΥΡΗΑΙΟC. ΚΑΙCΑΡ. *Aurelius Caesar*. Caput nudum M. Aurelii. ΜΙΛΗCΙΟΝ. *Mileforum*. Apollo nudus stans, d. cervi figuram sustinet.

JONIAE urbs nobilissima Miletus erat. *PLINIUS Lib. 5. Miletus, Jonia caput, supra 70. urbium per cuncta maria genitrix.* Colonias 75. eidem attribuit *SENECA de consol.* Alii a Sarpedone, Jovis filio, conditam volunt: alii cum Herodoto a Neleo. *OVIDIUS L. 9. metam.* Miletum, Apollinis filium, Urbis hujus Conditorem facit; cui suffragantur numi Mileforum, pene omnes Apollinem, aut Dianam ejus sororem exhibentes.

Similem numo nostro Apollinis iconem, in Juliae Domnae, ac Balbini numis, Cimelii Regii, cum produxisset R. P. Harduinus, recte addidit: *Quo Diana cultum perinde, atque Apollinis, cujus illa vulgo forma habita, apud Milesios receptum intelligas.* Nempe cervus Dianam indicat. Id confirmat numus alius Mileforum, ipsius M. Aurelii, a laudato Harduino adductus, in quo Apollo stans Dianae effigiem, loco cervi, attinet. Ipsam Dianam in cervam fuisse mutatam *APOLLODORUS Lib. 1. refert.* Apollo hic ΔΙΔΥΜΕΤΗΣ *Didymens* in numo Caji Caesaris appellatur, quod *Geminos*, Apollinem, & Dianam indicat, a Milesiis una cultos. De Didymaei Apollinis oraculo in Jonia *PLINIUS Lib. 5. videri potest.* Qui symbolicas fabularum expositiones amant, & cum Macrobio Apollinem Solem, Dianam Lunam faciunt; cervum utrique, ob celeritatem motus, aut ejusdem implexas vias adscribunt. Numus est parvi moduli.

XLII.

ΑΤ. Κ. Μ. ΑΥΡ. ΑΝΤΩΝΕΙΝΟC. *Imperator Caesar M. Aurelius Antoninus.* Caput ejusdem laureatum.

ΝΙΚΑΙΕΟΝ. *Nicaensium.* Aquila basi insistens; utrumque signum militare, Capricorni figura ornatum.

DE Nicæa hac nostra egregie *STEPHANUS: Νίκαια πόλις*
C c *Ε. Θ. V.*

Βιθυνίας, Βοθλιαίων ἀποικος. Ἐκαλεῖτο δὲ πρότερον Ἀγκώνη, ἔτα Ἀντιγόνη, ὕστερον δὲ ἀπὸ Λυσιμάχου γυναικος Νίκαια ἐκλήθη. *Nicaea urbs Bithynia, Bottiaeorum colonia, primum dicta est Ancore, subinde Antigonía, demum Nicaea, ab uxore Lysimachi.* Urbs celeberrima a Conciliis, in eadem celebratis, cujus gentile nomen Νικαιεύς in numis, & vix unquam Νικασεύς legitur. Capricorni signum, quod olim felicitatis symbolum habitum est, legiones aliquot sibi adsignabant; uti videre est apud BANDURIUM *Tom. 1. in Galliæno.* nempe legio I. Adjutrix: legio I. Italica: legio XIV. & XXII. ita, ut hic numus, magni moduli, signis militaribus nihil certi prædat, cujus legionis milites Nicææ morati sint.



XLIII.

ΑΥΤΟΚΡΑΤΟΡΑΣ. ΚΑΙΣΑΡ. ΑΝΤΩΝΕΙΝΟΝ. ΚΑΙ. ΛΟΥΚΙΟΝ.
Imperatores Caesares Antoninum, & Verum honorant Nysæi.
 Marcus Aurelius, & Lucius Verus togati stantes,
 dexteras jungunt.

ΕΠ. ΓΡ. ΑΤΡ. ΔΙΟΔΟΤΟΥ. ΝΥΣΑΕΩΝ. Ἐπὶ Γραμματίως Ἀυγελίου Διοδότου, Νυσαίων. *Sub Scriba Aurelio Diodoto, Nysæorum.* Lunus stans, d. pateram, s. hastam: a tergo Luna falcata.

Numi hujus (qui perelegans est, & bene magnæ formæ) aversam faciem retulit quidem Cl. Vaillantius; sed adversæ non meminit, quod præstare solet, quando singulare aliquid adversa facies exhibet. Quare numum hunc nostrum alium esse ab eo, quem Vaillantius inspexit, me-

merito existimavi. Eundem tamen olim Erizzo habuisse videtur, cujus epigraphen, fortasse non satis integram, ita exhibet: ΑΤΤΟΚΡΑΤΟΡΩ. ΚΑΙC. ΑΝΤΟΝΕΙΝΟΤ. ΚΑΙ. ΟΥΗΡΟΤ. *Imperatoris Caesaris Antonini, & Veri.* R. P. Harduinus hujus numi epigraphen sic refert: ΑΤΤΟΚΡΑΤΟΡΑC. ΚΑΙC. ΑΝΤΟΝΙΝΟΝ. ΚΑΙ. ΟΥΗΡΟΝ. ΝΥCΑΕΩΝ. Ε. ΓΡ. &c. De Scribis, ac de Nyfa urbe numo 2. actum est.



XLIV.

ΑΥΡΗΙΟC. ΚΑΙCΑΡ. *Aurelius Caesar.* Caput nudum M. Aurelii.

ΟΑ. ΔΩΡΕΩΝ. ΒΟC. 'ΟΛΕΝΩΝ, καὶ Δωρείων, ἔτεc Cόc. *Olbenorum, & Dorensium, anno 272.* Hercules nudus stans, dextra attollit clavam, ferientis gestu: sinistram committit cum monstro, quod superna corporis parte hominem refert, inferna in geminam draconis caudam definit: luctantium manibus commissis pellis leonina Herculis implicata videtur.

Elegantissimus, & singularis hic, medii moduli, numus duo nobis in averfa parte haud obvia explicanda offert: figuras, & inscriptionem. Figuræ colluctantes Herculem, & Gigantum aliquem referunt. *Macrobius Lib. 1. Saturn. cap. 20.* Ita ad numum nostrum opportune: *Ipse (Hercules) creditur & Gigantes interemisse, cum calo propugnaret, quasi virtus Deorum. Gigantes autem quid aliud fuisse credendum est, quam hominum quendam impiam gentem, Deos negantem, & ideo astimatam Deos pellere de caelesti sede voluisse? horum pedes in Draconum volumina desinebant:*

quod significat, nihil eos rectum, nihil superum cogitasse, totius vita eorum gressu, atque processu in inferna mergente. Gigantes Herculis Clavæ succubuisse SILIUS ITAL. Lib. 12. concinit:

Tradunt Herculeas prostratos mole Gigantes &c.

APOLLODORUS Lib. 2. Varios Gigantes nominat, quos Hercules sagittis interfecerit. Primus horum Halcyoneus erat, quem in Gemma exhiberi putat Eruditus GORIUS in Museo Florentino Tom. 2. in notis ad Tab. 35. qua in Gemma similis nostræ, Herculis, & Gigantis effigies exhibetur. Alium adhuc Gigantem nominat PAUSANIAS Lacœ. cap. 18. cum quo singulari certamine congressus est Hercules; nam fellam quandam describens, narrat, in eadem insculptam fuisse, Ἡρακλῆος μάχην πρὸς Θέτον τὸν γίγαντα. *Herculis pugnam cum Thurio Gigante.* Determinare arduum est, equis hic Gigantum expressus sit.

Quid vero averſæ partis epigraphæ sibi vellet, cum multa huc illuc arbitratus essem, certi quidpiam me deprehendisse, asserere non ausim. Δωρεῖων, *Dorensium*, ad Doram Palæstinæ pertinere non potest; cum anni, in nostro numo signati, nullo modo cum Doræ Palæstinæ æra, quam in numis exhibet, conciliari possit. Accedit, numismata illius Doræ non inscribi Δωρεῖων, sed Δωρεῖων: atque fabricam ipsam numi nostri Palæstini artificis manum non indicare. Quare de alia urbe cogitandum fuit; atque, cum fabrica ad Cilicum numos accederet, ejusque Provinciæ urbes annos æri suo insculpere solitæ fuissent: ad urbem Doron referendam hanc epigraphen putavi, quem locum solus, quod sciam, PLINIUS Lib. 5. prope Arsinoën, & Jotapen in Cilicia nominat. Ab eo nomine sive Δωρον, vel Δωρος sive Δωρεῖων scriptum fuerit, commode formari potest gentile Δωρεῖων.

Porro autem literas OA. ante τὸ ΔΩΡΕΩΝ. primum OATMHA. *Certamina Olympica*, a Dorensibus instituta, de-

denotare suspicabar: cui congrueret Herculis, & quidem decertantis, & Jovem cum Diis adjuvantis effigies; cum Hercules ipse Olympia instituerit in honorem Jovis: ut ex PINDARO alibi monuimus, & APOLLODOR. L. 2. confirmat. Idem, que Auctor eodem libro, *Herculem Ægimio, Dorienſum Regi, ſe belli ſocium feciſſe* narrat: Ἀργιμῖω βασιλεῖ Δωριέων συνεμάχῃσα. Doricæ porro gentis hanc Doron fuiſſe, extra dubium eſt; cum ex Dora Palæſtinæ profecti Dores primum Inſulas, dein continentis Aſiæ minoris littora infederint; quod manifeſto indicat & regio ad Joniam *Doris* appellata, & a *Doribus* habitata, & HERODOTUS Lib. 1. ita ſcribens: Μετὰ δὲ τῆς Κᾶρας, χρόνῳ ὕστερον πολλῶ Δωριεὺς τε καὶ Ἴωνες ἐξανέστησαν ἐκ τῶν νήσων, καὶ ἔβω ἐς τὴν ἡπείρου ἀπίκοντο. *Longo tempore poſt Cares, Doriensēs, & Jones, ex Inſulis conſurgentes, in continentem pervenerunt.* Atque hæc omnia pro lectione ΟΑΤΜ-ΠΙΑ pugnare videntur.

Verum cum in copioſiſſimis numis, qui ludos, & eorundem nomina præ ſe ferunt, forte perpetuum, aut certe ſolitum ſit: aut ramos, aut coronam, aut urnas ludorum una exprimi; ſecutus oraculum meum, ad ὁμόνοιαν ſeu ſocietatem cum aliqua, vicina Ciliciæ, urbe referre malui. Eſt vero Ὀλβα Stephano, & Ὀλβασα Ptolemæo Pamphyliæ urbs, quæ regio Ciliciæ contermina eſt: fuit etiam Colonia, uti ejusdem numi teſtantur: COL. IVL. AVG. OL-
BABEN. & aliter: COL. OLBA. apud Vaillantium. Quare legendum putavi numum noſtrum: Ὀλβαςίων, vel Ὀλβηνῶν, καὶ Δωριέων. *Olbaſeorum, vel Olbendorum, & Doriensium.*

Jam etiam annorum numerus excutiendus eſt. Anni BOC = 272. Epochæ initium intra annos V. C. 620. & 642, quærendum eſſe monent. Nam M. Aurelius Cæſar renunciatus eſt, e ſententia Pagii, an. V. C. 892. deme 272. habes an. 620. cujus autumno incipere poſſet hæc Doreniſum æra; & cum Cæſar, ſine Auguſti titulo, per annos

viginti duos fuerit Aurelius, ultimus æræ incipientis terminus esse potest an. V. C. 642. Refert autem JUSTINUS *Lib. 37. cap. 1.* Ciliciam auctoritate Senatus Romani, una cum Lycaonia concessam esse filiis Ariarathis, Regis Capadociæ, ob merita Patris in bello, a Romanis contra Aristonicum gesto. Id factum USSERIUS in *Annal.* ad annum V. C. Varronianum 623. refert, a cujus autumno si ætiam Dorensium inchoemus, addamusque 272. exhibet an. V. C. 895. M. Aurelii Cæsaris tertius, Antonini Pii Augusti Quintus.



XLV.

ΑΥ. Κ. Μ. ΑΤΡΗΑΙΟΣ. ΑΝΤΩΝΕΙΝΟΣ. *Imperator Cæsar Marcus Aurelius Antoninus.* Caput nudum ejusdem.

ΟΥΛΠΙΑΣ. ΠΑΥΤΑΛΙΑΣ. *Ulpia Pautalia.* Figura fluvii semi-nuda decumbens, d. papaver inter duas spicas, s. arundinem tenens, rupi innititur.

Παυταλία, *Pautalia* (quæ cognomen Ulpiae ab Ulpio Trajano accepit) a ΠΤΟΛΕΜΑΙΩ *Lib. 3.* in Thracia locatur, itemque a ΣΤΕΡΗΑΝΟ: παυταλία μείζα Θράκης ἢ δ' ἰθὺς παυταλιώτης. *Pautalia portio Thraciae; gentile Pautaliota.* Correcta tamen, aut corrigenda certe sunt e numis Stephani exemplaria, in quibus legitur παυταλία, & παυταλιώτης, loco Παυταλία, & Παυταλιώτης.

Fluvii decumbentis figura Strymonem, celebrem Thraciæ fluvium, refert: quod ego audenter assero ex numo in-

integro, & elegante magni æris, quem hic Viennæ apud Amicum quendam inspexi, qui ita habet:

ΑΥΤ. Κ. Μ. ΑΤΡΗ. ΑΝΤΩΝΕΙΝΟC. Caput laureatum Caracallæ.

ΟΥΑΠΙΑC. ΠΑΥΤΑΛΙΑC. CΤΡΥΜΩΝ. Figura fluvii feminuda decumbens, dextram imponit proræ navis; sinistra arundinem tenet, eaque urnæ, aquas fundenti, innititur.

Corrigendæ ex his numis sunt Chartæ Geographicae Thraciæ veteris, a Cellario, & Weigelio editæ, quæ Ulpiam Pautaliam ad Hebri fontes ponunt; cum ex his numis constet, ad Strymonem sitam fuisse. Recte tamen in altera Weigelii Charta, quæ Græciæ partem septentrionalem exhibet, Pautalia ad Strymonis fontes collocatur. Nam cum regio inter Strymonem, & Mestum jam antea, quam hi numi cuderentur, Macedoniæ accessisset, & Pautalia tamen Strymoni adfita, in Thracia collocetur; non potuit, nisi ad fontes Strymonis, ubi contermina est Thracia Macedoniæ, hæc urbs fuisse sita.

XLVI.

ΑΥΤΟΚΡΑ. Μ. ΑΤΡ. ΑΝΤΩΝΕΙΝΟC. *Imperator M. Aurelius Antoninus.* Caput laureatum ejusdem.

ΜΗΤΡΟ. ΠΟΜΠΕΙΟΠΟΛΕΙΤΩΝ. *Metropolis Pompeiopolitarum.* Fortuna stans, d. temonem s. Cornu Copiæ.

Pompeiopolis altera Ciliciæ est, quæ Metropolis titulo in numis non gaudet. Altera Paphlagoniæ, uti appellatur expresse in aliis numis ΠΑΦΛΑΓΟΝΙΑC. ΜΗΤΡΟΠΟΛΙC. *Paphlagonia Metropolis.* Hujus etiam SOCRATES *Lib. 2. hist. Eccles.* meminit, dum nominat Sophronium, τὸν Πομπειοπόλεως ἐν Παφλαγονίᾳ, *Pompeiopolis, quæ in Paphlagonia est,* Episcopum. Medii moduli numus est, cujus obvium aversæ partis typum in Numo Nervæ Perinthiorum exposuimus.

XLVII.

XLVII.

ATT. K. M. ATP. ANTΩNEINOC. *Imperator Caesar M. Aurelius Antoninus.* Caput laureatum Marci Aurelii.

ΜΗΤΡΟΠ. ΠΟΝΤΟΥ. ΤΟΜΕΩΝ. *Metropolis Ponti Tomiorum.* In area Γ. Castor, & Pollux nudi stantes, uterque d. hastam s. equum fræno tenent: amborum capiti stella insistit.

Castor, & Pollux Διόσκουροι, Jovis filii e Leda, aut e Nemese, ut alibi dicetur. Castorem, equis gaudentem, Poëtæ celebrant; Pollucem pugilem: ambo tamen aut in equis sublimes, aut equis adstantes in numis frequenter effinguntur. Castorem THEOCRITUS ταχύπυλον *celeri equo gaudentem*: HOMERUS *Odyss.* γ. ἵππιδάμον *Equorum Domitorem*, appellant. Ambos equis vectos *Hymnus*, quæ HOMERO tribuitur, prædicat:

Χαίρετε Τυνδαρίδαι, ταχέων ἐπιβήτορες ἵππων.

Salvete Tyndaridae, velocitum inscensores equorum.

Cætera ad numum nostrum ita STATIUS, *Theb. Lib. 5.* exquitur:

Ambo hastile gerant, humeros exertus uterque:

Nudus uterque genas, simili coma fulgurat astro.

Tomi, urbs Ponti Europæi, ab Ovidii exilio celebris: Stephano, & Numis Τομῆς, Τομῆως formatur. In numis hujus urbis, qui a temporibus Commodi percussi sunt, cum sæpe eandem litteram Δ. inscriptam offendissent Viri Doctissimi Vaillantius, & P. Harduinus; legerunt illud Δ. quarta regionis Ponti Metropolis: quanquam Vaillantius etiam, de Numis Coloniarum agens, in notis ad numum *Elagabali*, Carrhis percussum, ΜΗΤΡΟ. ΠΟΝΤΟΥ. Δ. legat: Μητροπόλως πόντου δευτέρας. *Secunda Ponti Metropolis.* At enim divisionem hanc ut factam fuisse comprobent, testimonia veterum non adferunt. Porro autem noster mediæ moduli numus, non eadem littera Δ. sed Γ. insignis, suspendendam esse

esse de interpretatione harum literarum sententiam svader; dum constitui certius quiddam e pluribus numis possit.

Quod si quis mihi forte injiciat: Tomos ante Commodum *tertia regionis* Ponti Metropolim fuisse; atque ideo in vetustiore numo nostro Γ. = 3. congruere. Deinde cum a M. Aurelio Scythiæ pars Romano Imperio (& fortasse Ponto) adjecta esset, teste XIPHILINO *ex Dione Lib. 72.* Pontum una regione auctum, & quartæ huic regioni Tomos Metropolim adsignatam esse. Facile reponam: præter sufficientis auctoritatis defectum, id etiam incongruum videri: Tomos, quæ jam olim tertiæ regionis Metropolis fuisset, quartæ recens adjectæ regioni nunc adsignatam esse. Nam si nova Metropolis constituenda erat; maneret suo in ordine urbs Tomitarum, & novæ regioni nova, aut alia certe urbs Metropolis adsignaretur. Ac denique rursus, Gordiani Pii temporibus, in Tomitarum numis τὸ Γ. loco Δ. compareret, cujus rei testem numum Tranquilinæ suo loco proponam.



XLVIII.

ΑΥΤΟΚΤΕΙΝΑ. ΚΕΒΑΧΘΗ. *Faustina Augusta.* Caput Faustinae, Uxoris M. Aurelii.

ΑΜΑΚΤΡΙΑΝΩΝ. *Amastrianorum.* Figura muliebris, veste militari induta, & galea caput tecta, currens, d. pomum attollit, s. hastam gestat.

HAc mulieris armatae imagine, qualem alibi me conspexisse non memini, Atalantam, Schoensi, aut

Jasi filiam referri, aperte indicant ea, quæ APOLLODORUS Lib. 3. de Atalanta commemorat: Ὡς ὁ πατὴρ γαμῖν αὐτὴν ἔπειθεν, ἀπιῦσα εἰς σταδίου τόπον, καὶ πῆξασα μίσον σκόλοπα τρίπληχρον, ἐντεῦθεν τῶν μνηστευομένων τὰς δρόμους προῖτα ἐτεόχευε καὶ θωπλισμένη. Καὶ καταληφθέντι μὲν αὐτῇ θάνατος ὀφείλετο· μὴ καταληφθέντι δὲ, γάμος. Ἦδη δὲ πολλῶν ἀπολλυμένων, Μελανίων αὐτῆς ἑσπεύεις, ἤκεν ἐπὶ τὸν δρόμον, χεύσσει μῆλα κομίζων παρὰ Ἀφροδίτης, καὶ διωκόμενος τὰντα ἔρριπτεν· ἡ δὲ ἀναεχμένη τὰ ριπτόμενα, τὸν δρόμον ἐνίκηθη. *Patris suasu ad nuptias inducitur Atalanta, in stadium abiens, tricubitalem palam in ejus medio defigit. Hinc procantium virorum deductis cursibus, ipsa armata decurrebat. Hoc in certamine victis mors, Victori Atalanta conjugium constitutum erat. Multis jam casis, Melanion, ejus amore succensus, aurea mala adferens, quæ a Venere acceperat, certamen init, & puella currenti eadem objicit: quæ, projecta hac irritamenta dum e terra colligeret, victa est. Atalantæ, atque hujus certaminis frequens est apud Poëtas mentio. Euripides eandem non Melanioni, sed Hippomeni nuptam dicit. Numus est parvi moduli, ad medium accedentis.*



XLIX.

ΦΑΥCΤΕΙΝΑ. CΕΒΑC. Φαυστῖνα Σεβαστή. *Faustina Augusta.*
Caput Faustinae Junioris.

ΕΦΕCΙΩΝ. Β. ΝΕΟC. Εφεσίων ἢ Νεοκόρων, vel Νεωκόρων.
Ephesiorum iterum Aeditnorum. Victoria gradiens, fastigiato capitis ornatu, d. coronam, f. palmam.

DE Neocoris hic pauca adnotabo, ad plurium numorum

morum expositionem valitura. Νεωκόρος latine *Ædituum* sonat, a voce Attica νεός, *templum*, & κορέω, *mundo, curò*. Unde Suidæ Νεωκόρος exponitur: ὁ τῶν νεῶν κοσµῶν, καὶ εὐτρεπίζων. *Qui templum ornat, & curat*. Neocori, ac singillatim Dianæ, Ephesiorum Deæ, nonnunquam etiam Sacerdotum munere fundi sunt; uti colligo ex Epigrammate PHILIPPI *Lib. 1. Antholog.*

Νήδυι βριθομένην δάμαλιν Λητώϊδι Κέξη

Στήσαν Νηκόρας, θύμα χαριζόμενοι.

Juvencam, uterum ferentem, Latonia puella

Stiterunt Æditui, sacrificium offerentes.

Neocorum porro titulus, quem urbium quarundam incolæ in ære veteri sibi adscribendum curavere, denotat: Templum quoddam, Deorum alicui, vel Augusto dicatum, instauratasve esse religiosas cerimonias, in memoriam Deorum, aut Divorum, quibus devotos se se, & eorundem cultus velut Ædituos, hoc Νεωκόρων titulo, cives professi sunt. Et videtur compellatio ista honoris ergo, præcipuis urbibus, quas numi designant, ab Imperatoribus indulta, ac privilegiis cumulata fuisse; cum tam curate in ære suo Neocoros se inscripserint, numero etiam, quoties is honos sub eodem, aut diversis Augustis ipsis innovatus sit, ambitiose adjecto. Eruditam de Neocoris dissertationem Cl. Vaillantius conscripsit, quæ habetur in *Commentariis Academia Regia Inscriptionum, & Mansuetiorum Literarum, Tom. 4. pag. 198. Edit. Amstel.* Numus hic noster parvi moduli est.



L.

ΚΟΡΗ. ΚΩΤΕΙΡΑ. ΚΥΖΙΚΗΝΩΝ. *Proserpina Sospita Cyzicenorum.* Caput Faustinae Jun. spicis, floribus, & gemmis ornatum.

ΕΠΙ. ΣΤΡΑ. ΚΛΙΤΟΥ. ΣΕΒΗΡΟΥ. ΚΥΖΙΚΗΝΩΝ. ΝΕΟΚΟΡ. *Ἐπὶ Στρατηγῆς Κλίτου Σεβήρου Κυζικηνῶν Νεοκόρου. Sub Pratore Clito Severo, vel Severi filio, Cyzicenorum Aedituorum.* Figura nuda humi sedens, d. pateram porrigit. Videtur Bonus Eventus hic referri, quem alioqui stantem formant.

Solent in ære suo Cyziceni Faustina Juniori specie Proserpinæ effingere. κόρα, vel κόρη, puellam denotat, & antonomastice Proserpinæ a Græcis tribuitur. Hæc Dea a Cyzicenis singulari in honore habita est. Nam teste AGATHOCLE, apud Stephanum: Urbs Cyzicus κτωμένη ἐστὶ Περσεφόνης, a Proserpina Condita est. Eandem urbem a Jove Proserpinæ dotis instar datam fuisse, narrat APPIANUS in *Mithridat.* Numus est moduli bene magni.



LI.

ΦΑΥΣΤΕΙΝΑ. ΣΕΒΑΣΤΗ. *Faustina Augusta.* Ejusdem Caput. ΚΥΖΙΚΗΝΩΝ. ΝΕΟΚΟΡΩΝ. *Cyzicenorum Aedituorum.*

Dianam Venatricem hoc in numo, & alias frequenter repræsentatam, belle CLAUDIANUS *Lib. 2. de Raptu Proser.* depinxit:

*Otia nervus agit, pendent post terga sagitta,
Crispatur gemino vestis Gortynia cinctu,
Poplite fusa tenus.*

Mediæ formæ numus est.

LII.

LII.

KOPH. CΩTEIPA. *Proserpina Sospita. Caput Faustinae Jun. ornatum.*

KTZIKHNΩN. NEOK. *Cyzicenorum Aedituorum. Tigris, ad amphoram affiliens.*

Typus hujus numi, qui mediæ formæ est, videtur ad Bacchi cultum pertinere, cui tigris sacra est, & amphora ad eundem pertinet.

LIII.


ΦATCTEINA. CEBACTH. *Faustina Augusta. Caput ejusdem.*

KOIN. ATKAO. KAAΤ. . . . Κοινὸν Λυκαονίας Κλαυδιοπολετῶν. *Commune Lycaoniae: Claudiopolarum. Vir semi-cinctus sedens supra aliquid, simile pisci oblongo, in fluctibus: sinistra urnæ innititur.*

UNicum Claudiopolarum in Lycaonia numum, hujus etiam Faustinae, ac simili inscriptione insignem, e Gaza Regia Vaillantius protulit; alia aversæ partis figura, sed hac epigraphe: KAAΤΔΙΟΠ. KOI. ATKAONIAC. Ad Lycaoniam, hac saltem, qua numi hi cusi sint, ætate pertinuisse istam Claudiopolin, numi evincunt. MARCELLINUS Lib. 14. cap. 25. eam Isauriæ tribuit, Coloniamque asserit a Claudio Cæsare deductam. Claudiopolis nomine donatam urbem Bithynia etiam, Galatia, Paphlagonia, & Armenia, vel Cappadocia habuit; de quibus vide *Geographiam antiquam* a CELLARIO diligenter conscriptam.

Claudiopolis nostra ad Calycadnum fluvium sita fuisse videtur. MARCELLINUS enim loco citato, de Isauria sui temporis loquens hæc habet: *Quam mediam navigabile flumen Calycadnus interseindit. Et hanc quidem, præter opida multa, dua civitates exornant, Seleucia, opus Seleuci Regis, & Claudiopolis, quam deduxit Colonia Claudius Cæsar.* Atque de Seleucia quidem, ex epigraphe numorum hujus urbis: CEAETKEON TON. ΠPOC. KAAΤKAANΩ.

Seleucensium, qui ad Calycadnum sunt. Certum est eandem huic fluvio adstitutam fuisse. De Claudiopoli vero, præter Marcellini verba recte intellecta, numi nostri icon id probabile facit, fluvium referens; cum alius in Lycaonia fluvius non inveniat, qui ad urbis decus numo insculpi mereretur. Cum vero hæc Claudiopoli alias Lycaoniæ, alias Isauriæ adscripta sit; nullus dubito ad confinia utriusque provinciæ pertinere hanc urbem, ubi nempe Calycadni fluvii, alioqui Lycaoniam non irrigantis, fontes collocantur. Numus est parvi moduli.



LIV.

ΦΑΥΣΤΕΙΝΑ. ΣΕΒΑΚΤΗ. *Faustina Augusta.* Caput ejusdem. ΝΙΚΑΙΕΩΝ. *Nicaensium.* Jupiter sedens, d. pateram, s. hastam, ad pedes aquila.

AD Nicæam Bithyniæ hic medii moduli numus spectat.

LV.

ΦΑΥΣΤΕΙΝΑ. ΣΕΒΑΚΤΗ. *Faustina Augusta.* Caput ejusdem. ΠΛΩΤΕΙΝΟΠΟΛΕΙΤΩΝ. *Plotinopolitarum.* Muliebris figura stans, d. spicas, s. hastam, cujus typum simillimum vide in numo Septimii Severi, ΚΡΗΤΙΕΩΝ. ΦΑΑΟΥΤΕ.

Plotinopolin in Hæmimontana Thraciæ Provincia locat duplex Notitia Ecclesiastica. Ejusdem mentionem facit *Itinerarium ANTONINI: Plotinopoli Trajanopolim M. P. XXII.* id est: *millia passuum 22.* In honorem Plotinæ, uxoris

uxoris Trajani Augusti, hæc urbs nomen sortita est. Rarus est hic medii æris numus; quoniam pauci admodum hac in urbe cusi hæctenus reperti noscuntur.

LVI.

ΦΑΥΣΤΕΙΝΑ. ΣΕΒΑΣΤΗ. *Faustina Augusta.* Caput ejusdem.

ΦΙΛΙΠΠΟΠΟΛΕΙΤΩΝ. *Philippopolitarum.* Vir nudus stans, capite tutulato, d. pateram porrigit, s. columnæ innititur.

Simili fere figura in latinis numis Apollo Monetalis exprimi solet; Græci tamen tutulum capiti adjecere, Divinitatis indicium in Græcorum numis frequens. Mediæ formæ est.



LVII.

ΑΤΤ. ΚΑΙ. Α. ΑΥΡ. ΟΥΗΡΟC. 'Αυτοκράτωρ Καῖσαρ Λύκιος 'Αυγέλιος Ουῆρος. *Imperator Caesar Lucius Aurelius Verus.* Caput nudum Veri.

ΗΓΕ. Μ. ΤΟΥΤΑΛΙΟΥ. ΜΑΞΙΜΟΥ. ΠΑΥΤΑΛΙΩΤΩΝ. 'Ηγεμόνος Μάγης Τυλλίος Μαξιμύς, Πανταλιωτῶν. *Præfide Marco Tullio Maximo: Pautaliotarum.* Mulier sedens, d. Victoriolam, s. Cornu Copiæ; tutulus in capite.

Πανταλιώτης gentile nomen est, ex πανταλία, Thraciæ urbe, de qua in M. Aurelio actum est. Ex ære magno est hic numus, cujus moduli raros in L. Vero censet Vaillantius. Figura muliebris cum Cornu Copiæ Genium loci refert, qui, porrecto Victoriolæ signo, Victori-
riam

riam Parthicam E. Vero forte gratulatur, de qua vide
CAPITOLINUM in Vero.



LVIII.

A. K. A. OT. CEBACTOC. *Imperator Caesar Lucius Verus Augustus.* Caput ejusdem nudum:

ΠΕCCINONTION. *Pessinuntiorum.* Hygia stans d. serpentem s. pateram.

STEPHANUS: ΠΕCCINONTION πόλις Γαλατίας. τὸ ἔθνηκον Πισσιάντιος. *Pessinus urbs Galatiae: gentile nomen Pessinuntius.* Hanc urbem STRABO *Lib. 12.* Ἐμπορεῖον τῶν ταυτῇ μέγιστον. *Emporium ea regione maximum, appellat.* Est numus magni moduli.

LIX.

AΥ. ΚΑΙ. Α. ΑΥΡΗΑΙΟC. ΟΥΗΡΟC. *Imperator Caesar Lucius Avelius Verus.* Caput ejusdem nudum.

ΗΓΕ. ΚΑ. ΑΠΠΙΟΥ. ΜΑΡΤΙΛΛΟΥ. CΕΡΔΩΝ. Ἡγεμόνος Κλαυδίου Ἀππίου Μαρτίλλου Σερδῶν. *Præfide Claudio Appio Martillo: Serdorum.* Æsculapius stans, d. baculum, serpente obvolutum.

SERDICAM, quæ Ulpia, ab Ulpio Trajano compellata est, Cellarius Mœsiæ attribuit ex *Itinerario BURDEGALENSI, & CEDRENO combinatis.* THEODORITUS *Lib. 2. hist. Eccles. cap. 4* ita de eadem: Σαρδική Ἰλλυρικὴ πόλις τῆς Δακῶν ἔθνης μητρόπολις. *Sardica Illyrica urbs, Dacorum gentis metropolis.* Illyrica urbs dicitur, quia sub Præfectura Illyrici erat: Dacorum metropolis Theodoriti tempore esse po-

poterat, aut Ecclesiastica divisione spectata, aut etiam civili; nam ita FLAVIUS VOPISCUS in *Aureliano*. *Aurelianus Provinciam trans Danubium Daciam, a Trajano constitutam, sublato exercitu, & provincialibus reliquit, desperans eam posse retineri, abductosque ex ea populos in Mæsiam collocavit, appellavitque suam Daciam, qua nunc duas Mæbias dividit.* Bene igitur *Dacorum metropolin Theodoritus Sardicam* dixit.

Serdica hæc, seu Sardica a Concilio illic celebrato notior, nunc Sophia appellatur, aut non procul ab hoc oppido sita erat. Numus est ex ære magno, in cujus typarii epigraphæ sculpenda debitum ordinem non servasse artifex videtur; nam *Claudæ* gentis prænomen est *Appius*: atque adeo *Præside Appio Claudio Martillo* sculptum oportuit.

LX.

ΑΥΤ. Κ. Α. ΑΥΡΗΑΙΟC. ΟΤΗΡΟC. *Imperator Cæsar Lucius Aurelius Verus.* Caput Veri laureatum.

CΕΡΔΩΝ. *Serdorum.* Figura muliebris sedens, & Cornu Copiæ.

UNicum *Serdorum* numum sub *Lucio Vero* produxit *Vaillantius*; noster hic alter ex ære medio est.



LXI.

ΑΥ. Κ. Α. ΑΥΡ. ΚΟΜΟΔΟΣ. Ἀυτοκράτωρ Καῖσαρ Λύκιος Ἀυγέλιος
Κομοδός. *Imperator Caesar Lucius Aurelius Commodus.*
Caput laureatum Commodi.

ΕΠΙ. ΑΡΧ. ΑΙΑ. ΖΩΙΑ. ΑΒΥΔΗΝ. Ἐπὶ Ἀρχόντος Ἀἰλίου Ζώϊου,
Ἀβυδηνῶν. *Sub Archonte Aelio Zoilo, Abydenorum.* Navis
cum remigibus.

Numus M. Aurelii e Museo Florentino profertur apud
Cl. Vaillantium, & R. P. Harduinum, cujus hæc
epigraphe: ΕΠ. ΑΡΧ. ΑΙΑ. ΖΗΛΑΝΙΤΟΥ. ΤΟ. Β. ΑΒΥΔΗΝ.
Ubi ejusdem viri nomen, atque in nostro numo, expres-
sum esse, temporis, & prænominis consensus suadet. Cl.
Vaillantius legit Ζηλονίτης, nomine nimium barbaro usus.
R. P. Harduinus legit Ζήνωνος Πιλονίτης sed τὸ Ζ. Ζώϊου legen-
dum, numus noster, medii moduli, ac probe conservatus,
facile persuadebit.

Abydus nota Troadis urbs, cui in adverso Europæ
littore Sestus objicitur. OVIDIUS *Lib. 1. Trist. Eleg. 9.*

Seston Abydena separat urbe fretum.

Fretum hoc ita PLINIUS *Lib. 4.* descripsit: *Hellespontus
septem stadiis Europam ab Asia dividens, quatuor illic inter
se contrarias urbes habet: in Europa Callipolim, & Seston;
in Asia Lampfacum, & Abydon.* Nunc illic maritima Tur-
carum præsidia gemina in arce excubant, quæ vulgato
nomine *Dardanella* vocantur.



ΑΤΤΟ. | ΚΑΙ. Α. ΑΤΡΗ. ΚΟΜΟΔΟC. *Imperator Caesar Lucius Aurelius Commodus.* Caput ejusdem laureatum.

ΕΠΙ. ΤΡΑ. ΒΑCСOY. ΑΚΡΑCΙOΤΩΝ. Ἐπὶ Στρατηγῶ Βάσσῳ Ἀκρασιωτῶν. *Sub Pratore Basso Acrasiotarum.* Diana Ephesia, ad cujus sinistram adstat Fortuna tutulato capite, d. temonem, s. Cornu Copiæ gerens; in area stella.

Noster hic Acrasiotarum numus, maximi moduli, antiquior est omnibus, qui a Vaillantio exhibentur; quandoquidem primi apud illum sub Septimio Severo^o comparent. Acrasus ignoti situs, & prope etiam nominis. In *Notitiis Ecclesiasticis* ὁ Ἀκρασῦ, & Ἀκρασῦ. *Acras* Episcopus, in Lydia nominatur. Forte ad Joniæ fines, haud procul Epheso sita erat, cujus Tutelarem Deam & hic noster, & alii Acrasiotarum numi, ab Eruditissimis Viris Harduino, & Vaillantio prolati, repræsentant.

LXIII.

Μ. ΑΤΡ. ΚΟΜΜΟΔΟC. ΑΝΤΩΝΙΝΟC. Κ. Μάρκος Ἀυγῆλιος Κομμοδὸς Ἀντωνῖνος Καῖσαρ. *Marcus Aurelius Commodus Antoninus Caesar.* Caput nudum ejusdem.

ΒΙΘΥΝΙΕΩΝ. *Bithynicorum.* Bos stans.

DE urbe Bithynio STEPHANUS: Βιθυνιον πόλις Βιθυνίας ὁ οἰκῶν Βιθυνίσις. *Bithynium urbs Bithynia: incola Bithyniens.* Urbem hanc etiam Claudiopolin dictam fuisse, PTOLEMÆUS *Lib. 5.* perhibet: κλαυδιόπολις, ἡ καὶ Βιθυνιον. Numus est ex ære parvo.



A. ΑΥΡΗΑΙΟC. ΚΟΜΜΟΔΟC. Κ. *Lucius Aurelius Commodus*
Cesar. Caput nudum.

ΒΥΖΑΝΤΙΩΝ. ΕΠΙ. Μ. ΜΑΡΚΟΤ. Η. ΤΟ. Β. *Βυζαντίων ἐπὶ*
Μ... Μάρκου, Ἡγεμόνος τὸ Ε'. Byzantiorum, sub M... Marco,
Præfide iterum. Galea extensa.

- **D**UO notatu digna hic numus in averſæ partis epigraphæ ſubminiſtrat. Primum ΕΠΙ. Μ. ΜΑΡΚΟΤ. ubi Marcus cognomen eſt; cum tamen notiſſimum alias, ac frequentiſſimum prænomen ſit. Hoc vero comprobatur numus Philippi Senioris apud Vaillantium: ΑΥΡΗΑΙΟΥ. ΜΑΡΚΟΥ. ΑΡΧ. ΠΡΩ. ΚΗΒΗCCEΩΝ. ubi Marcus maniſteſtum eſt cujuſdam ex Aurelia gente cognomen. Quare in noſtro numo primum Μ. non *Marcus*, ſed probabilius aliquo nomine familiæ efferendum putarem, cujuſ prima litera Μ. habetur; cujuſmodi bene multas reperias, ut hic certa lectio ſtatui non poſſit. Quod vero alias τὸ Μ. *Marci* prænomen valeat, non obſte. Nam & litera Π. & apud latinos P. *Publius* legi ſolet, quod æque tritum prænomen eſt, ac *Marcus*: & tamen in Trajani numo Galatico oſtendimus, Π. ΒΑCΚΟΥ. Non *Publium* ſed *Pomponium Baſſum* denotare, atque nomen, & non prænomen illic eſſe hoc elemento indicatum. Neque legere libet: Ἐπὶ Μάρκου Μάρκου. *Sub Marco, Marci filio.* Quando in Græcis numis exemplum extare non memini, ubi Pater, & filius, uno, & eodem omnino nomine compellarentur, citra adjectum aliquod diſcrimen.

Alterum notatu dignum eſt Η. ΤΟ. Β. quod legimus Ἡγεμόνος τὸ Ε'. *Præfide iterum.* Viri Doctiſſimi Vaillantius, & Harduinus in Byzantino numo Lucillæ, epigraphen: ΕΠΙ. ΑΙ. ΠΟΝΤΙΚΟΥ. Η. ΒΥΖΑΝΤΙΩΝ. expoſuerant: *Sub Ælio Pontico, Octavum Archonte Byzantiorum.* Cum tamen aut eodem prope tempore, aut potius ſerius ſub Commodō idem Ponticus cum litera Β occurrat; ubi legit Vaillantius

tius EΠI. AI. ΠONTIKOT. B. BYZANTIΩN. *Sub Ælio Pontico iterum Archonte Byzantiorum.* Quare cum idem hic Ælius Ponticus vix potuerit sub Lucilla octavum, & sub Commodo iterum Archon esse: neque tanto numero confignati Archontes uspiam certo reperiantur; τὸ H. non legendum esse *Octavum*, sed ἡγεμόνος conficitur. Quod porro in nostro numo evincit H. TO. B. ubi sane H. magistratum indicare debet, quem TO. B. *iterum* gesserit hic Marcus, nempe ἡγεμόνος, qui magistratus in Thraciæ numis confignari solet.

Atque his luculenter confirmatur, & mutuum sententiam nostram constabit, lectio Cl. Haymii, qui in Thesauro Britannico numum Byzantinum protulit, ubi perspicue habetur: EΠI. AI. ΠONTIKOT. HT. ut ita dubitandum porro non sit, ἡγεμόνος, *Præsidis* magistratum in ære Byzantiorum signatum fuisse ante Septimium Severum. Jam vero ad illam lectionem H. *Octavum Archonte*, Viros Clarissimos id induxisse videtur: deprehendi nempe in Byzantinis numis, tempore Septimii Severi cufis, *Archontes* manifesta hac nota APX. insertos. Verum, nisi ego fallor, id ipsum scrupulum injicere eisdem potuerat; cum hæc nota APX. in nullo Byzantino numo, quorum Vaillantius, & Harduinus meminere, ante Septimium, aut post Caracallam compareat.

Atque, si opponas numum M. Aurelii EΠI. AP. MAPKOT. BYZANTIΩN. quem Vaillantius legit: *Sub Archonte Marco Byzantiorum.* Contra est: per solos Characteres AP. non solere Archontes designari; quando & ipsi Byzantini numi sub Severo, & Caracalla signati, τὸ APX. alioqui constanter exhibent. Accedit, Marci vocabulum hoc tempore, uti paullo ante ostendimus, etiam cognominis vicem subisse; itaque merito suspicamur, AP. pro M. acceptum fuisse: quod suadet numus noster, qui eundem haud dubie Marcum, sub Commodo, *iterum* Præsidem exhibet, qui idem

munus *primum* sub M. Aurelio gesserat. Quod si hoc non admittatur, τὸ AP. nomen familiæ esse dicam, ut Arrius, Aruntius, aut aliud, cum cognomine Marci. Quod autem Vaillantius in Trajano, dum adfert numum: ΕΠΙ. ΤΡΑΙΑΝΟΥ. ΤΟ. Γ. ΒΥΖΑΝΤΙΩΝ. adjungat hæc verba: *in quibusdam numis* APX. *Archonte*. Sane illi *quidam numi*, tibi terrarum quærendi, aut an probe inspecti, ac descripti sint, nulla mentio, nulla certa significatio. Quare illos numos interea pro suspectis jure habeo, quorum tam perfunctorie Vaillantius meminit; qui vir Eruditissimus, etsi de re Numaria æque bene, ac alius nemo meritus sit; in eo tamen opere, quod de Græcis Urbium numis confecit, accuratæ industriæ laudem non est omni ex parte assecutus: five sua, five eorum culpa, qui editionem curaverant.

Denique sententiam nostram confirmare videtur Historicorum veterum egregia cum Byzantinis numis concordia. XIPHILINUS *e Dione Lib. 74*. refert: Byzantium a Severo, quod Pescenii Nigri partibus studuisset, libertatis, aliorumque honorum titulis exutum, ac tributarium factum fuisse, bonis civium publicatis. Narrat deinde ÆLIUS SPARTIANUS *de Antonino Caracalla cap. 2. Antiochensibus, & Byzantinis interventu suo vetusta jura restituit*. Jam vero numi Byzantinorum soli illi, qui sub Severo, & Caracalla percussi, hætenus prolati sunt, titulum APX. *Archontis* præ se ferunt, hac certa literarum, Archontem notantium, triade APX. expressum; unde probabiliter colligo Numos, APX. *Archontis* titulum exhibentes, signatos esse sub Severo, & Caracalla; usque ad restituta per Caracallam jura: quandoquidem in quibusdam etiam Caracallæ numis Byzantinis τὸ APX. nomini Magistratus non habetur adscriptum.

Et conveniens quidem videri potest: Byzantinos Romanorum gratiis, suisque juribus destitutos, ne Provinciæ quidem Romanæ membra agnitos fuisse: neque id-
circo

circo licuisse ipsis ἡγεμόνος *Præsidis* Magistratum signare, quem constat, Romanum proprie Magistratum fuisse, qui Provinciæ, Augustis adscriptæ, præflet; quem etiam, dum res integræ essent, ante Severum Byzantini consignerunt. *Archontis* porro duntaxat Magistratum male multatis Byzantinis fas erat monetis suis inferere, qui urbicus est Magistratus, ab Atheniensium gubernandi ratione, in alias Græcicas urbes aliter, atque aliter propagatus, & multis olim oppidis communis. Quin ipsam hanc gratiam, ut numos signare, saltem *Archontis* Magistratu conspicuos, ipsis indulgeret Severus, videntur Byzantini, Caracallæ interventu, ante restitutionem in integrum statum pristinum, obtinuisse; cum Caracallæ, grati animi causa, *Archontis* titulum, quem summum tum in urbe haberent, in numo ejusdem tribuerent, quem e Gaza Regis Galliarum refert R. P. Harduinus ita inscriptum: BYZANTIΩΝ. ΕΠΙ. ΑΡΧ. Μ. ΑΥ. ΑΝΤΩΝΕΙΝΟΥ. figura stans ipsius Caracallæ, Dea Præside urbis adstante.

Galea extensa in insigni hoc nostro magni moduli numo expressa, caput Byzantis galeatum denotat. Extat quippe apud Harduinum numus Byzantinus, caput galeatum exhibens, cum epigraphe ΒΥΖΑΣ. Fuit hic Byzas, teste Stephano Byzantino, Byzantii Conditor, quem cum Constantino Magno, Urbis hujus Ampliatore, & altero velut conditore composuit CLAUDIANUS *Lib. 2 in Eutrop.*

Hoc Byzas, Constantinusque videbunt?



--- KOMOΔOC. *Commodus*. Caput laureatum ejusdem.

KAI. CEB. IEP. ACTA. ΠΡ. ΠΑΝ. ΡΥΑ. *Καισαρίας Σεβαστῆς*
Ιερᾶς Ἀούλης πρὸς Πανείω. εἰρη. *Cæsarea Augusta, sacra, non*
violanda, ad Panium: anno 191. Vir nudus stans, d. pa-
 teram, s. hastam; ad pedes serpens, cristatum caput al-
 tum erigens.

HÆC urbs, quæ in sacro Evangelio Cæsarea Philippi
 dicitur, Trachonitidi attribuenda est, a Græcis Pa-
 neas appellabatur; quod mons illic, & fons esset, Pani
 dicatus, qui πάντας, vel πανείων dicebatur. Unde etiam
 in numis, qui sæpe Panis figuram exhibent, legitur: πρὸς
 Πανείω, *ad Pansum montem*. De hac urbe ita JOSEPHUS *Lib.*
18. cap. 3. φίλιππος Πανιάδα, τὴν πρὸς ταῖς παραῖς τῷ Ιορδάνῃ κατασ-
 πυάσας, ὀνομάζει Καισάρειαν. *Philippus Paneadem, ad Jordanis*
fontes sitam, instaurans, Cæsaream nominavit.

Epocham hujus Cæsareæ Vaillantius, & Norisius in-
 choant ab autumno anni V. C. 751. quo Philippus, teste
 Josepho, tertiam Regni Herodiani partem, in qua erat
 Trachonitis, ab Augusto obtinuit. In numo nostro, qui
 medii moduli est, numerus annorum 191. si addatur ad
 initium æræ 751. conficitur annus V.C. 942. usque ad au-
 tumnum, qui fuit Commodi decimus quartus, compu-
 tando annos, quibus cum M. Aurelio imperavit.

Figuram illam nudam, & hastigeram, cum adjecto
 serpente, Bacchi esse simulacrum existimo, cui serpens
 variis titulis adsignatur S. CLEMENS ALEXANDRINUS *in Pro-*
trept. refert: *Signum Bacchicorum Orgiorum esse initiatum*
serpentem. Σημεῖον Ὀργίων βακχικῶν ἔστι ἐκ τετρακεσμῆτος. Idem
 auctor Bacchantes, serpentibus coronatos, depingit; cui
 concinit CATULLUS, *de Bacchi comitibus*:

Pars se se totis serpentibus incingebat.

Originem hujus ritus attingit LILIUS GYRALDUS, *Syn-*
tagm. 8. de Baccho: Addunt fabulæ, Parcas ipsum anguibus
cin-

cinxisse, innoxie tamen pueri ora lambentibus. Plura de serpentum, cum Baccho, ejusque cultu, congruentia Nonnus in Dionysiacis sufficiet, & erudita dissertatio de Cistophoris R. P. PANELII Soc. J. Lugduni 1734. edita.



LXVI.

ATT. K. M. AT. KOM. ANTONIN. *Imperator Caesar Marcus Aurelius Commodus Antoninus. Caput laureatum.*

MHT. NEΩ. NIKOM. *Μητροπόλεως Νεωκόρας Νικομηδείας. Metropolis Æditua Nicomedia. Vir sedens, vestitu curto, & neglecto, capite nudo, dextra, ad icum extensa, malleum attollit; sinistra, etiam extensa, clavum attinet, insigendum prorse navis, quæ adstituta visitur.*

NOVUS hic aversæ partis typus ipsa Naupegi figura indicare videtur: aut novam aliquam naves fabricandi artem reperisse Nicomedienses, aut classem constitutam, vel instauratam esse. Commodus, (*teste LAMPRIDIO in ejus vita cap. 17.*) Classem in Africam mittendam moliebatur, quæ ut promptius conficeretur, haud dubie etiam Asiaticis urbibus maritimis certus navium numerus imperatus fuerit; quod Nicomedienses alacriter se præstitisse, hoc numo significasse videntur. Numus est ex ære medio.

LXVII.

ΑΥ. Μ. ΑΥ. ΚΟΜΟΔΟΣ. *Imperator Marcus Aurelius Commodus.* Caput laureatum.

ΟΥΑΠΙΑΣ. ΠΑΥΤΑΛΙΑΣ. *Ulpia Pautalia.* Ceres stans, d. spicas, f. facem.

Est numus medii moduli. Cereris effigiem similem vide in Numo Philippi Junioris Mesambrianorum.

LXVIII.

ΑΥ. ΚΟΜΟ. ΑΝΤΩΝΙΝΟ. *Imperator Commodus Antoninus.* Caput ejusdem laureatum.

ΠΕΛΛΑΙΩΝ. ΣΜC. *Pellaorum, seu Pellensum, anno 246.* Vir stans, vestitu neglecto, d. pateram porrigit, sin. scipioni innititur.

Rarissimus hic, & optime conservatus parvi moduli numus novam nobis in ære veteri urbem ostendit; cum nullus hujus Pellæ numus in Vaillantii, aut Harduini collectione extet. Pella alia Macedoniæ est, Magni Alexandri patria, quæ in monetis suis *Augusta*, & *Colonia* titulos præ se fert. Græcum ejus urbis numisma ΑΥΤ. ΠΕΛΛΗΣ. *Augusta Pella* inscriptum, Golzius produxit.

Ad hanc Pellam nostrum numum non pertinere, præter fabricam, ac titulorum omissionem, optime indicat adsignatus annorum numerus; cum Europææ Græcorum urbes annorum notas numis suis non indiderint. Quare ad Pellam, in Decapolitana Syriæ, trans Jordanem sitam, hic numus referri debet. Pellæ in Decapolitana meminit S. Hieronymus in *Topicis*, & S. Epiphanius *hæresi* 30. Hæc eadem Pella est, in quam se primi Christi Sectatores e tumultibus Jerosolymitanis receperant. Eusebius *Lib. 3. hist. Eccles. c. 5.* ita habet: τῷ λαῷ τῆς ἐν Ἱεροσολύμοις Ἐκκλησίας κατὰ τινὰ χρεσμόν πρὸ τοῦ πολέμου, μεταναστῆναι τῆς πόλεως, καὶ τινὰ τῆς Περσίας πόλιν οἰκεῖν κεκληυσμένον· Πέλλαν αὐτὴν ὀνομάζουσιν. *Jerosolymitana Ecclesiæ populus, oraculo quodam,*
justus

jussus est urbe demigrare, & aliam quandam trans flumen urbem inhabitare, quam Pellam nominant.

Annorum numerus 246. numo insculptus, eundem plane huic Syriacæ Pellæ vendicat; quia initium Pellen-
sis æræ cum Pompejana congruit, cujus initium ducitur
ab autumno anni V. C. 691. quo Pompejus plures Syriæ
urbes, Judæorum jugo ereptas, liberas esse jussit, & quæ
idcirco hanc æram in monetis suis consignerunt. Itaque
si ad 691. addas 246 conficies an. V. C. 937. usque ad au-
tumnum, qui fuit annus Imperii Commodi nonus. Pel-
lam porro hanc earum urbium unam fuisse, quas Pom-
pejus libertate pristina donarat: testis est JOSEPHUS *Lib. 14.*
antiquit. cap. 4. τὰς δὲ λοιπὰς Ἱππον, καὶ Σκυθόπολιν, καὶ Πέ-
λαν &c. τοῖς οἰκητορσιν ἀπέδοκε. *Reliquas vero urbes: Hippum,*
Scythopolin, & Pellam habitatoribus suis (Pompejus) tra-
didit.

Præter Pellam hanc nostram, etiam Apamea Syriæ
olim Pella dicta est, teste STRABONE *Lib. 16.* Atque id no-
minis, variis urbibus indidere Macedones, Syriæ Regno
potiti, in memoriam, & honorem Pellæ Macedonicæ,
Patriæ Alexandri. Apameæ vero nomen urbi illi a Se-
leuci uxore Apamea accessit. Ad hanc porro urbem nu-
mus noster non pertinet; cum ejusdem numos jam sub
Augusto, cum solo Apameæ nomine, Cl. Vaillantius pro-
ferat. Neque ad alias urbes, Pellæ nomine insignes,
numus revocari potest, quas recenset STEPHANUS, qui no-
stram Coelesyriæ attribuit, latius sumptæ: Πέλλα πόλις Μα-
κεδονίας, Ἀχαΐας, κοίτης Συρίας, ἡ βῆτις λεγόμενη. *Pella urbs Ma-*
cedonia, Thessalia, Achaje, Coelesyria, qua Butis dicebatur.
Ο πολίτης Πελλαῖος. Cives Pellæi vocantur.



LXIX.

ΑΥΤ. ΚΑ. ΑΥΡ. ΚΟΜΟΔΟΣ. *Imperator Caesar Aurelius Commodus.* Caput laureatum.

ΠΡΟΥΣΑΕΩΝ. *Prusaorum.* Templum hexastylon.

Est hæc Prusa Bithyniæ urbs, diversa a Prusa ad Hy-
pium montem, aut fluvium, in eadem Bithynia sita.
Nostræ hujus Prusæ, Olympo monti affusæ, meminit
STRABO *Lib. 12.* Πρῦσα ἐπὶ τῷ Ὀλύμπῳ τῷ Μυσίῳ, κλισίμα Περσίου
τῷ πρὸς Κροῖσον Πολεμήσαντος. *Prusa, ad Olympum Myfiæ sita,*
opus est Prusie, qui adversus Cræsum bellum gessit. Numus
est elegans, ex ære medio.

LXX.

ΑΥ. ΚΑΙ. Μ. ΚΟΜΟΔ. *Imperator Caesar Marcus Commodus.*
Caput laureatum.

ΤΥΡΑΝΩΝ. Β. *Tyranorum.* Aquila sertum rostro gestans.

Tyras urbs, & flumen Sarmatiæ Europææ, aut ut alii,
Mœsiæ. Ptolemæus observat Tyram fluvium Da-
ciam a Sarmatia dividere. *PLINIUS Lib. 4.* *Clarus amnis*
Tyras, oppido nomen imponens, ubi antea Ophiussa dicebatur.
Literam Β. in unico hætenus, quod sciam, Tyranorum
numo, sub M. Aurelio repertam, Cl. Vaillantius legerat:
Anno secundo Imperii. Verum cum hic sub Commodō,
eadem litera Β. deprehensa, & rursus inferius in numo
Getæ proferenda sit; mallem, incognitam potius aliquam,
dici notam, qualem etiam aliæ Ponti, ac Thraciæ urbes
signaverant: ut Marcianopolitæ, & Odesitæ & Tomitæ

Γ. & Δ. Quod vero in Caracalla Tyranorum numum, litera Δ. inscriptum, producturus sim: id non dum conficit, annos Imperii esse a Tyranis signatos; nam alioqui similis in Tomitarum numis varietas idem dicere nolentes co-geret. Verbo, fateri oportet: non dum omnia detecta esse, quid his, illisve notis Veteres indicatum voluerint; atque mirandum potius est, tot epigraphas explicari posse, quam paucas non posse. Parvi moduli numus est.

LXXI.

ΑΥ. ΚΑΙ. Μ. ΑΤΡΗ. ΚΟΜΟΔΟC. *Imperator Caesar Marcus Aurelius Commodus. Caput laureatum.*

ΦΙΛΙΠΠΟΠΟΛΕΙΤΩΝ. *Philippopolitarum.* Pallas stans, d. pateram s. hastam, ad pedes clypeus, & serpens ex una parte, ex altera ara.

Palladis signum, Atheniensi simile, coluisse videntur Thraces Philippopolitæ; tale quippe describit Pausanias in *Atticis* cap. 24. τὸ δὲ ἄγαλμα τῆς Ἀθηνᾶς ὀρθὸν ἐστὶν ἐν χιτῶνι ποδήρει . . . ἐν δὲ τῇ χειρὶ δόρυ ἔχει, καὶ πρὸς τοῖς ποσὶν ἀσπίς τε κεῖται, καὶ πλησίον τῷ δόρατος δράκων ἐστὶν, εἴη δ' αὖ ἐριχθόνης οὗτος ὁ δράκων. *Palladis simulacrum rectum stat, in veste talari &c. Altera manu hastam habet: ad pedes scutum situm est; tum prope hastam serpens est, qui Erichthomius esse potest. Mediæ formæ numus.*



LXXII.

ΑΤ. Κ. ΜΑΡ. ΑΤΡ. ΚΟΜΟΔΟΣ. *Imperator Caesar Marcus Aurelius Commodus. Caput laureatum.*

ΚΑΡΟΤΕΙΛΙΑΝΟΥ. ΦΙΛΙΠΠΟΠΟΛΕΙΤΩΝ. *Sub Carviliano, Philippopolitarum. Aquila rostro fectum gerit, unguibus serpentem corripit. Numus est magni moduli.*



LXXIII.

... . ΤΙΤΙΑΝΗ ΣΕΒΑΣΤΗ. *Titiana Augusta. Caput Titianæ, quæ fuit conjux Pertinacis. In area signum Monetarii incusum.*

ΜΥΤΙΛΗΝΑΙΩΝ. *Mytilenæorum. Imperator Pertinax, equo gradienti insidens, dextra elata.*

Hunc eximiæ raritatis numum, qui magni moduli est, vulgavit ante nos CL. HAYM in *Thesauro Britannico*, e cuius typo, noster, quoad omnia similis, etsi inscriptione extrita, agnitus est. Characteres omnino tenues huic numo insculptos fuisse oportet; cum, iisdem absumptis, figuræ tamen integræ remanserint. De Mytilene PLINIUS *Lib. 5. Lesbos, in qua libera Mytilene.* In numis etiam inscribitur: ΤΙΤΩΤΗ. ΑΕΣΒΟΥ. *Prima Lesbi.* Titianæ numos, alius urbis nomine insignes, hæcenus vulgatos non novi; præter Ægyptiacum unum in Cimelio Regis Christianissimi, quem ibidem se vidisse *Illustrissimus* SCIPIO MAFFEIUS *Epistola ad Virum Cl. Apostolum Zeno* data testatur, ita inscriptum: ΜΑΡΕΩΤΩΝ. L. A. *Marcetarum anno primo.*

LXXIV.



LXXIV.


ΑΥΤ. Κ. Α. ΕΠΕΤ. ΓΕΟΥΗΡΟC. ΠΕΡΤ. ΑΥΤΟΤ. 'Αυτοκράτωρ Καίσαρ
Λέκιος Σεπτιμίος Σεβήρας Περτινάξ 'Αυγυστός. *Imperator Caesar Lu-*
cius Septimius Severus Pertinax Augustus. Caput lau-
reatum Septimii Severi.

ΜΗΤΡΟΠΟΛΕΟC. ΑΝΚΥΡΑC. *Metropolis Ancyra. Figura*
nuda, expansis brachiis, quasi in libero aëre librata: ad
sinistram anchora, supra quam parvula Sileni figura: supra
caput nudæ figuræ aliquid, coronæ, aut inverso Caduceo
simile, conspicitur.

Elegantissimus hic, magni æris, numus Bacchum re-
ferre videtur, in cœlum sublatum. Similem effigiem
in sella quadam se conspexisse PAUSANIAS in *Laconicis* c. 18.
Διώνυσον δὲ, καὶ Ἡρακλέα, τὸν μὲν παῖδα ἐς οὐρανὸν ὄντα ἔτι ἔστιν Ἐρ-
μῆς φέρον &c. *Bacchum, & Herculem* illic vidi, *atque illum*
quidem, cum etiamnum puer esset, Mercurius in cœlum ferens
exhibetur &c. Atque illud Bacchi capiti imminens, si
quis recte consideret, inverso Caduceo non ab simile est,
quod Mercurius denotatus videri posset, cujus vi Bacchus
in aëra libratus fingebatur. Porro Sileni adjuncta effigies,
cum utre hircino a tergo, ut in numis referri solet, mihi
persuaserat, hic Bacchum, in tenera ætate ad superos sub-
latum, exhiberi. Fuit enim Silenus Bacchi τροφεύς, καὶ
παιδαγωγός, *Nutritor, & pueritiæ Institutor*, uti eundem
JULIANUS IMP. de *Cæsar.* appellat. Præterea Silenus a Mida,
Ancyse Conditore, captus illic erat; uti narrat PAUSAN.

At-

Attic. cap. 4. Καὶ κρήνη ὡς καλυμένη· ταύτην οὖν κεράσαι Μίδαυ Φασιν, ἐπὶ τὴν Θήραν τῇ Σιληνῷ. *Est etiam (Ancyra) fons Midae dictus: eum ferunt a Mida vino mixtum fuisse, ad capiendum Silenum.* Quod si cui illa Caducei forma minus placeret, & coronam potius existimet; nihil ita quoque, nisi Baccho proprium, deprehenderit. De urbe Galatiæ Ancyra, & cur Anchora adsignata sit, ad Caracallæ numum quædam adnotabuntur.



LXXV.

ΑΥ. Κ. Α. ΣΕΠ. ΣΕΥΗΡΟΣ. *Imperator Caesar Lucius Septimius Severus.* Caput ejusdem laureatum.

ΟΤΑΠΙΑΝΩΝ. ΑΓΧΙΑΛΕΩΝ. *Ulpianorum Anchialensium.* Fortuna stans, capite tutulato: d. temonem, f. Cornu Copiæ.

A Nchiale alia Ciliciæ, alia Thraciæ urbs erat, ad mare Nigrum sita, de qua STRABO *Lib. 7.* 'Ἐστ' Ἀγχιάλη, πόλις Ἰωνίου Ἀπολλωνιάτων. *Deinde (ad Pontum Euxinum) Anchiale, urbecula Apolloniatarum.* Numos ΑΓΧΙΑΛΕΩΝ. hoc solo vocabulo inscriptos, ad Anchialen Ciliciæ referunt nonnulli; qui vero aut ΗΓΕΜΟΝΟΣ. *Prædis Magistratum,* aut cognomen *Ulpianorum* præ se ferunt, eosdem Thraciæ adscribunt, propterea; quod Thraciæ urbibus proprium sit, eundem Magistratum, aut nomen aliquod ex Ulpii Trajani familia exhibere. Verum in Thracia, & Mœsia hodieque non paucos numos effodi, solo nomine ΑΓΧΙΑΛΕΩΝ. insignes, Amicus quidam meus, Numorum vete-

veterum indagator egregius, datis ad me literis monuit, qui easdem terras peragravit. Quare hi etiam numi, quibus præsertim fabricæ similitudo favet, Thracicis Anchialensibus non videntur eripiendi. Numus est medii moduli.

LXXVI.

ΑΥ. ΚΑ. ΣΕΠΤ. ΣΕΤΗΡΟC. *Imperator Caesar Septimius Severus. Caput laureatum.*

ΟΥΑΠΙΑΝΩΝ. ΑΓΧΙΑΛΕΩΝ. *Ulpianorum Anchialensium.*
Porta urbis cum muro, qui ambulacro, columellis ornato, coronatur: utrinque turris.

Notatu digna est literæ Ε. forma rotunda in parte numi antica, & in postica ejusdem literæ angulosa illa forma Ε. Quam sæpe falluntur, qui ex diversis characterum formis continuo regulas cudunt, de discernenda monumentorum veterum ætate! Numus est medii moduli, in quo portæ effigies elegantior, atque in aliis, exhibetur.

LXXVII.

ΑΥ. Κ. Α. ΣΕΠΤ. ΣΕΟΥΤΗΡΟC. Π. *Imperator Caesar Lucius Septimius Severus Pertinax. Caput laureatum.*

ΟΥΑΠΙΑΝΩΝ. ΑΓΧΙΑΛΕΩΝ. *Ulpianorum Anchialensium.*
Navis velo expanso fluctibus innatans.

Hic majoris navis typus, præter maritimum urbis situm, etiam adventum aliquem Septimii Severi, aut navigationem, ex hac urbe susceptam, indicare potest: quod occasione belli, adversus Pescenium, & Parthos gesti, acciderit. Medii moduli numus.



Gg

LXXVIII.

LXXVIII.

ΑΤΤ. Κ. Α. CΕΠΤ. CΕΘΥΠΟC. *Imperator Caesar Lucius Septimius Severus. Caput laureatum.*

ΚΡΗΤΙΕΩΝ. ΦΛΑΟΥΤΙΕ . . . *Cretienſium Flavianoꝝum.*
Ceres ſtans, d. fpicas, f. haftam.

A Pud Ptolemæum in mediterraneis Bithyniæ. Φλαυί-
πολις ἢ καὶ Κράτεια. *Flaviopolis, qua & Cratia.* Κρά-
τεια, pro Κρήτεια, Dorica dialecto dictum est. In aliis qui-
dem numis legitur Φλαυιοπολιτῶν cum tamen in nostro C.
manifeste compareat, Φλαυίων hic legendum est. Medii
moduli est.

LXXIX.

ΑΤΤ. Κ. Α. CΕΠΤ. CΕΘΥΠΟC. ΠΕΡΤ. *Imperator Caesar Lucius
Septimius Severus Pertinax. Caput laureatum.*

ΚΤΖΙΚΗΝ. ΝΕΟΚΟ. *Cyzicenorum Aedituorum: In Co-
rona laurea. Medii moduli est.*

LXXX.

CΕΘΥΠΟC. *Severus. Caput laureatum Septimii, sub cuius
barba, aliud parvum caput adſignatum est.*

ΜΑΝΤΙΝΕΩΝ. *Mantineorum. Mulier ad aram ſtans,
d. pateram, f. Cornu Copiæ.*

PTOLEMÆUS in Arcadia: Ἀντιγονία ἢ καὶ Μαντινία. *Antigo-
nia qua etiam Mantinia.* Refert PLUTARCHUS in *Arato:*
Achæos Antigoni ope occupatam Mantineam, Antigo-
niam appellasse. Rurſum autem Hadrianus Aug. teſte
PAUSANIA in *Arcad.* Ἀφελῶν Μαντινέuſι τὸ ὄνομα, τὸ ἐκ Μακεδονίας
ἐπακτὸν, ἀπέδοκεν αὐθις Μαντινείαν καλεῖσθαι ſφίσι τὴν πόλιν. *Au-
ferens Mantineis nomen, a Macedonibus inductum, urbem
iſſorum Mantineam iterum nominari conceſſit.* Numus est
parvæ formæ.

LXXXI.



LXXXI.

ΑΤ. Κ. Α. CΕ. CΕΟΤΗΡΟC. *Imperator Caesar Lucius Septimius Severus.* Caput laureatum.

Τ. ΦΛ. ΟΥΛΠΙΑΝΟΥ. ΜΑΡΚΙΑΝΟΠΟΛΙΤΩΝ. Ὑπὸ Φλαυίῳ Ὀυλπιανῷ Μαρκιανοπολιτῶν. *Sub Flavio Ulpiano, Marcianopolitarum.* Mulier stans, tutulato capite, d. pateram, f. Cornu Copiæ.

Marcianopolis, testē MARCELLINO *Lib. 27. cap. 9.* a Marciana, Trajani sorore, nomen deduxit. ZOSIMUS *Lib. 1.* eam Mœsiæ, idemque *Lib. 4.* Thraciæ attribuit. Ad Mœsiam item referunt TREBELL. POLLIO in *Claudio*, & MARGELLINUS *loco citato: Dein Mysia, ubi Marcianopolis est.* Mediæ formæ est numus.

LXXXII.

ΑΤΤ. Κ. Α. CΕ. CΕΟΤΗΡΟC. ΑΤΤ. *Imperator Caesar Lucius Septimius Severus Augustus.* Caput laureatum.

ΜΕΓΑΡΕΩΝ. *Megarensium.* Ceres gradiens, facem utraque manu attollens.

STEPHANUS: μέγαρον πόλις περὶ τὸν Ἰσθμὸν. *Megara urbs ad Isthmum Corinthiacum.* Caput erat regionis Megaridis, ad Isthmum, inter Atticam, & Phocidem. Simulacrum in averfa parte esse Cereris *Μαλοφόρου, Ovisfera*, ostendetur paullo inferius in Pagæorum numo, in quo eadem Cereris effigies arietem adsignatum exhibet. Admodum rari habentur Megarensium numi: noster medii moduli est.

LXXXIII.

Α. CΕΠ. CΕ *Lucius Septimius Severus. Caput laureatum.*

ΙΕΡΑΣ. ΝΕΙΚΟΠΟΛΕΩΣ. *Sacræ Nicopolis, in Epiro. Mulier stans, turrito capite, d. hastam, f. Cornu Copiæ; in area parva corona. Est mediæ formæ numus.*



LXXXIV.

ΑΥΤ. ΚΑΙ. Α. CΕΠΤ. CΕΟΘΗΡΟΣ. Π. *Imperator Caesar Lucius Septimius Severus Pertinax. Caput laureatum, cum signo Monetarii.*

CΕΟΘΗΡΕΙΑ. ΦΙΛΑΔΕΛΦΕΙΑ. ΝΙΚΑΙΕΩΝ. *Severiana, & Fraternali amoris sacra certamina, Nicaensium. Figura semi-nuda saxo insidet, d. urnulam certaminum erigit, e qua ramus emicat: ad pedes Vas unius ansæ.*

CERTamina hæc in honorem *Severi, & Fraternali Amoris*, qui inter Antoninum Caracallam, & Getam, ejusdem filios, esse debuerat, Nicæenses Bithyniæ instituerunt. Videtur id factum fuisse, post obtentam primam per Severum de Pescenio victoriam, in cruento prælio, quod prope Nicæam hanc commissum esse, *XIPHILINUS e Dione Lib. 24.* Atque Severum ipsum Nicææ fuisse, idem libro sequente meminit. Viri sedentis figura, *Ἀγωνοθέτης*, aut *Ἀθλοθέτης* referri videtur, ad cujus pedes Vas adpositum, præmium victoris indicat. Nam pretiosa vasa, & lebetes lu-

ludorum, ac certaminum fuisse præmia, ex *ATHENÆO L. 2.* ubi de Bacchi Certaminibus; & ex *VIRGILIO* discimus *ÆNEIDOS Lib. 5. v. 266.*

Tertia dona facit geminos ex ære lebetas;

Cymbiaque argento perfecta, atque aspera signis.

Numus est perelegans magni moduli.

LXXXV.

ΑΤ. Κ. Α. ΣΕΠΤΙ. ΣΕΟΥΤΗΡΟC. *Imperator Caesar Lucius Septimius Severus.* Caput laureatum Severi, cum alio minori capite adsignato, quod vultu barbato Pertinacem referre videtur.

ΝΙΚΑΙΕΩΝ. *Nicaensium.* Mulier stans, d. bilancem, f. Cornu Copiæ. Est mediæ formæ numus.

LXXXVI.

ΑΤ. Κ. Α. ΣΕΠΤΙ. ΣΕΟΥΤΗΡΟC. Π. *Imperator Caesar Lucius Septimius Severus Pertinax.* Caput laureatum.

ΝΙΚΑΙΕΩΝ. *Nicaensium.* Hygia stans, d. pateram, f. serpentem. Iconem Hygiæ dedimus in numo Veri Pessinuntiorum. Mediæ formæ est numus.



LXXXVII.

ΑΤΤ. Κ. Α. ΣΕΠ. ΣΕΟΥΤΗΡΟC. ΠΕ. *Imperator Caesar Lucius Septimius Severus Pertinax.* Caput laureatum.

ΝΙΚΑΙΕΩΝ. *Nicaensium.* Figura virilis, veste longa tecta, sedens, d. pateram, f. hastam. Solet hac effigie non raro Jupiter in numis exprimi. Medii æris numus est.

Gg 3

LXXXVIII.

LXXXVIII.

ΑΤ. Κ. Α. ΣΕΠ. ΣΕΟΥΤΗΡΟC. ΠΕ. *Imperator Caesar Lucius Septimius Severus Pertinax.* Caput laureatum.

ΤΗ. Α. ΟΟΥΙΝΙ. ΤΕΡΤΤΑΛΟΥ. ΝΙΚΟΠΟΛΙΤΩΝ. ΕΠ. ΙCΤΡΩ.
 'Τπὸ Λαζίου Οουίνι Τερτύλλου, Νικοπολιτῶν Ἐπ' Ἰστροῦ. *Sub Lucio Ovinio Tertullo, Nicopolitarum ad Istrum.* Mulier stans, d. pateram, s. hastam.

Nicopolis ad Istrum Moesiae, aut vicinae Daciae urbs, de qua MARCELLINUS *Lsb. 31. Nicopolis, quam indicium Victoriae contra Dacos Trajanus condidit Imperator.* Nomen Magistratus ΛΟΥΙΝΙ. *Lucius Ovinius*, legendum censeo, cognomine *Tertullus*. Nam Tertullum quendam, sub Marco Aurelio ad honores promotum fuisse, JULIUS CAPITOLINUS in *M. Antonio*, cap. 29. perhibet. Tertullus item, cum Clemente Consul fuit an. V. C. 948. Severi tertio; uti habent Fasti Consulares Biblioth. Caesareae, a Norisio editi. Tum Oviniam familiam senatoriam, & antiquam, hoc saeculo potentia, & opibus floruisse, colligimus ex AELIO LAMPRIDIO in *Alexand.* cap. 48. *Cum quidam Ovinius Camillus, Senator antiqua familia delicatissimus rebellare voluisset &c.* Oviniae familiae antiquitatem etiam commendat TERENTIUS VARRO de *Re Rustica Lsb. 2. Nomina multa habemus ab utroque pecore, a minore: Porcius, Ovinus, Caprius; a majore Equitius &c.* Est in hoc medii moduli numo, praeter familiae nomen, rara etiam inscriptio ΕΠ. ΙCΤΡΩ. cum in aliis ΠΡΟC. ΙCΤΡΟΝ. vel ΠΡΟC. ΙCΤΡΩ. legatur.

LXXXIX.

ΑΤΤ. Κ. Α. ΣΕ . . ΣΕΤΗΡΟC. Π. *Imperator Caesar Lucius Septimius Severus Pertinax.* Caput laureatum.

ΤΗ. Α. ΟΟΥΙΝΙΟΥ. ΤΕΡΤΤΑΛΟΥ. ΝΙΚΟΠΟ. ΠΡΟC. ΙC. *Sub Lucio Ovinio Tertullo, Nicopolitarum ad Istrum.* Fortuna stans, d. temonem, s. Cornu Copiae.

In hoc medii æris numo, manca quidem est, uti effigies exhibet, aversae partis inscriptio; sed ex praecedente numo integro certo expletur.

XC.



XC.

ΑΥ. Κ. Α. ΣΕΠ. CETHPOC. Π. *Imperator Caesar Lucius Septimius Severus Pertinax. Caput laureatum.*

ΤΠ. ΑΥΡ. ΓΑΛΛΟΥ. ΝΙΚΟΠΟΛΙΤ. ΠΡΟΣ. ΙC. *Sub Aurelio Gallo Nicopolitarum ad Istrum. Figura barbata decumbens, d. ramum tenens, & f. urnæ innixa, Istrum fluvium representat: ad cujus pedes navis.*

MEdiæ formæ numus, in quo barbata figura fluvium majorem, navis navigabilem, ramus loco arundinis, terras, quas alluit, fecundantem designat.

XCI.

Inscriptio, & Caput, eadem, quæ in numo proxime antecedente.

ΤΠ. ΑΥΡ. ΓΑΛΛΟΥ. ΝΙΚΟΠΟΛΙΤΩ. ΠΡΟΣ. Ι. *Sub Aurelio Gallo Nicopolitarum ad Istrum. Bacchus stans, caput cincinnis, & corona ornatus, d. cantharum, f. thyrsum gerit; pedes cothurnis cincti, cætera nudus.*

THyrsi forma hic eleganter exprimitur, foliis hederæ hastæ cuspidem obtegentibus; qua de re ita MACROBIUS *Lib. 1. Saturnal. cap. 19. Colitur etiam apud Lacedæmonios simulacrum Liberi Patris, hasta insigne, non Thyrsos. Sed & cum Thyrsos tenet, quid aliud, quam latens telum gerit, cujus mucro hedera lambente protegitur. Crinium Bacchi meminit HYMNUS Lib. 1. Antholog. qui Bacchum ἄερόκομην, εὐχαίτην. Capillos mollior ornatum, & bene crinitum compellat;*

pellat; coronæ etiam Poëta idem non est oblitus, eundem *κισσοστέφανον*, *hedera coronatum* salutans. Mediæ magnitudinis est numus.

XCII.

Inscriptio, & Caput, uti in duobus præcedentibus.

ΤΠ. ΑΤ. ΓΑΛΛ. ΝΙΚΟΠΟΛΙΤ. ΠΡΟΣ. Ι. *Sub Aurelio Gallo Nicopolitarum ad Istrum.* Minerva, galea caput testâ, stans, d. hastam, s. clypeum. Medii moduli numus est.



XCIII.

ΑΤ. ΚΑΙ. ΣΕΠ. ΣΕΟΥΤΗΡΟΣ. *Imperator Caesar Septimius Severus.* Caput laureatum.

ΝΙΚΟΠΟΛΙΤ. ΠΡΟΣ. ΙC. *Nicopolitarum ad Istrum.* Figura nuda, uni pedi insitens, d. extensa, s. truncæ arbori innititur: crinibus hispidis, & subrectis frons affurgit.

Sic, illi figura Pan solet in ære veteri exhiberi; certum tamen indicium desideratur, quod alioqui est: septem compacta cicutis fistula. Numus est e parvorum classe.

XCIV.

ΑΤ. Κ. Α. C. ΣΕΥΤΗΡΟΣ. *Imperator Cæs. Lucius Septimius Severus.* Caput laureatum.

ΝΙΚΟΠΟΛΙΤΩΝ. ΠΡΟΣ. Ι. *Nicopolitarum ad Istrum.* Hercules cum leone certans.

NArrat de Hercule APOLLODORUS *Lib. 2.* Ὀκτωκαιδεκάτης τὸν Κιθαιρώνειον ἀνέϊλε λέοντα. *Duodeviginti annos natus Citharoneum leonem sustulit.* Et recte in hoc parvi æris numo

numo Hercules totus nudus representatur; cum hujus deinde leonis exuviis pro amictu usus sit, id quod APOLLODORUS paullo inferius exequitur: καὶ χειρῶσάμενος τὸν λείοντα, τὴν μὲν δορὰν ἡμφιάσατο, τῷ χάσματι δὲ ἐχρήσατο κόρυθι. *Subacti leonis pellem sibi vestis instar circumdedit; ricium vero galea loco adhibuit.*

XCV.

ΑΤ. ΚΑΙ. CΕ. CΕΟΤΗΡΟC. *Imperator Caesar Septimius Severus.*
Caput laureatum.

ΝΙΚΟΠΟΛΙΤΩΝ. ΠΡΟC. ΙCΤΡ. *Nicopolitarum ad Istrum.*
Bos gradiens.

Numus est parvi moduli. Bos aut victimam, aut læta pascua, & agriculturæ uberes proventus denotare videtur.



XCVI.

Eadem inscriptio, & caput, quæ in præcedente.

ΝΙΚΟΠΟΛΙΤ. ΠΡΟC. ΙCΤΡ. *Nicopolitarum ad Istrum.*

Nemesis stans, d. pateram, s. flagellum, ad pedes rota.

DE Nemesi ad Numos Colomiarum egimus Hic numus ex ære parvo est.

XCVII.

Eadem inscriptio, & caput, quæ in prioribus.

ΝΙΚΟΠΟΛΙΤ. ΠΡΟC. ΙCΤ. *Nicopolitarum ad Istrum.*

Mulier stans, d. pateram, s. hastam.


Numus est parvi moduli. Typum habes paullo superius exhibitum Numo LXXXIII.

XCVIII.

ΑΥ. Κ. Α. ΣΕΥΗΡΟΣ. *Imperator Cæsar Lucius Severus.*
Caput laureatum.

ΝΙΚΟΠΟΛ. ΠΡΟΣ. ΙΣΤΡ. *Nicopolitarum ad Istrum.* Ca-
put Serapidis cum tutulo, seu modio.

CAput modio, vel tutulo ornatum, quale hic exhibetur, RUFFINUS *Lib. 2. cap. 23. histor. Eccles.* Vel Jovem, omnia mensura moderantem: vel Josephum, Ægypto de frumento providentem: vel denique Serapin, aut Apin quendam, Ægyptiis providentia sua perutilem, indicare censuit. MACROBIUS *Lib. 1. Saturn.* ita de Serapide: *Cujus vertex insignitus calathæ, & altitudinem sideris monstrat, (nempe Solis) & potentiam capacitatis ostendat.* Numus est parvæ formæ.



XCIX.

ΑΥ. ΚΑΙ. ΣΕΥΗΡΟΣ. *Imperator Cæsar Severus.* Caput
laureatum.

ΝΙΚΟΠΟΛΙΤΩΝ. ΠΡΟΣ. ΙΣΤΡΟ. *Nicopolitarum ad Istrum.*
Signum lunæ bicornis, in media area stella, quam Venerem esse, aliqui suspicantur. Numus est parvi moduli.

ΑΥΤ. ΚΑΙ. ΣΕΥΗΡΟΣ. *Imperator Caesar Severus. Caput laureatum Septimii Severi.*

ΝΙΚΟΠΟΛΙΤ. ΠΡΟΣ. ΙC. *Nicopolitarum ad Istrum. Figura semi-nuda Istri fluvii sedens, C urnæ incumbit, & Cornu Copiæ gerit, d. erecta.*

Numus est ex ære parvo. Cl. Vaillantius, e compluribus, primique nominis Cimeliis, octo tantum Severi numos hac in urbe signatos protulit. Nos ex uno Cimelio tredecim alios adjicimus. Quod ipsum argumento est: alia semper, atque alia numismata proferri, & Græcorum numorum collectionem ingenti accessione locupletari posse; si eruditi hasce opes suas cum literato orbe communicare vellent.



CI.

ΣΕΥΤΙΜΙΟΣ. ΣΕΟΥΗΡΟΣ. ΠΕΡΤΙΝ. *Lucius Septimius (Λ & Γ conjuncta sunt) Σευήρος Περτινάξ. Lucius Septimius Severus Pertinax. Caput ejusdem laureatum.*

ΠΑΓΑΙΩΝ. *Pagorum. Ceres, utraque manu facem contollens, super saxo graditur: eandem præcedit aries.*

PAgæ, vel Pegæ Megaridis oppidum, de quo Pausanias in *Astic. cap. 44*. 'Η δὲ ὀρεινὴ τῆς Μεγαρίδος, τῆς Βοιωτῶν ἐστὶν ὁμορος, ἐν ᾗ Μεγαρεῦσι Πηγαὶ πόλεις ὄντισαι. *Montana regio Megaridis Bœotia finitima est: in illa Pegæ oppidum a Megarensibus conditum est.* Urbem hanc etiam Thucydides

Atticus appellat Πηγαί. *Pega.* sed PTOLEMÆUS, & STRABO *Lib. 8.* atque PLINIUS *Lib. 4.* scribunt Πηγαί. *Paga.* & incolas *Pagaos* nominant. *Pegæ* dicta est, cum ad Atticam pertineret; subinde, teste PAUSANIA *Attic. cap. 39.* Μεγαρεῖς ὕτως ἔθνη, καὶ Φωνὴν μεταβαλόντες Δωριεῖς γεγόνασιν. *Megarenses morres juxta, ac loquendi rationem mutantes, Dorienſes facti sunt.* Quare etiam Dorica dialecto, Megarenſium hæc urbs ΠΑΓΑΙ deinceps, non ΠΗΓΑΙ. æri inſculpta habetur.

De averſæ partis figura rursus e Pausania habeo, quæ adferam; nam is loco citato refert: In deſcenſu ex urbe Megara ad navale, occurrere *Templum Cereris Oviſera*, Ἰερόν Δήμητρος ἐς τὸν Μυλοφόρον. Ejus compellationis originem ita attingit: Λέγεται δὲ ἄλλα ἐς τὴν ἐπίκλησιν, καὶ τὰς πρώτας πρόβατα ἐν τῇ γῇ θρέψαντες Δήμητρα ὀνομάσαι Μυλοφόρον. *Inter alia, quæ de nominis hujus impositione narrantur, ferunt: qui primi in Megaride terra oves pascebant, Cererem Μυλοφόρον compellasse.* Dorice hic rursus Μυλοφόρος, pro Μηλοφόρος, *Oviſera* dicitur; quanquam etiam τὸ Μυλοφόρος, *laniſera* reddi poſſit, cujus ſignificatio, hic quidem, eodem recidit. In noſtro porro numo hanc Cererem referri, tum Aries præcedens, cum ſimilis Cereris effigies in numo ΜΕΓΑΡΕΩΝ. ſuperius exhibita, conſciunt.

Singularis raritatis eſt hic mediî moduli numus; cum hujus urbis nomen hætenus in numis, quod ſciam, non ſit conſpectum: averſæ etiam partis typum, qualis hic habetur, alibi me vidiffe non memini. De hac urbe ita STEPHANUS: Πηγαί παροιμία Μεγαρέων· οἱ οἰκῆτορες Πηγαῖοι. *Pegæ Megarenſium habitatio: habitatores Pegæi dicuntur.*



CII.

----- СЕПΤΙ. СЕΟΥΗΡΟС. ΠΕΡ. *Septimius Severus Pertinax. Caput laureatum.*

ΟΥΑΠΙΑС. ΠΑΥΤΑΛΙΑС. *Ulpia Pautalia. Figura sedens, f. hastam.*

Magni moduli: ejusdem moduli, & urbis est alius Pautaliæ numus nostri Cimelii, aquilam referens, quæ rostro coronam fert, & globo insistit; qui parum a Vaillantiano difert.

CIII.

ΑΥΤ. Α. СЕПΤΙ. СΕΤΗΡΟС. ΠΕΡ. *Imperator Lucius Septimius Severus Pertinax. Caput ejusdem laureatum.*

ΟΥΑΠΙΑС. ΠΑΥΤΑΛΙΑС. *Ulpia Pautalia. Ceres stans, velato capite, d. spicas, & papaver, f. facem prælongam tenet: ad pedes modius. Mediæ formæ est.*



CIV.

Α. Κ. Α. СЕП. СΕΤΗΡΟС. Π. *Imperator Caesar Lucius Septimius Severus Pertinax. Caput laureatum.*

ΟΥΑΠΙΑС. ΠΑΥΤΑΛΙΑС. *Ulpia Pautalia. Bacchus stans, d. cantharum, f. thyrsus, totum foliis ornatum gerit.*

Numus hic, qui magni moduli est, aliam a prioribus thyrsi formam ob oculos ponit.



CV.

ΑΤ. Κ. Α. ΣΕΠ. ΣΕΥΗΡΟΣ. Π. *Imperator Caesar Lucius Septimius Severus Pertinax. Caput laureatum.*

ΠΕΡΙΝΘΙΩΝ. ΝΕΟΚΟΡΩΝ. *Perinthiorum Aedituorum.*
Mulier stans ad aram, d. pateram s. Cornu Copiæ. Mediæ formæ est.

CVI.

ΑΤΤ. Κ. Α. ΣΕΠΤ. ΣΕΥΗΡΟΣ. *Imperator Caesar Lucius Septimius Severus. Caput laureatum.*

----- ΚΑΡΔΙΑΝΩΝ. Β. ΝΕΩΚΟΡΩΝ. *Sardianorum iterum Aedituorum. Figuræ Pactoli fluvii decumbens, d. arundinem, s. urnam.*

Σάρδεις πόλις Λυδίας . . . ὁ πολίτης Σαρδιανός. *Sardes Urbs Lydia . . . Incola Sardiani dicuntur. Ita STEPHANUS. De fluvio PLINIUS Lib. 5. Lydia celebratur Sardibus, in latere Tmoli montis, & ex eo profluente Pactolo, eodemque Chrysorrhoa. Magni moduli numus est.*

CVII.

----- Inscriptio capitis vetustate extrita est: Caput laureatum Septimii Severi.

ΤΡΑΠΕΖΟΥΝΤΙΩΝ. ΕΑΡ. *Trapezuntiorum, anno 135. Deus Lunus Eques, pileo Phrygio caput tectus.*

Clariss. Patinus, & Vaillantius similem medii æris numum, si typum aversæ partis sine epocha spectemus, protulerunt. Patinus ex Epigraphe ΤΡΑΠΕΖ. feliciter coniecit: ΤΡΑΠΕΖΟΥΝΤΙΩΝ. legendum esse. Vaillantius ΤΡΑ-
ΠΕ-

ΠΕΖΟΤΠΟΛΕΩC. reddidit, ac ad Trapezopolin Phrygiæ re-
tulit. Vereor ne ΤΡΑΠΕΖ. vel ΤΡΑΠΕΖΟΥ. in numo lectum,
Vaillantius compleverit. Utut sit, noster hic ad Trape-
zuntem certo pertinet, Ponti Cappadocici urbem; cum
ΤΡΑΠΕΖΟΥΝΤ. perspicue legatur. Præterea annorum notæ,
quæ a nemine, quod sciam, hæcenus in ære veteri de-
prehensa sunt, hic integræ comparent.

Trapezuntiorum æra statuenda videtur anno V. C.
816. Æræ Christianæ 63. Neronis decimo, ab autumno:
quo anno celebre illud in Armenia bellum, adversus Volo-
gesen Parthorum Regem, & ejus fratrem Tiridaten ge-
stum, a Corbulone honorifice terminatum est, & coactus
est Tiridates detractum capiti diadema Neronis imagini
substernere. Refert hæc THEODOSIUS *ex Dionis Lib. 62. &*
TACITUS Lib. 15. Annal. cap. 26. Hoc vero in bello Trape-
zuntios magno Romanis auxilio fuisse, idem scriptor *Lib.*
13. cap. 39. ita enarrat: *Rex (Tiridates) sive fraudem susce-*
ptans, quia plura simul in loca ibatur, sive ut comitatus no-
stros Pontico mari, & Trapezunte adventantes interciperet,
propere discedit. Quare Privilegiis ornata Trapezus ab hoc
fortasse anno (quo videtur Pontus Polemoniacus, teste
SÆTONTIO *in Nerone cap. 18.* in Provinciæ formam redactus
esse) æræ hujus suæ initium duxerit. Nam si anno V. C.
816. adjungas 135. numo insertos, devenies ad annum
V. C. 951. usque ad autumnum, qui fuit Imperii Septimii
Severi sextus.

Trapezuntem TACITUS *Lib. 3. histor. cap. 47.* *Vetustam*
Asia civitatem, a Græcis in extreme Pontica ora conditam,
appellat. STEPHANUS: *Τραπεζῆς πόλις πρὸς τῷ Βουζείῳ Πόρῳ Σι-*
νωπέων ἀποικος . . . ὁ πολίτης Τραπεζάντιος. *Trapezus urbs ad*
Pontum Euxinum, Sinopensum Colonia. Incola Trapezun-
tius dicitur.



CVIII.

Α. ΣΕΠΤ. ΣΕΟΤΗΡΟΣ. ΠΕΡΤΙΝ. ΣΕ. *Lucius Septimius Severus Pertinax Augustus. Caput laureatum.*

ΤΡΟΙΖΗΝΙΩΝ. *Træzeniorum. Victoria gradiens, d. fer-
tum, f. palmæ ramum.*

STEPHANUS; Τροιζὴν πόλις Πελοποννήσου, τὸ ἔθνηκόν Τροιζήνιος. *Træzen urbs Peloponnesi, gentile Træzenius.* Verum duas ejus nominis urbes Peloponnesus complectebatur, quarum altera minus nota, in Messenia a Ptolemæo locatur: altera celebrior in Argolide erat; præter alios PAUSANIAS in *Corinth. cap. 30.* ita de ea: Ἴκουν δὲ οἱ παῖδες μάλλον, οἱ Πέλοπος σημεῖαν δὲ, ἀποθανόντος γὰρ Τροιζήνος, Πιθῶς τῇ γυνὴ πάλιν, συναγαγὼν τὰς ἀνδρώπεις, ὠνόμασεν ἀπὸ τῆς ἀδελφῆς Τροίζης, συλλαβὴν ἑπηρεῖαν τε, καὶ Ἀνθίαν. *Invenerunt autem Pelopis filii; cujus indicium erat, quod Træzene e vivis sublato, Pitheus eam, quæ nunc est, urbem a fratris sui nomine Træzenem dixerit, congregans populos, & Hyperiam, Anthiamque in unam urbem conjungens.* Ad hanc, quippe celebriorem Træzenem, numos ΤΡΟΙΖΗΝΙΩΝ, & nostrum etiam refero, qui mediæ formæ est.

CIX.

ΑΥΤ. Κ. Α. ΣΕΠΤ. ΣΕΤΗΡΟΣ. Π. *Imperator Caesar Lucius Septimius Severus Pertinax. Caput laureatum.*

ΦΙΛΙΠΠΟΠΟΛΕΙΤΩΝ. *Philippopolitarum. Hygia stans, d. serpentem, f. pateram; a dextris adstat Telesphorus, solito vestitu ornatus.*

Telesphorus credebatur morbis finem, seu perfectam sanita-

nitatem adferre, quasi τὸ τέλος φέρειν. De ejus cultu PAUSANIAS *Corinth. cap. 11.* τῷ δὲ Ἀλεξάνορι, καὶ Ἐυαμερίωνι; καὶ γὰρ τῆτοις ἀγάλματά ἐστι, τῷ μὲν ὡς ἥρωι, μετὰ ἥλιον δυνάμτα ἐναγίζουσιν Ἐυαμερίωνι δὲ ὡς θεῷ θύουσιν. Ἐι δὲ ὁρθῶς ἐικάζω, τὸν Ἐυαμερίωνα τῆτον Περγαμηνὸν Τελεσφόρον ἐκ Μαντεύματος, Ἐπιδάυριοι δὲ Ἀκίσιον ὀνομάζουσι. *Alexanori, & Evamerioni (quando & horum simulacra habentur) illi quidem, ut Heroi, post solis occasum sacra faciunt; Evamerioni vero tanquam Deo sacrificant. Atque, si recte conjicio, Evamerionem hunc Pergameni Telesphorum, ex Oraculo quodam, appellant: Epidaurii autem Acesium Eandem fere notionem, ac Τελεσφόρος, habent alia duo nomina Ἐυαμερίων, seu Ἐυημερίων, & Ἀκίσιος, salubres dies, & sanitatem præstans. Medii moduli numus est.*



CX.

ΙΟΥ. ΔΟΜΝΑ. CΕΒ. *Ἰουλία Δόμνα Σεβαστή. Julia Domna Augusta. Caput Juliæ, uxoris Septimii Severi.*

ΓΑΖΑ. ΕΙΩ. *Gaza, Jo. Duæ figuræ muliebres stantes, dextras jungunt: earum altera capite turrato: in medio character ignotus. †*

IN Palæstina, post recensitam Azotum, & Ascalonem, Gazæ meminit STRABO, *Lsb. 16.* Ἐστ' ὁ Γαζαίων λιμὴν πλησίον. *Deinde in propinquo est Gazensium portus. Gazam Jonen dictam esse, a maritimo Jus in eam urbem adventu, e Stephano erudite, cum aliis pluribus Gazæ memorabilibus, adnotavit Eminentissimus NORISIUS de Epochis Syromaced. Dissert. 5. cap. 3.* Nullum hujus urbis numum, hac

sub Julia, Vaillantius attulit; noster parvi moduli est, in quo Annorum notæ, inscribi solitæ, non comparent.



CXL

ΙΟΥΛΙΑ. ΑΥΓΟΥΣΤΑ. *Julia Augusta.* Caput Domne.
ΔΑΜΑΣΚΟΥ. ΜΗΤΡΟΠΟΛΕΩ. *Damasci Metropolis.* Caput muliebre in templo tetrastylo.

DAmascus celebris Syriæ Phœnicis urbs (de qua in Appendicula ad numos Coloniarum jam quæpiam adnotavimus) *Colonia, Metropolis, & Sacra* titulis diverso in ære insignis comparet. Templi typus in hujus urbis numis rarus est. Caput illud Dæ Syriæ, seu Astartes esse existimo, cui ædes ista sacra fuerit. Laudat sane Damascus a templorum magnificentia JULIANUS IMPERATOR, *Epist. 24. ad Serapionem*: Τὴν Ἱερὰν, καὶ μεγίστην Δάμασκον λέγου, τοῖς τε ἄλλοις ἅπασιν, ὅιον ἱερῶν καλεῖται, καὶ νεῶν μεγίστην ἡκῶσαν. *Sacram, maximamque Damascus dico, aliis omnibus & sacrorum decore, & magnitudine templorum superiorem.* Numus est medii moduli.

CXII

ΙΟΥΛΙΑ. ΣΕΒΑΣΤΗ. *Julia Augusta.* Caput ejusdem.
ΙΟΥΛΙΟΠΟΛΕΙΤΩΝ. *Julio-politarum.* Lunus eques, pileo Phrygio caput rectus; a tergo Lunæ falcatæ signum.

Julio-politæ isti diversi esse videntur a Juliensibus, qui in Phrygia collocantur. Nam Julio-politarum singillatim in Bithynia meminit PLINIUS *Lib. 5. Intus in Bithynia*
Co-

Colonia Apamena, Agrippenses, Juliopolita. Numus est medie formæ.

CXIII.

ΙΟΥΤΑ. ΔΟΜΝΑ. CEB. *Julia Domna Augusta.* Caput ejusdem.
ΛΑΟΔΙΚΕΩΝ. *Laodicensium.* Ceres videtur, altera manu spicas, altera facem ferens.

L Aodicea, ad quam hic numus refertur, in Cariae, & Phrygiae confiniis sita erat; eandem alluebant Lycus, & Caper fluvii: uti exhibet numus Commodi, in Gaza Regis Galliarum, qui amborum fluviorum nomina, & simulacra exhibet: ΛΑΟΔΙΚΕΙΑ ΑΥΚΟC. ΚΑΠΡΟC. *PLINIUS Lib. 5.* tertium adjicit Asopum fluvium. Huic Laodiceae attribui solent numi, ΛΑΟΔΙΚΕΩΝ. inscripti, sine aliis titulis, aut disterniculis adsignatis. Est numus parvi moduli.



CXIV.

ΙΟΥΤΑΙΑ. ΔΟΜΝΑ. CEBΑ. *Julia Domna Augusta.* Caput ejusdem.

ΝΙΚΟΜΗΔΕΩΝ. ΔΙC. ΝΕΩΚΟΡΩΝ. Mulier stans, d. pateram, f. hastam; a sinistra incusum signum Monetarii, uti videtur.

Nicomedia percelebris Bithypiae urbs; de ea *STEPHANUS: Νικομηδεία πόλις Βιθυνίας, ὁ πολίτης Νικομηδεύς. Nicomedia urbs Bithynia, incola Nicomedeus.* Eam ita extollit *ZOSIMUS Lib. 1. Νικομηδίαν μεγίστην ἔσαν, καὶ εὐδαίμονα, διὰ τε πλεον, καὶ τὴν εἰς ἅπαντα ὑπομαρτυράτην. Nicomediam, qua*

maxima est, & felix, atque opibus, omniumque rerum affluentia celeberrima. Numus est mediæ formæ.

CXV.

ΙΟΥΑ. ΔΟΜ. ΣΕΒΑΣΤ. *Julia Domna Augusta. Caput ejusdem.*

ΝΙΚΟΠΟΛΙΤ. ΠΡΟΣ. ΙΣΤΡΟ. *Nicopolitarum ad Istrum. Corbis vimineus, frugibus refertus, anni, aut soli fecunditatem indicans. Numus parvi moduli est.*

CXVI.

ΙΟΥ. ΔΟΜ. ΣΕΒΑΣΤ. *Julia Domna Augusta. Caput ejusdem.*

ΝΙΚΟΠΟΛΙΤΩΝ. ΠΡΟΣ. ΙΣΤ. *Nicopolitarum ad Istrum. Aquila rupi insistens, lauream rostro gerit. Parvi moduli numus.*



CXVII.

ΙΟΥΑΙΑ. ΔΟΜΝΑ. ΣΕΒ. *Julia Domna Augusta. Caput ejusdem.*

ΟΥΑΠ. ΝΙΚΟΠΟΛΕΩΣ. ΠΡ. ΜΕΣΤ. 'Ουλπίας Νικοπόλεως πρὸς Μεσση. *Ulpia Nicopolis ad Mesum. Diana gradiens; typus habetur in Faustinae numo Cyziceno.*

IN mediterraneis Thraciæ hæc urbs a Ptolemæo locatur: *Νικόπολις ἡ περὶ Νέσσον*. Ubi certe *Νέσσον* scribarum esse mendum existimo; cum in Numis non nisi ΜΕΣΤΩ, aut ΝΕΣΤΩ legatur; atque adeo nomen fluvii *Messus*, aut *Nessus*, non vero *Nessus*, vel *Nessus* erat. Rari sunt hujus urbis numi, & sub Julia Domna nullum Vaillantius offendit; noster est medii moduli.

CXVIII.

CXVIII.

ΙΟΥΛΙΑ. ΔΟΜΝΑ. CE. *Julia Domna Augusta.* Caput ejusdem.

ΠΑΥΤΑΛΙΩΤΩΝ. *Pantaliotarum.* Diana gradiens, ad pedes canis. Typum vide in Numo Caracallæ Ἀδριανοπρωλετῶν.

DE Pautalia, & Pantaliotis dictum est ad M. Aurelii numum: hic mediæ formæ est.

CXIX.

Eadem Capitis inscriptio, & figura, quæ in antecedente.

ΠΑΥΤΑΛΙΩΤΩΝ. *Pantaliotarum.* Mulier stans, tutulato capite, d. temonem globo insistentem, s. Cornu Copiæ. Mediæ formæ est.



CXX.

ΙΟΥΛΙΑ. ΔΟΜΝΑ. CE. *Julia Domna Augusta.* Caput ejusdem.

ΟΥΑΠΙΑC. CΕΡΑΙΚΗC. *Ulpia Serdica.* Venus investis stans, altera manu pectus, altera tegenda tegit.

Videri posset in hoc medii moduli numo Veneris Cnidiæ simulacrum referri; nisi altera manu pectus tegeret, quod in Cnidiorum numo, & simulacro non item est.



CXXI.

Eadem, quæ in præcedente, utriusque partis inscriptio.

Pallas stans, capite galeato, d. scutum, f. hastam præpilatam. Est ex ære medio perelegans.

CXXII.

ΙΟΥΛΙΑ. ΔΟΜΝΑ. CΕ. *Julia Domna Augusta*. Caput ejusdem.

ΜΗΤΡΟ. ΦΙΛΙΠΠΟΠΟΛΕΩC. *Metropolis Philippopolis*. Caput muliebri turritum, & velatum. Numus est mediæ magnitudinis.

CXXIII.

--- ANΤΩΝΕΙΝΟC. *M. Aurelius Antoninus*, Severi filius, dictus Caracalla; caput laureatum ejusdem.

ΑΔΡΙΑΝΟΠΟΛΕΙΤΩΝ. *Hadrianopolitarum*. Bacchus nudus stans d. botrum, f. thyrsus; caput videtur coronatum.

H Adrianopolis, suo etiam nunc nomine celebris, Thraciæ urbs, olim Orestia dicta est, atque in Hadriani Augusti honorem nomen mutavit, teste ÆL. LAMPRIDIO in *Elagab*. Bacchi cultum in Thracia floruisse credibile est, tum ob vini generosi proventum; tum ob id, quod refert APOLLODORUS *Lib. 3.* Διελθὼν δὲ Θράκην, καὶ τὴν Ἰνδιάν ἀπασαν, εἰς τὴν ἐκείνην ἦκεν εἰς Θήβας. *Bacchus, peragrata Thracia, atque India omni, statutis illis columnis, venit Thebas.* Numus est parvi moduli.

CXXIV.



CXXIV.

ΑΥΤ. Κ. Μ. ΑΥΡ. CΕΥ. ΑΝΤΩΝΕΙΝΟC. Ἀυτοκράτωρ Καῖσαρ Μάρκος Ἀυγέλιος Σευῆρος Ἀντωνεῖνος. *Imperator Caesar Marcus Aurelius Severus Antoninus.* Protome Caracallæ d. hastam, & s. scutum ostentantis.

ΑΔΡΙΑΝΟΠΟΛΕΙΤΩΝ. *Hadrianopolitarum.* Diana venatrix gradicens, ad pedes canis. Mediæ magnitudinis numus.



CXXV.

ΑΝΤΩΝΙΝΟC. ΑΥΤΟΥCΤΟC. *Antoninus Augustus.* Caput laureatum Caracallæ.

ΜΗΤΡΟΠΟΛΕΩC. ΑΝΚΥΡΑC. *Metropolis Ancyra.* Figura sedens muliebri vestitu, d. urnam Certaminum porrigit, ex qua ramus palmæ emicat, s. anchoræ innititur.

Ancyra alia Phrygiæ erat, quæ etiam (uti alibi mentio inciderat) Ἀγκυρα Συναῦς, *Ancyra ad Synaum*, compellata fuerat. Sed hanc metropolim fuisse, non constat. Altera Ancyra, cui nostrum, magni moduli, numum adscribimus, Galatiæ metropolis erat. *Notitia Eccles.* Ἐπαρχία

χία

χία Γαλατίας Ἀγκυρα μητρόπολις. *Provincia Galatia*
 *Ancyra Metropolis* Numi hujus, & ejus, quem
 sub Septimio Severo retulimus, typus anchoram exhibet,
 cui hic Genius urbis innititur, ludos celebratos porrecta
 urna indicans. Anchora vero Græcis Ἀγκυρα nomen ur-
 bis, ejusque originem denotat; qua de re ita PAUSANIAS
Attic. cap. 4. Ἦν Μίδας ὁ Γορδίου πρότερον ἔκτισεν. Ἀγκυρα δὲ, ἣν ὁ
 Μίδας ἀνεύρεν, ἣν ἔτι καὶ ἐς ἐμὰ ἐν ἱερῷ Διός. *Quam urbem Midas,*
Gordii filius, primum extruxit. Anchora vero, quam Midas
invenerat, meo adhuc tempore in templo Jovis extabat.



CXXVI.

ΑΤΤ. ΚΑΙCΑ. ΑΝΤΩΝΕΤΝΟC. *Imperator Caesar Antoninus.*
 Caput laureatum Caracallæ.

ΠΟΜΠΗΤΩΝ. ΓΑΔΑΡΕΩΝ. ΕΤ. ΝΟC. *Pompeitarum*
Gadarensum anno 277. Nam τὸ Ν. ἐστὶ Ζ. alio situ inscul-
 ptum. Navis, multis remigibus instructa, & vexillo
 proræ imposito: in puppi figura seorsum sedens.

Nullum Gadarensum numum sub Caracalla Vaillan-
 tius exhibet; neque ullus, quod sciam, hætenus
 productus est, qui cognomen ΠΟΜΠΗΤΩΝ, integre expressum
 ostenderit. Nam in Gadarensum ære hætenus tantum
 ΠΟΜΠ. repertum est, quod Eruditissimus Norisius ΠΟΜΠΗΤΩΝ
 integre reddendum putavit.

Gadaram FLAV. JOSEPHUS *Lib. 13. Antiqu. cap. 21.* in
 Coelesyria locat: idemque *Lib. 14. cap. 4.* auctor est Ga-
 daram a Pompejo *institutam fuisse, qua paullo ante eversa*
fuerat.

fueraſt. καὶ γὰρ αὐτὰ μὲν, μῆλλον ἐμπροσθεν κατασκευαίσαν, ἀνέκλισε.
Hinc merito Epocham, Gadarenſium in ære ſignatam, ab
ab hac inſtauratione orditur Eminentiff. Noriſius, atque
ejusdem initium autumnō anni V. C. 690. affigit, quo
Pompejum in Syria Cœle fuiſſe e Dione, & Joſepho conſtat.

Congruit cum hac epocha noſter, magni moduli, num-
mus, in quo legitur annus 277. Nam ſi annis V. C. 690.
addas 277. habes annum V. C. 967. uſque ad autumnum,
qui fuit Caracallæ tertius, poſt mortem Patris. Triremis
in hoc numo expreſſa forma etiam in Elagabali numis re-
peritur; qua Doctiſſimus P. Harduinus aut, ut communi
ſymbolo, felicitatem, aut proprio, Pompeji adverſus Pira-
tas celeberrimas victorias indicari exiſtimat.

CXXVII.

AT. KAI. M. ATPH. ANTΩNINOC. *Imperator Caſar Marcus
Aurelius Antoninus.* Caput laureatum Caracallæ.

ΖΗΛΙΤΩΝ. ΤΟΤ. ΠΟΝΤ. ΕΤ. CMB. *Zelitarum in Ponto,
Anno 242.* Templum ſex columnarum, peregrina Archite-
ctonices methodo conſtruictum.

ZEla Ponti ad Cappadociam urbs, de qua STRABO L. 12.
Ἡ δὲ Ζηλίτις ἔχει πόλιν Ζηλὰ, ἐπὶ χώματι Σεμिरάμιδος τετε-
χισμένην, ἔχουσαν τὸ ἱερόν τῆς Ἀναϊτιδος. *Zelitis regio urbem ha-
bet Zela, in aggere Semiramidis extruictam, in qua habetur
templum Anaitidos.* Summam porro iſthic fuiſſe Anaiti-
dos venerationem, idem auctor paullo inferius, & Lib. 11.
declarat: Ἐς δὲ ἱεροδύλων πόλις μα τὸ πλέον. *Urbs hac a ſacri-
ficulis maximam partem incolitur.* Quare nullus dubito in
hoc noſtro mediæ formæ numo celebre illud Anaitidos
templum referri. Quæ porro Dearum Anaitis diſta ſit,
apud PAUSANIAM in *Laconicis cap. 16.* rep̄ri: καὶ τὸ διαμεμέ-
νηκεν ἔτι καὶ νῦν τηλικῶτο ὄνομα τῇ Ταυρικῇ Θεῷ ὥς αἰμφοῖς ἑταῖσι μὲν
καππαδοκίαις, καὶ οἱ τὸν Ἐυξείνον οἰκῶντες, τὸ ἄγαλμα εἶναι παρὰ σφίσι·
Ἀμφισθενταῖσι δὲ καὶ Λυδῶν, οἷς ἐστὶν Ἀρτέμιδος ἱερόν Ἀναϊτιδος, *Et*

etiamnum nomen istud *Taurica Dea* (Dianæ) permansit; atque adeo dubitant *Cappadoces*, & *Euxini* accola: siue apud se illud *Dea* signum? Dubitant etiam *Lydi*, qui *Diana Anaitidos* eadem habent. *Anaitis* *Diana* dicta est, uti opinor, quod nulla certa, ac fixa habitatione uteretur, per silvas errare solita, uti ab HORATIO: *Montium Custos, nemorumque Virgo*, salutatur. Nam *vaiv*, vel *vau* habitare significat, unde *Anaitis* habitatione carens formari poterat.

Rarioribus. accensendi sunt *Zelitarum* numi, cum tres tantum *Vaillantius* protulerit; Idem *Vir Cl.* initium æræ *Zelitarum* ducit ab anno V. C. 707. quo *Cæsar Pharnacem* vicit. 707 + 242 = 949 quo anno usque ad autumnum fluxit annus *Zelitarum* ducentessimus quadagesimus secundus, *Antonini Caracallæ*, constituti *Imperatoris*, primus. Mallem tamen *Epochæ* originem a *Pompejo* deducere, qui teste STRABONE *Lib. II. & 12.* *Zela*, conductis habitatoribus urbem constituit. Tum vero æra hæc inchoaretur an. V. C. 706. quo necatus est *Pompejus*. Poterat vero *Caracalla* an. 948. ΑΤΤΟΚΡΑΤΩΡ. signari, cum eo anno in latinis ejusdem numis legatur: DESTINATO. IMPERATORI. Severo autem tum in *Mesopotamia* bellum gerente, multo antea *Zelitæ*, quam *Romani Caracallam Imperatorem* in ære suo salutare potuerant.

CXXVII.

ΑΤΤΟΚΡΑΤΩΡ. Κ. Μ. ΑΤΡ. ΑΝΤΩΝΙΝΟC. *Imperator Cæsar, Marcus Aurelius Antoninus.* Caput *Caracallæ* laureatum.

ΘΕΑC. CYPIAC. ΙΕΡΟΠΟΛΕΙΤΩΝ. *Dea Syria Hieropolitarum.* *Cybele* sedens inter duos leones, d. sceptrum, capite turrato.

Hierapolis, seu Hieropolis altera *Phrygiæ*, altera *Syriæ* erat in *Cyrrhestica* regione. Ad *Syriacam* hic mediæ formæ numus referendus est, quod inscriptio prodit. Quod vero *Cybele* cum inscriptione ΘΕΑC. CYPIAC. *Dea Syria*,

Syria, exhibeatur, quo nomine alioqui *Astarte* venit, cui leones non attribuuntur; id ita solvit P. Harduinus: Cybelem compellari titulo ΘΕΑC. CΥPIAC. ita, ut vocetur Dea Syriae CΥPIAC. & non Dea Syria, vel Syriaca, quod *Astarten* denotet. Verum Syriam etiam Deam fuisse ab Hieropolitanis cultam, & situm ejus urbis adnotavit STRABO *Lib. 16.* Ὑπὲρκεται τῷ ποταμῷ σχολὺς τέτταρας διέχουσα ἡ βαμβύκη, ἣν καὶ Ἑδεσσαίαν, καὶ Ἱερῶν Πόλιν καλεῖσιν, ἐν ᾗ Τιμῶσι τὴν Σὺνταν θεῶν τὴν Ἀτεργάτιν. *Trans flumen (Euphraten) quatuor Schænorum spatium est Bambyce, quam etiam Edessam, & sacram urbem (Hieropolin) appellant. In ea Syriam Deam colunt, Atargatin dictam. Atergatis, seu Atargatis eidem Straboni est Athara: ubi quidam existimant Astartem legi oportere; ut sit propinquius τῷ Astarot, quæ est Astarte, Dea Syria. Nullum hujus urbis numum, sub Caracalla cufum, vidit Vaillantius.*



CXXIX.

ΑΥ. ΚΑΙ. Μ. ΑΥΡΗ. ΑΝΤΩΝΙΝΟΣ. *Imperator Caesar Marcus Aurelius Antoninus. Caput laureatum Caracallæ.*

ΜΗΤΡΟΠΟΛΙΣ ΚΑΙΣΑΡΙΑΣ. ΕΤ. ΙΔ. *Metropolis Casarea, anno 14. Mons Argæus, cujus vertici corona laurea insistit.*

DE hac urbe PLINIUS *Lib. 6. Cappadocia habet sub monte Argæo Mazacam, quæ nunc Casarea nominatur. Cur nomen mutaverit, SEXTUS RUFFUS cap. 11. ita refert: Ita Majestatem Romanam coluisse (Cappadoces) ut in honorem*

Augusti Caesaris, Mazaca, civitas Cappadocia maxima, Caesarica nuncuparetur. Ea nominis mutatio sub Tiberio facta teste EUTROPIO Lib. 7. & EUSEBIO in Chronico. Mazacam Metropolin compellat STRABO Lib. 14. Annus 14. in hoc, medii moduli, numo notatus, indicat annum quartum decimum Imperii Caracallæ.

CXXX.

AT. KAI. M. ATP. ANTΩNINOC. *Imperator Caesar Marcus Aurelius Antoninus. Caput laureatum Caracallæ.*

MHTPOΠO. KAICAPI. KOINOC. ΦΙΛΑΔΕΛΦΙOC. ET. ΙΔ. *Metropolis Caesarica, Commune Certamen, Fraternali Amori sacrum: anno 14. Mons Argæus, flammam emittens, intra duas urnas Certaminum, in quarum utraque ramus.*

Montem Argæum ignes erupisse, testatur STRABO Lib. 12. Ὁ Ἀργαῖος ἔχει περιεχόμενον δρυμόν, ὥστε ἐγγύθεν ἃ ξύλισμος πάρεστιν· ἀλλ' οἱ ὑποκείμενοι τῷ δρυμῷ τόποι, καὶ αὐτοὶ πολλαχῇ πυρὰ ἔχουσιν. *Habet Argæus circumpositam silvam, ut e vicinia ligna petere liceat: sed loca, silva illi subiecta, ipsa quoque passim ignem continent. Ignem vero, quem emittebat mons, fatuum fuisse potius, quam verum, ex iis colligo, quæ paullo inferius de hoc monte STRABO: Ἐστὶ δ' ὅπου καὶ ἐλῶδις ἐστὶ τὸ ἴδιον, καὶ νύκτωρ ἐξάπλονται φλόγες ἀπ' αὐτοῦ. Est etiam alicubi solum palustre, atque ex eo noctu flamma profliunt.*

Sub illis vocibus KOINOC. ΦΙΛΑΔΕΛΦΙOC. subauditur ATΩN. *Certamen; quod etiam urnulae cum ramo indicant. Legitur in Commodi Numo apud R. P. Harduinum, ΙΕΡOC. ΑΓΩΝ. ΝΙΚΑΙΕΩΝ. Sacrum Certamen Nicaeense. De Agonis institutione ita AULUS GELLIIUS Noct. Attic. Lib. 10. cap. 18. Id monumentum Artemisia, cum Diis Manibus Mausoli dicaret, Ἀγῶνα, id est, Certamen laudibus ejus dicendis facit: ponitque premia pecuniae, aliarumque rerum amplissima. Inter praemia Agonum palmae ramos fuisse, victoriae signa, refert SUXTONIUS in Augusto, & in Claudio. Agon, in hoc, medii*

medii moduli, numo exhibitus, Honoribus Caracallæ, & Getæ, Germanorum fratrum, & optandæ inter eosdem Concordiæ dicatus est.

CXXXI.

ΑΤΤ. Κ. Μ. ΑΤΡ. CETH. ANTONINOC. *Imperator Caesar Marcus Aurelius Severus Antoninus. Caput laur. Caracallæ.*

--- Υ. ΤΕΡ ΙΑΝΥ. ΜΑΡΚΙΑΝΟΠΟΛΙΤ . . Sub
. . . . *Tertulliano Marcianopolitarum. Figura muliebris stans, d. pateram, f. hastam.*

Nomen Magistratus vetustate extritum est; cognomen vix aliud esse potest, quam *Tertulliani*, vel *Terentiani*; notatu dignus est character Υ pro ου, qui in ære signato horum temporum est admodum rarus, neque in vetustioribus numis me conspexisse memini. Est numus mediæ magnitudinis.



CXXXII.

ΑΝΤΩΝΙΝΟC. ΑΥΤΟΥCΤΟC. ΔΩΝΑ. *Antoninus Augustus, Domna. Caput Caracallæ laureatum, & Juliæ Matris, adversis vultibus.*

ΥΠΙ. ΚΥΝΤΙΑΙΑΝΟΥ. ΜΑΡΚΙΑΝΟΠΟΛΙΤΩΝ. Sub *Quintiliano, Marcianopolitarum. In area Ε. Mulier stans, d. temonem, f. Cornu Copiæ. Numus mediæ formæ.*

CXXXIII.

ΑΝΤΩΝΙΝΟC. ΑΥΤΟΥCΤΟC. ΙΟΥΛΙΑ. ΔΟΜΝΑ. *Antoninus Augustus, Julia Domna.* Capita adverſa Domnæ, & Caracallæ laureatum.

ΤΠ. ΚΥΝΤΙΑΙΑΝΟΥ. ΜΑΡΚΙΑΝΟΠΟΛΙΤΩΝ. *Sub Quintiliano Marcianopolitarum.* In arca Ε. Figura muliebris ſtans, tutulato capite, d. pateram extendit ſuper aram adpoſitam, ſ. Cornu Copiæ geſtat. Mediæ formæ numus eſt.



CXXXIV.

ΑΥΤ. Κ. Μ. ΑΥΡ. ΑΝΤΩΝΕΙΝΟC. *Imperator Caesar Marcus Aurelius Antoninus.* Caput laureatum Caracallæ.

ΕΠΙ. ΑΙΛΙΑΝΟΥ. ΜΙΑΗCΙΩΝ. *Sub Æliano Mileſiorum.* Apollo nudus ſtans, capite radiato, d. pateram, ſ. arcam.

Diximus in M. Aurelio, Apollinem una cum Diana cultum eſſe a Mileſiis. Videtur & hic arcus Dianæ Venatricis ſignum eſſe. Apollo, ſeu Phoebus capite radiato ſolem denotat, Diana cum arcu Lunam: quæ duo aſtra primi Idololatæ adoravere, variis ſubinde formis, ſimulacris, & nominibus ad cultum propoſita. Mediæ magnitudinis eſt hic numus.

CXXXV.

CXXXV.

ΑΝΤΩΝΕΙΝΟΣ. ΑΥΤΟΥΤΟΣ. *Antoninus Augustus. Caput laureatum Caracallæ.*

ΝΙΚΑΙΕΩΝ. *Nicaenſum.* Bacchus nudus ſtans, dextra elevata vitem attollit, utrimque defluentem; ſiniſtram protendit, ſub qua figura, Satyro ſubſilienti ſimilis, dextra lituum geſtans: ad pedes Bacchi tigris.

Figura illa cum lituo, ſeu virga paſtoritia, aut Silenus eſſe poteſt, aut Satyrus, aut ipſe Pan. Silenus, etſi alioqui cum hircino utre a tergo compareat, lituum geſtat; quod vaticinaretur etiam, ſed non niſi vinctus. *PLUTARCHUS Conſolat. ad Apollon.* Τὸτο δὲ φησιν Ἀριſτοτέλης, καὶ τὸν Σιληνὸν ſυλλαφθέντα τῷ Μίδᾳ ἀποφηνῆσαι. *Ariſtoteles hoc refert: Silenum comprehenſum, Midæ Vaticinatum eſſe.*

Satyro etiam lituus, ſeu paſtoritius baculus convenit; cum Paſtoritia, & Ruſtica Numina Fauni, & Satyri habeantur. Bacchi porro comites fuiſſe Satyros, *APOLLONORUS Lib. 3.* refert, ubi de Baccho, in Thracia male accepto, hæc narrat: Βάχχαι δὲ ἐγένοντο ἀρχυάλωτοι, καὶ τὸ ſυνεπόμενον Σατύρων πλῆθος αὐτῶ. *Bacche autem capta ſunt, & Satyrorum multitudo, qui ipſum (Bacchum) ſequēbantur.* Neque quidquam fere intereſt: Satyrum, an Silenum dicas hic referri; Quando *atate provectiores Satyros, Silenos dicunt:* teſte *PAUSANIA Attic. cap. 23.* Τὰς γὰρ ἡλικίας τῶν Σατύρων προσηκόντας ὀνομάζουσι Σαληνός. Et Satyri ipſi apud *OVIDIUM Lib. 3. Faſtor.* Silenum Patrem ſuum agnoſcunt:

Concurrunt Satyri, turgentiaque ora Parentis

Rident, percuffo claudicat ille genu.

Denique & Pan, Deus paſtorum, & Silvarum habitus, virgam paſtoritiam oſtentare ſolet; eumque a Bacchi comitibus unum Baccho addiſſimum, ac intimum fuſe deſcribit *LUCIANUS Dial. Panis, & Mercurii.* Medii moduli numus eſt.

CXXXVI.

- - - M. ATPHA. ANTON^ΕINOC. AYT. *Marcus Aurelius Antoninus Augustus. Caput laureatum Caracallæ, facie inberbi: ad occiput impressum signum figuræ stantis.*

CEΘHP^ΕIA. ΦΙ. NIKAI^ΕQN. *Severiana, & Philadelpha, id est, Fraternali amoris sacra Certamina Nicaenarum. Vir stans d. urnam ludorum attinet.*

Numus est mediæ formæ. De ludis his dictum est ad numum Nicæensem Septimii Severi.



CXXXVII.

ANTON^ΕINOC. AYTOTCTOC. *Antoninus Augustus. Caput laureatum Caracallæ.*

NIKAI^ΕQN. *Nicaenarum. Serapis stans, d. elata, s. baculum, aut virgam mensuriam attinet, ad pedes ara: est capite tutulato.*

DE capite Serapidis dictum alibi: dextram elevat concionantis ritu; quod mortales a feritate ad civilem societatem traduxerit, & vitis, ac tritici plantationem, cultum, atque usum docuerit. Narrat hæc de Osiride DIODORUS SICULUS *Lib. 1.* duobus in locis. Porro autem Osirin, etiam Serapin fuisse existimatum, idem Diodorus ita perhibet: Τὸν δὲ Ὅσιριν οἱ μὲν Σάραπιν, οἱ δὲ Διόνυσον . . . γενομένησι. *Osirin autem alii Sarapin, alii Bacchum . . . esse censuerunt.* Baculum, seu virgam, quam sinistragestat Sarapis, virgam mensuriam esse puto, qua certis in locis

Nili

Nili exundantis altitudinem, atque inde anni ejus fecunditatem explorant Ægyptii. Osiris enim, seu Sarapis Nilum, omnem Ægyptum inundationibus obruentem, domuit, & Ægyptiis utilissimum effecit, teste DIODORO *Libro cit.* Τὸν μὲν ἐν Ὀσίριον παραγενόμενον ἐπὶ τὰς τῆς Ἀιθιοπίας δευς τὸν ποταμὸν ἐξ ἀμφοτέρων τῶν μερῶν χώμασιν ἀναλαβεῖν, ὥστε κατὰ τὴν πλήρωσιν αὐτῆ τὴν χώραν μὴ λιμνάζειν παρὰ τὸ συμφέρον, ἀλλὰ διὰ τινων κατασκευασμένων θυρῶν εἰσαφίεσθαι τὸ ῥεῦμα, καθόσον αὐτῇ ἡ χεῖρα. *Osirin igitur, in Æthiopiam profectum, ferunt fluvium illum fossis utrimque factis ita continuisse; ut affluxu suo increscente non plus, quam utile foret, inundare terras illas posset; sed per paratos quosdam meatus tantum aquæ, quantum oporteret, immisisse.* Atque idcirco virga, vel pertica Nilometrica Serapidi tributa videtur. Numus est magni moduli.



CXXXVIII.

Eadem, quæ in priori numo, utriusque partis inscriptio, idem caput.

Jupiter stans, d. pateram, s. hastam, ad pedes aquila. Numus magni moduli.

CXXXIX.

Idem caput, & eadem utrimque inscriptio.

Jupiter sedens, d. pateram, s. hastam, ad pedes aquila. Magnæ formæ.

CXL.

ΑΝΤΩΝΕΙΝΟC. ΑΥΤΟΥCΤΟC. *Antoninus Augustus. Caput laureatum Caracallæ.*

ΤΥΧΗ. ΑΓΑΘΗ. ΝΙΚΑΙΕΩΝ. *Bona Fortuna Nicaensium. Templum hexastylon.*

Probe conservatus, ac elegans hic numus, qui formam Ædis, a Nicæensibus Bonæ Fortunæ dicatæ, nobis repræsentat, est magni moduli.



CXLI.

ΑΝΤΩΝΙΝΟC. ΑΥΤΟΥCΤΟC. *Antoninus Augustus. Caput laureatum Caracallæ.*

ΝΙΚΑΙΕΩΝ. *Nicaensium. Hercules cervam, humi stratum, cornibus apprehendit.*

DE Hercule Eruditissimus LILIUS GYRALDUS hæc adnotavit: *Cervam. eripedem, & aurea habentem cornua (si modo in cervis feminis reperiuntur cornua, quod tamen Poëta fingunt) retibus, vel, ut alii dicunt, præ lassitudine dormientem vivam cepit.* Fuit is quartus Herculis labor, uti eodem enumerat Epigramma Incerti, *Antholog. Lib. 4.*

Χερσὶ κερατὶ δ' ἔλαφον μετὰ ταύτ' ἤγερε τίταρον.

Quarta labore Cervam, aureis cornibus, dormientem cepit. Plura de Cerva, aureis cornibus decora, videri possunt apud Eruditissimum SPANHEMIUM *Tom. 1. Dissert. 4. §. 7.* & apud APOLLODORUM *Lib. 2.* Medii moduli numus est.

CXLII.

CXLII.

ΑΝΤΩΝΕΙΝΟΣ. ΑΥΤΟΥΤΟΣ. *Antoninus Augustus. Caput laureatum Caracallæ.*

ΝΙΚΑΙΕΩΝ. *Nicaensum. Hercules stans d. clavam attollit, s. duos equos fræno detinet.*

Octavus Herculis labor *Lib. 4. Antholog. Græc. recensetur hoc versu:*

Ὅγδοον ἐκ Θρήκης Διομήδεος ἤγαγεν ἵππους.

Octavo labore e Thracia Diomedis equos abduxit.

Equi illi humanis carnibus a Rege pascebantur, ut innuit OVIDIUS *in Ibin.*

Ut qua Threicio quondam præsepia Regi

Pecerunt dapibus sanguinolenta suis.

Quod apud PAUSANIAM *Bæotic. cap. 26. legeram, de Herculis ἵπποδότης (uti recte pro ἵπποδότης Camerarius restituit) appellatione, suspicionem mihi iniecerat: an non illud Herculis factum hoc numo exhibeatur, quod ita narrat Pausanias? καὶ Ἡρακλῆς ἱερὸν μέγα, ἐπέκλησιν Ἴπποδότην. τίς τε γὰρ Ὀρχομενίως Φασὶν ἐς τὸτο ἀφ᾽ ἔχθαι στρατῶ, καὶ τὸν Ἡρακλῆα νύκτωρ τίς ἵππους λαβόντα συνδῆσαι σφισι, τίς ὑπὸ τοῖς ἀρμασθ. Est & magnum Herculis templum, dicti: Equorum colligatoris. Orchomenios namque illuc cum exercitu venisse ferunt, & Herculem noctu acceptos eorum equos, qui curribus subseruebant, inter sese colligasse. Medii moduli est numus.*

CXLIII.

Μ. ΑΥΡΗ. ΑΝΤΩΝΙΝΟΣ. ΚΑΙΣΑΡ. *Marcus Aurelius Antoninus Casar. Caracallæ caput laureatum.*

ΝΙΚΑΙΕΩΝ. *Nicaensum. Æsculapius stans, d. baculum serpente obvolutum. Mediæ formæ est numus.*



CXLIV.

ΑΥΤ. Κ. Μ. ΑΥΦ. ΑΝΤΩΝΕΙΝΟC. *Imperator Caesar Marcus Aurelius Antoninus. Caput Caracallæ laureatum.*

ΤΠ. ΝΟΒΙΟΥ. ΡΟΥΦΟΥ. ΝΙΚΟΠΟΛΙΤΩΝ. ΠΡΟC. ΙCΤ. *Sub Nobio Rufo, Nicopolitarum ad Istrum. Figura muliebris ad aram stans, d. pateram, f. Cornu Copiæ. Est medii moduli.*

CXLV.

ΑΥ. Κ. Μ. ΑΥΦ. ΑΝΤΩΝΙΝΟC. *Imperator Caesar M. Aurelius Antoninus. Caput laureatum Caracallæ.*

ΤΠ. Α. ΝΟΒ. ΡΟΥΦΟΥ. ΝΙΚΟΠΟΛΙΤΩΝ. ΠΡΟC. ΙCΤΡΟΝ. *Sub Aulo Nobio Rufo, Nicopolitarum ad Istrum. Vir nudus, stans ad aram elegantius expressam, d. pateram, f. ramum gestat.*

A Pollo, aut Genius hoc typo exhiberi videtur. Ab omnibus fere gentibus ad sacra, & lustrales ritus arborum quarundam rami adhibebantur. De olcæ ramo VIRGILIUS *Æneid. Lib. 6. v. 229.*

*Idem ter socios pura circumtulit unda,
Spargens rore levi, & ramo felicitis Oliva.*

Lauri quoque meminit JUVENALIS *Satyra 2. v. 157.*

*— Cuperent lustrari, si qua darentur
Sulphura cum tadis, & si foret humida laurus.*

Roboris porro frondibus Germaniæ, Galliæque veteris sacrificulos usos fuisse, docet PLINIUS *Lib. 16. Nihil habent Druida, ita suos appellant Magos, visco, & arbore,*

in qua gignatur, s̄ modo sit robur, sacratius. Jam per se roborum eliciunt lucos, nec ulla sacra sine ea fronde conficiunt. Est numus mediæ magnitudinis.

CXLVI

ΑΤ. Κ. Μ. ΑΥΡ. ΑΝΤΩΝΙΝΟC. *Imperator Cæs. Marcus Aurelius Antoninus. Caput laureatum Caracallæ.*

ΥΠΙ. ΑΥ. ΓΑΛΛΟΥ. ΝΙΚΟΠΟΛΙΤΩ. ΠΡΟC. Ι. *Sub Aurelio Gallo, Nicopolitarum ad Istrum. Hercules stans, d. clavam, f. tria poma, & exuvias leonis.*

Poma aurea tria, ex Hesperidum hortis ab Atlante decerpta, fraude acquisivit Hercules; aut, ut alii, interfecto Dracone custode, eadem consecutus est: uti narrat APOLLODORUS *Lib. 2.* Extat hac super fabula *Epigramma PHILIPPI Antholog. Græc. Lib. 4.*

Χρύσεια μῆλα κλάσας, Γηρυόνην ἔλαβεν.

Aurea mala decerpens, Geryonem comprehendis.

Et alterum Epigramma Incerti:

Δωδέκατον δ' ἐκόμισσεν εἰς Ἑλλάδα χρύσεια μῆλα.

Duodecimo labore aurea mala Græciæ Hercules intulit.

Numus est medii moduli.



CXLVII.

AT. K. M. ATP. ANTΩNINOC. *Imperator Cæs. M. Aurelius Antoninus. Caput laureatum Caracallæ.*

ΤΠ. Α. ΟΟΥ. ΤΕΡΤΙΛΛΟΥ. ΝΙΚΟΠΟ. ΠΡΟC. Ι. *Sub Lucio Ovinio Tertullo, Nicopolitarum ad Istrum. Mercurius nudus, strophio rejecto, stans, d. crumenam, f. Caduceum.*

Mercurius apud Gentiles furum, & mercatorum præses est habitus: utrumque crumena indicare potest. Numus est medii moduli.

CXLVIII.

ΑΤΤ. Κ. Μ. ΑΥ. ΑΝΤΩΝΕΙΝΟC. *Imperator Cæsar M. Aurelius Antoninus. Caput laureatum Caracallæ.*

ΟΤΡΟΗΝΩΝ. ΑΛΕΞΑΝΔΡΟC. ΑCΙΑΡΧΗC. ΑΝΘΘΕΚΕΝ. *Otroënorum: Alexander Asiarcha obtulit.*

Numi hujus, qui perelegans est, ex ære magno, pulcherrimum aversæ partis typum exponere non tam meis, quam Virgilii verbis volo. Is Æneam, e Troja profugum, ita Patrem suum alloquentem inducit, *ÆNEID. Lib. 2. v. 707.*

Ergo age chære Pater cervici imponere nostra.

Et paullo post:

Tu Genitor cape sacra manu, patriosque Penates

Rursum:

— — — — *Dextra se parvus Jūlus
Implicuit, sequiturque Patrem non passibus equis.*

Julus, pileo Phrygio tectus, scipione dextram fulcit: Æneas amissam Creusam uxorem sollicitè respicit. *VIRGIL. v. 741.*

Nec prius amissam respexi &c.

Nullus hujus urbis numus apud Vaillantium reperitur, quæ in Phrygia sita erat, cui regioni Anchisis, & Æneæ memoria inprimis congruit. Sed & Juli, qui etiam Ascanius dictus est, memoria apud Otroënos vivebat.

gebat. Testis est STRABO *Lib. 12.* ubi de Phrygibus agens, ita habet: μικρὸν δ' ὑπὲρ τῆς Ἀσκανίας λίμνης Ὀτρεοία πόλις ἡ πόλις τοῖς ὄρεσι τῆς Βιθυνίας ἤδη πρὸς ἑω. Ἐκείνοι δὲ ἀπὸ Ὀτρεώος Ὀτρεοίας καλεῖσθαι προτίθενται. *Paulum supra Ascanium lacum est Otræa urbecula in finibus Bithynia jam ad orientem. Otræas hoc oppidum ab Otreo dictum putant. In Notitia Veteri Ecclesiastica* habetur, in Phrygia: ὁ Ὀτρεῶς, *Otri Episcopus.* Et apud PLUTARCHUM in *Lucullo*: Ἐν φρυγίᾳ περὶ τὰς λεγομένας Ὀτρεώας. *In Phrygia circa urbem Otryas.* Ubi profecto emendandus est locus, & e numo juxta, atque Strabone restituendum est: Ὀτρεοίας, vel Ὀτρεώας. Asiarcha dicebatur, qui a sociatis Asiæ urbibus communibus sacris, aliisque negotiis præficiebatur.

CXLIX.

ΑΥΤ. Κ. Μ. ΑΥΡ. ΑΝΤΩΝΙΝΟΣ. *Imperator Caesar Marcus Aurelius Antoninus.* Caput laureatum Caracallæ, cum pectore, quod squammato thorace riget.

ΟΥΛΠΙΑΣ. ΠΑΥΤΑΛΙΑΣ. *Ulpia Pautalia.* Mulier stans, d. bilancem s. Cornu Copiæ. Medii moduli numus.



CL.

Eadem utriusque partis epigraphæ. Caput laureatum Caracallæ.

Mulier stans, tutulato capite, d. pateram, s. Cornu Copiæ: ad pedes ara. Magni moduli numus est.

CLI.

A. ANTONI. *Imperator Antoninus. Caput laureatum Caracallæ.*

ΟΥΑΠΙΑΣ. ΠΑΥΤΑΛΙΑΣ. *Ulpia Pautalia. Leo gradiens.*
Quo modo Leonis symbolum Caracallæ conveniat,
 dictum est in Appendicula ad Numos Coloniarum.
 Parvi moduli hic numus est.

CLII.

ΑΥ. ΚΑΙ. . . C. ANTONINOC. *Imperator Caesar . . . Severus Antoninus. Caput Caracallæ laureatum.*

ΟΥΑΠΙΑΣ. ΠΑΥΤΑΛΙΑΣ. *Ulpia Pautalia. Figura seminuda, & coronata sedens, d. pateram, f. hastam.*




CLIII.

ΑΥΤ. Κ. Μ. ΑΥΡ. ΑΝΤΩΝΕΙΝΟC. *Imperator Caesar Marcus Aurelius Antoninus. Protome Caracallæ laureati, qui dextra hastam, sinistra clypeum ostentat.*

ΠΛΩΤΕΙΝΟΠΟΛΕΙΤΩΝ. *Plotinopolitarum. Æsculapius stans, d. baculum serpente obvolutum.*

DE Plotinopoli, Thraciæ urbe, dictum est ad numum Faustinae; hic vero mediæ formæ est.



CLIV.

CLIV.

M. ΑΥΡΗΛΙΟC. ΑΝΤΩΝΙΝΟC. *Marcus Aurelius Antoninus.*
Caput laureatum Caracallæ.

ΠΟΜΠΗΙΟΠΟΛΕΙΤΩΝ. ΓΕC. *Pompejopolitarum, anno 263.*
Jupiter Νικηφόρος sedens, d. victoriolam, f. hastam.

DUas urbes, Pompejopolis nomine insignes, in ære veteri haberi, alibi dictum est: hic magni moduli numus ad Pompejopolin Ciliciæ pertinet, quæ annorum potas æri suo intulit. De hujus urbis varia fortuna, atque nominis immutatione scribit STRABO Lib 14. Σόλοι πόλις ἀξιόλογος. τῆς ἄλλης Κιλικίας ἀρχή, τῆς περὶ τὸν Ἰσθμὸν, Ἀχαιῶν, καὶ Ῥοδίων κλίσμα, τῶν ἐκ Λίνδου. Εἰς ταύτην λειπαυδρήσασαν Πομπηίος Μάγνος κατώκισε τὰς περιγυνομένης τῶν πειρατῶν, ὥς μάλιστα ἔγνω σωτηρίας, καὶ προνοίας τινὸς ἀξίως, καὶ μετωνόμασε Πομπηϊόπολιν. *Soli, urbs memorabilis, alterius Cilicia initium, qua ad Issum est: condita est ab Acheis, & Rhodiis e Lindo oriundis. In hanc, incolarum infrequentia laborantem, Pompejus Magnus Piratarum reliquos, a se devictos, deduxerat, quos salute, & cura aliqua dignos noverat, atque mutato nomine eum locum Pompejopolin appellavit. Ab hac Pompeji instauratione Æram suam incepere Pompejopolitani, nempe ab autumno anni V. C. 687. cui numero si addas annos 263. in numo nostro repertos, conficies an. V. C. 950. Septimii Severi Quintum.*

CLV.

ΑΝΤΩΝΙΝΟC. ΑΥΤΟΤΕΤΟC. *Antoninus Augustus.* Caput
Caracallæ laureatum.

ΠΡΟΤΕΛΕΩΝ. *Prusaorum in Bithynia.* Æsculapius
stans, d. baculum cum serpente.

Est parvi æris numus, ejus averse faciei typam vide
in numo Plotinopolitarum, & Nicæensium.

CLVI.

ATT. K. M. AT. CET. ANTONINOC. *Imperator Caesar Marcus Aurelius Severus Antoninus. Caput laureatum Caracallæ.*

CEPAQN. *Serdorum. Harpocrates stans, extento digito dextram ori admovet, s. Cornu Copiæ gestat.*

Varias Harpocratis stantis, & sedentis, vestiti, & in vestis figuras SPONIUS *in Miscellaneis pag. 16. & seqq.* adfert, atque multa erudite adnotat. Fuit nempe Harpocrates Osiridis, & Isis filius, silentii Deus, &, ut VARRO *de Lingua Latina* loquitur: *St. Harpocrates digito significat.* Hinc Græcis etiam Σιγαλιών dictus est, de quo ita AUSONIUS *Epist. 25.*

*Tu velut Oebaliis habites taciturnus Amyclis,
Aut tua Sigalion Ægyptius oscula signet.*

Est parvi moduli numus.



CLVII.

ATT. K. M. ATP. CEO. ANTONINOC. *Imperator Caesar M. Aurelius Severus, Antoninus. Caput laureatum Caracallæ.*

CEPAQN. *Serdorum. Æsculapius stans, cujus figuram jam binis imaginibus sub Caracalla proposuimus. Parvi moduli est numus.*

CLVIII.

ATT. K. M. ATPH. CETH. ANTONEINOC. *Imperator Cas. Marcus Aurelius Severus Antoninus. Caput laureatum Caracallæ.*

OTAPHAC. CEPΔIKHC. *Ulpia Serdica. Mulier stans, d. pateram, s. hastam. Numus est magni moduli.*

CLIX.

CLIX.

Idem caput: eadem utrimque inscriptio, quæ in præcedente.

Figura nuda stans, d. baculo nititur, cui obvolutus serpens, s. latus fulcit: ad sinistram nudus puer adstat.

ÆSculapium investem rarius numi exhibent. Puer adstans aut Glyconem denotat, qui a LUCIANO in *Pseudomanti*. *Æsculapius minor*, dicitur; aut unum e filiis *Æsculapii*, de quorum simulacris PAUSANIAS in *Messen. cap. 31.* mentionem facit, & in *Corinth. cap. 10.* ubi, Aratum *Æsculapii* filium creditum fuisse, perhibet; Ἄρατον Ἀσκληπιῶν παῖδα εἶναι νομίζουσι. APOLLODORUS *Lib. 3.* Machaonem, & Podalirium *Æsculapii* filios nominat. Fortasse hoc symbolo Bacchus Medicus est repræsentatus, de quo ATHE-NEUS *Lib. 2.* videri potest. Numus est magni moduli.



CLX.

ATT. K. M. ATP. CETH. ANTONEINOC. *Imperator Caesar Marcus Aurelius Severus Antoninus.* Caput laureatum Caracallæ.

OYAPIAC. CΕΡΑΙΚΗC. *Ulpia Serdica.* Aquila expansis alis basi insistens, sertum rostro gerit. Magni æris numus.

CLXI.

Eadem utrimque Epigraphe: idem caput, ut in numo priore.

Caracalla stans, sagum indutus, laureato capite, d. hastam præpilatam, s. parazonium, aut sceptrum sustinet: sinistro pede alte sublato captivum calcat, uno genu humi nixum.

Simili typo, qui in Græcis rarus est, solet in latinis numis aut gens devicta, aut captus gentis Princeps designari. Antoninus Caracalla Britannici, & Germanici cognomine gloriatus est; unde Britannum hic, aut Germanum sub pedibus Imperatoris effictum existimo. Nisi quis malit Abgarum Osroënorum, aut alium Armeniæ Regem denotari, quos Caracalla per fraudem captos sibi subdiderat; teste XIPHILINO *ex Dione Lib. 77.* Vestitus tamen captivi pro opinione priori facit. Numus est elegantissimus ex ære magno.

CLXII.

Eadem Epigraphe & caput, uti in præcedentibus.

ΟΥΑΠΙΑΣ. ΣΕΡΔΙΚΗΣ. *Ulpia Serdica.* Caracalla, equo currente vectus, sagum indutus, telum dextra vibrat. Ultimam syllabam ΚΗC. male numi veteris sculptor formavit.

Videtur hic effingi Caracalla, Parthos fugientes persequens; qua de fuga ipse, data ad Senatum Epistola, gloriatus est: ut refert XIPHILINUS *ex Dione Lib. 78.* Numus est perelegans, & magni moduli.



CLXIII.

... ΑΥΡ. ΑΝΤΩΝ. ... *Marcus Aurelius Antoninus. Caput laureatum Caracallæ.*

ΣΕΣΤΙΩΝ. *Sestiorum.* Leander natans, & Here ejusdem amica, e turri allucens lampadem.

TYpum aversæ partis hujus numi, qui medii moduli est, describit conceptis veluti, ad eundem exponendum, verbis *Epigramma ANTIPATRI Lib. 3. Anthol. Græc.*
 εἰς Ἡρώ, καὶ Λεάνδρον.

Οὗτος ὁ Λεάνδρου διαπλοος, ὅτε ὁ πόησ
 Πορθύριος, ὁ μὴ μόνον τῷ Φιλέοντι βαρύν.
 Ταῦθ' Ἡρῆς τὰ πάροιθεν ἐπαύλια, τῷ το τὸ πύργῳ
 Λείψανον, ὁ προδότης ὡδ' ἐπέκκετο λύχνος.
Hic Leandri tranatus est, hic Ponti
Trajectus, qui soli amanti gravis non erat.
Hæc Herus quondam habitatio, hæ turris
Reliquia: hic sita est proditoria illa lampas.

Nullum sestiorum numum sub Caracalla deprehendit Vaillantius. Videtur numum, nostro geminum, Patinus habuisse, at inscriptione extrita, quam ita mutilam refert: CAΔ. . . ΩΝ. Verum situs literæ H. mutatus in I, desideratis etiam aliis characteribus, incertum isthic Patinum reddiderit; qui tamen e figura aversæ partis recte censuit, numum ad aliquam Hellesponti urbem esse referendum.

CLXIV.

ΑΥΤ. Κ. Μ. ΑΥΡ. ΑΝΤΩΝΕΙΝΟC. *Imperator Caesar Marcus Aurelius Antoninus. Caput laureatum Caracallæ.*

ΤΙΒΕΡΙΟΠΟΛΕΙΤΩΝ. *Tiberiopolitarum.* Æsculapius stans, d. baculum serpente obvolutum. Typos similes jam dedimus sub Caracalla.

PHrygiæ urbs erat Tiberiopolis, haud dubie a Tiberio Imperatore nomen sortita. *Socratus Lib. 7. hister.*

Eccles. cap. 46. ἐν τῇ πόλει τῆς Φρυγίας. Consentit Notitia vetus Ecclesiastica. Parvi moduli numus est.

CXLV.

ΑΥ. Κ. Μ. ΑΥ. ΑΝΤΩΝΕΙΝΟC. *Imperator Caesar Marcus Aurelius Antoninus. Caput laureatum Caracallæ.*

ΜΗΤΡΟ. ΠΟΝΤ. ΤΟΜΕΩC. Δ. *Μητροπόλεως Πόντου Τομέως. Metropolis Ponti Tomorum. Templum tetrastylon, in quo simulacrum Bacchi stantis, d. cantharum s. Thyrsum.*

Templum Bacchi, in hoc medii moduli numo expressum, apud Vaillantium in Tomitarum ære signato sub nullo Imperatore reperi.



CLXVI.

ΑΥΤ. Μ. ΑΥΓΗΛ. ΑΝΤΩΝΙΝΟC. *Imperator M. Aurelius Antoninus. Caput laureatum Caracallæ.*

ΑΥΓΟΥCΤΗC. ΤΡΑΙΑΝΗC. *Augusta Trajana. Templum tetrastylon, altæ substructioni impositum, in quo Diana gradiens d. sagittam e pharetra eximit, s. arcum gestat: ad latus dextrum substructionis cervus profliens, & arbor; ad latus sinistrum itidem arbor, & canis procurrens.*

Elegans hic magni moduli numus, an ad Sarmizgetusam, Daciæ olim Metropolin, nunc Varhel dictam, referendus sit, ambigo. Urbs hæc a ΠΤΟΛΕΜΑΙΟ *Lib. 8. Ζαρμισογέθουσα* aut *Ζαρμισγέθουσα τὸ βασίλειον. Zarmisogethusa Regia* appellatur. Eandem deinde *Augusta Trajana*

nomen a Trajano obtinuisse inscriptio apud GRUTERUM
pag. 437. n. 1. testatur:

COLON. VLPIA. TRAIANA.

AYG. DACICA. SARMIZGETVSA.

Vaillantius Numos ΑΥΤΟΤCΤΗC. ΤΡΑΙΑΝΗC. Trajanopoli
Thraciæ adscribit; credo, ob fabricæ elegantiam, & ^{HYE-}
^{MYROS} Magistratum in ejuscemodi numis repertum. R. P.
Harduinus Trajanopolin Thraciæ, cum Augusta Trajana
Daciæ, seu Sarmizgethusa eandem facit; id quod, ob
bene magnam locorum istorum distantiam, qui conciliari
possit, non video.

CLXVII.

ΑΥΤ. Κ. Μ. ΑΥΡΗ. ΑΝΤΩΝΕΙΝΟC. *Imperator Cas. Marcus Au-*
relius Antoninus. Caput laureatum Caracallæ.

ΤΡΑΙΑΝΟΠΟΛΕΙΤΩΝ. *Trajanopolitarum. Cybele, ca-*
pite turrato, leoni insidens, d. hastam, s. tympanum.

Trajanopolis alia in Cilicia aspera erat, Selinus antea
dicta: alia in Phrygia, quæ vitiose, vel contra
Τραϊανόπολις in Veteri Notitia Eccles. scribitur. Tertia Thra-
ciæ est, ad quam Vaillantius numos omnes ΤΡΑΙΑΝΟΠΟ-
ΛΕΙΤΩΝ. refert. Tristanus Numum ΤΡΑΙΑΝΗC. ΑΥΤΟΤCΤΗC.
idcirco ad Trajanopolin Phrygiæ retulit; quod Cybelem
referret: idque probavit HOLSTENIUS *in adnot. ad Ortelium.*
Potiori forsân jure numus noster, qui magni moduli est,
ad Phrygiæ Trajanopolin tum ob Cybeles typum, tum
ob ipsam inscriptionem revocari poterit; quanquam nihil
cogat a Trajanopoli Thraciæ discedere.

CLXVIII.

ΑΥΤ. Κ. Μ. ΑΥ. ΑΝΤΩΝΕΙΝΟC. *Imperator Caesar Marcus Au-*
relius Antoninus. Caput laureatum Caracallæ.

^{sc.}
ΤΡΑΠΕΖΟΥΝΤΙΩΝ. *Trapezuntiorum. Serapis stans, d.*
elata, s. baculum, aut virgam mensuriam.

DE Trapezunte, Ponti Cappadocici urbe, dictum est
in

in Septimio Severo. Inscriptio ΤΡΑΠΕΖΟΥΝΤ. . sine A. interposito, aut τὸ A. in P. vel in Π. comprehensum, aut artificis Μορφοχαράνης lapsum arguit. Magni moduli numus est.



CLXIX.

M. AYP. ANT. *Marcus Aurelius Antoninus.* Caput laureatum Caracallæ.

- - - - - Vir, pileo Phrygio testus, equestram accedit, cui columna adstituta est: columnæ capitulo aquila insistit; a tergo equitis arbor.

URbis nomen in hoc magni moduli numo vetustate exartritum est. Verum cum singulari esset aversæ faciei typo, omittendum non putavi; cui locum alius similis, forte olim repertiendus, numus certo assignabit. Conjecturam ex typo, eamque timide feceram: an non ΔΑΡΔΑΝΙΩΝ. *Dardaniorum* in Troade numus esset; quando aversæ partis formam, nostræ aliquantum similem in Appendice ad Græcos Numos Vaillantii videre est. Subinde me Amicus quidam literis admonuit: similes se numos Constantinopoli vidisse, ex Asia allatos, ac numum citra dubium ΤΡΑΠΕΖΟΥΝΤΙΩΝ. *Trapezuntiarum* esse. Luni equitis effigiem, qualis hic etiam representari videtur, jam superius, etsi paullo aliam in Trapezuntino numo dedimus.

Ara, & columna cum aquila (quæ pari forma in Dardaniorum modo memorato numo referuntur) ad sepulchrale aliquod monumentum pertinere videtur. De Sicyoniis

cyoniis quidem narrat PAUSANIAS *Corinth. cap. 7.* Eos lapideam basim sepulcris, & columnas, quibus aquila insisteret, imposuisse.

CLXX.

--- ANTONINOC. ATT. *Antoninus Augustus.* Caput laureatum Caracallæ.

ΤΡΙΠΟΛΙΤΩΝ. ΜΑΙΑΝΑΡΟΣ. *Tripolitarum, Meander.* Figura inerbis fluvii decumbens, d. ramum frugiferum, f. urnæ innixa arundinem attinet.

HÆc Tripolis, Lydiæ urbs, ab aliis ejusdem nominis urbibus belle se adsignato fluvii nomine, & simulacro discernit. Mæandro aditam fuisse testatur etiam PLINIUS *Lib. 5. Tripolitani, iidem Antoniopolitæ, Mæandro adluuntur.* Tripolin hanc *Notitia Hieroclis* Lydiæ attribuit: STEPHANUS vero, & PTOLEMÆUS vicinæ Cariæ.

Figura Mæandri fluvii, quæ præter arundinem, fluviiis tribui solitam, manu altera ramum frugiferum ostendat, singularem aliquam fertilitatem indicare videtur, qua irrigatæ ab hoc fluvio terræ fuerint gavissæ. Apud STRABONEM *Lib. 13. me rem deprehendisse puto, ubi de Mæandro fluvio hæc refert: Χώραν δ' ἔχει πολλὴν ἐφ' ἑαίτερα τῷ ποταμῷ πᾶσαν εὐδαίμονα· πλείστην δὲ φέρει τὴν καλεσμένην Ἀντιοχικὴν ἰσχάδα· τὴν δὲ αὐτὴν καὶ τριφύλλον ὀνομάζουσιν.* *Regio spatiosa est ad utramque fluminis ripam, omnis fertilitate felix; plurima vero illic ficus nascitur, caricæ Antiocenas vocant, quæ etiam Trifolium compellantur.* Hunc itaque Mæandri littoribus proprium fructum egregie hic noster, mediæ formæ, numus exprimere videtur.

CLXXI.

ATT. K. M. ATP. CETHPOC. ANTONIN. *Imperator Caesar Marcus Aurelius Severus Antoninus.* Caput laureatum Caracallæ.

ΤΥΠΑΝΩΝ. Δ. *Tyranorum.* Cybele, turrito capite, sedens ad fores templi, d. pateram, f. tympanum, ad pedes duo leones. Numus est medii moduli.

N n

CLXXII.



CLXXII.

M. ANTONINOC. AVTOTCTOC. *Marcus Antoninus Augustus.*
Caput laureatum Caracallæ.

ΚΟΙΝ . . . ΜΥ . . . Π . . . ΝΕΩΚΟΡΩΝ. M. ANTONINOC. AVTOTCTOC. Sic legendum conjicio : Κοινὸν Σμυρναίων Πρωτῶν Ἀσίας, Νεωκόρων, Μάρκος Ἀυγυστὸς Ἀυγυστός. *Commune Smyrnaeorum, Primarum Asia, Aedituorum: Marcus Antoninus Augustus.* Imperator paludatus, equo insidens.

Singularem hunc, magni moduli, numum postremo loco sub Caracalla retuli; quod lectio loci certa non esset, etsi probabiliter e literarum vestigiis colligatur. Insolita est nominis Augusti in aversa parte repetitio, qua mihi aut Adventus Caracallæ, aut expeditio in Parthos suscepta, aut solemnia illa indicari videntur, quibus Caracalla primum *Antoninus Augustus* renunciatus est; de qua re *ÆL. SPARTIANUS in Severe* videri potest.



CLXXIII.

CLXXIII.

ΦΟΥΒΙΑ. ΠΛΑΥΤΙΑΔΑ. *Fulvia Plautilla.* Caput Plautillæ, uxoris Antonini Caracallæ. *Caput hic expressum pertinet ad numum sequentem.*

ΕΡΜΙΟΝΕΩΝ. *Hermionensium.* Figura muliebris, aræ adstans, d. pateram porrigit; capiti insitit ornamentum, flori non absimile.

Hermione urbs Argolidis, provinciæ in Peloponésō, de qua STRABO *Lib. 8.* Ἑρμιόνη δ' ἐστὶ τῶν ἐκ ἀσήμεν πόλεων. *Hermione est una de non obscuris urbibus.* Regionem vicinam τὴν Ἑρμιονίδα, *Hermioniden* dictam esse, apud PAUSANIAM *in Corinth.* & THUCYDIDEN *Lib. 2.* reperitur. Nomen gentile Stephano, & numis Ἑρμιονεύς. Origo Nominis a Mercurii cultu, qui Græcis Ἑρμῆς, cujus etiam simulacrum non raro Hermionenses numi exhibent: noster est mediî moduli.



CLXXIV.

ΦΟΥΑ. ΠΛΑΥΤΙΑΔΑ. CEB. *Fulvia Plautilla Augusta.* Caput ejusdem.

ΤΠ. ΑΥΡ. ΓΑΛΛΟΥ. ΝΙΚΟΠΟΛΙΤΩΝ. ΠΡΟC.Ι. *Sub Aurelio Gallo Nicopolitarum ad Istrum.* Mulier, tutulato capite, stans, d. temonem, s. Cornu Copiæ.

Numus est mediæ formæ: aversæ partis typum vide in Numo Marcianopolitarum sub Caracalla.

ΦΟΥΛ. ΠΛΑΥΤΙΑΛΑ. ΣΕΒ. *Fulvia Plantilla Augusta.* Caput ejusdem.

ΤΠ ΝΙΚΟΠΟΛΙΤΩΝ. ΠΡΟC.Ι. *Sub Nicopolitarum ad Istrum.* Cybele sedens, s. tympanum tenet, ad pedes duo leones. Similem typum Cybeles paullo antea in numo Tyranorum, sub Caracalla, proposuimus.

ΦΟΥΛ. ΠΛΑΥΤΙΑΛΑ. ΣΕΒΑ. *Fulvia Plantilla Augusta.* Caput ejusdem.

ΗΓΕ ΟΥ. ΚΛΑΡΟΥ. ΟΥΑΠΙΑC. ΠΑΥΤΑΛΙΑC. *Sub Præsides Claro, Ulpiæ Pautalia.* Victoria stans, s. pateram gerit, d. coronat Imperatorem stantem, qui d. hastam, s. parazonium, vel sceptrum attinet.

Hic Numus præstantioribus accenseri meretur; tum quod magni moduli sit, & aversæ partis imaginem elegantem offerat: cum etiam propterea, quod Præsidis Magistratum, in Pautaliæ numis admodum rarum, exhibeat. Ex cognomine Magistratus, nomen me deprehendisse arbitror, cui etiam reliqui literarum attritarum ductus respondent; legendum nempe ita puto ΗΓΕΜ. ΕΡΥΤΤΙΟΥ. ΚΛΑΡΟΥ. *Præsides Erytto Claro.* Julius Erytius Clarus cum Q. Sosio Falcone consulatum gessit anno V. C. 946. Severi primo. Occisus quidem est a Septimio Severo Erytius Clarus, teste SPARTIANO cap. 13. De tempore tamen non constat.



Π. ΓΕΠΤΙ. ΓΕΤΑΚ. Κ. Πύβλιος Σεπτίμιος Γέτας Καῖσαρ. *Publius Septimius Geta Caesar. Caput nudum ejusdem.*

ΑΔΡΙΑΝΕΩΝ. *Adrianeorum. Bos stans,*

A Driani Bithyniæ urbs erat, teste *Notitia Ecclesiast.* Hieroclis, & SUIDA, qui ita habet: Ἀδριανοὶ πόλις Μυσίας, τῆς νῦν Βιθυνίας. *Adriani urbs ejus Mysia, quæ nunc Bithynia dicitur. Nullus hujus urbis numus, Getæ inscriptus, apud Vaillantium extat: noster ex ære medio est.*



CLXXVIII.

Π. ΓΕ. ΓΕΤΑΚ. Κ. *Publius Septimius Geta Caesar. Caput nudum Getæ.*

ΑΚΡΑΪΟΤΩΝ. *Acraetorum in Lydia. Minerva galeata stans, d. ramum oleæ porrigit, s. hastam puram tenet.*

M Inerva, oleæ ramum ostentans, in latinis numis MINERVA. PACIFERA. inscribitur. Græci eandem simili cum ramo effingere solebant, teste PAUSANIA in *Atticis cap. 24.* Περιόηται δὲ καὶ τὸ Φυτόν τῆς ἑλαιᾶς Ἀθηναῖ, καὶ κύμα ἀναφαίνων Ποσειδῶν. *Efformata est Minerva oleæ plantam: Neptunus vero fluxum proferens. Minerva inventrix oleæ credebatur, uti canit VIRGILIUS Lib. 2. Georgic.*

— — — — Oleæque Minerva

Inventrix.

Consentit APOLLODORUS Lib. 3. Ἡ χώρα τῆς Ἀθηνᾶς ἐκείνη, κέρκερος μαρτυρήσαντος, ὅτι πρῶτον τὴν ἑλαίαν ἐφύτευσεν. *Regio*

(Attica) *Minerva adjudicata est; quando Cecropis testimonio cognitum est, eandem primum plantasse oleam. Numus est mediæ magnitudinis.*



CLXXIX.

ATT. KA. Π. CΕΠ. ΓΕΤΑ. CEB. 'Αυτοκράτωρ Καῖσαρ Πάβλιος Σεπτίμιος Γέτας Σεβαστέ. *Imperator Caesar Publius Septimius Geta Augustus. Caput Getæ laureatum.*

BIZYTHNON. *Bizyenorum. Figura muliebris stans, d. pateram, s. hastam, ad pedes clypeus; videtur Palladem referre.*

IN Africa, Regione Thraciæ, Bizyam locat STEPHANUS: Βιζύη πόλις Θρακίας, τὸ τῶν Ἀσῶν βασιλεῖον . . . τὸ ἰδιόκειον Βιζυηνός. *Bizya urbs Thraciæ, Astorum Regia sedes; gentile Bizyenus. Cænensi Regioni, quæ Afticæ erat contermina, Bizyam tribuit SOLINUS cap. 10. In Cænensi Regione, non longe a Flavio poli Colonia, Bizye oppidum. Getæ numi Græci, cum Augusti titulo, non sunt frequentes; Bizyæ nullum sub hoc Principe refert Vaillantius: noster magni moduli est.*



CLXXX.

CLXXX.

A. CΕΠΤΙΜΙ. ΓΕΤΑΚ. ΚΑΙΣ. *Lucius Septimius Geta Caesar.*

Caput ejusdem nudum.

ΚΑΛΧΑΔΟΝΙΩΝ. *Calchedoniorum.* Mercurius stans, nudo capite, d. Caduceum gerit, s. amiculum colligit: pedes cothurnis ornati.

Calchedon nota Bithyniæ urbs, & Concilio Oecumenico, adversus Eutychis, & Dioscori errores, an. Æræ Christianæ 451. celebrato, clara. De ea STEPHANUS: *πρὸς τῷ σώματι τῷ πούνῳ καταπικρὺ τῷ Βυζαντίῳ. Ad Ponti fauces sita, e regione Byzantii.* A Megarensibus eandem conditam fuisse, *μεγαρείων κτίσμα*, STRABO *Lib. 12.* adnotavit. Medici formæ numus est.

CLXXXI.

A. CΕΠΤΙ. ΓΕΤΑΚ. ΚΑ. *Lucius Septimius Geta Caesar.*

Caput nudum.

ΚΙΑΝΩΝ. *Cianorum.* Cupido stans, sinistram trunco arboris imponit, dextra ad dorsum rejecta.

DE CIO PLINIUS *Lib. 5. Amnes Hylas, & Cios cum oppido ejusdem nominis, quod fuit Emporium non procul acculentis Phrygia, a Milesiis conditum.* Consentit SCYLAX in *cap. Mylia.* *Ἀποτάμῳ τῷ Κιανῷ πόλιν, καὶ ἐν ἀριστερῇ Κίος πόλις, καὶ Κίος πόρτα.* *Præmonstratum Ciani finis, & a sinistra Cios urbs, & Cios fluvius.* Ex his, aliisque colligit Cellarius Cion ad Propontidem sitam, & eandem etiam *περιοία τῇ πρὸς θάλασσαν, Προυσάδην, quæ ad mare est*, dictam fuisse existimat. Ad nostrum hunc, parvi moduli, numum id mihi satis est, Cion Propontidis urbem, atque adeo Hellesponto vicinam fuisse. Memorat quippe PAUSANIAS *Bæotic. cap. 27.* Apud Parianos, circa Hellespontum habitantes, insignem Amoris, seu Cupidinis cultum floruisse.

In hoc, & proxime superiore, ac sequente numo, Getæ Prænomen est *Lucius*, in aliis plerisque *Publius*.

Ita

Ita etiam in Commodi numismatis alias prænomen *Marcus*, alias *Lucius*, legitur. Neque mutationis istius certa tempora, ac termini assignari possunt. Nullum Getæ numum Cianiū Vaillantius exhibuit.

CLXXXII.

A. CΕΠΤΙΜ. ΓΕΤΑΣ. ΚΑΙ. *Lucius Septimius Geta Caesar*. Caput nudum Getæ, sub cuius mento parvum Septimii Severi caput impressum comparet: ad occiput aliud signum, forte Monetarii, quod vetustas attrivit.

ΝΙΚΑΙΕΩΝ. *Nicaensium*. Jupiter sedens, d. fulmen gerit, s. hastam. Similem aversæ partis typum dabimus in Numo Perinthiorum, sub Gordiano Pio. Hic numus mediæ magnitudinis est.



CLXXXIII.

ΑΤΤ. Κ. Π. CΕΠ. ΓΕΤΑΣ. ΑΤΤ. *Imperator Caesar Publius Septimius Geta Augustus*. Caput Getæ laureatum.

Υ. ΦΛ. ΟΥΑΠΙΑΝ. ΝΙΚΟΠΟΛΙΤ. ΠΡΟΣ.Ι. 'Υπὸ Φλαβίῳ Ουλαπιανῷ Νικοπολιτῶν πρὸς Ἴστρον. *Sub Flavio Ulpiano Nicopolitarum ad Istrum*. Templum tetrastylon, in quo Idolum Mercurii stantis, cum strophio, d. crumenam, s. Caduceum. Mediæ formæ numus est.

CLXXXIV.

Π. CΕΠΤΙ. ΓΕΤΑΣ. ΚΑΙCΑΡ. *Publius Septimius Geta Caesar*. Caput Getæ nudum.

ΝΙΚΟΠΟΛΙΤΩΝ. Π.Ι. *Nicopolitarum ad Istrum*. Templum tetrastylon, quale in numo superiore, sed sine Idolo. Parvi moduli numus.

CLXXXV.

CLXXXV.

ΑΥΤ. Κ. Π. ΣΕΠΤ. ΓΕΤΑΣ. . . *Imperator Caesar Publius Septimius Geta. Caput laureatum Getæ.*

ΟΥΑΠΙΑΣ. ΣΕΡΔΙΚΗΣ. *Ulpia Serdica. Figura sedens, capite tutulato, d. pateram, f. Cornu Copiæ. Est numus magni moduli.*



CLXXXVI.

Π. ΣΕΠΤ. ΓΕΤΑΣ. Κ. *Publius Septimius Geta Caesar. Caput nudum ejusdem.*

ΑΥΤ. ΤΡΑΙΑΝΗΣ. *Augusta Trajana. Figura stans d. pateram f. hastam puram. De Augusta Trajana vide dicta ad Numum Caracallæ: hic parvæ formæ est.*

CLXXXVII.

Π. ΣΕΠΤ. ΓΕΤΑΣ. ΚΑ. *Publius Septimius Geta Caesar. Caput Getæ nudum.*

ΤΥΡΑΝΩΝ. Β. *Tyrannorum. Aquila lauream rostro gerens. Numus est parvi moduli; eadem figura sub Commodo exhibita est.*

CLXXXVIII.

ΠΟ. ΣΕΠ. ΓΕΤΑΣ. ΚΑΙΣΑΡ. *Publius Septimius Geta Caesar. Caput nudum Getæ.*

ΟΜΟΝ ΑΙΚΕΦΑΙΜΟΝΙΟΝ. ΦΙΛΑΡΤΕΜΙΑ. *Mars gradiens f. scutum, & hastam gestat; d. extensa, sub qua monogramma, aut signum Monetarii: ad pedes vasculum, aut ara.*

Dolendum sane, literas quasdam vetustate extritas
 Oo to-

totam nobis inscriptionem elegantis hujus numi, qui ex ære medio est, incertam reddere. Suspicio ita legendum esse: ΟΜΟΝΟΙΑ. ΓΑΖΑΙΩΝ. ΚΑΙ ΕΦΕΣΙΩΝ. ΑΙΜΟΝΙΚΟΝ. ΦΙΛΑΡΤΕΜΙΑΔΑ. ΤΙΜΩΝΤΩΝ. *Concordia Gazensium, & Ephesiorum, Hæmonicum Diana amicum, vel clientem honorantium.* Nomen illud *Gazensium* supplevi idcirco, quod character seu Monogramma istud Π sit simillimum illi, quod in Juliæ Domnæ numo Gazensi, aliisque ejus urbis monetis comparet. Τὸ ΕΦ. Ephesiorum legeram; quando & hoc literarum compendium in Ephesino ære apud R. P. Harduinum legitur: & φιλαρτέμιδος compellatio, Ephesium quid redolet; cum in Ephesi numis etiam ΘΗ. ΑΡΤΕΜΙΑΟC. & ΑΡΤΕΜΙC. expressum legatur. Neque quis miretur, tanto intervallo dissitos Ephesinos, & Gazenses concordiae vinculo colligatos fuisse; quando & cum Alexandrinis Ægypti eadem Ephesinis concordia fuit: uti habent numi Antonini Pii, & Macrini apud Doctissimum Harduinum. Accedit: Dianam etiam a Gazensibus singulariter cultam fuisse; nam ejus urbis numos aliquot, Dianæ venatricis simulacro insignes, *Eminentiss. NORIS. Dissert. 5. de Epochis Syromaced. cap. 3.* produxit. Et vice mutua Ephesii Martem, Gazensium Deum, coluere; nam ita apud R. P. Harduinum habet Commodi numus ΕΦΕCΙΩΝ. ΜΑΡΝΑC.

ΑΙΜΟΝΙΚΟΝ. ΦΙΛΑΡΤΕΜΙΑΔΑ. *Hæmonicum, Amicum Dianæ,* quem honorant Ephesii, & Gazenses, Martem ipsum esse, nescio an arbitrari non liceat? Mars enim numi simulacro repræsentatur: Mars ab Homero Ἀιμοχάρης *sanguine gaudens* compellatur; qui æquo jure Ἀιμόνικος ἢ Πρὸ Ἀιματόνικος *sanguineus Victor, seu sanguine vincens* dici potest. Est etiam ea Dianæ cum Marte congruentia: quod uterque armis gaudeat. Incertum tamen est, an non Ἀιμόνικος Magistratus nomen sit, Dianæ devoti, ad quod nomen symbolo Martis allusio quædam facta videri potest. Tædet me jam, tot conjecturis indulgisse; quam vellem, ut numum similem


lem cum epigraphe minus attrita alius proferat; aut hæc felicius exponat.



CLXXXIX.

ΑΤΤ. Κ. Μ. ΟΠ. ΜΑΚΡΙΝΟΣ. Κ. Μ. ΟΠΕΑ. ΑΝΤΩΝΙΝΟΣ. Ἀυτο-
κρατωρ Καῖσαρ Μάρκος Ὀπίλιος Μακεῖνος· Καῖσαρ Μάρκος Ὀπίλιος
Αντωνῖνος. *Imperator Caesar Marcus Opellius Macrinus; Caesar*
Marcus Opellius Antoninus. Capita adversa Macrini lau-
reatum, & Diadumeniani filii nudum.

ΤΠ. ΠΟΝΤΙΑΝΟΥ. ΜΑΡΚΙΑΝΟΠΟΛΙΤΩΝ. Ε. *Sub Pontiano,*
Marcianopolitarum. Figura muliebris sedens, d. pateram
s. Cornu Copiæ. Medii moduli numus.



CXC.

Eadem utriusque faciei epigraphe, quæ in priori numo,
eadem capita.

Hercules stans, d. exuvias leonis, & poma Hesperidum, s. clavam. Est numus medii moduli.

CXC I.

ΑΥΤ. Κ. ΟΠΠΕΛ. ΣΕΤΗ. ΜΑΚΡΙΝΟΥ. Κ. Μ. ΟΠΠΕΛ. ΑΝΤΩΝΙΝΟΥ.
ΔΙΑΔΟΥΜΗ. *Imperator Caesar Oppellius Severus Macrinus:*
Caesar Marcus Oppellius Antoninus Diadumenianus. Capita
adversa Macrini, & Diadumeniani.

ΤΠ. ΠΟΝΤΙΑΝΟΥ. ΜΑΡΚΙΑΝΟΠΟΛΙΤΩΝ. Ε. *Sub Pontiano*
Marcianopolitarum. Diana gradiens, d. sagittam e pha-
retra eximit, s. arcum præfert: ad pedes canis.

Mediæ formæ numus. Hic Pontianus ex Ælia fami-
lia erat; nam apud P. Harduinum legitur ΑΛΑ. aut
in Æliam adoptatus.

CXC II.

ΑΥΤ. ΟΠΠΕΛ. ΣΕΤΗ. ΜΑΚΡΙΝΟΥ. *Imperator Caesar Oppellius*
Severus Macrinus. Caput laureatum Macrini.

ΤΠ. ΠΟΝΤΙΑΝΟΥ. ΜΑΡΚΙΑΝΟΠΟΛΙΤΩΝ. *Sub Pontiano*
Marcianopolitarum. Fortuna stans, capite tutulato d. te-
monem, s. Cornu Copiæ. Similem typum exhibui in An-
chialensi numo sub Septimio Severo. Mediæ formæ hic
numus est.



CXC III.

ΑΥΤ. ΟΠΠΕΛ. ΣΕΤΗ. ΜΑΚΡΙΝΟΥ. *Imperator Oppellius Severus*
Macrinus. Caput laureatum.

ΤΠ. ΑΓΡΙΠΠΑ. ΝΙΚΟΠΟΛΙΤΩΝ. ΠΡΟΣ. ΙΣΤΡ. *Sub Agrippa,*
Nicopolitarum ad Istrum. Figura semi-nuda Istri fluvii decum-
bens, d. arundinem inflexam sustinet, s. urnæ innititur, ad pe-
des navis. Est numus mediæ formæ, ad magnam accedentis.

CXC IV.

CXCIV.

ΑΤΤ. Κ. Μ. ΟΠΠΕΛΙ. ΕΥΤ. ΜΑΚΡΙΝΟC. *Imperator Caesar Marcus Oppelius Severus Macrinus. Caput ejusdem laureatum.*

ΤΠ. ΚΛ. ΚΟΥΙΝΤΙΑΙΑΝΟΥ. ΝΙΚΟΠΟΛΙΤΩΝ. ΠΡΟC. ΙΕΤΡΩ.
Sub Claudio Quintiliano, Nicopolitarum ad Istrum. Figura nuda ad aram stans, d. pateram, f. ramum lustralem gestat, de quo alibi dictum est. Medii moduli est numus.

CXCV.

ΑΤΤ. Κ. ΟΠΠΕΛ. ΣΕΟΥΤΗ. ΜΑΚΡΙΝΟC. *Imperator Caesar Oppelius Severus Macrinus. Caput ejusdem laureatum.*

ΤΠ. ΜΑΡΚ. ΑΓΡΙΠΠΑ. ΝΙΚΟΠΟΛΙΤΩΝ. ΠΡΟC. ΙΕΤΡΩ.
Sub Marcio Agrippa, Nicopolitarum ad Istrum. Victoria stans, d. lauream, f. palmæ ramum.

Nicopolin hanc hoc tempore ad Præfecturam Daciæ pertinuisse, ex nomine Magistratus colligo, quod in hoc, aliisque nostris Macrini, ac Diadumeniani numis reperitur. Hunc enim Agrippam a Macrino Pannoniæ, ac Daciæ præpositum fuisse, testatur Dio in fragmentis a Carminio Falcone editis : Μακρίων τε Ἀγρίππαν πρότερον μὲν ἐς Παννονίαν, εἰς δὲ Δακίαν ἡγεμονεύσαντα ἐπέμψεν. *Marcium Agrippam in Pannoniam primum, deinde in Daciam cum Præsidis potestate misit.* Hunc Marcium Agrippam de Macrino bene meritum fuisse innuit ÆLIUS SPARTIANUS in Antonino Caracalla cap. 6. Ubi Caracallæ cædem, a Macrino institutam, a Martiale perfectam refert, additque id factum esse : *Non ignorantibus Marcio Agrippa, qui Classi præerat, & præterea plerisque officialium.* Mediæ magnitudinis numus est.



CXCVI.

ΑΤΤ. Κ. ΟΠ. ΜΑΚΡΕΙΝΟC. *Imperator Caesar Opelius Macrinus. Caput laureatum.*

ΥΠ. Α. ΣΤΑ. ΛΟΝΓΙΝΟΥ. ΝΙΚΟΠΟΛΙΤΩΝ. ΠΡΟC. ΙCΤΡΩ.
*Sub Lucio Statio Longino, Nicopolitarum ad Istrum. Neme-
fis stans s. flagellum, d. bilancem, ad pedes rota. Ex ære
medio numus est.*

CXCVII.

ΑΤΤ. Κ. Μ. ΟΠΕΑΛ ΓΕ. ΜΑΚΡΙΝΟC. *Imperator Caesar Marcus Opelius Severus Macrinus. Caput laureatum.*

ΝΙΚΟΠΟΛΙΤΩΝ. ΠΡΟC. ΙCΤΡ. *Nicopolitarum ad Istrum.*
Solæ hæ literæ arcæ numi inscriptæ, qui parvæ formæ est.




CXCVIII.

ΑΤΤ. Μ. ΟΠΕΑ. CΕΟΥ. ΜΑΚΡΕΙΝΟC. *Imperator Caesar Marcus Opelius Severus Macrinus. Caput Macrini laureatum.*

CAMION. *Samiorum. Melcager nudus, aprum lancea
confodiens.*

SAmos Insula, & princeps Joniæ urbs, numis testibus :
CA-

CAMION. ΠΡΟΤΩΝ. ΙΩΝΙΑC. De eadem **PLINIUS Lib. 4.** *Jonia ara habet Samon liberam, circuitu octoginta septem milium passuum. Meleagri lanceam, qua aprum interfecerat, τὴν λόγχην ἣ τὸν ὄν κατεργάσατο, apud Sicyonios in æde Suedelæ asservatam fuisse, PAUSANIAS Corinth. cap. 7. adnotavit. Meleagrum, ob aprum devictum, cum Hercule comparat APOLLONIUS Lib. 1. & VALERIUS FLACCUS Lib. 1. Numus est ex ære medio.*



CXCIX.


ΔΙΔΑΟΥΤΝΕΝΙΑΝΟC. *Diadumenianus.* Caput ejusdem nudum.

ΙΑΙΕΩΝ. *Iliensium.* Pallas galeata stans, d. globum, cui insidet Victoriola, s. hastam, ad pedes clypeus.

Ilium, decantata Phrygiæ urbs, ad Scamandrum fluvium sita: uti comprobant numi Neronis, & Britannici, **ΙΑΙΕΩΝ. CKAMANΔΡΟC.** apud R. P. Harduinum. Ilium alia, a Troade Colonia, urbs erat, quam Troadem alioqui Trojæ loco exstructam putant. Fuit vero Troja etiam regionis nomen, si **SERVIO** in principium *Æneidos* credimus: *Troja regio est Asia, Ilium urbs.* Consentit cum his **STREPHANUS**: *Ἴλιον πόλις Τρωάδος ἀπὸ Ἴλῆ, ἣν οἱ Τρῶες Ἀχίην ἐκάλεον . . . τὸ ἰδιον Ἴλιεύς. Ilium urbs Troadis, ab Illo: hanc Trojanī Ἀχίην vocabant. Gentile nomen Iliens.*

De Palladis stantis simulacro apud Ilienses hæc animadvertit **STRABO Lib. 13.** *τῆς Ἀθηνᾶς τὸ ξόανον νῦν μὲν ἐστὶν ἐξ ἄται· Ὀμηροῦ δὲ καθήμενον ἑμφαίνει. Palladis simulacrum stantis figura.*

figura nunc cernitur, quod Homerus sedentis forma representat. Nullus apud Vaillantium, sub Diadumeniano, reperitur Ilienſium numus: noster est parvi moduli.



CC.

^{sc.}
ΔΙΑΔΟΥΝΕΝΙΑΝΟC. KAI. *Diadumenianus Caesar.* Caput ejusdem nudum.

KOTIAEΩN. *Cotiaënsium.* In corona.

Hanc Phrygiæ urbem PLINIUS *Lib. 5. Cotyajon* scribit. STEPHANUS: κοτυαῖοι πόλις τῆς Ἐπικτήτης Φρυγίας . . . τὸ ἰδιόκλιον κοτίαςός. *Cotyajum urbs Phrygia Epieteti: gentile Cotiaeus.* Numus est parvi æris, nullumque Vaillantius sub hoc Cæsare protulit Cotiaji signatum.

CCI.

M. ΟΠΕΛ. ΔΙΑ. ΑΝΤΩΝΙΝΟC. *Marcus Opelius Diadumenianus Antoninus.* Caput ejusdem nudum.

ΜΑΡΚΙΑΝΟΠΟΛΙΤΩΝ. *Marcianopolitarum.* Lunæ bicornis astrum, cum tribus stellis. Parvi moduli numus.

CCII.

K. M. ΟΠΠΕΛ. ΑΝΤΩΝΙΝΟC. ΔΙΑΔΟΥΜΕΝΙΑΝΟC. *Caesar Marcus Oppelius Antoninus Diadumenianus.* Caput ejus nudum.

ΤΗ. ΑΓΡΙΠΠΑ. ΝΙΚΟΠΟΛΙΤΩΝ. ΠΡΟC. ΙCΤΡ. *Sub Agrippa, Nicopolitarum ad Istrum.* Serpens in gyros contortus alte caput erigens, nimbo cinctum. Bacchum, aut Æsculapium indicare videtur serpens. Numus est ex ære medio: typus similis habetur in Gordiani Pii numo, etiam Nicopoli percusso.

CCIII.



CCIII.

Eadem utriusque partis inscriptio, idem caput.

Murus, cum porta urbis, inter duas turres: e medio muri tertia turris, paullo altior, affurgit; fastigia turrium pinnis ornata. Medii moduli numus.



CCIV.

Μ. ΟΠΕΛΙ ΔΙΑΔΟΥΜΗΝΙΑΝΟΣ. Κ. *Marcus Opèlius Diadumenianus Caesar.* Caput ejusdem nudum.

ΤΠ. ΜΑΡ. ΑΓΡΙΠΠΑΣ ΝΙΚΟΠΟΛΕΩΝ ΠΡΟΣ ΙΕΤΕ. *Sub Marcio Agrippa Nicopolitarum ad Istrum.* Nemesis stans, d. pateram, s. flagellum, ad pedes rota. Ex ære medio.



Pp

CCV.

K. ΔΙΑΔΟΤΜΕΝΙΑΝΟC. *Cæsar Diadumenianus.* Caput ejusdem nudum.

ΠΡΟΥCΙΕΩΝ. ΠΡΟC. ΤΗΠΙΩ. *Prusensium ad Hypium*
Muliebris figura stans, d. stylum, aut bacillum, f. quidam folio simile gestat.

HÆc Prusa, Bithyniæ urbs, ab altera Prusa ejusdem Regionis (de qua in Commodo dictum est) adjecto montis Hypii nomine discernitur. *PLINIUS Lib. 5. Prusa item altera sub Hypio monte.* ΠΤΟΛΕΜÆUS etiam Hypii fluvii meminit: *Πρῶσα πρὸς τῷ Ἰππῷ ποταμῷ. Prusa ad Hypium fluvium.* Ejusdem fluvii nomen ita exponit APOLLONII SCHOLIASTES *ad Lib. 2. Argonaut.* Ὁ Ἰππῖος ὠνόμασαι, ἀπὸ τοῦ καταφερεσθαι ἀπὸ τῶν ὑπῶν ὀρέων. *Hypius, seu sublimis dicitur; quod a sublimibus deferatur montibus.*

Figuram muliebrem, quam hic parvi æris numus offert, primum Sibyllam referre suspicabar, Hellepontiacam illam; aut Phrygiam; quarum meminit LACTANTIUS *Lib. 1. de falsa Religione.* si nempe id, quod utraque manu figura gestat, stylum, & folium referat; cum de Tiburtina Sibylla VIRGILIUS *Lib. 3. Æneidos v. 444.* canat:

Fata canit, foliisque notas, & carmina mandat.

Fortasse tamen, numi forma minus accurate scalptra, Cybeles sacerdos exhibenda erat, tympanum pulsans; atque adeo tympanum existimandum foret, quod folium videtur.



ATT. K. M. AYP. ANTΩNEINOC. Ἀυτοκράτωρ Καῖσαρ Μάρκος Ἀυ-
 γύλιος Ἀντωνεῖνος. *Imperator Caesar Marcus Aurelius Anto-*
ninus. Caput laureatum Antonini Elagabali.

ΕΦΕCΙΩΝ. Δ. ΝΕΩΚΟΡΩΝ. *Ephesiorum quater, vel quar-*
tum Aedituorum. Genius urbis stans figura muliebri, ca-
pite tutulato, d. Dianæ Multimammæ sigillum attinet,
f. Cornu Copiæ.

EPhesii in Caracallæ numo, apud R. P. Harduinum, se
Solos omnium quater Neoceros scripsere: ΕΦΕCΙΩΝ. ΜΟ-
ΝΩΝ. ΑΠΑCΩΝ. ΤΕΤΡΑΚΛ. ΝΕΩΚΟΡΩΝ. Verum quoniam
idem honos sub Caracalla Nicæensibus etiam obtigit,
numis eorum testantibus; nunc sub Elagabalo, ac deinceps
non jam se Solos omnium, sed tantum quater Neoceros com-
pellabant. Parvi moduli est numus.



CCVII.

ATT. K. M. AYP. ANTΩNINOC. *Imperator Caesar Marcus Au-*
relius Antoninus. Caput laureatum Elagabali.

ΕΦΕCΙΩΝ. Δ. ΝΕΩΚΟΡΩΝ. *Ephesiorum quater Aedi-*
tuorum. Navis cum sex remigibus. Numus est parvi moduli.

CCVIII.

ΑΥ. Κ. Μ. ΑΥΡ. ΑΝΤΩΝΙΝΟC. *Imperator Caf. Marcus Aure-*
lius Antoninus. Caput Elagabali laureatum.

ΘΕCΑΛΟΝΙΚΕΩΝ. *Thessalonicensium. Vir palliatus*
stans, d. fabrile quoddam instrumentum, f. malleum gerit.

Virum hunc, fabrilibus armis instructum, e Cabiris
 Pp 2 Diis

Diis unum referre, ex numo simili, inscripto: KABEIPOΣ. statuunt antiquitatis periti. Nam & HESYCHIO teste: καβίροι λέγονται εἶναι Ἡφαίστου παῖδες. *Cabiri dicuntur esse Vulcani filii.* De Cabirorum numero inter veteres adeo auctores non convenit. SCHOLIASTES APOLLONII quatuor Cabiros statuit, quibus hæc dat nomina: Axieros Ceres, Axio-cersa Proserpina, Axiocersus Pluto, Camillus, seu Casmillus, qui est Mercurius. TERTULLIANUS *de Spectacul.* Tres esse Cabiros perhibet: tres item STRABO *Lib. 10.* quos Corybantas quoque appellat: & quibus totidem Cabiridas Nymphas adjungit, e Vulcano, & Cabira, Protei filia, genitas. TERENCE VARRO duos Cabiros: duos etiam DAMASCIUS *apud Photium* numerat, qui Dioscuri quoque compellati fuerant. EUSEBIUS *Lib. 1. preparat. Evangel.* Plurali quidem numero, non tamen definito, Cabiros adducit: Vide etiam ARNOBIUM *Lib. 5.* & JUL. FIRMICUM *de Errore profan. Relig. cap. 12.* Cabiri nomen alii ab Hebraico כביר *robustus fuit, valuit:* alii rectius a כביר derivant, quod apud Hebræos juxta, ac Syros *robustum, potentem,* significat; quo epitheto etiam Cabiri apud VARRONEM, & TERTULLIANUM *Libro de Spectac.* cohonestati leguntur: *Tres atrinis Diis patent, Magnis, Potentibus, Valentibus.* Sanctissimus erat in Syria, Samothracia, & Græcia Cabirorum cultus; atque de inexplabili scelere illorum, qui Cabirorum sacra violassent, exempla refert PAUSANIAS *Bæotic. cap. 25.* Mediæ formæ numus est.

CCIX.

ATT. K. M. ATPHAI. ANTΩNEINOC. *Imperator Caesar Marcus Aurelius Antoninus.* Caput laureatum Elagabali.

TH. I&A. ANT. CEAETKOT. MAPKIANOΠOΛITΩN. *Sub Julio Antonino, Seleuci filio, Marcianopolitarum.* Figura virilis nuda stans, d. pateram, l. duas spicas. Solet hoc simulacro Bonus Eventus in ære prisco exhiberi. Numus est medii moduli.



CCX.

ΑΥΤ. Κ. Μ. ΑΥΤ. ΑΝΤΩΝΕΙΝΟC. *Imperator Caesar Marcus Aurelius Antoninus. Caput laureatum Elagabali.*

ΜΑΡΚΙΑΝΟΠΟΛΕΙΤΩΝ. *Marcianopolitarum. Corbis vimineus, frugibus refertus. Numus est parvi moduli.*

CCXI.

Μ. ΑΥΤ. ΑΝΤΩΝΙΝΟC. ΑΥΤ. *Marcus Aurelius Antoninus Augustus. Caput laureatum Elagabali.*

ΝΙΚΑΙΕΩΝ. *Nicaensium. Elephas loricated cum infessore, qui d. stimulum aduncum gestat.*

Similem aversae partis figuram, quae in graecis numis rara est, in Philippi Patris numis latinis videre est, cum Epigraphe: AETERNITAS. AVGG. Est vero Aeternitatis symbolum Elephas ob vitae diuturnitatem. ARISTOTELES *Lib. 9. hister. animal. cap. 46.* Ζῆν δὲ Φασὶ τὸν ἐλέφαντα, ὃς μὲν ἔτη διακόσια, οἱ δὲ ἑκατὸν εἰκοσι. *Elephantos vivere alii existimant annos ducentos, alii centum viginti.*

Figura elephanto insidens, & instrumento, superne falcato, belluam regens, indicat modum, ac instrumentum, quo plures elephantum caperentur, ac regerentur. Refert siquidem ARISTOTELES *libro citato cap. 1.* Elephantorum venatores, Elephantum aliquem, antea mansuetum, conscendere, atque ita alios, feros adhuc Elephantos cursu insequi, dum vires deficient. Tum (pergit Aristoteles) *insiliens in ferum Elephantum venator, falce regit,*

ac mitigat. Τότε δὲ ὁ ἐλεφαντιαστὴς ἐπισηδῆσας κατευθύνει τῷ δεξιάνῳ. *Mediæ formæ numus est.*

CCXII.

Eadem inscriptio utriusque partis, & idem caput.

Pallas galeata sedens, d. victoriam, s. hastam præpilatam. *Mediæ formæ numus est.*



CCXIII.

M. AYPH. ANTΩNEINOC. AITTOY. *Marcus Aurelius Antoninus Augustus. Caput Elagabali laureatum.*

ΝΙΚΟΜΗΔΕΩΝ. ΤΡΙΚ. ΝΕΩΚΟΡΩΝ. *Nicomediensium tertium Aedituorum. Urna, ex qua duo rami prominent, Urnæ inscriptum ΔΗ . . . Τ. ΙΑ. ΔΗΜΗΤΡΙΑ. Certamina in Cereris honorem, seu Cerealia. Infra urnam ΑΝΤΩΝΙΑ. Antonia certamina.*

Literarum vestigia, quæ in urna supersunt, Δημήτρια legendum suadent; præterquam quod etiam in Caracallæ numo apud Vaillantium legatur: ΔΗΜΗΤΡΙΑ. ΝΙΚΟΜΗΔΕΩΝ. ΔΙΟ. ΝΕΩΚΟΡΩΝ. Cereris nomen apud Græcos est Δημήτης, hinc Demetria *Cerealia*. Præter hos ludos alios etiam in honorem Antonini, quem Elagabalum compellant, institutos esse, inscriptio ΑΝΤΩΝΙΑ. & ramus alter, ex urna emicans, clare indicant. Illud tamen inusitatum, hic ΑΝΤΩΝΙΑ legi, cum ex vocabulo ΑΝΤΩΝΕΙΝΟC. potius ΑΝΤΩΝΕΙΝΙΑΝΑ. vel ΑΝΤΩΝΕΙΝΙΑ. formandum videatur, quibus nominibus etiam alii numi signati habentur, qui ludos, in Antonini cujusdam honorem institutos, exhibent

Hæc

Hæc porro Antoninia Certamina Nicomediæ celebrata fuisse anno primo Imperii Elagabali, V. C. 971. XIPHILINUS *e Dionis Lib. 79.* comprobat, quo teste Elagabalus, victo Macrino, *Nicomedia* hiberna egit, & *habitu triumphali Consul votivorum ludorum die usus est.* Concepta nempe Imperii anno primo Vota Quinquennalia. Numus est elegans magni moduli.



CCXIV.

ΑΤΤ. Κ. Μ. ΑΥΡ. ΑΝΤΩΝΙΝΟC. *Imperator Caesar Marcus Aurelius Antoninus.* Caput laureatum Elagabali.

ΠΙ. ΝΟΒΙΟΥ. ΡΟΥΦΟΥ. ΝΙΚΟΠΟΛΙΤΩΝ. ΠΡΟC. ΙCΤΡΟΝ. *Sub Nobis Rufo Nicopolitarum ad Istrum.* Fortuna stans, capite tutulato, d. temonem, s. Cornu Copiæ. Mediæ magnitudinis numus est.

CCXV.

ΑΥ. Κ. Μ. Α. ΑΝΤΩΝΙΝΟC. *Imperator Caesar Marcus Aurelius Antoninus.* Caput laureatum Elagabali.

ΝΙΚΟΠΟΛΙΤΩΝ. ΠΡΟC. Ι. *Nicopolitarum ad Istrum.* Lunæ bicornis sidus, cum stella. Similem typum proposuimus in Severi numo ejusdem urbis. Est hic numus parvi moduli.

CCXVI.

Μ. ΑΥΡ. ΑΝΤΩΝΙΝΟC. ΑΤΤ. *Marcus Aurelius Antoninus Augustus.* Caput laureatum Elagabali.

ΜΗΤΡΟΠΟ. ΠΟΝΤΟΥ. ΤΟΜΕΟC. *Metropoleos Ponti Tomorum.* Serapis stans, d. elata, s. baculum, aut virgam men-

menforiam. Typum similem dedimus in icone numi Nicænsium, sub Caracalla. Medii moduli hic numus est.



CCXVII.

ΙΟΥΛΑ ΚΟΡΝ. ΠΑΥΛΑ. Σεβ. *Ιουλία Κορνηλία Παῦλα Σεβασή. Julia Cornelia Paula Augusta.* Caput Paulæ, quæ fuit prima Elagabali uxor.

ΜΗΤΡΟΠΟΛΕΩΣ. ΦΙΛΙΠΠΟΠΟΛΕΩΣ. ΝΕΩΚΟΡΥ. *Metropolis Philippopolis Æditua.* Hygia stans, d. serpentem, s. pateram.

Rarissimis accensentur omnes Juliæ Paulæ Græci numi: noster magni moduli est, cujus typum aversæ partis habes in Numo Veri Pessinuntiorum.

CCXVIII.

ΙΟΥΛΙΑ. ΠΑΥΛΑ. Σεβ. *Julia Paula Augusta.* Caput ejusdem.

Λ. Γ. Αὐχάδαρος γ'. *Anno tertio:* nempe Imperii Elagabali. Figura semi-nuda in lecto decumbens, capite tutulato: Isidem putant.

ÆGyptium hunc, & sequentem, medii moduli numos, quamvis nulle urbis nomine insignes, hic adposui; quando etiam Vaillantius Paulæ, & alios rariores Augustorum id genus numos sæpius adfert.


CCXIX.



CCXIX.

ΙΟΥΛΙΑ. ΠΑΥΛΑ. CEB. *Julia Paula Augusta. Caput ejusdem.*

L. Γ. *Anno tertio.* Caput muliebre, cujus vultui oppositum est Lunæ falcatae astrum. Videntur ad ipsam Paulam Lunæ symbolo alludere; cum Elagabalus totus Soli devotus, & Solis Elagabali Sacerdos fuerit.




CCXX.

M. ΑΤΡ. Α ΑΤΤ. Μάρκος Ἀυγῆλιος Ἀλέξανδρος Ἀυγούστος.
Marcus Aurelius Alexander Augustus. Caput laureatum
Severi Alexandri.

ΑΝΕΜΟΤΡΙΕΩΝ. *Anemuriensium. Caput muliebre velatum, ac tutulatum.*

DE hac urbe SCYLAX: Ἀνεμῦριον ἄκρα, καὶ πόλις. *Anemurium promontorium, & urbs.* Promontorii etiam meminit POMPONIVS MELA *Lib. 1. Duo deinde promontoria sunt quod Ciliciam, a Pamphylia distinguit, Anemurium.* Ad Ciliciam Asperam refertur hic locus. Numus est parvi moduli.



CCXXL

M. ΑΥΡΗΑΙΟC. ΑΛΕΞΑΝΔΡΟC. Κ. *Marcus Aurelius Alexander*
Cæsar. Caput Alexandri nudum.

ΜΗΤΡΟΠ. ΚΑΙCΑΡ. ΕΤ. Ε. *Μητροπόλις Καισαρείας, ἔτος ε΄.*
Metropolis Cæsarea, anno quinto. Mons Argæus, basi im-
positus, in cujus vertice specus; specui vero figura pen-
tagona imminet, stellæ figuræ aliquantum similis.

Quid pentagona illa figura, vertici Argæi montis im-
 minens, sibi velit; videor mihi apud STRABONEM
Lib. 12. deprehendisse, ubi ita de Mazaca, seu Cæsarea
Cappadociæ scribit: κείται γὰρ ὑπὸ τῷ Ἀργαίῳ ὄρει, πάντων
ὑψηλοτάτῃ, καὶ ἀνέκλειπτον χιόνι τὴν ἀκρότητα ἔχοντι. Sita est sub
Argæo monte, omnium altissimo, qui verticem habet perpetuis
nivibus contectum. Sane stellæ non absimilem flocci an-
gulosi formam, non inepte nivibus indicandis adhibere
Monetarius poterat. Nam quod quis fortasse dicat: alti-
tudinem montis, stellæ figura indicari; quasi, ut Poëtæ
loquuntur, sidera tangat vertice: vel quod ex eo stellarum
contemplatio commodius institui possit; id mihi quidem,
si joculari libet, ipsis illis nivibus frigidius videretur.

Medii moduli numus est, in quo ΕΤ. Ε. Nequaquam
 annum quintum Alexandri Cæsaris designare potest; cum
 Elagabalus haud ita multo ante necem suam Alexandrum
 Cæsarem renunciaverit, qui ne uno quidem anno *santum*
Cæsar fuerat. Quare Elagabali hic annus Imperii quintus
 est, ejusdemque ultimus. Et licet Elagabalus anno gesti
 Im-

Imperii quarto decesserit; tamen etiam in numis legitur TRIB. POT. V. Cui rei lucem attulit Dio *Lib. 78.* & sequente, ubi refert: Elagabalum Caracallæ filium apud milites proclamatum esse, & non dum decreta sibi nomina Augusti, Proconsulis, ac Tribunitia Potestate, priorem occupasse. Hinc Imperium suum, excluso Macrini tempore, a morte Caracallæ putari constituit; atque ita quinque anni conficiuntur.

CCXXII.

ΑΥΤ. Κ. Μ. ΑΥΡ. CΕΥ. ΑΛΕΞΑΝΔΡΟC. *Impérator Caesar Marcus Aurelius Severus Alexander.* Caput laureatum ejusdem.

ΤΙΒ. ΤΙΒ. ΙΟΥΛ. ΦΗΚΤΟΥ. ΜΑΡΚΙΑΝΟΠΟΛΙΤΩ. *Sub Tiberio Julio Festo Marcianopolitarum.* Aquila fulmini insistens.

JULIUS CAPITOLINUS in *Macrino cap. 4.* meminit Festi, qui Macrini libertus, & ejus fortunæ adjutor fuerit. Is quidem dubio procul a Macrino ad Magistratus promotus fuerit; &, siquidem promptus ad recipiendum Elagabalum inventus erat, ab eodem etiam in officio confirmatus, aut ad alia promotus fuerit. Hæc interea, dum alius producat Fustus, cui melius hic, mediæ formæ, numus adscribi possit.

CCXXIII.

Eadem utriusque partis inscriptio; nisi CΕΥΗ. pro CΕΥ.

Idem Caput.

Mulier stans, d. bilancem, s. Cornu Copiæ. Typum vide in Severi numo Nicæensi: hic noster est ex ære medio.



CCXXIV.

ΑΤΤ. Κ. Μ. ΑΥΡ. CΕΤ. ΑΛΕΞΑΝΔΡΟΣ. *Imperator Caesar Marcus Aurelius Severus Alexander.* Caput ejusdem laureatum.

ΥΠ. ΦΙΡΦΙΝΟ. ΠΑΠΠΟΥ. ΜΑΡΚΙΑΝΟΠΟΛΙΤΩΝ. *Sub Phirphino Pappo, vel Pappi filio, Marcianopolitarum.* Mulier stans, d. pateram, s. hastam.

Typus similis productus est in Caracallæ numo, etiam Marcianopoli signato; hic vero est medii moduli.

CCXXV.

Idem caput, & inscriptio, excepto ΑΥ. loco ΑΥΡ.

ΥΠ. ΙΟΥΛ. ΓΕΤΟΥΛ. ΜΑΡΚΙΑΝΟΠΟΛΙΤΩΝ. *Sub Julio Getulico Marcianopolitarum.* Hygia stans, d. serpentem, s. pateram. Typum obvium vide in Numo Pessinuntio Veri.

Primum legeram *sub Julio Getulo*; at Amicus, qui alium numum cum integro cognomine nactus est, me monuerat: legendum esse *Getulico*. Numus hic est mediæ formæ.

CCXXVI.

Μ. ΑΥΡ. CΕΤ. ΑΛΕΞΑΝΔΡΟΣ. ΑΥΓ. *Marcus Aurelius Severus Alexander Augustus.* Caput laureatum ejusdem.

ΝΙΚΑΙΕΩΝ. *Nicaensium.* Leo currens. Parvi moduli est numus.



CCXXVII.

ΑΥΤ. Κ. Μ. ΑΥΡ. ΑΛΕΞΑΝΔΡΟΣ. ΑΥΤ. *Imperator Caesar Marcus Aurelius Alexander Augustus.* Caput ejusdem laureatum.

ΝΙΚΑΙΕΩΝ. *Nicaensium.* Figura, muliebris stans d. bilan-
cem, s. Cornu Copiæ. Medii moduli est.

CCXXVIII.

CCXXVIII.

M. AYP. CETH. AAEZANΔPOC. ATT. *Marcus Aurelius Severus Alexander Augustus.*

NIKAIEQN. *Nicaensum.* Templum sex columnarum. Numus est parvi æris.

CCXXIX.

Eadem utriusque partis inscriptio, idem caput.

Urna ludorum, cum palmæ ramo. Numus parvi moduli est.



CCXXX.

M. AYP. AAEZANΔPOC. KAIC. *Marcus Aurelius Alexander Caesar.* Caput ejusdem nudum.

NIKAIEQN. *Nicaensum.* Diana gradiens, qualis exhibetur in numo Cyziceno Faustinae. Hic numus est parvæ formæ.

CCXXXI.

M. AYP. CETH. AAEZANΔPOC. ATT. *Marcus Aurelius Severus Alexander Augustus.* Caput ejusdem laureatum.

NIKOMHΔEQN. TPIC. NEQKOPQN. *Nicomediensum ter Aedituorum.* Æsculapius stans, d. baculum, serpente obvolutum. Typos ejusdem jam dedimus duos sub Caracalla. Numus est parvi æris.

CCXXXII.

M. AYP. CE. AAEZANΔPOC. AT. *Marcus Aurelius Severus Alexander Augustus.* Caput laureatum Alexandri.

NIKOMHΔEQN. TPIC. NEQ. *Nicomediensum ter Aedituorum.* Templum octo columnarum. Parvi moduli numus est.

Qq 3

CCXXXIII.



CCXXXIII.

M. AYP. AAEZANAPOC. ATT. *Marcus Aurelius Alexander Augustus*. Caput ejus laureatum.

NIKOMHAEON. *Nicomediensium*. Fortuna stans, d. temonem s. Cornu Copiæ. Typus habetur in Elagabali numo Nicopolitano. Parvæ formæ est numus.

CCXXXIV.

M. AYP. CETH. AAEZANAPOC. A. *Marcus Aurelius Severus Alexander Augustus*. Caput ejusdem laureatum.

NIKOMHAEON. ΔIC. ΜΕΩ. *Nicomediensium bis Ædituorum*. Templum octo columnarum. Parvi moduli est.

CCXXXV.

M. AYP. CET. AAEZANAPOC. ATT. *Marcus Aurelius Severus Alexander Augustus*. Caput ejusdem cum corona radiata.

NIKOMHAEON. ΔIC. ΝΕΩΚΟΡΝ. *Nicomediensium bis Ædituorum*. Muliebris figura semicincta stans, sinistra spicas obtendit Cygno accedenti, dextra flagellum attollere videtur.

Similem aversæ faciei typum nullo in numismate me conspexisse memini. Subibat primum Ledaë, & Jovis in Cygnum mutati fabula. Verum cum figura muliebris flagello simile quiddam altera manu ostentaret; de Nemefi hic aliquid exhibitum esse, suspicatus sum. Atque rem, propudiosam illam quidem, atque ad Jovis sui dedecus ab ipsis Idololatriis confictam, referunt *HYGINUS in Olore*, &

APOL-

APOLLOBORUS *Lib. 3.* Ubi narrant: Jovem, cum Nemesein sollicitasset, repulsam primum tulisse; mutato igitur consilio se ipsum in Cygnum, Venerem autem, sequi jussam, in Aquilam transformasse; Nemesein porro, cum Cygnum libenter, ignara quid subesset, reciperet, deceptam fuisse a Jove, atque ex eo flagitio ipsam duo ova peperisse, quæ Venus Ledæ supposuit.

Nostro igitur in Numo, qui parvi moduli est, Jupiter, Cygnum mentitus, ad Nemesein accedens effingitur; quæ dum altera manu spicas, aut aliud pabulum obtendit, libenter receptum Cygnum denotare videtur: altera vero flagellum attollens, quæ, qualisque ipsa sit, & quod antea Jovi repulsam dederit, satis luculenter indicat. Jovis, in Cygnum mutati ad Nemesein violandam, meminit etiam **TZETZES** in *Lycophrone*: Ζεύς ὁμοιωθεὶς κύκνῳ μέγνυται Νεμέσει τῇ Ὀκτανῇ θυγατρὶ.

CCXXXVI.

M. ATP. AA**Ε**ΤΑΝΑΡΟC. KAI. *Marcus Aurelius Alexander*
Cæsar. Caput ejusdem nudum.

NTCA**Ε**ΩN. *Nysæorum.* In *Caria*, vel *Lycia*. Muliebris Fortunæ figura stans, d. temonem, s. Cornu Copiæ: typum habes in numo Elagabali Nicopolitarum.

Nullum Alexandri numum, in hac urbe cufum, Vailantius produxit: noster ex ære parvo est.



CCXXXVII.

CCXXXVII.

M. AT. AΛEZANA. KAI. *Marcus Aurelius Alexander Caesar.*
Caput ejus nudum.

CIANTON. *Sidetarum, in Pamphylia.* Templum sex columnarum, in quo figura stans, sago, ut videtur, induta, d. pateram, sin. hastam.

Est Numus magni moduli. Alexandri Numismata, cum solo Cæsaris titulo, non sunt obvia.

CCXXXVIII.

M. ATP. CETY. AΛEEANAPOC . . . *Marcus Aurelius Severus Alexander . . .* Caput laureatum Alexandri.

MHTPO. ΠONTOT. TOMEΩC. *Metropolis Ponti Tomorum.*
In area Δ. Muliebris figura stans, d. bilancem, s. Cornu Copiæ, ad pedes rota; forte Nemesis. Numus est ex ære medii moduli.



CCXXXIX.

IOYAIA. MAMAIA. *Julia Mamaa.* Caput Mamææ, Matris Alexandri.

MAINHTON. NEΩKOPON. THC. APTEMIAOC. *Magnesium Ædituorum Diana.* Figura muliebris stans, sinistra infantem gestans.

Magnesia alia Lydiæ urbs erat, quæ in numis adscripto nomine CИΠTAOT. *Sipyli montis*, dignoscitur. Alia Joniæ erat, ad quam noster magni moduli numus pertinet;

id

id quod inscriptio: *Diana*, prodit, in aliis hujus urbis numis etiam deprehensa. Magnesiæ huic, constitutum a Themistoclis filiis, Dianæ signum æneum in veneratione fuisse, narrat PAUSANIAS in *Atticis*, cui Dianæ Leucophrynes cognomen fuisse, præter Pausaniam, etiam Hadriani numus, a Magnesiis percussus, comprobatur, inscriptus: ΑΕΥΚΟΦΡΥC. ΜΑΓΝΗΤΩΝ. *Diana, albis superciliis decora, Magnesiorum.*

Figura muliebris, infantem gestantis, sitne Isis, Osiridem fovens: an simulacrum τῆς καλοτέρου, *Terra, puerorum nutricis*, cujus PAUSANIAS in *Atticis cap. 22.* meminit; an vero Ειρήνη Φέρουσα Πλούτωνα παῖδα, *Pax ferens Plutonem Puerum*, de qua eodem libro PAUSAN. *cap. 8.* An Jupiter infans, cui Amalthea lac præbuit, teste APOLLODORO *Lib. 1.* An denique Dindymene, Mater Deum, hic exhibeatur, cujus Templum Magnesiæ fuisse, STRABO *Lib. 14.* perhibet? Nullo certo figuræ indicio discerni potuit.



CCXL.

ΑΥΤ. ΜΑΤΙΜΕΙΝΟC. ΕΥCΕΒΗC. *Imperator Maximinus Pius.*
Caput laureatum Maximini.

ΙΟΥΛΙΑΝΑ. ΑΓΧΙΑΛΕΩΝ. *Ulpianorum Anchialensium.*
Cupido insistent currui, quem duo alati serpentes trahunt.

Quid effigies faciei posticæ hujus numi, qui mediæ formæ est, sibi velit; videor mihi collegisse ex Epigram-
Rr gram-

grammate Græco SECUNDI Lib. 4 Anthol. Grac. ubi de statuis Amorum, seu Cupidinum ita canit:

Σκυλοχαρεῖς ἰδ' Ἐρωτας, ἰδ' ὡς βριαροῖσιν ἐπ' ὤμοις

Ὅπλα φέρεισι θεῶν, νήπι' ἀγαλλόμενα·

Τύμπανα, καὶ θύρσον βρομίῃς, Ζηνὸς δὲ κέραυτον·

Ἀσπίδ' Ἐνυαλίῃς, καὶ κόρυν ἠΰκομον·

Φοῖβ' δ' ἔτοζον Φαρέτρην, Ἀλκίτε τρίαῖναν·

καὶ Διναρῶν χειρῶν Ἡρακλῆος ῥοπαλήν.

Vide spoliis gaudentes Cupidines! vide, ut robustis humeris, Deorum ferant arma, exultantes Pupuli! tympana, & thyrsus Bacchi, & Jovis fulmen: scutum Martis, atque ornatum galeam: Phœbi pharetram, sagittis refertam, ac Neptuni tridentem: tum validarum Herculis manuum clavam.

Tot Numinum prædis insignes Cupidines cum sint a veteribus Græcis efficti; in hoc etiam numi typo Cereris currum, Draconibus jungi solitum, Cupido victor inscendere videtur. Recte alatis serpentibus vectus exhibetur Cupido, quippe malum velocissimum, & omni veneno nocentius.



CCXLI.

ΑΤ. Κ. Γ. ΙΟ. ΟΥΗ. ΜΑΖΙΜΕΙΝΟΣ. Ἀυτοκράτωρ Καῖσαρ Γαῖος Ιούλιος Ουῆρος Μαξιμίγιος. *Imperator Caesar Cajus Julius Verus Maximinus. Caput ejusdem laureatum.*

ΚΑΡΑΛΙΩΤΩΝ. *Caralliotarum.* Pluto, quadrigis insists, Proserpinam abripit.

STEPHANUS: Καράλλος, ἢ Καράλλειο Ἰασηνικὴ πόλις· τὸ ἑθνικὸν Καράλλος·

ραλλιώτης. Ἐστὶ καὶ Καράλια διὰ τοῦ λ. *Carallis, aut Carallia urbs Isauria: gentile Caralleota. Scribitur etiam Caralia unco l.* Unicum Caralliotarum numum in toto suo volumine protulit Vaillantius, eumque etiam sub Maximo, obvio Victoriæ iconio signatum: noster magni moduli est.

CCXLII.

A . . . ΙΟΥ. ΟΥΗ. ΜΑΞΙΜΕΙΝΟC. *Imperator . . . Julius Verus Maximinus. Caput ejusdem laureatum.*

ΜΗΤΡΟΠΟΛΙΤΩΝ. *Metropolitaram.* Fortuna stans, capite tutulato, d. temonem, s. Cornu Copiæ: typus habetur in Elagabali numo Nicopolitano.

DUarum urbium numismata habentur, quæ proprio nomine *Metropolis* appellatæ sunt. Altera in Jonia sita erat; in ære suo Strategos, seu Prætores consignavit, & addidit non raro, discriminis ergo, τὸ ΕΝ. ΙΟΝΙΑ. *In Jonia.* Altera Metropolis, Phrygiæ urbs fuerat, ad quam noster, parvi moduli, numus referendus est. De urbe hac, deque ejus nominis origine ita STEPHANUS. *Μητρόπολις φρυγίας, ἀπὸ τῆς Μητρός τῶν θεῶν οἰκηθεῖσα. Metropolis Phrygiæ, a Matre Deum edificata. τὸ ἰδιὸν Μητροπολίτης. Gentile nomen Metropolita.* Alias adhuc urbes octo, vel novem enumerat Stephanus, Metropolis proprio nomine insignes.

CCXLIII.

Γ. ΙΟΥ. ΟΥΗ. ΜΑΞΙΜΕΙΝΟC. ΑΤΤ. *Cajus Julius Verus Maximinus Augustus. Caput ejusdem laureatum.*

ΝΙΚΑΙΕΩΝ. *Nicaensum.* Imperator Maximinus, equo currenti insidens. Mediæ formæ numus est.



CCXLIV.

ΑΥΤ. Κ. Γ. ΙΟΥ. ΟΥΗ. ΜΑΞΙΜΕΙΝΟΣ. Π. Π. Ἀυτοκράτωρ Καῖσαρ
Γαῖος Ιάβλος Ουῆρος Μαξιμῆνος Πάτῃ πατρίδος. *Imperator Caesar*
Cajus Julius Verus Maximinus, Pater Patriae. Caput
ejusdem cum corona radiata.

ΤΑΡΣΟΥ. ΜΗΤΡΟΠΟΛ. Α Μ Κ Γ Β. Ταρσὺ μητροπόλεως ἀμ-
φοτέρως Κιλικίας, γράμματι βελῆς. *Tarsi Metropolis utriusque*
Cilicia, rescripto Senatus. Hercules inberbis stans, d. cla-
vam, sub qua caput bovis; s. exuvias leonis, ramum, &
puellum sustinet, ad quem animal quoddam adstans caput
erigit.

Hunc maximi moduli elegantem numum ante nos vul-
gavit Vir Eruditus LIEBEUS in *Gotha Numaria, seu*
Thesauro Fridericiano; apud eundem tamen inscriptio ca-
pitis non habetur integra, quemadmodum in nostro: in
aversa quoque parte ramum non expressit, sed ejus loco
avem: cum in nostro ramus clare dignoscatur, cui utrum
avis infideat, dubium est. Animal, Herculi adstans, lau-
datus Liebeus canem, Herculis sequacem, referre existi-
mat, adducto Pollucis testimonio: puelli porro effigie
Hyllum, Herculi dilectum, designari. Ast mihi animal
illud majusculum videtur; quam ut canem referre credam.
Cervam igitur isthic effictam esse existimo, atque puellum
illum Telephum referre, Herculis ex Avage, vel Auge
Nympha filium, quem in silva exponi avus jusserat, ex-
positum cerva enutrierat. De hoc *ÆLIANUS Lib. 12. Hister.*
Var.

Var. cap. 42. hæc perhibet: Κύρον τὸν Μανδάλης ἔθρεψε Φασὶ κύων· Τήλεφον δὲ τὸν Ἀγαυῆς, καὶ Ἡρακλέους, ἑλαφος. *Cyrum Mandales filium canis, ut ajunt, enutrivit, Telephum vero, Herculis ex Agave filium, cervæ.* Nomen inde Telepho datum censet APOLLODORUS *Lib. 3.* Θηλὴν ὑποκρίσας ἐλάφῃ, τήλεφος ἐκλήθη. *Quod ipsi cervæ ubera prabuisse, Telephus appellatus est.* Simulacri Telephi, a cervæ lactati, etiam PAUSANIAS *Bæot. cap. 31.* meminit.

Hic igitur Herculem repræsentatum existimo, qui Telephum filium in brachia attollit; id quod gestu ipso infans indicare videtur, ambas manus ad cervam suspicientem tendens, ac toto corpûculo ad nutricem inclinatus; ramus silvæ indicare potest, in qua expositus erat Telephus. Leonis exuviæ, & bovis caput, ad Nemææ leonem, & Marathonis taurum, vel ad Acheloum pertinent, quæ omnibus nota sunt.

Tarsus, Sancti Pauli Apostoli patria, a STEPHANO ἑπισκοπὸς τῆ πόλεως Κιλικίας. *Urbs Cilicia maxime insignis, appellatur: quam etiam Strabo inter potentissimas urbes numerat. Metropolin fuisse, numi testantur. Literas illas, in Tarsensium numis frequentes: A M K Γ B. alii aliter exponunt: mihi illa, quam initio exposui, præ cæteris placet; quod simplex, & veterum stylo conformis sit. Neque illa opinio prætermittenda est, quæ suadet legendum: A M K. Πρώτη Μόνη Κιλικίας. Prima sola Cilicia metropolis.*



CCXLV.

Eadem, quæ in priori, inscriptio, idem caput.

TAPCOT. THC. ΜΗΤΡΟΠΟΛΕΩC. Α Μ Κ Γ Β. *Tarſi Metropolis utriusque Ciliciæ, reſcripto Senatus. Vir nudus, inter duos canes affilientes ſtans, extenſis manibus.*

L Epido hujus numi typo Æſculapium exhiberi ſuſpicor. *FESTUS in voce Inſula de Ædibus Æſculapio ſacris ſcribens, ita habet: Canes adhibentur ejus templo; quod is uberibus canis ſit nutritus. PLUTARCHUS etiam in Opusculo de Solertia animalium, Æſculapii templum à cane, cui nomen Capparis, vindicatum eſſe narrat. Æſculapii ſignum ita deſcribit PAUSANIAS Corinth cap. 27. Ὡς κύων κατακείμενος πεποιήται. Cui Canis adjacens efficitur eſt. Accedit, etiam nudum nonnunquam in ære veteri exhiberi Æſculapium, qualem in Serdicensi Caracallæ numo propoſuimus.*

Fortaſſe tamen hoc ſymbolo Tarſenſium Religio, ac Pietas designata eſt. Apud OISELIUM *Tab. 78.* latini numi poſtica pars exhibetur, in qua ad figuram ſtantem canis affilit, cum Epigraphe PIETAS. Huc item faciunt, quæ de Mercurio Camillo, & cane eidem adſignato ad numum Antonini Pii, a Perinthiis percuſſum, adnotavi. Huic etiam expoſitioni, ipſique numi imagini congruunt, quæ ÆLIANUS *Lib. 11. hiſt. animal.* enarrat, de Vulcani templo agens. Ἐπὶ δὲ κύνας περὶ τὸν νεῶν, καὶ τὸ ἄλσος ἱεροὶ καὶ τὸς μὲν σωφρόνως, καὶ ὡς πρέπει τε, ἅμα καὶ χρη παρίοντας εἰς τὸν νεῶν, καὶ τὸ ἄλσος, οἱ δὲ σάινσαι, καὶ αἰκάλλαι, διὰ φιλοφροσιν εὐμενοὶ τε, καὶ γνωρίζοντες δῆπν. Ἐὰν δὲ τις ἢ χεῖρας ἐναγῆς, τῶτον μὲν δάκνυσσι, καὶ ἀμύσσει &c. *Sunt autem canes ſacri circa templum, & lacum, qui caſte, & uti decet, ac oportet, accedentibus ad templum, & lacum adulantur, & cauda adblandiuntur, eoſdem tanquam amicos agnoſcentes, & libenter recipientes. Si quis autem contaminatas aliquo ſcelere manus attulerit; hunc morſu, atque unguibus impetunt. Hic numus eſt maximi moduli.*

CCXLVI.

CCXLVI.

ΑΥΤ. ΜΑΞΙΜΕΙΝΟϚ. ΕΥϚΕΒ. ΑΥΓ. *Imperator Maximinus Pius Augustus. Caput Maximini laureatum.*

ΜΗΤΡΟ. ΠΟΝΤΟΥ. ΤΟΜΕΩϚ. Δ. *Metropolis Ponti Tomorum. Bacchus nudus stans, d. cantharum, s. thyrsum; ad pedes lynx, vel tigris. Mediæ formæ numus est.*



CCXLVII.

Γ. ΙΟΥ. ΟΥΗ. ΜΑΖΙΜΟϚ. Κ. Γαῖος Ιούλιος Ουῆρος Μάξιμος Καῖσαρ. *Cajus Julius Verus Maximus Caesar. Caput nudum Maximi, filii Maximini, cum alio minusculo capite, ad collum impresso.*

ΝΙΚΑΙΩΝ. *Nicaensum. Figura muliebris sedens, capite turrito, s. Scipionem, vel sceptrum gerit: videtur Cybelen referre.*

NUmi Maximi in rarorum numero habentur; hic noster medii moduli est.



CCXLVIII.

fr. CCXLVIII.

Γ. ΙΟΥ. ΟΥΗ. ΜΑΖΙΝΟC. Κ. *Cajus Julius Verus Maximus*
Cæsar. Caput ejusdem nudum.

ΝΙΚΑΙΕΩΝ. *Nicaensium.* Templum sex columnarum,
cujus tectum pinnulis ornatum. Medii moduli numus.

CCXLIX.

Γ. ΙΟΥ. ΟΥΗ. ΜΑΞΙΜΟC. Κ. *Cajus Julius Verus Maximus*
Cæsar. Caput ejusdem nudum.

ΝΙΚΑΙΕΩΝ. *Nicaensium.* Vir nudus gradiens, sinistra
sublata arcum tenet, dextra sagittam e pharetra, ex hu-
meris pendente, eximit, & solícite in altum suspicit;
pone ipsum aves, telo transfixæ, decidunt.

Elegantissimum hujus numi typum referre Herculem,
Stymphalidas aves sagittis conficientem, nullum du-
bium est. Nam præterquam quod scriptores prope omnes,
qui stymphalidum meminere, easdem ab Hercule sagittis
confixas perhibeant; PAUSANIAS etiam earundem avium
formam, apte omnino ad numi nostri effigiem depingit.
Ita habet ARCADIC. cap. 22. 'Επὶ δὲ τῷ ὕδατι, τῷ ἐν Στυμφάλῃ
κατέχει λόγος, ὅθεν θὰς ποτὶ ἀνδροφάγους ἐπ' αὐτῷ τραφῆναι. Nar-
ratione fertur, in aquis Stymphali montis aves se se susti-
nuisse, quæ homines absumpsissent. Ταύτας κατατοξεῦσαι τὰς ὀ-
νιδας Ἡρακλῆς λέγεται. Quas aves dicitur Hercules sagittis
confixisse. Deinde pergit Pausanias narrando: ejusce-
modi aves in Arabia reperiri, quarum denique formam
his nobis verbis depingit: 'Αυταὶ μέγεθος μὲν κατὰ γέρανον εἰσὶν
αἱ ὀνιδες· ἑοικασὶ δὲ ἵεσσι. ῥάμῳ δὲ ἀλκιμώτερά φέρονσι, καὶ ἡ
σκόλια ὥσπερ αἱ ἵες. Aves ista magnitudine gruibus pares
sunt, similes vero Ibis; rostrum autem validius habent,
neque tamen ita curvatum, sicut Ibides. Ibis formam in
numis, Ægypti effigie, vel symbolo signatis, videre est,
cui si inflexum rostrum demas, habes plane volucres in
nostro numo expressas, alto collo, & longis pedibus:
gruesque magnitudine, quantum colligi potest, adæquantes.

Gra-

Gratulabatur sibi olim Patinus, adstipulante GRONOVIO in *Thesauro Antiquitat. Græc. Tom. 1.* reperisse se in Temenothyrensum numo desideratam Stymphalidum formam. Verum detectum subinde fuit, Cupidinis in eo numo effigiem potius, quam avis, consignatam videri; quæ de re SPANHEMIUS *Tom. 1. Dissert. 5. §. 4.* videri potest. Atque idem Doctissimus Spanhemius in alio gentis Valeriæ argenteo numo Stymphalidem se deprehendisse existimabat, in quo avis, facie humana, caput galea tecta, tum latus scuto, & hasta munita visitur. Ea species Symbolicæ figuræ, & Ægyptio Hieroglyphico, quam avi prior, neque numismatis ipsius, neque scriptoris ullius satis idonea auctoritate, Stymphalidibus exacte congruit. Nostro igitur, parvi moduli, elegantissimo, ac integerrimo numo vera Stymphalidum forma, absteris fabulis præsentata, deberi videtur.

CCL.

Γ. ΙΟΥ. ΟΥΗ. ΜΑΤΙΜΟC. Κ. *Cajus Julius Verus Maximus Caesar.* Caput nudum.

ΝΙΚΑΙΕΩΝ. *Nicaensium.* Tria signa militaria, cum coronis impositis.

HActenus numi omnes, ΝΙΚΑΙΕΩΝ. aut ΝΙΚΑΕΩΝ. inscripti, ab Antiquariis Nicææ Bithyniæ adjudicati sunt, demptis illis: ΚΛΑΒΙΑΝΩΝ. ΝΙΚΑΙΕΩΝ. de quibus sub initium hujus Appendiculæ actum est. Verum cum Amicus quidam meus, rei numariæ egregie peritus, ad me Belgrado perscripisset: numos ΝΙΚΑΙΕΩΝ. inscriptos magno numero in Mœsia, seu Servia e terra erui; monuit, ut de altera quadam Nicæa, quæ ad Mœsiam, aut vicinam Thraciam pertinuisset, e vetustis scriptoribus detegenda serio cogitarem.

Atque in Mœsia quidem nullam ejus nominis urbem, at in vicina Thracia aliquam deprehendi, quæ Νίχη, aut Νίχα appellabatur: eamque fragmenta S. HILARI *Tom. 2. Concil.*

Editionis Veneta noviss. relata *Niceam* nominant. Attamen a THEODORITO *Lib. 2. cap. 21.* a SOCRATE *Lib. 2. cap. 37.* & a SOZOMENO *Lib. 4. cap. 19.* Νίκη *Nice* & quidem πόλις urbis compellatur. Addit etiam Socrates: Arianos Ursacianos illic Concilium celebrasse, & formulam fidei Ariminensem vulgasse sub nomine Concilii Niceni Oecumenici: τῷ παρομοίῳ τῷ ὀνόματος συναεπάξεν τὰς ἀπλῆστους βουλόμενοι. *Similitudine nominis simpliciores in fraudem inducere volentes.* Ex quo conficio, inter nomina ex NIKAIJA. & NIKH. vel NIKJA. derivata, plurimum, aut omnino convenisse. Id quod magis adhuc confirmat STEPHANUS, in verbo NIKAIJA. ubi habet: ὀγδοὴ θράκης, *Ogda Thracia*. Igitur inscriptio NIKAIJQN. æque Thracicæ seu Nicæ, seu Nicææ convenit, atque Bithynicæ.

Præterea Ammianus Marcellinus Nicen Thraciæ, quam jam alii urbem dixere, stationem militum compellat; ii vero numi NIKAIJQN. qui militaria signa præ se ferunt, magno præter cæteros numero e Thracia, & Mœsia ad nos afferuntur. Quare numos NIKAIJQN. quibus præsertim elegantia Thracicæ fabricæ favet, atque illos in primis frequentissimos, qui signa militaria exhibent, ad Nicæam, seu Nicen Thraciæ referri posse conjicio; e quorum numero est etiam hic noster, parvi æris, numus.



CCLI.

A. K. M. AN. ΓΟΡΔΙΑΝΟΣ. CEB. ΑΦΡ. ΕΥΤΕΒ. 'Αυτοκράτωρ Καῖσαρ
Μάρκος 'Αντώνιος Γορδιανὸς Σεβαστὸς 'Αφρικανὸς 'Ευσεβής. *Imperator*
Cæsar Marcus Antonius Gordianus Augustus Africanus Pius.

Caput laureatum Gordiani Africani Senioris.

L. A. Λυκάβαντος δ. Anno primo imperii. Caput Phœbi
radiatum.

OB insignem numorum Gordiani Africani raritatem,
Ægyptius hic, medii moduli, numus adjectus est; etsi
urbis nomine careat. Vaillantius quatuor etiam id genus
Ægyptia numismata exhibuit, sed posticæ partis diversa
effigie. Eandem quoque, quæ hic data est, capitis Gor-
diani inscriptionem adducit Cl. Vaillantius, atque ultimam
vocem ΕΥΤΕΒ. in duas ΕΥ. CEB. disjungit, legitque 'Ευσεβής
Σεβαστός. Quod probare non possum; cum jam antea CΕ-
Βαστός legatur. Nam ut *Augusti* titulus bis in eadem ca-
pitis epigraphæ collocetur, exemplo caret; contra vero
congrue plane ΕΥΤΕΒ. 'Ευσεβής *Pius* legitur.



CCLII.

ΑΤΤ. Κ. ΔΕ. ΚΕΛ. ΒΑΛΒΕΙΝΟΣ. CEB. Π. Π. 'Αυτοκράτωρ Καῖσαρ
Δεκιμὸς Κέλιος Βαλβείνος Σεβαστὸς, Πατὴρ Πατρίδος. *Imperator*
Cæsar Decimus Cælius Balbinus Augustus, Pater Patriæ.

Caput laureatum Balbini.

ΤΑΡΚΟΤ. ΜΗΤΡΟ. Α Μ Κ Γ Β. *Tarfi metropolis utriusque*
Ciliciæ, Rescripto Senatus. Tres Deæ stantes, quarum me-
dia d. temonem s. Cornu Copiæ; quæ ad dextram adstat,

galeato capite est, & d. hastam, s. clypeum gerit; tertia quæ a sinistris, dextram faciei admovet, s. flagellum gerit.

Figuram illam, quæ a sinistris adstat, & flagellum ostentat, Nemefin esse, nullus dubito. Verum omnes tres, tanquam Nemefes hic exhiberi, mihi quidem haud procul a vero alienum videtur. Plures quippe Nemefes a veteribus Dearum numero fuisse insertas, PAUSANIAS nos docet *in Achaicis*. Καὶ θεῶν Νεμέσεις πλείους νομίζουσιν ἀντὶ μιᾶς. *Plures una Nemefes inter Deas reputant.* Atque aliæ duæ illæ figuræ, quarum altera Palladis armatæ, altera Fortunæ simulacrum refert, ea probe exprimunt, quæ Nemefi attribui solent. Nemefin enim *Fortuna vim* esse, & eidem Romanos, antequam ad *bellum* procederent, sacrificare solitos fuisse, POMPONIUS LÆTUS *de Nemefi* testatur.

Terno porro propositæ numero, fortassis eadem sunt, quæ tres Parcæ. Idem certe utrisque munus commissum est; cum & *Nemesis* nomen a Νεμεσίω *distribuo* deductum fuisse constet: & idem de Parcibus canat HESIODUS *in Theogonia*:

— — — — — αἱ τε διδῶσι
 θνήτοις ἀνθρώποισιν ἔχειν ἀγαθὸν τε, κακόν τε.

Quæ distribuunt mortalibus hominis mala, & bona.

Si quis symbolicam interpretationem potiore putat; dici potest, indicari hisce tribus figuris: *bellum*, justæ *vindictæ* ergo susceptum, *Fortunam* comitari, ac regere. Duos duntaxat Balbini nummos protulit Vaillantius, Milesium alterum, alterum Tarsensem, cum typo trium Charitum, maximi moduli, qualis etiam noster est.



CCLIII.

ΑΤΤ. Κ. Μ. ΑΝΤ. ΓΟΡΔΙΑΝΟΥ. ΑΥ. Ἀυτοκράτωρ Καῖσαρ Μάρκος Ἀντώνιος Γορδιανὸς Ἀυγυστὸς. *Imperator Caesar Marcus Antonius Gordianus Augustus. Caput laureatum Gordiani Pii.*

ΑΔΡΙΑΝΟΠΟΛΕΙΤΩ. *Hadrianopolitarum. Luna, seu Diana lucifera, currens, utraque manu facem apprehendens: a tergo signum Lunæ falcatæ. Mediæ magnitudinis numus est.*



CCLIV.

Eadem utriusque partis epigraphe, idem caput.

Mercurius columnæ innititur, cui capitis simulacrum impositum est; d. Caduceum gestat, s. amiculum sustinet.

Columna hæc, humano capite decorata, veteribus Ἑρμῆς, *Hermes* dicebatur: quo vocabulo *Mercurius* apud Græcos, uti notum est, compellatur, ἀπὸ τῆς ἑρμηνείας, *ab interpretandi munere*. De forma ejusmodi columnarum ita *MACROBIUS Lib. 1. Saturnal. cap. 19. Pleraque etiam simulacra Mercurii quadrato statu figurantur, solo capite insignita*. Cui consentit, quod *PAUSANIAS Messen. cap. 23. scriptum reliquit: τὸ κῆμα τὸ τετραγώνον ἐστὶν ταῖς Ἑρμαῖς. Figura quadrangula sunt Hermæ*. Numus noster eadem figura columnam exhibet. Causam attingit *SERVIVS in Lib. 8. Æneid.* ubi refert: Mercurio dormienti manus amputatas fuisse, & idcirco eundem solo capite,

quod trunco infistit, repræsentari. Ad hoc pariter allu-
sit JUVENALIS *Satyr. 8. versu 53.*

Nil nisi Cecropides, Truncoque simillimus Herma.

Id genus columnæ in viis olim statui solebant, peregrin-
antium instructioni, atque etiam superstitioni servientes.
STRABO *Lsb. 8. Pisæam regionem describens, ita habet:*
Συχνὰ δὲ καὶ τὰ ἑρμῆα ἐν ταῖς ὁδοῖς. Sunt quoque frequentia in
viis Mercurii simulacra. Est medii moduli numus.

CCLV.

ATT. K. M. ANT. ΓΟΡΔΙΑΝΟC. ΑΤΓ. *Imperator Caesar Marcus*
Antonius Gordianus Augustus. Caput ejusdem laureatum.

ΑΔΡΙΑΝΟΠΟΛΕΙΤΩΝ. *Hadrianopolitarum. Serapis stans,*
d. elata, s. baculum, aut virgam mensoriam gestat. Nu-
mus est medii moduli, cujus typum vide in Caracallæ
numo, Nicææ signato.

CCLVI.

Eadem utriusque faciei inscriptio, idem caput.

Figura virilis sedens, capite tutulato, d. pateram, s.
hastam: ad pedes Cerberi trisauis simulacrum.

DOCTISSIMUS P. Harduinus similem numi Trallianorum
typum, *Jovis Venatoris κυνηγῆς* signum esse conten-
dit: negatque, recte hactenus ab Antiquariis in similibus
numis Cerberi figuram visam fuisse; verum illic tres can-
es, Jovi adblandientes, exhiberi. Ut ut sit de aliis nu-
mis, in nostro certe, qui mediæ formæ est, tria colla, uno
e corpore existentia, perspicue dignoscuntur. Mallem
igitur Plutonem hic quidem indicatum existimare.

CCLVII.

ATT. K. M. ANT. ΓΩΝΙΟC. ΓΟΡΔΙΑΝΟC. *Imperator Caesar Marcus*
Antonius Gordianus. Caput ejusdem cum corona radiata.

ΑΝΑΖΑΡΒΟΥ. ΜΗΤΡΟΠΟΛ. ΕΤ. ΕC. *Anazarbi Metropolis,*
anno 260. Mercurius stans, d. crumenam, s. Caduceum,
ex humeris pendet strophium.

HÆC urbs a STEPHANO Ἀναζαρβα πόλις κλημίας. *Anazarba*
urbs

urbs Cilicia, dicitur, qua terminatione in ære veteri non reperitur, sed Ἀνάζαρβος. Uti in *Notitia vetere Ecclesiastica*. Ἐπαρχία Κιλικίας ἑ. Ἀνάζαρβος Μητροπόλις. *Provincia Cilicia secundæ, Metropolis Anazarbus.* Æræ Anazarbensium annus 260. fuit Gordiani annus quartus; cum ea æra cœperit anno V. C. 734. de qua plura in Decio. Medii moduli numus est.



CCLVIII.

M. ANT. ΓΟΡΔΙΑΝΟΣ. ΑΥ. *Marcus Antonius Gordianus Augustus.* Caput ejusdem cum corona radiata.

ΔΟΡΥΛΑΕΩΝ. *Dorylensium.* Nemesis stans, d. faciem versus adducta, s. flagellum gerit, ad pedes rota.

STEPHANUS : Δορυλαίον πόλις Φρυγίας . . . τὸ ἰθνηκὸν Δορυλαίως. *Dorylaum urbs Phrygia; gentile nomen Dorylensis.* Urbibus Phrygiæ Epiæti Δορυλαίον adnumerat STRABO *Lib. 12.* Δορυλαίον scribitur apud Eustathium : Stephano favent numi. . . Hujus urbis monetæ veteres admodum raræ habentur; cum duas duntaxat Vaillantius exhibuerit, M. Aurelii unam, alteram Maximini : nostra mediæ magnitudinis est.

CCLIX.

M. ANT. ΓΟΡΔΙΑΝΟΣ. ΑΥ. *Marcus Antonius Gordianus.* Caput ejusdem cum corona radiata.

ΙΟΥΛΙΟΠΟΛΕΙΤΩΝ. *Juliopolitarum in Bithynia.* Tria signa militaria, quorum medio aquila insistit, reliquis duobus corona. Numus est æris parvi.

CCLX.

CCLX.

ATT. K. M. ANTO *Imperator Caesar Marcus Antonius Gordianus.* Caput laureatum.

ΑΥΡΕΙΤΩΝ. *Lyrbitarum.* Hygia, & Æsculapius stantes, solita figura; in medio stans Telesphorus, pallio, & cucullo tectus: inferius stella.

Lyrbe urbs Phrygiæ, aut Pisidiæ: *in Notitia Ecclesiastica Hieroclis* Ἀύρεν; at melius *in Leonis Notitia* Ἀύρεν. Magni moduli est numus.

CCLXI.

ATT. KAI. M. ANT. ΓΟΡΔΙΑΝΟC. *Imperator Caesar Marcus Antonius Gordianus.* Caput laureatum.

ΑΥΡΕΙΤΩΝ. *Lyrbitarum.* Fortuna stans, d. temonem, s. Cornu Copiæ.

Typum dedimus in Numo Nicopolitano Elagabali. Mediæ formæ est hic numus.



CCLXII.

ATT. K. M. ANT. ΓΟΡΔΙΑΝΟC. ATT. *Imperator Caesar Marcus Antonius Gordianus Augustus.* Caput Gordiani cum corona radiata, pectoris item pars, & dextra erecta, sinistra globum tenet.

ΤΤΙ. ΤΕΡΤΙΑΙΑΝΟC. ΜΑΡΚΙΑΝΟΠΟΛΙΤΩΝ. *Sub Tertuliano Marcianopolitarum.* Gordianus, laureato capite, stans, dextram jungit cum figura muliebri, quæ turrito capite

capite est, & a cujus tergo Cornu Copiæ promicat: in medio ara, inferius: OMONOIA. *Concordia.*

Hunc maximi moduli elegantem numum, in Vaillantio desideratum, vulgavit quidem ante nos Doctissimus BEGERUS, in *Thesauro Brandenburgico*; Noster tamen Magistratus nomen supplet, quod in Brandenburgico non legebatur.

Hoc vocabulum ὁμόνοια, *Concordia*, tum adhiberi in ære veteri solet, cum duarum saltem urbium expressa comparent nomina, quarum concordia indicaretur. Ast hic sola Marcianopolis inscripta legitur: typus vero Gordianum Imperatorem exhibet cum Genio urbis dextram committentem. Non adducor, ut credam: Gordiani Concordiam cum Marcianopolitanis hic indicatam esse; id enim Augusto, & urbis, civiumque supremo capiti non congruebat. Malim conjugalem Concordiam hoc typo commendari, atque sub Muliebri Urbis Genii specie Tranquillinam, Gordiani uxorem, representari: id quod in veteribus numis minime insolitum est.



CCLXIII.

ΑΤΤ. Κ. Μ. ΑΝΤ. ΓΟΡΔΙΑΝΟΣ. *Imperator Caesar Marcus Antoninus Gordianus.* Caput laureatum.

ΜΗΤΡΟΠΟΛΕΙΤΩΝ. ΤΩΝ. ΕΝ. ΙΩΝΙΑ. *Metropolitanarum, qui in Jonia sunt.* Cybele sedens inter duos leones, turrato capite, d. pateram s. tympanum, vel cymbalum.

HAnc urbem, *Metropolis* nomine gaudentem, hoc tem-
T t pore

pore ad Joniam pertinuisse, numus ipse eloquitur, qui æris magni est. R. P. Harduinus hanc *Metropolin* a PTOLEMÆO *Lib. 5.* Lydiæ attributam fuisse, adnotavit. Verum aliam hoc nomine urbem in Lydia etiam fuisse, STEPHANUS contestatur, qui post duas Phrygiæ urbes, eodem *Metropolis* nomine insignes, scribit: Τεῖτη Λυδίας, *Tertia Lydia.* De Cybele PROPERTIUS *Lib. 3. Eleg. 15. v. 35.* ita canit:

*Vertice Turrigero juxta Dea magna Cybele
Tundet ad Idæos Cymbala rauca choro.*

CCLXIV.

ATT. K. M. ANT. ΓΟΡΔΙΑΝΟC. C. *Imperator Caesar Marcus Antonius Gordianus Augustus.* Caput ejusdem.

ΙΕΡΑC. ΝΕΙΚΟΠΟΛΕΩC. *Sacra Nicopolis.* Tripus serpente obvolutus, e vase, tripodi imposito, ramus prominet.

TRipodem, & lauri ramum ad vaticinia Apollinis, serpentem vero ad *Apollinem Salutarem* indicandum pertinere, facile quisque conjiciet. Floruit autem Apollinis cultus Aëtii, & Nicopoli, quæ Aëtio proxima fuit; uti & hæc duo loca conjungit PLINIUS *Lib. 4. Colonia Augusti Aëtium, cum civitate libera Nicopolitana.* Ludos etiam in honorem Apollinis hic celebratos esse, præter Strabonem, alibi adductum, ita SÜETONIUS in *Aug. cap. 18.* perhibet: *Nicopolim apud Aëtium condidit, ludosque illic quinquennales constituit, & ampliato vetere Apollinis templo &c.* Ludos hos, seu hunc agonem DIO CASSIUS ἱερὸν *sacrum* appellat, atque inde etiam ΝΕΙΚΟΠΟΛΙC. ΙΕΡΑ. dicta est. Est medii æris numus.

CCLXV.

ATT. K. M. ANT. ΓΟΡΔΙΑΝΟC. ATT. *Imperator Caesar Marcus Antonius Gordianus Augustus.* Caput ejusdem laureatum.

----- ΕCΤ. ΝΙΚΟΠΟΛΕΙΤΩΝ. ΠΡΟC. ΙCΤΡΟΝ. *Sub Sabino Modesto, Nicopolitarum ad Istrum.* Templum tetrastylon, in quo scapi columnarum tortiles videntur.

Nomen

Nomen Magistratus mancum ex aliis numis suppleri potest. Mediæ formæ est.



CCLXVI.

ATT. K. M. ANT. ΓΟΡΔΙΑΝΟC. ATT. *Imperator Caesar Marcus Antonius Gordianus Augustus. Caput laureatum.*

ΤΠ. CΑΒ. ΜΟΔΕCΤΟΤ. ΝΙΚΟΠΟΛΕΙΤΩ. ΠΡΟC. ΙCΤΡΟΝ.
Sub Sabino Modesto, Nicopolitarum ad Istrum. Nemesis stans, d. flagellum, s. Cornu Copiæ, ad pedes rota.

MEdii moduli numus est. Sabinum Consulem sub Gordiano fuisse, refert JUL. CAPITOLINUS in *Gordiano Tertio. Et Fasti Consulares, e MS. Bibliotheca Vindobonensis Auctoris Anonymi*, ab Eminentissimo Norisio editi, ita habent:

Anno Urbis 993. B. Sabino, & Venusto

994. Gordiano II. & Pompejano &c.

CCLXVII.

ATT. K. M. ANT. ΓΟΡΔΙΑΝΟC. ATT. *Imperator Caesar Marcus Antonius Gordianus Augustus. Caput laureatum.*

ΤΠ. CΑΒ. ΜΟΔΕCΤΟΤ. ΝΙΚΟΠΟΛΕΙΤΩΝ. ΠΡΟC. ΙCΤΡΟΝ.
Sub Sabino Modesto, Nicopolitarum ad Istrum. Nemesis stans, dextra faciem versus adducta, s. flagellum, ad pedes rota.

TYpus hujus numi, qui mediæ formæ est, jam in Dorylenſi Gordiani hujus numo datus est. Nemesein Vindictæ, ac Justitiæ Præsidem, moderationis tamen,

adducta dextra, admonere mortales, existimavit PHILIPPUS,
Poëta Græcus, *Lib. 4. Anthologia.*

Ἡ Νέμεσις πῆχυν κατέχω. Τίος ὕμνα; λίξες.

Πᾶσι παραγγέλλω, μηδὲν ὑπὲρ τὸ μέτρον.

Ego Nemeſis cubitum adduco. Cur autem iſtud? inquires.

Omnibus annuncio: ne quid nimis.

CCLXVIII.

Eadem utriusque partis inſcriptio, idem caput.

Serapis ſtans, tutulato capite, dextra elata, ſ. baculum, aut virgam menſoriam geſtat. Typum vide in Numo Nicæenſium, ſub Caracalla: hic eſt magni moduli. Inſcriptio, a numo priori, in hoc ſolum diverſa eſt: ΝΙΚΟΠΟΛΙΤΩΝ. ΠΡΟΣ. ΙΣΤΡΟΝ.

CCLXIX.

ΑΤΤ. Κ. Μ. ΑΝΤΩ. ΓΟΡΔΙΑΝΟC. ΑΤΤ. *Imperator Caſar Marcus Antonius Gordianus Auguſtus.* Caput laureatum.

ΤΠ. CΑΒ. ΜΟΔΕCΤΟΤ. ΝΙΚΟΠΟΛΕΙΤΩ. ΠΡΟC. ΙCΤΡΟ. *Sub Sabino Modeſto, Nicopolitarum ad Iſtrum.* Hygia ſtans, d. ſerpentem, ſ. pateram. Typus jam propoſitus eſt in Numo Veri, Peſſinuntiorum: hic vero mediæ magnitudinis eſt.

CCLXX.

ΑΤΤ. Κ. Μ. ΑΝΤΩ. ΓΟΡΔΙΑΝΟC. *Imperator Caſar Marcus Antonius Gordianus.* Caput ejusdem laureatum.

ΤΠ. ΜΟΔΕCΤΟΤ. ΝΙΚΟΠΟΛΕΙΤΩΝ. ΠΡΟC. ΙCΤΡΟΝ. *Sub Modeſto, Nicopolitarum ad Iſtrum.* Diana gradiens, d. ſagittam e pharetra eximit, ſ. arcum gerit; ad pedes canis. Typus ſimilis exhibitus eſt in Caracallæ numo Hadriano-politano. Medii moduli eſt hic numus.

CCLXXI.

ΑΤΤ. Κ. Μ. ΑΝΤ. ΓΟΡΔΙΑΝΟC. ΑΤΤ. *Imperator Caſar Marcus Antonius Gordianus Auguſtus.* Caput laureatum.

ΤΠ. CΑΒ. ΜΟΔΕCΤΟΤ. ΝΙΚΟΠΟΛΙΤΩΝ. ΠΡΟC. ΙCΤ. *Sub Sabino Modeſto, Nicopolitarum ad Iſtrum.* Serpens in gyros

gyros contortus, caput coronatum, & nimbo ornatum erigit.

Serpentes quosdam sacros idololatriis fuisse, nimbus arguit. De similibus aliis narrat PAUSANIAS *Corinth. c. 28.* ἱεροὶ μὲν τῷ Ἀσκληπίῳ εἶναι νομίζονται, καὶ εἰσὶν ἀνθρώποις ἡμέτεροι. *Æsculapio sacri (serpentes quidam) habentur, & erga homines mansueti sunt.* Æsculapium ipsum, aut Bacchum a Mœsiis, ac Thracibus hoc symbolo repræsentatum fuisse, ex aliis eorundem numis conijcere licet. Numus est ex ære medio.



CCLXXII.

ATT. M. ΑΝΤΩΝΙΟΥ ΚΑΡΑΙΑΝΟΥ. *Imperator Marcus Antonius Gordianus.* Capita adversa Gordiani laureatum, & Serapidis tutulatum.

ΟΔΗΚΚΕΙΤΩΝ. Ε. *Odessitarum.* Hygia stans, d. serpentem, l. pateram.

IN Thracia inter Calatidem, & Apolloniam a STRABONE *Lib. 7.* locatur : Ὀδησσὸς Μηλοῖων ἀποικία, *Odessus Milesiorum Colonia.* Consentit DIODORUS SICULUS *Lib. 20.* παρῆλθεν εἰς Ὀδησσὸν ἢ καὶ μεταξὺ τῆς τῆς Ἀπολλωνίας, καὶ Καλατίας. *Transiit Odessum, quæ sita est inter Apolloniam, & Calatiam.* STEPHANUS ob viciniam, aut de suo tempore locutus, eam Ponto adscripsit : Ὀδησσὸς πόλις ἐν τῷ Πόντῳ . . . ὁ πολίτης Ὀδησσίτης, καὶ Ὀδησσιεύς. Apud PTOLEMÆUM *Lib. 3.* Ὀδυσσός vi-tiose legitur. Medii moduli numus est.



CCLXXVI.

ANTONIOC. ΓΟΡΔΙΑΝΟC. CΕΒΑC. *Antonius Gordianus Augustus.* Caput ejusdem laureatum: ad occiput litera Ε. impressa cernitur, quæ 'Ευσεβής, *Pius*, legi posset; si non potius incerta monetarii nota dicenda esset.

sc.

CΕΛΕΥΚΕΩΝ. ΤΩ. ΠΡΟC. ΤΩ. ΚΑΛΥΚΑΔΝΩ. *Seleucensium, qui ad Calycadnum siti sunt.* Muliebris figura sedens, capite corona radiata ornato, d. pateram s. Cornu Copiæ.

Seleucia alia Syriæ erat, cujus etiam habentur numismata: alia in Cilicia, cujus numi, uti noster magni moduli ostendit, adsignato fluvii Calycadni nomine, dignoscuntur. *PLINIUS Lib. 5. Seleucia supra amnem Calycadnum, Tracheotis cognomine.* Laudat hanc urbem *STRABO Lib. 14. agens de Cilicia:* πλησίον ἐστὶ τῆς Καλυκάδου καὶ τὸ Ζεφύριον, καὶ αὕτη ἄνερα· ἔχει δὲ ὁ ποταμὸς ἀνάπλεον εἰς τὴν Σελεύκειαν πέλιν ἐν συνοικεμένην, καὶ πόλιν ἀφεστῶσαν τῇ Κιλικίᾳ, καὶ Παμφυλίᾳ τέσσιν. *Prope Calycadnum est Zephyrium promontorium; adverso autem hoc fluvio Seleuciam navigatur, urbem bene constructam, & multum diversam ab aliarum Cilicia, & Pamphylia urbium modo.* Nomen ANTΩΝΙΟC. integre in hoc, atque aliis numis expressum, omne dubium de Gordianorum nomine eximit, de quo antea nonnulli ambigebant: an *Marcus Antonius*, vel *Antoninus* legendum esset. Jam vero numismata, & marmora pro *Antonii* nomine pronunciarunt.

CCLXXVII.



CCLXXVII.

A . . M. ANT. ΓΟΡΔΙΑΝΟC. CΕΒ. *Imperator Marcus Antonius Gordianus Augustus. Caput ejusdem laureatum.*

CIΔHTΩN. *Sidetum.* Imperator paludatus stans, f. hastam gerit, dextram jungit dextræ Palladis Sideticæ, quæ f. hastam tenet, ad ejus pedes clypeus.

DE Pallade Sidetum in Pamphylia, quam hic salutat Gordianus, dictum est in Domitiano. Hic numus est magni moduli.


CCLXXVIII.

ATT. K. M. ANTONIOC. ΓΟΡΔΙΑΝΩC. Π. Π. *Imperator Caesar Marcus Antonius Gordianus, Pater Patriæ. Caput cum corona radiata.*

TAPCOT. ΜΗΤΡΟΠΟΛΕΟC. Α Μ Κ Γ Β. *Tarfi Metropolis Utriusque Cilicia, Rescriptio Senatus.* Diana properans, alte succincta, d. arcum adducit, quem sinistra sustinet: uno genu cervæ prostratæ innixa, in aliam collimat.

Moduli bene magni est hic numus, cujus typus in Tarsensi ære non perinde frequens est, atque in Ephesino.

CCLXXIX.



CCLXXIX.

ΑΤΤ. Κ. Μ. ΑΝΤ. ΓΟΡΔΙΑΝΟΣ. ΚΕΒ. Π. Π. *Imperator Caesar
Marcus Antonius Gordianus Augustus, Pater Patria.*
Caput ejusdem cum corona radiata.

ΤΑΡΣΟΝ ΜΗΤΡΟΠΟΛΕΩΣ. Α Μ Κ Γ Β. *Tarsi metropolis
utriusque Ciliciæ, Rescripto Senatus.* Minerva galeata stans,
d. hastam, s. clypeum. Maximi moduli numus est.



CCLXXX.

ΑΤΤ. Κ. Μ. ΑΝΤ. . . . ΓΟΡΔΙΑΝΟΣ. ΚΕΒ. Π. Π. *Imperator Ca-
sar Marcus Antonius Gordianus Augustus, Pater Patria.*
Caput laureatum.

ΤΑΡΣΟΝ ΜΗΤΡΟΠΟΛΕΩΣ. Α Μ Κ Γ Β. *Tarsi Metropolis
utriusque Ciliciæ, Rescripto Senatus.* Muliebris figura stans,
d. spicas s. Cornu Copiæ ; ad pedes modius cum spicis.
Numus est ex ære magno, procuratæ annonæ abundan-
tiam indicans.

M. ANT. TOPAIANOC. CEB. . . *Marcus Antonius Gordianus Augustus.* Caput Gordiani Pii laureatum.

ΤΡΑΠΕΖΟΥΝΤΙΩΝ. *Trapezuntiorum.* Fortuna stans, tutulato capite, d. temonem, f. Cornu Copiæ. Typus obuius est, & alibi exhibitus. Est numus magni moduli, ac tertius e Cimelio nostro hujus urbis, de qua nulla apud Vaillantium mentio.



CCLXXXII.

CABEINA. TPANKTAAEINA. *Sabina Tranquillina.* Caput Tranquillinae, uxoris Gordiani Pii. Sæpius legitur *Sabinia.*

KIANON. *Cianorum.* Caput galeatum.

Retracto hic errorem oculorum, quem admisi in prima numi hujus editione; Nam TPKANON. pro KIANON. legeram, literarum primarum, jam fugientium, vestigiis deceptus. Mediæ formæ numus est. De Cianorum urbe in Geta dictum est. Caput videtur esse Cii, Socii Herculis, & Conditoris urbis Cii; uti habet numus apud P. Harduinum, & STRABO *Lib. 12.*

CCLXXXIII.

CAB. TPANKTAAEINA. CEBACT. *Sabinia Tranquillina Augusta.* Caput ejusdem.

ΑΥΡΒΕΙΤΩΝ. *Lyrbitarum: in Phrygia.* Fortuna stans, d. temonem, f. Cornu Copiæ. Typum obuium alibi vide. Numus est parvi moduli.

CCLXXXIV.

CCLXXXIV.

☼ B. TPANKTAAEINA. ATT. *Sabinia Tranquillina Augusta.*
Caput ejusdem.

ΜΗΤΡΟ. ΠΟΝΤΟΥ. ΤΟΝΕΟC. Γ. *Metropolis Ponti To-*
marum. Victoria stans, d. coronam, f. palmæ ramum gestat.

EX ære medio est hic numus, qui rursus literam Γ. &
non solitum illud Δ. exhibet. Videri possunt dicta
ad numum Tomitarum M. Aurelii. Imaginem posticæ fa-
ciei propositam habes in Nicopolitano Macrini numismate.



CCLXXXV.

ΑΥΤ. Κ. Μ. ΙΟΥΑ. ΦΙΛΙΠΠΟC. ΑΥΤ. 'Αυτοκράτωρ Καίσαρ Μάρκος
Ιούλιος Φίλιππος 'Αυγούστος. *Imperator Caesar Marcus Julius Phi-*
lippus Augustus. Caput laureatum Philippi Senioris.

ΒΙΖΥΗΝΩΝ. *Bizyenorum: in Thracia.* Figura nuda
virilis stans, d. lauri ramum protendit, sinistram extendit
super serpentem, ex arula ascendentem.

Simili figura Apollo in latinis numis, & singillatim in
Valeriani numo apud Celeberrimum Bandurium re-
presentatur, cum epigraphe: APOLLINI. CONSER-
VATORI. Idem apud Græcos ΣΩΤΗΡ. *Servator* appella-
tur, aut 'Εκπύριος, 'Αλεξιμαχος, 'Ανέσιος. *Auxillator, Aver-*
runcus, Medicus. Congruit hic serpens, aræ circum-
plexus, notum salutis symbolum, itemque laurus, Apol-
lini chara. Magni moduli est hic numus.

Uu 2

CCLXXXVI.



CCLXXXVI.

M. ΙΟΥΛΙΟΥΣ. ΦΙΛΙΠΠΙΟΥΣ. ΑΤΤ. *Marcus Julius Philippus Augustus.* Caput Philippi Senioris cum corona radiata.

ΕΠΙ. ΠΟΤ. ΠΟΝΤΙΚΟΥ. ΑΡΧΙΕΡΕΩΣ. ΚΟΤΙΑΕΩΝ. *Sub Publio Pontico Summo Sacerdote Cotiaënsium.* Figura muliebri vestitu, curru insidens, leonum biga vehitur.

Figuram in hoc, parvi æris, numo expressam, Cybelem existimo propterea, quod leonibus vehatur; etsi cætera signa desint. Huic enim Deæ proprium erat, leonibus aut vehi, aut stipari. De eadem ita MACROBIUS *Lib. 1. Saturnal. cap. 21. Quis enim ambigat Matrem Deum Terram haberi? Hac Dea leonibus vehitur, validis impetu, atque fervore animalibus, quæ natura cæli est, cujus ambitu aër continetur, qui vehit terram.* Accedit, Cotiaëum Phrygiæ urbem esse, quæ regio Cybeles cultui præter cæteras addictam se ferebat.

Illud notatu dignum in hoc numo occurrit: *Publium Ponticum summum sacerdotem* expressa voce ΑΡΧΙΕΡΕΩΣ. inscriptum legi; Nam in aliis Cotiaënsium numis τὸ ΑΡΧ. deprehensum, hætenus legebatur: Ἀρχοντας. *Archonte.* Cum vero in nostro hoc numo Ἀρχιερεύς integre, ac perspicue habeatur; existimarem ita etiam reliquos Cotiaënsium numos exponendos esse, qui τὸ ΑΡΧ. præ se ferunt. Fortasse iidem Archontes, & sumi sacerdotes fuerunt; quoniam late admodum Archontum nomen patebat. Profert quidem numum unum Agrippinæ Cotiaënsis R. P. Har-

P. Harduinus, in quo legeretur: APXONT. ΔΙΟΓΕΝΟΥΣ.
Aſt ubi ille numus extet, aut an probe conſervatus, in-
ſpectusque ſit, nulla mentio.



CCLXXXVII.

Μ. ΙΟΥΛΙΟΣ. ΦΙΛΙΠΠΟΣ. Κ. *Marcus Julius Philippus Caesar.*
Caput nudum Philippi filii.

ΚΟΤΙΑΕΩΝ. *Cotiaënsium.* Corona ex lauro. Parvi
moduli numus eſt.



CCLXXXVIII.

ΜΑΡ. ΙΟΥΛΙΟΣ. ΦΙΛΙΠΠΟΣ. ΚΑΙ ΣΑΡΑΠ. *Marcus Julius Philippus*
Caesar. Capita adverſa Philippi Junioris nudum, &
Serapidis tutulatum.

ΜΕΓΑΜΒΡΙΑΝΩΝ. *Mesambrianorum.* Ceres ſtans, d.
ſpicas, ſ. facem.

A Ccenſa face, raptam a Plutone ſub Ætna monte,
Uu 3 Pro-

Proserpinam filiam inquirebat Ceres, quam eleganter ita descripsit STATIUS *Thebaidos Lib. 12.*

*Qualis ab Ætnais accensa lampade sacris
Orba Ceres magna variabat imagine flamma
Ausonium, Siculumque latus.*

Mediæ formæ numus est.



CCLXXXIX.

ΑΤΤ. ΤΡΑΙΑΝ. ΔΕΚΙΟC. CΕΒ. 'Αυτοκράτωρ Τραιανός Δά-
κιος Σεβαστός. *Imperator Trajanus Decius Augustus. Caput*
Traiani Decii cum corona radiata.

ΑΝΑΖΑΡΒΟΤ. ΕΝΔΟΞΟΤ. ΜΗΤΡΟΠΟ. ΕΤ. ΙΕΡΟΥ. ΝΕΟΥ.
ΠΡΩ. ΖΕC. Γ. Γ. 'Αναζάρβη 'Ενδόξη Μητροπόλις. 'Ετος 'Ιερῶ νῆς
πρώτῃ ζζς. Γράμματι Γευσίας. *Anazarbi Illustris Metropolis,*
Anno sacro novo primo 267. Rescripto Senatus. Quinque
urnæ ludorum cum ramis.

HActenus numi inscripti : *Anno novo sacro*, ΕΤΟΤΣ.
ΝΕΟΥ. ΙΕΡΟΥ. sub Fláviis tantum Imperatoribus, Ve-
spasiano, Tito, ac Domitiano producta sunt, & sub
Nerva, qui eosdem proxime consecutus est. Numos hos
sub unum conspectum posuit R. P. HARDUINUS in *Historia*
Augusta, ex Numis, Oper. Select. pag. 737. Annum illum
Novum, Sacrum, Seguinus ab Æde Jovis Capitolini, per
Vespasianum instaurata, deducit : Doctissimus Henricus
Valesius vero, ab Imperio Vespasiani, cujus annos exi-
stimat

stimat idcirco sacros esse appellatos; quod Rem Publicam in bonum statum restituisset. R. P. PIOVENE *Tom. 9. Tavola 1. Medaglia 12. pag. 35.* multis ostendere conatur: numos, ejuscemodi anno signatos, didrachmum fuisse, Judæis a Tito imperatum, qui Templo Jovis Capitolini instaurato penderetur; atque ita legendum quadam interpunctione censet ΕΤΟΥΣ. (NEOT. ΙΕΡΟΥ.) A. *Anno (Novi templi moneta) Primo Imperii.* Verum eruditæ huic conjecturæ, præter alia non pauca, & lesionem istam extortam potius, quam elicitam; obstat numus noster, qui neque ex Argento est, nec de Jovis symbolis quidquam exhibet, neque ullum cum tributo illo, jam dudum haud dubio sublato, nexum præ se fert, aut, cum Anazarbenfis Urbis nomine, præ se ferre congruenter potest. *Eminentissimus NORBIUS de Epochis Syromaced. Dissert. 3 cap. 6.* & HARDUINUS, *loco laudato*, ad annos Imperii hos *Annos. Novos, & Sacros*, atque adjunctos numeros referunt. Annum *Novum* dici, novo initio, a suscepto Imperio, redeunte. Quod pulcherrime comprobant Numi Hadriani, & Antonini Pii, in quibus legitur: S. P. Q. R. A. N. F. F. OPTIMO. PRINCIPI. *Senatus Populusque Romanus Annum Novum, Faustum, Felicem, Optimo Principi.* Porro *Sacrum* fuisse Annum Imperii initi, ejusque recursum, tum ob Imperatores *Augustos*, seu *Sacros* (cum τὸ ἱερός etiam *Augustum* significet) qui accepta Tribunitia Potestate Sacrosancti habebantur, manifestum est; tum ex celebritate ludorum, ac votorum conceptorum solemnitate colligitur, de quibus ita PLINIUS *Jun. Epistola 103.* *Diem Imperii debita Religione celebravimus, commendantes Diis Imperii Tui auctoribus & vota publica, & gaudia.*

Hanc sententiam mirifice illustrat, & confirmat elegantissimus numus noster, qui magni moduli est. Exhibet is cum *Anno, Novo, Sacro*, publica illa gaudia, & voti-

votivos ludos, quinque urnarum, & variorum ramorum symbolo, quibus Primum Imperii Decii annum condecorabant Anazarbenses. Exhibet porro, quod numus, quantum novi, hactenus alter nullus, una cum *Anno Sacro, Novo, Primo*, ipsos Æræ urbis Anazarbensis annos, qui illum *primum* annum, esse Imperii, a Decio suscepti, primum, plane commonstrant. Nam Vaillantius, Norisius, & Harduinus uno calculo Anazarbensis æræ initium statuunt Anno V. C. 734. Id quod ex Valeriani numo inscripto BOC=272. erudite deducit Doctissimus P. Harduinus. Igitur si cœpto, an. V. C. 734. in autumno, anno primo Anazarbensium, adnumerem annos, in nostro numo consignatos, 267. exibat annus V. C. 1001. cujus autumno finiit annus Anazarbensium 267. Quare ante autumnum anni V. C. 1001. Decium, qui hoc in numo jam *Augustus* salutatur, ad Imperium pervenisse necesse est. At enim præter R. P. Harduinum, etiam Cel. P. Pagius, & Cl. Vaillantius statuunt, Decium anno demum V. C. 1002. Imperium in Martio, aut in Julio adiisse. Ex quo conficio: adeo certum esse, non posse, nisi cum Primo Imperii Decii anno, nostrum Anazarbensium annum congruere; ut etiam, ad conciliandam temporum rationem, aut Anazarbensium Æram uno anno tardius, aut Imperium Decii uno item anno cœpisse citius, quam sit hactenus creditum, constitui oporteat: de quo porro Chronologi viderint.



CCXC.

KAI. OC. CEB. Καὶσαρ Ὀσίουανός Σεβαστός. *Cæsar Hostilianus Augustus.* Caput Hostiliani laureatum, cum adverso capite fœminæ, sub cujus protome parvum quoddam viri caput impressum cernitur, penes quod character, similis literæ V.

- - - ΠΕΡΠΕΡΗΝΗΝ. ΔΙΟΥΤΙΟΝ. *Perperenorum Bacchum Colentium.* Figura muliebri vestitu stans, capite Luna falcata ornato, & tutulo superposito; s. facem attollit, in d. pateræ simile aliquid videtur, ad pedes animal, quod certo indicio non dignoscitur.

Optandum sane esset, ut rarissimi hujus numi, qui maximi moduli est, inscriptio integra compareret; ex qua fortasse certius aliquid de Hostiliani uxore constitui posset. Probabile certe est, fœminæ effigiem, cum Hostiliani solius expressam capite, ejusdem uxorem referre; præsertim, cum spatium bene magnum in ora numi, fugientibus characteribus notatum, habeatur, quod spatium longius quoddam, aut plura potius nomina requirit. Pluribus vero nominibus appellatam Hostiliani uxorem fuisse, bene ex numis duobus collegisse videtur Tristanus, quos ita inscriptos exhibet:

Γ. ΟΥ. ΟΥΤΙΑ. Μ. ΚΟΙΝΤΟC. CEB. *Cajus Valens Hostilianus Messius Quintus Augustus.* Caput Hostiliani laureatum.

ΓΝ. CΕ. ΗΡΕΝΝ. CΑΑ. Β. ΟΡΒ. CΕΒ. *Gnea Seja Herennia Sallustia Barbia Orbiana Aug.* Caput Fœminæ admodum juvenis. Alter numus est ex argento.

ΓΝ. SEIA. SALL. BARBIA. ORBIANA. AVG. Caput Fœminæ admodum juvenis.

CONCORDIA. AVGVSTORVM. Muliebris figura stans, d. pateram s. duo Cornua Copiæ.

E quibus numis recte conficitur : hanc Orbianam (quæ fortasse Sallustiae Barbiae Orbianæ, Alexandri uxoris, filia, aut sanguine juncta fuerit) Hostiliani uxorem habendam esse. Atque ut ad numum nostrum revertar; illud Hostiliani effigiei adjunctum Fœminæ caput, hanc Gneam Sejam Sallustiam Barbiam Orbianam referre arbitror; quod multa extritæ inscriptionis vestigia etiam indicare videntur.

Aversæ partis simulacrum vel πάνθειον esse, vel Bacchantis figuram existimo. Faces a Bacchantibus gestatas fuisse EURIPIDES in *Bacch.* testatur.

Ὁ Βακχὺς δ' ἔχον

Περσῶν φλόγα πυκνῆς.

Bacchans autem gestans

Multo igne ardentem pineam tadam.

Perperenos porro Baccho singulariter devotos fuisse, & nostri numi inscriptio, & alia eorundem numismata comprobant, pene omnia Bacchi simulacro, aut symbolo quopiam insignita. Animal denique, figuræ adstans, aîno haud est multum dissimile; Silenum porro, Bacchi alumnum, & comitem eodem vehi solitum fuisse, omnes norunt. Perperene urbs in Æolide locatur a PLINIO *Lib. 5.* In Lydia vero a Ptolemæo, per R. P. Sirmondum S. J. restituto. Cellarius hanc urbem attribuit Mysiæ, inter Æolidem, Lydiamque mediæ.



ΑΥΤ. ΚΑΙ Γ. ΟΥΡ. ΤΡΕΒ. ΓΑΛΟΟ. ΟΥΒ. ^{sc.} 'Αυτοκράτωρ Καίσαρ Γαίος Ουβίλιος Τρεβωνιανός Γάλλος Σεβαστός. *Imperator Caesar Cajus Vibius Trebonianus Gallus Augustus. Caput Treboniani Galli laureatum.*

ΦΛ. ΝΕΑΟ. ΠΟΛΕΩΟ. *Flavia Neapolis.* Figura paludata stans, d. hastam, l. simulacrum montis Garizim, cum imposito templo gerit: sinistro pede figuram jacentem premit.

AD Samariæ Neapolim similis epigraphes numos pertinere, numi Titi, ac Domitiani certos nos reddunt, in quibus præter *ολαβίας Νίας πόλιως* adjungitur ΣΑΜΑΡΕΙΑΣ. *Samaria.* De hac urbe PROCORIUS *de Ædific. Lib. 5. cap. 7.* Ἐστὶ τις πόλις ἐπὶ Παλαιστίνης Νεάπολις ὀνομα, ἐφ' ἧς δὲ ὄρος ὑψηλὸν ἀνέχει, Γαριζὶν ὀνομα. *Est in Palestina urbs, nomine Neapolis, prope quam altus mons exurgit, dictus Garizim.* Olim Sichem hic locus appellatus est, atque isthic Abraham altare Deo crexerat, *Genes. 12. v. 6. & 7.* Subinde, tempore Alexandri Magni, Manasses, Pontifex Judæorum, ab iisdem, quod Samaritanam duxisset, sacerdotio abdicatus, in monte Garizim templum, Hierosolymitano simile, crexit, & Levitas instituit. Eam ædem post annos ducentos Hyrcanus Macchabæus evertit. Narrat hæc FLAV. JOSEPHUS *Antiquit. Lib. 11. cap. 7. & Lib. 13. cap. 16.* Non destitere tamen Samaritani Deos suos in montis istius vertice adorare. Nam summi Jovis Sacratissimum templum in monte Garizim existisse, perhibet DAMASCIVS *apud Photium.* Ejus templi formam numi quidam hujus urbis eleganter exhibent, quos apud Eminentiss. Norisium, aliosque videre licet. Noster hic numus medii moduli est.

Neapolis Samariæ sub Philippo Colonie jure fuisse cohonestata videtur; cum ab eo tempore latini ejusdem numi compareant, cum Colonie, & Ædituæ titulis

Unde CL. VAILLANTIUS existimat in *Opere de numis Colon. in Treb. Gallo*, hujus Neapoleos, a Philippi temporibus signatos numos, græcis characteribus inscriptos, incuria sculptorum formatos fuisse, qui adhuc adfueti priorum temporum formis, græce aliquos sculperint. Verum liceat mihi a Viri tanti opinione discedere; nam ob numerum Græcorum Neapoleos, sub Gallo, & Volusiano prolatorum, varietatem, & moderatam raritatem, mallet utraque lingua insignes numos Neapoli procusos esse: Latinos a deductis colonis, Græcos a veteribus incolis, prisco suo more.



CCXCII.

ΑΥΤΟΚΡΑ. ΚΑΙ. ΓΑΙ. ΟΥ. ΤΡΕ. ΓΑΛΛΩΝ. Ἀυτοκράτορα Καίσαρα Γαίον Ουίλιον Τρεβωνιανὸν Γάλλον. *Imperatorem Caesarem Cajum Vibium Trebonianum Gallum*, honorant Syedrenses.

Caput laureatum ejusdem.

ΣΥΕΔΡΕΩΝ. *Syedrensum*. Pluto, quadrigis insitens, Proserpinam abripit; equos praecedit figura, quasi viæ dux, aut explorator praemissus.

TReboniani Galli numismata raris adnumerantur, noster magni moduli est. Figura, quadrigas praecedens, videtur exploratorem praemissum, & nescio quid manu protensa significantem, respectantemque referre; siquidem *furtim Proserpinam, ipso Jove adjuvante, abripuit Pluto, ejus amore succensus. uti refert APOLLODORUS Lib. 1. Πλάτων δὲ Περ-*

σιφόνης ἱεραθεὶς, Διὸς συνεργῆντος, ἔρπασεν αὐτὴν κρύφα. Forte Jupiter ipse *Adjutor* hic exhibetur; cujus tamen certum indicium desideratur.



CCXCIII.

Γ. ΟΥ. ΓΑ. ΦΙ. ΓΑΛΛΟC. ΟΥΟΛΟCΙΑΝ. ^{fr.} Γαῖος Ουίβιος, Γαλινδικός, Φιννικός, Γάλλος Ουολουσιανός. *Cajus Vibius, Galindicus, Phinnicus, Gallus Volusianus.* Caput Volusiani laureatum.

ΚΙΑΝΩΝ. *Cianorum.* Hygia stans, d. serpentem, l. pateram; ejus typum jam aliquoties dedimus.

Cognomina Volusiani: *Galindicus, Phinnicus* item in aliis numis *Vendenicus* a devictis Sarmatiæ populis originem ducunt; uti colligitur e ZOSIMO *Lib. 1. & ex PRO-LEMÆO Lib. 3. cap. 7.* R. P. HARDUINUS in *Historia Aug.* τὸ ΓΑ. ΦΙ. ΟΥΕΝΑ. legendum putat Γαῖος Φίννιος Ουένδιξ. *Cajus, Phinnius, Vindex.* At enim in hoc nostro numo, qui parvæ formæ est, primum Γ. *Cajum* denotat, & ΓΑΛΛΟC; integre scriptum habetur; aliter igitur, hic certe, ΓΑ. ΦΙ. legendum est.



Xx 3

CCXCIV.

CCXCIV.

ΑΥ. Κ. ΠΟ. ΑΙΚ. ΟΥΑΛΕΡΙΑ. Ἀυτοκράτωρ Καῖσαρ Πούβλιος Λικίνιος Ουαλεριανός. *Imperator Caesar Publius Licinius Valerianus.*

Caput Valeriani Senioris cum corona radiata.

ΚΟΙΝΟΝ. ΘΕΣΣΑΛΩΝ. *Commune Thessalorum.* In area Δ. Pallas galeata gradiens, d. elata telum vibrat, f. clypeum sustinet.

DOctissimus Patinus ad similem numi effigiem adnotavit: Apollonii interpretem tres Pallades recensere, Boeotiae unam, alteram Thessaliae, tertiam Lybiae. De Pallade Itonia (quae Itone, Thessaliae oppido colebatur) Stephanus haec refert: Ἴτον πόλις Θεσσαλίας, ἀπὸ Ἰτῶν Ἡρώος, ἀφ' οὗ καὶ Ἰτωνία ἢ Ἀθηνᾶ. *Iton urbs Thessalia: ab Itone Heroë, a quo etiam Itonia Minerva.* Parvi moduli numus est.



CCXCV.

ΝΟΥ. ΑΙΚ. ΟΥΑΛΕΡΙΑΝΟΣ. CE. *Publius Licinius Valerianus Augustus.* Caput cum corona radiata.

ΝΙΚΑΙΕΩΝ. *Nicaensium.* Imperator Paludatus cum corona radiata stans, dextram committit cum alio viro paludato, cujus caput turritum est: ambo sinistram hasta pura fulciunt; ad latus Imperatoris alia figura adstat, d. pateram tenens, vel globum.

Similem aversae partis typum in Niceno Valeriani numo Celebrerrimus Bandurius, cum alia tamen capitis epigraphē, protulit. Is ambos illos viros paludatos, caput corona radiata redimitos exhibet, & Valerianum cum Gal-

Gallieno repræsentari putat. In nostro vero, medii moduli, numo figura altera, uti exposui, manifeste caput turritum ostendit. Mallem igitur hac figura Genium Urbis Nicæ effictum, seu ipsos Cives, Valerianum salutantes, existimare; præsertim cum similis plane numi Niceni effigies, sub Salonina mox proferenda, virum illum, capite turrito, in hoc numo insignem, genu curvantem exhibeat; quod in hoc item typo, sed minus notabili flexu, conspiciere licet. Tertia figura videtur Fortunam, globum dextra ostentantem, referre.



CCXCVI.

ΑΤΤ. ΚΑΙ. ΠΟ. ΑΙΚ. ΟΥΑΑΕΡΙΑΝΟC. *Imperator Caesar Publius Licinius Valerianus. Caput laureatum ejusdem.*

CΤΕΑΡΕΩΝ. *Syædreorum.* Tres Deæ stantes, junctis manibus, earum media capite galeato, quæ a sinistris adstat, sinistra flagellum gerit.

TRes has Deas Nemeses esse conjicio, de quibus vide, quæ ad Balbini numum adnotaverim. Ea hoc multum simili figurarum, manus jungentium, typo aliquid majoris probabilitatis consequi opinor. Numus noster ex ære magno est; hujus urbis nullum sub Valeriano vidit Vaillantius.

CCXCVII.

CCXCVII.

ΑΤ. Κ. Π. ΑΙΚ. ΟΥΑΛΕΡΙΑΝΟΝ. ΣΕΒ. Π. Π. *Imperatorem Caesarem Publium Licinium Valerianum, Augustum, Patrem Patria*, honorant Tarsenses. Caput Valeriani Senioris cum corona radiata.

ΤΑΡΣΟΤ. ΜΗΤΡΟΠΟΛΕΩΣ. Α Μ Κ Γ Β. *Tarsi Metropolis utriusque Cilicia, Rescripto Senatus*. Fortuna stans, d. remonem, l. Cornu Copiae. Typus jam alias est exhibitus.

Tarsensem Valeriani numum similis omnino figurae protulit R. P. Bandurius; attamen utriusque faciei epigraphae aliter se habet in numismate nostro, quod maximae formae est.



CCXCVIII.

ΑΤΕ. Κ. Π. ΑΙΚ. ΓΑΛΛΙΗΝΟΣ. 'Αυτοκράτωρ Καίσαρ Πύβλιος Γαλλίνος Γαλλίωνος. *Imperator Caesar Publius Licinius Gallienus*.

Caput Gallieni laureatum, cum pectore, erecta manu sinistra.

ΣΤΡ. Λ. ΣΤΗΛΛΟΤ. ΚΥΖΙΚΗΝΩΝ. ΝΕΟΚΟ. *Στρατηγὴ Λυκίου Στήλλου Κυζικηνῶν Νεωκόων. Praetore Lucio Stello, Cyzicenorū Aedituorum*. Ara inter duas faces, quarum utrique serpens obvolutus.

Hujus averſae faciei typum, in duobus Gallieni numis Cyzicenis, produxit quidem Cl. Vaillantius; verum alio Magistratus nomine illi ambo inſcripti habentur: alter Socratis, alter Lucii Hermolai. Faces, & serpentes ad Bacchi, vel Cereris cultum pertinere videntur. Numus est medii moduli.

CCXCIX.



CCXCIX.

ΠΟ. ΛΙ. ΕΓΝ. ΓΑΛΛΗΝΟC. Πύβλιος Λικίνιος Εγνάτιος Γαλλήνιος.
Publius Licinius Egnatius Gallienus. Caput Gallieni laureatum.

ΝΙΚΟΜΗΔΕΩΝ. ΤΡΙΚ. ΝΕΩΚΟΡΩΝ. *Nicomediensium ter Aedituorum. Tres urnæ ludorum, cum binis ramis.*

Hic posticæ partis typus in Vaillantii opere reperitur, cum adversa parte, capita Valeriani, & Gallieni simul exhibente, sed non cum solo Gallieni capite. Mediæ formæ est numus.

CCC.

ΑΤ. Κ. Π. ΛΙΚΙΝ. ΓΑΛΛΗΝΟC. *Imperator Caesar Publius Licinius Gallienus. Caput ejusdem cum corona radiata.*

ΣΕΛΕΥΚΕΩΝ. ΤΩΝ. Π. ΚΑΛΥΚΑΔΩΝ. *Seleucensium, qui ad Calycadnū sunt. Victoria stans, d. coronam, s. palmæ ramum præfert: dextro pede globum calcat, in area Caduceus.*

Numus hic magni moduli est, qui superato per *Victorias* terrarum Orbe, Caduceo *Pacem* restitutam indicare videtur. Quare ad prima Gallieni Imperantis tempora referendus est hic numus; quoniam tum de Germanis, ac Sarmatis utilissimas Romanæ Rei Publicæ per Gallienum relatas esse *Victorias* Zosimus *Lib. 1.* itemque Eutropius *Lib. 9.* atque adeo numi Gallieni complures, apud R. P. Bandurium relati, contestantur.

Yy

CCCL.

CCCI.

ΑΥΤ. Κ. ΓΑΛΛΗΝΟΣ. ΑΥΤ. *Imperator Caesar Gallienus Augustus.* Caput ejus laureatum.

ΟΤΑΠΙΑΣ. ΣΕΡΔΙΚΗΣ. *Figura nuda stans, d. hastæ puræ innititur, s. amiculum rejicit: caput pileolo tegitur. Mediæ formæ est hic numus.*



CCCII.

ΑΥΤ. ΚΑΙ ΠΟ. ΛΙ. ΓΑΛΛΗΝΟΣ. *Imperator Caesar Publius Licinius Gallienus.* Caput Gallieni laureatum, infra quod aquila; ante faciem signum quoddam Monetarii, cujus forma non dignoscitur.

ΣΙΔΕΤΩΝ. ΝΕΩΚΟΡΩΝ. *Sidetum Aedituorum.* Mulier stans, d. pateram attollit, cui substituta est amphora, s. palmæ ramum gerit: ad latus sinistrum planta, florem ferens, & baculum ambiens, assurgit.

EX ære magno est hic numus, qui Victoriæ simulacrum exhibere videtur. Numismata Sidetum alioqui fere semper Palladis simulacrum referunt. Conciliari vero hæc fortasse poterunt; si hic Palladem Victricem, seu Victoriæ effictam dicamus. Nam PAUSANIAS quidem certe, in *Atticis*, templi meminit: Ἀθηναῖς τῆς καλεμένης Νίκης. *Palladis, quæ Victoria dicta est.* Vicit vero Pallas Pallantem, unum e Gigantibus, adversum Deos insurgentibus; quæ de re ita, APOLLODORUS *Lib. 1.* Πάλλαντος δὲ τὴν δορὰν ἐκτεμύσα, ταυτῇ κατὰ τὴν μάχην τὸ ἴδιον ἐπίσκηπε σῶμα. *Detrahta Pallanti pelle, in pugna, eadem proprium corpus contextit.* Ab hoc Pal-

Pallante, etiam *Palladis* nomen τῇ Ἀθηνᾷ accessisse EUSTATHIUS in *Lib. 1. Iliados* adnotavit. De amphora, & planta, in hac numi effigie expressis, divinare non libet.



CCCIII.

ΑΤΤ. Κ. ΠΟ. ΑΙ. ΓΑΛΛΙΗΝΟC. *Imperator Caesar Publius Licinius Gallienus. Caput ejusdem laureatum.*

CMTPNAION. *Smyrnaeorum. Hercules stans, d. scyphum, f. clavam, & exuvias leonis.*

Smyrna, celeberrima Joniæ urbs, hodieque suo nomine, & commerciis insignis. De ea *PLINIUS Lib. 5. Ab Amazonibus condita, restituta ab Alexandro, in ora Smyrne, amne Melete gaudens, non procul orto.* Contra vero *STRABO L. 14. Smyrnam ab Antigono primum, dein a Lysimacho instauratam fuisse perhibet.* Smyrne, seu Smyrna Amazon, etiam in nostri Cimelii numo repræsentatur; & apud R. P. Harduinum, bipenne armata, & dextram jungens cum Turrita Asiæ figura, aptaque plane inscriptione adposita: *ACIA. CMTPNA. OMONIA. Asia, & Smyrna concordia.* Primam Asiæ se etiam in ære suo urbs ista compellat.

Herculem, Scypho armatum, *MACROBIUS Lib. 5. Saturn. cap. 21. ita fufius descripserat: Scyphus Herculis poculum est, ita, ut Liberi Patris Cantharus. Herculem vero fiffiores non*

sine causa cum poculo fecerunt, & nonnunquam casabundum, & ebrium; non solum quod is heros bibax fuisse perhibetur, sed etiam quod antiqua historia est: Herculem poculo, tanquam navigio, ventis immensa maria transisse. Addit deinde: Nationem quandam hominum fuisse prope Heracleam, ab Hercule constitutam, Cylicranorum composito nomine ἀπὸ τῆς κύλικος. quod poculi genus nos una litera immutata calicem dicimus. Poculo hoc a sole donatum fuisse Herculem, dum in Africæ, & Europæ finibus columnas constitueret, APOLLODORUS Lib. 2. ita exequitur: Θερμαινόμενος δὲ ὑπὸ ἡλίου κατὰ τὴν πορείαν τὸ τόξον ἐπὶ τὸν θεὸν ἐνέτεινεν· ὁ δὲ τὴν ἀνδρείαν αὐτῷ θαυμάσας, χρύσειον ἔδωκε δέπας, ἐν ᾧ τὸν Ὀκεανὸν διεπέρασε. Incallescens a sole Hercules, arcum in Deum ipsum intendit. Hic vero fortitudinem ejus admiratus, aureo poculo donavit Herculem, quo is Oceanum trajecit.

Potuit etiam hac numi effigie id Herculis factum indicari, quod narrat PAUSANIAS, in *Corinthiacis cap. 13.* Ab Hercule, cum apud Oeneum socerum cœnaret, puerum pocillatorem, cui κύαθος *Cyathus* nomen erat, uno digiti afflictu necatum esse; quod porrectum ab eo puero poculum Herculi non arrisisset. Numus hic est ex ære parvi moduli.



ΑΥΤ. ΚΑΙ. ΠΟ. ΑΙΚ. ΓΑΛΛΙΗΝΟC. CЄ. *Imperator Caesar Publius Licinius Gallienus Augustus.* In area ante vultum legitur IA; cujus interpretatio incerta est. Capitis unius, alteri adsignati, effigies.

CTЄAPEON. *Syedreorum.* Vir semi-nudus sedens, d. hastam puram, l. clypeum ad pedes attinet.

IN antica parte numi hujus, duo capita efformata fuisse, modulo sub geminato ictu aberrante, timide suspicabar. Verum, re melius perpensa, suspicionem omnem literæ, in ora numi integræ, nihilque geminatæ, ademerunt. Itaque resignatum potius numum veterem existimo, de quo numorum genere egi in *Dissertatione: De Numis, Monetariorum Veterum culpa, vitiosis, cap. ultimo.* Postica vero pars numi simulacrum exhibet, quali solet Jupiter in ære veteri repræsentari, si clypeum excipias. At enim clypeum quoque, eumque Ægidis nomine insignem, Jovi hic apte attributum esse testatur *Epigrammatistes* ANONYMUS *Lib. 1. Antholog. Græc.*

Κισσῶ μὲν Διόνυσος ἀγάλλεται, Ἄγχι δὲ Ζεύς.

Bacchus quidem hedera gaudet, sed Jupiter Ægide.
Magni moduli est hic numus.



CCC.V.

ΑΥ. ΚΑΙ. Π. ΗΓ. ΓΑΛΛΙΗΝΟΣ. ΣΕΒ. Π. Π. Ἀυτοκράτωρ Καίσαρ
Πύβλιος Ἡγνάτιος Γαλλῆνος Σεβαστός, Πατὴρ Πατρίδος. *Imperator*
Cæsar Publius Egnatius Gallienus Augustus, Pater Patriæ.
Caput Gallieni cum corona radiata.

ΤΑΡΣΟΤ. ΜΗΤΡΟΠΟΛΕΩΣ. Α Μ Κ Γ Γ. *Tarſi Metropolis*
utrinſque Ciliciæ, Reſcripto Senatus. Diana ſuccincta ſtans,
d. ſagittam e pharetra depromit, ſ. arcum gerit. Magni
moduli numus eſt.

CCC.VI.

ΠΟ. ΛΙΚΙΝ. ΓΑΛΛΙΗΝΟΣ. Κ. *Publius Licinius Gallienus Cæſar.*
Caput Gallieni laureatum.

ΤΡΑΛΛΙΑΝΩΝ. *Trallianorum.* Fortuna ſtans, capite
tutulato, d. temonem, ſ. Cornu Copiæ. Typum hunc
obvium alibi dedimus.

Hic parvæ formæ numus, ob adverſæ faciei epigraphen,
merito rariorum claſſi adjudicandus eſt; quando
Gallieni numum unicum duntaxat, cum ſolo *Cæſaris* ti-
tulo, eumque Græcum item, ac Trallibus percuſſum, in
uberrima R. P. Bandurii collectione reperire eſt.



CCC.VII.

CCCVII.

ΚΟΡ. CAAΩNEINA. CEB. Κορηλία Σαλωνίνα Σεβαστή. *Cornelia Salonina Augusta.* Caput Saloninæ, Uxoris Gallieni.

ΜΗΤΡΟ. ΑΝΚΤΡΑC. *Metropolis Ancyra.* Figura muliebris gradiens, d. facem attollit, s. quid gesset, discerni nequit; Videtur Ceres exhiberi, utraque manu facem vibrans, & Proserpinam raptam inquirens. Est Numus parvi moduli.

CCCVIII.

CAAΩNEINA. CEB. *Salonina Augusta.* Caput ejusdem.

ΚΤΖΙΚΗΝΩΝ. ΝΕΟΚΟΡΩΝ. *Cyzicenorū Ædituorū.* Fortuna stans, tutulato capite, d. temonem, s. Cornu Copiæ. Medii moduli numus est, cujus aversa facies obvia, & alibi exhibita.



CCCIX.

ΚΟΡΝ. CAAΩNEINA. CEB. *Cornelia Salonina Augusta.* Caput ejusdem.

ΝΙΚΑΙΕΩΝ. *Nicaensium.* Imperator stans paludatus, dextram jungit cum alio viro paludato, qui sinistrum genu incurvat: ambo sinistra hastam puram tenent; ad latus Imperatoris Figura muliebris, uti videtur, d. globum porrigens.

Hic numus est mediæ formæ. Videri possunt, quæ ad similem typum, in Valeriani numo propositum, dicta sunt.

CCCX.




CCGX.

KOPNHAI A, CAΛΩNEINA. *Cornelia Salonina*. Caput ejusdem. In area H.

CIAHTON. NEOKOPON. *Sidetum Ædituorum*. Pallas stans, capite galeato, d. hastam præpilatam, s. quid sustineat, non discernitur. In area quiddam simile galero cum infula, & tutulo sine apice: fortasse denotatur Sacerdotium Palladis Sideticæ, de qua alibi dictum.

Numus est magni moduli.



DIS-

DISSERTATIO DE NUMIS, MONETARIORUM VETERUM CULPA, VITIOSIS.

CAPUT I.

Ἐισαγωγή.

DE numis, Monetariorum veterum culpa, vitiosis, *Quorum*
tum iis, qui certo sese prodant indicio, tum aliis, *temporibus*
qui suspicionem erroris haud inutilem injiciant, *nummi con-*
in praesenti sermo erit. Neque totius Antiquitatis aes, & *pendantur.*
argentum signatum excutere propositum est; sed intra
prima fere tria ab Julio Cæs. sæcula me continens, raro
in quartum excurram.

Porro autem ad conciliandam sententiæ meæ fidem, *Certe anti-*
numos illos duntaxat adhibere constitui, qui vetustatis *qui, &*
dubium nullum peritis movere possint. Ejuscemodi nu- *anecdotti.*
mos, non paucos, e Cimelio R. P. C. G. Viri Doctissimi
e Soc. JEsu, mihi benignissime exhibitos, atque, quod
sciam, plerosque hactenus non vulgatos, sedulo perlu-
stravi oculo, ærique incidendos curavi, a me majori fide,
quam arte, depictos. Alios autem e probatissimis Anti-

Zz

qua-

quariorum libris, eosque illic, singulari fere mentione erroris facta, indicatos in medium adduxi.

*Fraude re-
centiorum
vitiati reji-
ciuntur.*

Nam de illis certe numismatis, quæ, licet antiqui æris, ac tyarii sint, recentiorum tamen παραχαρακτῶν arte, aliqua sui parte vitiata, lapsus monetarii speciem, aut portenti simile aliquid præ se ferunt, hic nihil attingere certum est: sive in his novitio scalpro immutata epigraphe, vel transformati vultus: sive diversæ duorum numorum facies subtili dolo coaptatæ, itaque sit altera alteri afferruminata, ut juncturam lynceus etiam oculus vix detegat: sive alterius e numi media area excisa figura; & in alterum sit, commissura quam aptissima, inserta; inscriptione tamen, cum inscriptio hoc typo, parum congruente: sive aliæ quæpiam hominum, in turpia lucra projectorum, fraudes errati, a Monetario vetere admissi, speciem incautis objiciant; de his, inquam, omnibus al- tum silebitur.

*Nam a-
dulterini
veteres re-
cipiuntur.*

Quamquam vero de numis certæ, integræque vetustatis, in quibus menda Monetariorum deprehendi possunt, aut posse putantur, hæc dissertatio tantum sit instituta; nequaquam tamen Adulterinos numos, dum veteres modo sint, isthinc excludimus. Imo vero prolixus de iisdem sermo texetur; quod aut frequentiora in his, aut magis insignia vitia, quam in sinceris, conspiciantur.

*Adulteri-
norum
copia.*

Priscis vero etiam Romæ Imperantis temporibus, haud exiguum fuisse hominum nequissimorum numerum, qui adulterinas monetas flarent, & ferirent, etsi e numis ipsis periti satis condiscunt; in aliorum tamen gratiam veterum testimoniis, iisque talibus comprobabo, qualia ad id penitus intelligendum, non parum, credo, conferent, quod de modo, quo varia in monetas aliquas vitia irreperant, suo loco proferetur.

Sane PLINIUS *Hist. Nat. Lib. XXXIII. cap. 47.* testatur, increbescenti olim adulterinæ pecuniæ, quæ argenteam justi pon-

ponderis mentiebatur , multa arte occurrendum fuisse : Ita habet : *Miscensur ara falsa moneta , alii e pondere subtrahunt , cum sit justum LXXXIV. e libris signari. Igitur ars facta Denarios probare , tam jucunda lege Plebi , ut M. Mario Gratidiano viciatim totas statuas dicaverit. Mirumque in hac artium sola vitia discuntur , & falsi Denarii spectantur exemplar , pluribusque veris Denariis , adulterinus emittitur.*

Ea de causa Numularii publice constituti sunt , genus hominum , qui numorum sinceritatem dignoscerent , quorum fit mentio L. 46. ff. de solut. & liber. §. 39. si soluturus pecuniam tibi jussu tuo signatam , eam apud Numularium , quoad probaretur , deposuerim. Præterea , ut adulterinis denariis occurreretur , olim eosdem ferratos , id est , ora tamquam ferra incisa , ac denticulata fuisse efformatos , memoravit in aureolo libello : *La science de medailles* , Instruc. 8. R. P. JOBERT S. J. Atque eadem de causa inferioribus Augustorum sæculis tenuiori lamella pecuniam argenteam signatam esse ; ne ejus crassitie abusi falsarii , subtili argenti pellicula vilius metallum vestirent.

Legum rigor , ac frequentia , quæ in falsæ monetæ fabricatores latae sunt , eorundem hominum , criminumque frequentiam , ac varietatem luculenter commonstrant. *Leges in adulterinas monetarias latae.* In Cod. Lib. 9. tit. 24. de falsa moneta. tres leges in falsarios promulgatae ignis adeo supplicium , & in conscios capitales poenas statuunt. Et in Cod. Theodos. lib. 9. tit. 22. ita Constantinus Aug. Leontio PP. rescribit : *Quod ille etiam Et vitiorum in Nummis varias patietur (nempe capitis , aut flammæ poenam) qui mensuram circuli exterioris adraferit , ut ponderis minuat quantitatem , vel figuratum Solidum adultera imitatione in vendendo subjecerit.* Ubi aliud quoddam criminis genus adfertur , quo sinceros numos vitiabant , eorundem , ac præsertim Solidorum (ita aurei numi appellantur) oram circumcidentes , qui Græcis παραφαλισαί dicuntur. Tertul-

liani verba de pœnit. cap. 6. huc faciunt: Numum, quo pœnitentur examinant, ne scalptus, neve rufus, ne adulter sit.

Alios præterea modos, quo aut sinceri numi vitiabantur, aut adulterini procidebantur, legere est apud Ulpianum L. 48. ff. tit. 10. §. 8. Quicumque numos aureos partim raserit, partim tinxerit, vel finxerit, siquidem liberi sunt, ad bestias dari, si servi, summo supplicio affici debent. Et eodem loco §. 9. Lege Cornelia cavetur, ut, qui in aurum vitii quid addiderit, qui argenteos numos adulterinos conflaverit, falsi crimine teneri. - - - Eadem lege exprimitur, ne quis numos stanneos, plumbeos omere, vendere dolo malo vellet. Multa paucis complexus est Paulus Recept. sent. lib. 5. tit. 25. Lege Cornelia testamentaria tenetur, qui numos aureos, argenteos adulteraverit, laverit, conflaverit, raserit, corruperit, vitiauerit: Arosæ pecuniæ, quæ admixtionem æris iusto majorem acceperit, meminit Scævola L. 46. ff. de solut. & lib. §. 102. similique notione Plinius lib. XXXIII. cap. 5. aurum, & argentum erosum compellat.

Cuprei numi. & ferrei bracteati.

Præterire hic nolo, præter cupreos, ferreos etiam numos, & quod mirum est, non argenti, sed æris flavi bracteola vestitos, à veteribus signatos esse. Ejuscemodi numos binos habeo, multum attritos, & erosos: alter Septimii Severi est, magni moduli: medii alter, & cujus vultus penitus absumptus est. Ferrum magnete exploravi; æris porro bracteola manifesta, & extra omne dubium comparet. Hinc colligo: illis temporibus artem, numos pelliculatos cudendi, facilem, ac promptam, æs vero flavum satis magno pretio fuisse.

Vitia rem literariam contingenti.

En! quot numerorum veterum vitia, quot legibus vetita ex antiquis monumentis discimus! è quibus tamen omnibus in ea potissimum inquirere, apud animum constitui, quibus in rem literariam, & singillatim in Orthographiam, Historiam, Chronologiam, & constantem quemdam rei Antiquariæ tenorem, ac Numerorum consensum aliquid peccatum fuerat, aut fuisse videatur. Id

Id genus errores cum in iis potissimum adulterinis numis inveniuntur, quos ære conflatos, tenera argenti pellicula crustulave, seu bracteola obduxere falsarii, quosque pelliculatos, incrustatos, subæratos, aut etiam bracteatos dicimus; facile alios numos, ærofos, scalptos, ramos, accisos, aliave simili ratione vitiosos, Monetariæ, ac Flaturariæ artis peritis ulterius examinandos relinquo.

Neque pretium in subæratiss illis numis aliud, quam vitia, rei literariæ officientia, contemplantur. Est vero pelliculatorum numorum non exigua etiamnum inter manus eruditorum copia; etsi multi, quorum detecta esset falsitas, jam olim conflati, atque aboliti fuissent. Frequentiam tantam insana lucri cupido peperit, quod utique magnum è bracteatis his Denariis, ac Solidis collegere falsarii. De aureis porro subæratiss, etsi leges adductæ frequentem eorum faciant mentionem, rariora aut superant, aut superare scimus exempla: quod & aurei in universum numis argenteis sunt multo rariores; & majorem veteres in illis dignoscendis, falsisque abolendis industriam collocarint: ac præterea, minus fere attriti, fraudem diutius abscondant. Denariorum, quos hodieque tenemus, subæratorum copiam idcirco minus miror; quod sædus lucri amor, Principum adeo, non modo abjectæ plebis animos ad procudendos hosce numos impulerit.

Nam ut nihil de eo dicam, quod refert *Plinius lib. XXXIII. cap. 47.* M. Antonium III. Virum Denario ferrum miscuisse. Quam sædum est, quod de Antonino, quem Caracallam compellant, prodidit *Xiphilinus è Dione lib. LXXVII.* Τῷ δὲ Ἀντωνίνῳ ταῦτε ἄλλα, καὶ τὸ νόμισμα κίβδηλον ἦν. Τότε ἀργύριον, καὶ χεύσιον, ὃ παρῆχεν ἡμῖν, τὸ μὲν ἐν μαλὺρδῳ καταγεγραμμένον, τὸ δὲ καὶ ἐν χαλκῷ καταγεγραμμένον ἰσχυράζετο. *Antonino cum alia, tam pecunia vitiosa fuit. Nam Denarii, Solidique, quos nobis praberet, aut plumbo, argento induceto, aut ære inaurato parabantur.*

Quem Xiphilini locum transpositione ita sanandum puto. τὸ μὲν ἐν μολύβδῳ καταχρυσωμένον , τὸ δὲ ἐν χαλκῷ καταχρυσωμένον. Quando plumbum pondere suo , ac mollitie aptius est , ut auri bracteola obductum , Solidi loco obtrudatur ; tum Denarii adulterini , qui magno numero , ad Caracallæ præcipue , & vicina tempora pertinentes , habentur , omnes sub argenti pellicula , quod ego viderim , æs cyprium abscondunt.

Videmus eruditus in pretio.

Subæratī id genus Denarii , etsi , quod modo diximus , satis magno numero in Cimeliis ostendantur ; esse tamen peritis in magno pretio , etiam præ sinceris : tum inprimis , cum lepidi , ac peregrini quidpiam exhibent , laudatus Jobertus loco indicato his verbis monuit : *Lorsque les médailles fourrées ont une tête, & un revers curieux, elles sont ordinairement rares, & d'un plus grand prix, que celles, qui sont de bon aloi ; parce que les coins en ayant été cassés, & l'espece décrié, il est de nécessité, qu'il y en ait un bien plus petit nombre.* Subæratī numi , qui capitīs , aut averſa faciei typo , peregrini quiddam offerente , habentur , rarīs accenseri solent , & majori pretio , quam ipsi ſinceri , æſtimantur. Cum enim detecta fraude ea Moneta species nullius esse valoris promulgaretur , ac typaria confringerentur ; consequens erat : eam ad nos pervenire haud ita magno numero potuisse. Rarīs pariter adnumerandi sunt ſinceri , publicique commatis numi , quocunque è metallo conflati , in quibus Monetarii vitium , insoliti quidpiam ostentans , offenditur. Deprehenso quippe errore , typarium illico remotum , nec eo signata moneta , quin etiam signata , quæ redhiberi poterat , abolita fuit : id quod ejusmodi numi ipsi testantur , qui , ejusdem omnino erroris nota vitiati , singuli fere tantum habentur , aut paucissimi. De vitiorum porro frequentia , atque origine hic prævic aliqua sunt indicanda.

De lapsibus Monetarii rum vari.

Aliquos in antiquo ære , argentoque signato Monetarii errores certis indicibus deprehendi , neminem esse anti-

antiquitatis peritum puto, qui vocet in dubium. Certe ^{aut sententia} vel numi illi, quos è Cimelio nostro proferam, id manifeste conficiunt. De frequentia lis est. Sunt equidem nonnulli, arguto ingenio, qui, quæ alii Monetariorum menda, aut libere appellant, aut merito suspicantur, ipsi arbitrentur mysteria. Hic enim vero eruditionis, & secundæ imaginationis vim omnem exserunt, novas vetustatis eruendæ semitas rimantur, & ingenii sui ductum, ut cùm Poëta loquar: *Metam. lib. III.*

Quaque est difficilis, quaque est via nulla, sequuntur.

Hi, conjecturis quibusdam freti, in eos diserte declamant, qui Monetarios veteres erratorum sæpius arguunt, oggeruntque hæc talia: si Monetarios veteres erroris illico postulare fas sit, vix quidquam reconditi expeditum iri: esse hoc aut ignorantiae, aut socordiae effugium: ita nodum oblatum scindi, non solvi: instaurari denique hic etiam posse querelas illas Thucydidis L. I. *οὕτως ἀταλαίπωρος, τοῖς πολλοῖς ἢ ῥήσις τῆς ἀληθείας, καὶ ἐπὶ τὰ ἔσταιμα μᾶλλον τρέπονται.* Ita molestia expertem plerique esse volunt inquisitionem veritatis, & ad facilia, & magis parabilia sese lubentius convertunt.

E converso alii illam arguti ingenii laudem nihil pensi habent; dum ad veritatem propius accedant modo: ad quam neque difficiles aditus horrent, neque faciles aspernantur. De numorum vitiis, neque solliciti sunt, ut satis manifesta excusent; neque nimium securi, ut ambigua illico damnent; quando in re numaria item

peccant

Secura nimium sollicitaque manus. Martial. lib. XIV.

Ubi ratio major, & numorum consensus ad Monetarium dammandum, quam ad excusationem, novitatis, & mysterii plenam, extorquendam facit; nodum scindere malunt, quam in scirpo querere: quæ certo comprobare possunt, explicant: de nonnullis dubitant, & conjecturas, siquas

siquas haud varias fecere, conjecturas, non oracula haberi volunt: de quibusdam candide profitentur: se ea nescire; cum existiment sapientiæ laudem non exiguam esse: Scire, quantum nescias, & quantum scire non possis. Itaque, siquis est, qui se penetrasse credat omnia maxime, ab eo dissentiant maxime, qui fortasse:

Quod mecum ignorat, solus vult scire videri. Horat. II.

Epist. 1.

Suberatarum frequentia vitia.

Sunt eorum non pauci, qui in sinceris numis lapsus Monetariorum nolint agnoscere; neque vero desunt, qui è subæratatis etiam ejuscemodi vitia excusando delere, atque hos numos ad instaurandam Historiam valere contendunt. Ejus rei exempla, & opinionis fautores qui quærit, adeat *Memoirs de Trevoux. May. 1729.* Cui tamen sententiæ ab Anonymo illic etiam acriter contradicitur his verbis: *L'on fait cas de cette sorte de medailles, je dis de sourrées, parce qu'elles ne peuvent être contrefaites; mais pour l'histoire elles sont peu d'usage; elles n'ont point l'avantage d'être de titres authentiques, étant de la fausse monnoye. Et de plus, quoiqu'il m'en ait passé beaucoup par les mains; j'en ai trouvé peu, ou il n'y eût des fautes marquées, ou par de repetitions des mêmes titres, sur la tête, & sur le revers, ou des anachronismes decidez. Non desunt, qui momentè aliquid in subæratatis illis numis ponant; propterea, quod similes fingi hoc tempore non possint. Verum, quantum ad historia fidem, id non magnopere profunt. Nam adulterina moneta cum sint, authentica instrumenta dici nequeunt. Accedit, inter complures, quos contrefactaveram, ejusmodi numos, paucos fuisse, qui non errata quædam præ se tulerint, aut repetitis, quos adversa moneta facies exhibebat, in aversa titulis, aut plane certis anachronismis. Ab hac sententia nihil fere discrepant ea, quæ laudandus sæpius R. P. Jobertus, *Instructio* s. de subæratatis id genus numis, eorumque vitiis breviter adnotavit. Unum hic moneo: haud esse subæratatos numos ideo certo*

certo antiquos , quia similes nunc efformari non possint. Ipse enim majorem monetam ex argento , qualis in Gallia cudi solet , contrectavi , plane affabre subæratam : simileque numisma modernum Gallicum se aliquot abhinc annis vidisse, alius mihi, vir omni fide dignissimus, retulit.

Jam vero , ut de Monetariorum lapsibus, quæ prævie pertractanda sunt, perspicue, atque ordine porro exequamur; quinam illi, de quibus perpetuus sermo, sint Monetarii: qua deinde ratione, modoque ab iis admissa sint in numis, incurrentia in rem literariam, vitia, videamus.

Monetarios dum appello, nolim quisquam de illis me
III. Viris vel IIIL. Viris Monetalibus, qui A. A. A. F. F. *ante, argento, are, flando, feriundo* præpositi erant, loqui existimet. Hi vetustissimo Magistratus, et si minoris, jure gaudebant, etiam legibus XII. Tabularum expressi, e quibus *M. Tullius lib. III. de leg. hæc refert: Minores Magistratus domi pecuniam publicam custodiunt. . . . as, argentum, aurumve publice signant.* Neque tamen ipsi monetam stabant, aut signabant; quamquam *L. 1. ff. de orig. jur. §. 30. de iisdem hæc memorentur: Eodem tempore constituti sunt Triumviri Monetales, aris, argenti, auri flatores.* Ubi sunt, qui legendum cum Frehero putent: *Flandi, feriundi latores.* Ita etiam, licet in Flaminie Familie numo apud Vaillantium legatur: L. FLAMIN. CHILO. PRI. F. *Lucius Flaminus Chilo primus flavit.* Non continuo efficitur: ipsum Flaminium admovisse manus, sed supremam flandi Denarii curam gessisse; id quod manifestius alter, apud eundem cl. Vaillantium, numus ita exponit: LENT. CVR. X. FLAND. *Lentulus curavit. Denarium flandum, aut Lentulus Curator Denariorum flandorum.* Signandæ itaque pecuniæ hi Monetales Magistratus præerant, uti & subinde *Moneta Propositi, ab Ammiano Marcell. Lib. XXVIII. cap. 1. compellati sunt; neque manus ipsi signandæ pecuniæ, sed curam, & imperium adhibebant, typorumque formas,*

ac inscriptiones designabant. Qua in re ab ipsis, quippe viris rerum peritis, ac tanto muneri omni cura intentis, nihil peccatum fuisse existimo, cujus quidem eosdem certe arguere possimus.

*Sed formam
viri scul-
ptores, &
Signatores.*

Monetarios autem, de quorum lapsibus hic agitur, intelligi volo, quales apud Suidam appellantur: *Μονηταῖοι οἱ περὶ τὸ νόμισμα τεχνίται*, qui circa numismata fabrilem operam exercent. Horum duo genera præcipue in considerationem veniunt, alterum eorum, qui formas, seu typaria sculperent: qui metallum flarent, ferirent, signarent, alterum: Malliatores, Suppēstores, Signatores vetus inscriptio apud Gruterum nominat. Amborum quidem certe manifesti lapsus in moneta antiqua extant.

*Errorum
varietas,
& origo.*

Atque eorum, qui figuras, ac literas artificii scalpro chalybeis typariis inciderent, varia σφάλματα, epigraphen vitiantia, comparent; cum aut omissæ, aut adjectæ, aut transpositæ sunt, quas non oportebat, literæ, aliove modo per oblivionem, inscititiam, aut oscitantiam depravata est inscriptio. Fabrorum porro monetaliū, qui feriundis numis operam navabant, festinatione, aut indiligentia, cum varia alia vitia monetæ acceperet, tum illud non levis momenti, quo nempe, capitis typo formam aversæ partis, aut Augusto alteri propriam: aut ejusdem quidem Imperatoris, sed ad illud capitis iconium impertinentem adsignarant. Error iste, in tanta typariorum varietate, & copia, nihil pronius erat, quam ut interdum admitteretur; dum formam unam, alterius loco, sæpe persimilis, arriperent, non probe antea inspectam, aut cognitam: seu memoria etiam lapsi, utram priorem adhibuissent. Atque illud animadvertendum est: non nisi eorundem, aut quam proximorum temporum sphragisteria, quæ nempe tum ipsis una inter manus versabantur, publicos Monetarios mendose uni numo consignasse; id quod exempla suo loco stabilient.

Inepta

Inepta hac facierum , ac typorum commissura adul-
terinorum numorum fabri frequentius lapsi sunt. Ejus rei
originem præter oscitantiam , & imperitiam , aliam etiam
fuisse mihi persuadeo.

*Falsario-
rum qui
lapsus fre-
quentiores.*

Falsarii isti (quos inter monetæ publicæ fabri inter-
dum fuerint) ut pecuniam , ab sinceræ iconio nihil ablu-
dentem , procuderent ; e publicis Monetis (ita etiam offi-
cinæ monetariæ nominantur) typaria , ubiubi poterant ,
sublegebant , iisque pecunias abditis in locis signabant.

Alterum horum *D. Hieronymus in vita S. Antonii Erem.*
nos docet , dum refert : falsæ monetæ auctores in eremis
antra sibi parasse , & furtivæ , falsæque monetæ officinas.
Ita etiam in insula S. Jacobi , quæ ex Diomedeis , seu Tre-
mitanis una est , in antro , ad mare in rupe profunde exca-
vato , malleos , & incudes , cineres , & monetas repertas es-
se , memorat *Benedictus Cocharella in Descriptione Tremitana
Inf. Lib. II cap. 1. apud Gravium Italia Vol. XIV.* Alterum
Lib. XLVIII. ff. ad Leg. Jul. pecul. §. 6. haud obscure indica-
tur : *Qui , cum in moneta publica operarentur , extrinsecus sibi
signant pecuniam forma publica , sive signatam furantur &c.*

Non paucæ sane sincerorum numorum posticæ for-
mæ , in adulterinis Denariis capiti , cui non conveniunt ,
adjunctæ conspiciuntur , ad eadem tamen , aut propius re-
motà tempora pertinentes. Id quod necessitate haud ra-
rius , quam dolo , aut ignoratione factum esse arbitror ; cum
alia , magis fortasse congrua , typaria suffurari ipsi non pos-
sent. Negare tamen nolim , propria sibi itidem iconia , pa-
rum , aut nihil omnino a publicis abhorrentia , falsarios
efformasse. Qua in re admodum cautos illos fuisse , uti &
in avertendis charagmatis publicis , non nisi usu probatissi-
ma sublegendo ; inde colligo : quod sculptoris error vix
ullus in adulterinis monetis deprehendi soleat.

Reliquum est , ut quæ de vitiorum , veris perinde , at-
que adulterinis numis inhærentium , varietate , & origine

hic delibata sunt, productis veterum numorum nonnullis exemplis uberius prosequar, & confirmem.

CAPUT II.

De Sculptorum erroribus certis, in formis numorum sincerorum.

*Sculptorum
errores qui-
dam dubii.*

E RRORES *μνηστικῶν* forma sculptorum, alii certi sese offerunt in moneta vetere, alii dubii, & qui excusari etiam non raro mereantur. Verum in excusando modum excedere videri possent ii, qui, ut artificem ab errato, in literis typario insculpendis admissio, purgent, acuto interpretandi genere singulis e literis, vocabula singula comminiscuntur.

*Nimia ar-
guta non
excusandi.*

Cujus rei felicia quidem extant super græcis, latinis, que numis suscepta ab eruditis tentamine; magno tamen cum delectu hoc exponendi genus opus habet: ne, nimia subtilitate divinando item, ut nimium altercando fit, veritas amittatur. Quare, nisi aliorum numorum exempla complura, aut scriptorum veterum ingens consensus, aut res ipsa denique, ita explicari debere, moneat; mallem candidum quoddam *nescio* proferre: aut, si clariora adsint indicia, Monetarii *μνηστικῶν* lapsum compellare. Sane vir eruditissimus R. P. Harduinus, cum de aliis pluribus, tum de celebri illo Gallieni numo agens, in quo legitur: GALLIENAE. AUGUSTAE. VBIQUE. PAX. non erat, cur prodigiosam istam expositionem daret, qua e singulis fere literis, tamquam initialibus, singulas voces confecerat: GALLIENO. *Augusto. Edna. Augusta. Urbis. Servatori. Triumphalem. Arcum. Erexit. Victoria. Beatitatem. Imperio. Quietem. Edna. Peperit. Augusti. X. seu Decennalibus.* *Memoirs de Trevoux 1729. Juin. art. 63.* Hæc etsi ingenii felicitate, & antiqui sermonis lepore suavia, atque ejus-
modi

modi sint, quæ ita concepta fuisse mereantur; quis tamen credat (si longior etiam hisce sub literis lateret oratio) eam integre, riteque post tot sæcula ingenii viribus quempiam assecutum esse, aut etiam potuisse? Quis vero non hic potius, etsi ne id quidem omnino certum sit, lapsum sculptoris arguat, qui Orthographiæ fortasse non satis gnarus, & soni similitudine deceptus GALLIENAE. AUGUSTAE. loco GALLIENE. AUGUSTE. formaverit.

Id quod idem vir Clarissimus antehac senserat, & erudite, more suo, aliorum numorum testimonio comprobatur: *Num. Sac. Constantin p. 448. in Oper. Select.* Nam & in Carausii numo legitur FORT. RAEDVX. loco REDVX. & in alio Probi: PIAETAS. AVG. & in alio Maximiani: BAEATISSIMO. SEN. AVG. E converso BONO. RELPVBLCICE. in numo Flav. Victoris; itidem CESAR nonnunquam loco CAESAR. mendose insculptum observatur.

Mitto hæc, atque ad certa sculptorum errata gradum facio, quorum illustriora duo exempla, ad alterum Augustorum sæculum pertinentia, initio adducam: minora alia suas deinde in classes dispertiar. Primus exhibetur numus Trajani Argenteus, sincerus, & integerrimus, cujus epigraphæ ita habet:



IMP. CAES. D. TRAIANO. OPTIMO. AVG. GER. DAC. *Imperatori Casari Divo Trajano Optimo Augusto Germanico Dacico. Caput Trajani laureatum.*

Duplex er-
ror sculpto-
ris.

CONSENCATIO. *sc.* Aquila fulmen unguibus corriprens.

In sculpenda hujus numi inscriptione binis locis lapsus est artifex. Atque illud quidem condonabitur: *Divi* titulum conjunxisse cum illis viventium propriis IMP. CAES. & GER. DAC. ubi interea *Divi* titulum non fuisse cum tot similibus vocabulis compositum, constanter in veteribus numis observatur. Alterum porro aperto vitio laborat, ubi insculptum legimus *optimo* loco *optimo*; cum Trajanus hoc epitheto: OPTIMVS. fere perpetuo, & proprio, in ære antiquo compelletur. Ipsum etiam aversæ partis vitium sculptoris insignem imperitiam, aut oscitantiam luculenter coarguit. Hic enim notissimus Consecrationis Augustorum typus, *Aquila*; cui pariter *Divi* titulus congruit, solitam utique epigraphen exigit, quæ certe CONSECRATIO. & non CONSENCATIO, esse debuerat.

Fingat hic alius e literis his mysteria, & somniet, quæ volet: sinam illum, ut, cum Plautina illa muliere, exporrectus Jovi Prodigiali mola falsa, aut thure comprecetur; ego interea *τυποχαράξις* errorem securus credam. Sane numi argentei Trajani apud Com. Mediobarbum, & alibi ita habent.

DIVO. TRAIANO. Caput Trajani.

CONSECRATIO. Aquila.

Alter numus, quem hic sistimus, est ex ære magni moduli exquisitæ integritatis, & elegantiae.



AVRE-

AVRELIVS. CAESAR. AVG. PII. F. COS. *Aurelius Caesar, Augusti Pii Filius, Consul.* Caput nudum M. Aurelii.

DES. NOS. S. C. legendum *Honos. Senatus Consulto.* Vir togatus stans d. ramum, s. Cornu Copiæ.

Errorem epigraphes figura ipsa manifestat, quæ in compluribus aliis, & ipsius M. Aurelii numis expressa, inscribi solet: HONOS.

Videor mihi originem, modumque hujus lapsus probabili conjectura assecutus esse. Nam a Triumviro Monetali epigraphen eam præscriptam fuisse existimo, quæ habetur in argenteo ejusdem Cæsaris numo apud Com. Medio-barbum.

Vitii origo ex aliis numis indagatur.

AVRELIVS. CAESAR. AVG. PII. F. COS. DES.

HONOS. Figura eadem, quæ in priori numo.

In nostro itaque numo artifex aut τὸ DES. in antica numi parte ponere oblitus, aut literarum spatia non probe illic distribuerit, ut nullus jam locus pro DES. reliquus esset. Quare in postica numi facie τὸ DES. insculpsit, ac tum forte alio repente sevocatus, interruptum opus reliquerit. Reversus ad laborem, cum figuram insculptam, & cœptæ inscriptionis partem obiter inspiceret; oblitus ejus syllabæ, quam antea intulisset, putansque τὸ HO. insculptum esse, ex altero latere τὸ NOS. efformaverit, atque ita charagma exiverit, vitiose exhibens DES NOS. pro HONOS.

Pro qua conjectura facit etiam alius M. Aurelii numus argenteus Cimelii nostri, qui eandem prorsus capitis, & aversæ partis iconem, quam æneus ille vitiosus refert, ita inscriptus:

AVRELIVS. CAESAR. AVG. PII. F. COS.

HONOS.

In utroque numo τὸ NOS. eundem in area numi situm obtinet, & in vitioso illic DES. ubi in probò numo HO.

HO. insculptum est ; clariusque inde colligitur, aut DES-
loco HO. positum , aut HO. per oblivionem , interrupto
fors opere , omisum fuisse.

Nunc ad minores quosdam *Μαζφοχαλαίων* errores pau-
cis descendamus : quos aut transpositione , aut adjectione
vel omissione literæ , aliave substituta : aut perverso , ac
perturbato scribendi ordine numerorum formis intulerant.
Transpositione literæ peccatum est in numo nostro argen-
teo sincero Alexandri , quem subijcimus :




IMP. SEV. ALEXAND. AVG. *Imperator Severus Ale-
xander Augustus. Caput Laureatum Alexandri.*

*Transposi-
tio litera-
rum vitio-
sa.*

P. T. M. R. P. COS. mulier stans d. temonem f. Cor-
nu Copiæ. In aperto est : P. M. TR. P. COS. *Pontifex Ma-
ximus Tribunitia Potestate Consul* , inculpandum fuisse.

Simile quid alius Neronis numus offert , quales alio-
qui ingenti numero habentur , & vel ideo erratum tanto
manifestius existit ; cum alii omnes aliter eandem vocem,
recteque exhibeant, noster vero ita :



NERO.

NERO. CLAVD. CAESAR. AVG. GER. P. M... *Nero Claudius Caesar Augustus Germanicus Pontifex Maximus. Caput Laureatum.*

PACE. P. R. TERRA. MARIQ. PARTA. IANVM. CLVSTI. *Pace Papulo Romano Terra, Marique Parta, Janum Clusti; Cum tamen alii omnes: Janum Clusit, uti oportet, præ se ferant. Neque hic, quasi per Apostrophem ad Neronem: clusti, pro clussti, quisquam extorqueat, numis omnibus invitis. In Lysimachi numo nostro argenteo ΤΑΣΙ-ΜΑΧΟΥ pro ΑΥΣΙΜΑΧΟΥ. legitur: in argenteo Valeriani senioris LERIGIO. AVG. pro RELIGIO. AVG.*

Adjessione elementi superflui, sculptoris erratum extat in Græco Domitiæ numo, quem adducit *R. P. Hardus-* *Adjessio mendosa.*
nus in Hist. Aug. e numis in quo habetur ΔΟΜΙΤΙΑ ΑΤΤΟΥ-
CΤΑ. Huc etiam pertinet illud in Trajani numo superius
observatum OPITIMVS. pro OPTIMVS. item Galli nu-
mus argenteus musei nostri, inscriptus S A E C V L L V M.
NOVVM. Græcus Thasiorum, in quo ΗΡΗΚΑΕΟΥΣ. habe-
tur pro ΗΡΑΚΑΕΟΥΣ. & alia ejusmodi.

Subduzione, vel omissione literæ laborat numus parvi *Omissionem*
æris, quem Cimelio Collegii Græcensis S. J. intuleram, in *romæ.*
quo CONSTATINVS. loco CONSTANTINVS legitur,
spatio nullo, pro litera N. relicto. Novi erroris occasio-
nem incautioribus præbere posset relatus a *R. P. Bandurio*
Tom. 1. Trajani Decii numus, in cujus averfa facie solito
Ubertatis simulacro adscriptum visitur: VERITAS. loco
VBERITAS. ejus numi etiam *Liebens in Gotha Numaria*
pag. 256. meminit; ubi alii ejusdem Decii, & Etruscillæ
numi aurei, & argentei, eandem effigiem, cum epigraphe
VBERITAS. exhibentes, erratum in aperto ponunt.

Philippi Patris caput inscriptum PHILIPPS. in numo
Cassandrensis colonie Cimelii nostri legitur. Alia quoque
his similia sunt, quæ in Appendicula ad Numos Colon.
& Græcos Vaillantj protulimus, ut: CORN. SALONA.

pro SALONINA. item ΤΡΠΕΖΟΥΝΤΙΩΝ pro ΤΡΑΠΕ-
ΖΟΥΝΤΙΩΝ.

Omitto Tetrici quosdam numos, in quibus habetur
IMP. C. TRICVS. Quod R. P. Harduinus ad compendia-
riam quamdam scribendi rationem rejicit ; uti & illa DV.
CONSTANTINVS. PT. AVGG. *Divus Constantinus*
Pater Augustorum.

*Vitiosa ele-
menti mu-
tatio.*

Substitutione alius pro alia litera , vitiatos quosdam
numos videre est. Treboniani Galli apud celeberr. Bandu-
rium APPOLL. SVLVARI. pro SALVTARI. Alium in
Indice Patini FORTVNAE. REDVCA. ubi Patinus ipse
adnotat REDVCI insculpi numo debuisse : nisi quis id ita
excusare velit ; ut τὸ A seorsum legatur : *Fortuna Reduci*
AVGVSTI. Quamquam in similibus numis vocabulum
Augusti non unica litera A, sed Syllaba AVG. indicari so-
leat. In Tarsensi Gordiani Pii numo , Cimelii nostri legi
distincte ΓΟΡΑΤΑΝΩC. loco ΓΟΡΔΙΑΝΟC. duplici sculptoris
lapsu. In Appendicula ad numos Græcos, Diadumeniani
numum edideram, cujus epigraphæ ΔΙΩΔΟΥΝΕΝΙΑΝΟC. pro
ΔΙΑΔΟΥΜΕΝΙΑΝΟC. & in alio Alexandri ΔΙC. ΜΕΩ. pro ΔΙC.
ΝΕΩΝόρων. PQNT. MAX. pro PONT. MAX. in numo
æneo Tiberii apud Amicum legeram. Atque alia similia.

*Domitiani
numus vi-
tiosus em-
endatur.*

R. P. Piovene S. J. in erudito opere *I Cesari in Metal-
lo mezzano e piccolo &c. Tom. IX. Tav. 3. medaglia 24.* Do-
mitiani numum adfert ; in cujus adversa facie legitur :
COS. XIII. DES. VIII. *Consul decimum tertium, designatus*
nonum : Quam numerorum Consulatus insolitam compo-
sitionem , & minime cohærentem , ab errore liberare , &
ingenio expedire laudatus Auctor contendit. Priori siqui-
dem numero COS. XIII. omnes Consulatus , a Domitiano
usque ad id tempus gestos, etiam suffectos, computari cen-
set ; altero vero numero DES. VIII. ordinarios duntaxat
Consulatus , a Domitiano gestos, indicari ; atque adeo in-
ter gestos eo usque Consulatus , quinque suffectos fuisse,
&

& quidem primo proximos : quos si a tredecim demas, reliqui erunt octo Consulatus ordinarii. Ita, dum universim COS. XIII. una ordinarius COS. VIII. & *Designatus nonum* DES. VIII. esse potuit, omissoque numero Consulatus ordinarii, quem eo anno gerebat, solus numerus designati Consulatus numo illatus est.

Ego vero paucis ita mentem meam aperio : COS. *Excusatio* XIII. DES. VIII. errorem esse sculptoris, facili lapsu, ut *infirmatur.* V. loco X, aut vice versa, formaretur, itaque sculpendum fuisse, ac legi debere : COS. XIII. DES. XIII. aut potius, quod in Domitiani numis frequentissimum est, COS. VIII. DES. VIII. Nam primum, constanter in omnibus numis, & ipsius Domitiani compluribus, numero Consulatus Designati, præfigitur numerus unitate minor Consulatus postremo suscepti, adeoque Consulatus ejusdem rationis; uti non pauci Domitiani numi habent id ipsum DES. VIII. semper cum præfixo : COS. VIII. in collectione Mediobarbi, & in musco nostro.

Deinde, si etiam daretur : Consulatus suffectos in numis adscriptos, & cum ordinariis computatos esse; congruere tamen COS. XIII. cum Consulatu ordinario DES. VIII. seu cum COS. VIII. non posset.

Nam, primum COS. fuit Domitianus an. V. C. 825. aut ut alii 824. & COS. VIII. an. V. C. 835. atque adeo e communi numerorum, & Chronologorum Petavii, Pagii, Norisii, Harduini, Mediobarbi consensu colligitur, ab anno COS. I. usque COS. VIII. spatium duodecim annorum nondum esse absolutum; igitur jam COS. XIII. cum COS. VIII. quo pacto numis inscriptus est? si dicatur: antea Consulem suffectum fuisse, quam in numis COS. notaretur. Contra facit: non videri in hoc denique numo eum Consulatum ad summam Consulatum explendam assumi, qui antea numerandis Domitiani Consulatibus adhiberi non meruisset. Quod si porro etiam Domitianus intra

eandem aliquem annum, & Consul ordinarius, & sufficiens fuisset; quod fieri poterat, si depositos mox, uti sæpe fiebat, post initum Consulatum fastes, deinde intra idem anni spatium resumpisset; nunquam tamen adducar, ut credam: duos Consulatus suos, eodem anno gestos, aut eundem potius resumptum, duplo numero in numis, aliisque instrumentis publicis consignatos fuisse; ne etiam annorum numeri, a Consulibus ordinariis desumpti, ita inepte multiplicarentur, & publica temporum ratio turbaretur.

*Numi male
confer-
mati, spe-
ciem vitii
objiciunt.*

Nolo hic illud suspicari, quod nonnullis numis accidisse, ipse sensi; nempe partem unam, ductumve literæ, intactis aliis lineolis, vetustate absumptam, aut recentis impostoris manu ita erasam esse, ut nullum sui vestigium reliquerit. Quæ res, haud ita dudum est, cum nihil propius erat, quam ut in fraudem me induceret. Nam, apud Amicum, Græcum numum elegantissimum, &, ut videbatur, integerrime servarum, inspiciens, ita inscriptum offendi:

ΑΤΤ. Κ. Μ. ΑΤΡ. CΕΤΙΡΟC. ΑΝΤΩΝΕΙΝΟC. Pene credideram sculptoris lapsum; cum subiit, lineolas teneriore ductu formatas desiderari, vetustate extritas, horizontalem unam in CΕΤΙΡΟC. ut extaret: CΕΤΗΡΟC. ac transversam alteram in ΑΝΤΩΝΕΙΝΟC. ut esset: ΑΝΤΩΝΕΙΝΟC. qui literarum binarum nexus in Græcis numis, circa hæc tempora, non infrequens est. Unde & in allato Domitiani numo suspicari quis posset, e litera X in ΧΙΙΙΙ. inferiores lineolas edaci vetustatis denti cecidisse, atque ita VΙΙΙΙ. loco ΧΙΙΙΙ. comparere. Sed nihil opus his suspicionibus; errorem sculptoris confidenter pronuntio, si numus integer est, fretus totius Rei publicæ numariæ consensu.

*Incongrua
literarum
collocatio.*

Inverso, ac perturbato scribendi ordine epigraphen exhibent illa numismata Cimelii nostri. ΝΟΝΑΚΚΗΜ. loco ΜΕΣΣΑΝΙΩΝ. in argenteo. Item ΑΙΑΜΑ ΘΗ. ΑΙΠΜΤΑΟ. pro ΗΡΑΚΛΙΑ. ΟΑΤΜΕΙΑ. in Aquilæ numo Tyrio, quem in Appen-

Appendicula protuli. Tum numi ab Illustrissimo Spanhemio indicati ΝΑΙΣΘΩ. ΣΙΜΕΛΙΑ. pro ΑΡΥΕΜΙC. ΕΘΕCΙΩΝ. ΠΙΛ. pro ΑΠΠαρετων. ΑΥΑΧ. pro ΚΑΤΑΛΛΑΤΩΝ. Talis est a Cl. Patino editus ΣΗΜΑΙΑ Τ. ΣΗΤ ΣΤΟΤΤΑ. pro ΑΤΤΟΤCΤΗC. ΤΡΑΙΑΝΗC. & si qui sunt præterea.

Pertinere huc potest numus ille, olim Dñi Foucault, ^{Ordo valde turbatus.} nunc Parmensis Cimeliarchii, in quo ipse R. P. Harduinus fatetur vitiose insculptum fuisse CONMAXANTINVS. Ita in Constantini numo R. P. Chamillart BARNAT. pro BRP. NAT. *Bono Reipublica Nato*, deprehensum est. Plura id genus, ad quartum potissimum Augustorum sæculum spectantia, vel antea sub Claudio Gothico, ac Tyrannio etiam occurrentia errata, negligenda censet Jobertus, *Instruction. 8. Ce sont des monstres, dont il ne faut faire des miracles, & sur quoi il ne faut jamais rien établir; car quoique cela n'empêche pas, que la médaille ne soit antique, cela en diminue notablement le prix. Monstra hæc sunt, e quibus elicienda non sunt prodigia: neque super his unquam fundamentis quidquam stabilire oportet. Licet enim, quo minus antiquus habeatur numus, ea vitia non obstat; ejusdem tamen de pretio multum detrahunt.* Ejuscemodi monstrosam Cimeliâ nostri numum æneum parvi moduli, quid sibi vellet, frustra fui, cum indagassem; ita habet:

IMP. CAERAS L L DVNAHSAV. KA L L PVNAHFAV.

Haud multo minori literarum perturbatione insignem numum refert Doctissimus P. Jobertus *Instruct. XI.* in cujus aversa parte ita habetur.

ΑΧΩ. C J N C TVNNOTCNE.

Ex qua Epigraphe precationem integram elicere tentavit R. P. Harduinus, incredibili ingenio.

Egregie vero ad hanc rem faciunt, quæ Illustrissimus, atque Doctissimus Marchio *Scipio Maffei Epistola XXII. ad Cl. Apostolum Zeno*, acerrimo illo, quo pollet, judicio adnotaverat: *Quid autem dicemus de nunquam auditis Imperatori-*

ratoribus, qui his ipsis diebus noviter in scenam prœdeunt ? Posthuma percelebris scriptoris vulgantur opera, in quibus post Magnum Maximum D. N. EOANVS. P. F. AVG. & D. N. C. BRITIVS. tamquam ex antiquis numis obtruduntur nobis. Ejusdem auctoris schedas apud D. de Cleves nuper vidi, in quibus D. N. CALPITIANVS. P. AVG. & D. N. VECVNIVS. P. F. AVG. item recenscebantur. Ex nominibus perperam insculptis monstra hac exoriri aliquando possunt. AVLENVS. pro ignoto hucusque Principe ab eodem Auctore venditur. Numisma in Museo Rothel: occurrit mihi. D. N. AVLENVS. P. AVG. sed facies Valentem prodit: sculpi ergo debuerat VALENS.

CAPUT III.

De inscriptionibus, inusitata forma insculptis, quæ vitiosa non sunt.

Orthographia mutatur cum tempore.

Possent nonnulla, ab antiquis sculptoribus numerum formis inserta, vitiose scripta videri Tironibus, quibus Orthographiæ veteris ratio non satis perspecta est. Cavendum certe incipientibus, ne, quæ præter solitum scripta legerint, *vetustioribus* præsertim in monetis, illico τυπογραφικῶν lapsus arbitrentur. Multa quippe, quæ ferius recte hoc modo, alio item olim recte scribebantur. Valent huc etiam, quæ dudum monuit Doctissimus Romanorum Terentius Varro, Lib. IV. de Lingua Lat. Quoniam verborum novorum, & veterum discordia omnis in consuetudine communi, quòt modis literarum commutatio sit facta, qui animadverterit, scrutari facilius origines patietur verborum. Reperiet enim esse commutata, ut in superioribus libris ostendit, maxime propter bis quaternas causas. Literarum enim fit demptione, aut additione, & propter earum artationem, aut commutationem, item syllabarum productionem &c. Hos aliter

ter usurpatos aliis temporibus scribendi modos, quibusdam e re numaria exemplis illustrabo.

Additione litera insignia sunt illa in familiarum numis: VAALA. VIIRTVS. FEELIX. pro VALA. VIRTVS. FELIX. *Adjecta olim litera.* superfluum hic vocalem nemo suspicetur, sed *Quintilianum* audiat: *Lib. 1. Cap. 5. Aut vocales junguntur, aut unam longam faciunt, ut veteres scripsere, qui geminatione earum, velut apice, utebantur.* Longam syllabam etiam longiori caractere expressam in Augusti numo conspiciere est: OB. CLVLS. SERVATOS. Adjectionem literæ hæc etiam præ se ferunt, vetustate excusandam: AXSIVS. MAXSV. MVS. ALEXSANDREA. Nam & Tabulæ Græcæ vetustissimæ proferuntur ab Eruditissimis Viris, Sponio, & Maffei, in quibus, ante literam Ξ usitatam, ejus loco, ΧΞ adhibitum legitur, ut: ΧΞΕΝΟΦΙΛΟΣ. pro ΞΕΝΟΦΙΛΟΣ. quod latini imitati fuisse videntur, retento Græco caractere X. ne duo alii CH. ponendi essent ante S. uti & solum C. ante S. legitur in vetusto numo, PACS. loco PAX. Deinde FOVRIVS. FOVLVIVS. pro FVRIVS. FVLVIVS. similia sunt: EID. MART. *Idibus Martii* LEIBERTAS. PREIVERNVM. SERVEILIVS. DEIDIVS. CASSEIVS. PLEBEI. DE PARTHEIS. PREIMVS. de quibus ita *Quintilianus Lib. 1. cap. 12. Diutius duravit, ut EI. jungendis eadem ratione, qua Græcis EI. uterentur.* Pariter in Græcorum numis, Latina nomina, & alia, quæ I. longum complectuntur, jam per EI. jam per I. scripta extant: ANTONINOC, & ANTONEINOC. ΝΙΚΟΠΟΛΙΤΩΝ. & ΝΙΚΟΠΟΛΕΙΤΩΝ. Atque alia ejus generis.

Demptionis specimen offerunt prisca illa: NASIDIV. *Subtrahitur litera.* desiderata litera S. & PREIVERNVM. CAPTV. pro CAPTVM. & in medio vocabulo SVLA pro SVLLA. CRAVS pro CRASSVS. item PILIPVS. unico P. medio, cum alias duplici scribatur: PILIPPVS. vel PHILIPPVS. Nam aspirationem H. ubi præter solitum omissam quis viderit; scul-

sculptorem erroris continuo arguere non debet. Ita præter τὸ PILIPPVS. reperiuntur : TRIVMPVS. YPSAEVS. GRACCVS. pro TRIVMPHVS. HYPSEVS. GRACHVS. De his *Quintilianus Lib. I. cap. 9.* ita docet : *Apud nos potest quæri : an in scripto sit vitium , si H. litera est , non nota ? cujus quidem ratio mutua cum temporibus est sapiens. Parcissime ea veteres usi , etiam in vocalibus , cum Ædos , Iræque dicebant. Diu deinde reservatum , ne consonantibus aspiraretur , ut in Graccis , & Triumpis. Erupit brevi tempore nimis usus , ut : Chorona , Chenturiones , Præhones , adhuc quibusdam inscriptionibus mancant. Quod Grammatici Veteris testimonium illa etiam excusat , in M. Antonii numis : CHORTIS. SPECVLATORVM. & CHORTIVM. PRAETORIARVM. cum enim Varrone teste , Cors dicebatur , quod deinde Cohors dictum est ; Antonii tempore τὸ Cors , cum aspiratione , Chors scribi solitum fuisse videtur. In Gallieni porro numis COOR. PRAET. VI. P. VI. F. Cohors prætoria sextum pia , sextum felix , affectatio quædam antiquitatis est , si ex proposito aspirationem omisit sculptor : aut si loco COR S. per duo O. longam exprimere voluit.*

Aspirationis Chara. Hæres apud Græcos.

Neque vero in Græcis numis vitiosa est scriptura , cum hæc , latinis usitata , aspirationis nota H , græcis vocabulis præfigitur. Nam eadem hæc nota H , quæ græcis vocabulis E longum , id est duo E brevia valebat , olim etiam sic scripta Η , quorum duo Η = H. hæc eadem inquam litera Ηρα , apud veteres græcos aspirationis vim obtinuit , eandemque ad latinos , una cum forma characteris H , transfudit. Id perspicue ex *Athenao* discimus , qui *Lib. IX.* ita habet. *Οἱμαὶ δὲ καὶ διὰ τὴν Η συχρὺς τυπώσασθαι τὰς παλαιὰς τὴν δασεῖαν. διότι καὶ Ῥωμαῖοι πρὸ πάντων τῶν διασυνωμένων ὀνομάτων τὸ Η προγράφουσι.* Existimo veteres (Græcos) ipso elemento H aspirationem figurasse ; quocirca etiam Romani aspiratis omnibus vocabulis τὸ Η præscribunt.


Rece

Recte igitur more prisco in numis habetur : H ME-
PA. pro Ἡμέρα. ΗΥΨΑC. pro Ὑψας. ΗΙΠΠΟΝΙΚΩΝ pro Ἱππονι-
κῶν. Et in Ephesino Helvii Pertinacis numo, quem e Ci-
melio D. Begon. R.P. Harduinus singulariter, ob hanc etiam
literæ H. notam, produxit, legitur : Π. ΗΕΛΥ. ΠΕΡΤΙΝ. ΠΥCΛΙΟC
Ἑλβιος Περτινάξ.. Lapidem item antiquum, horum testem ,
*Celeberrimus Maffei Epist. XIX. lib. Gallia Antiq. quædam
selectæ* : producit, quales apud Gruterum quoque videre est.
Sunt etiam , qui notam H in duas olim scđam fuisse pu-
tent, nempe F & I, quarum prior asperi, lenis altera spi-
ritus valorem haberet. Ita e numis Mekerchus apud *Gret-
serum Lib. de Pronunt.* hæc protulit : ΦΡΑΚΛΕΩΝ, ΦΡΑΚΛΗΤΩΝ.
pro Ἡρακλέων. Ἡρακλητῶν. Quin Æolicum adeo illud Δίγαμ-
μα I, (quod Claudius Augustus Latinæ Orthographiæ pro
V consonante intulit) pro aspirationis charactere usurpa-
tum olim fuisse, apud Victorinum habetur, ut Δάμαξα pro
ἀμαξα. Et apud Priscianum pro spiritu leni, in Tripode
Delphis Byzantium allato : ΔΗΜΟΦΟΙΩΝ. & ΛΑΙΟΚΟΙΩΝ.
pro ΔΗΜΟΦΟΩΝ. ΛΑΟΚΟΩΝ.

Jam de *artatione*, & *commutatione* literarum. *Artatio*. *Artatio, &*
nis pauca exempla sunt in numis ; FOSTLVVS. pro FAV- *immutatio*
STVLVS. in numo Pompejæ familiæ legitur. *elemento-*
nis diversæ superant species, quæ fere omnes, ob soni si- *rum.*
militudinem factæ, & usu tum fortasse receptæ, excusa-
tionem aliquam a vitio merentur: Commutatio hæc in vo-
calibus, & consonantibus locum habuit, in latinis juxta,
ac Græcis numis conspicua.

Excusari a sculptoris lapsu an hac ratione possit nu-
mismata sequens, ex argento puro, Musei nostri, in medio
relinquo.





P. SEPT. GETA. PIVS. AVG. BRIT. *Publius Septimius Geta Pius Augustus Britannicus. Caput Laureatum Getæ.*

FED. EXERC. TR. P. III. COS. II. *Fedes exercituum, Tribunitia potestate tertium, Consul iterum. Mulier velata stans, utraque manu signum militare attinet, tertium signum ad sinistrum latus humi defixum.*

*Vocalium
permutatio.*

Frequentissima hæc epigraphe, semper **FIDES** scripta deprehenditur, non **FEDES**. unde, etsi ab Orthographiæ vitio purgari sculptor posset, ab affectata quadam vetustatis imitatione non potest. Siquidem erant voces quæpiam veteribus, quas per **E** alii, alii per **I** vocalem exararent. Ita **GENETRIX**. in veteribus numis legitur, quod subinde **GENITRIX**. scriptum est. **DOMETIVS**. & **DOMITIVS** itidem numi habent. *Quintilianus* rursus hæc comprobatur: *Lib. 1. cap. 12. Here nunc E litera terminamus; at veterum comicorum adhuc libris invenio: Heri ad me venit &c.* Et hæret etiamnum in Italico idiomate hæc pronuntiatio *fede*, ex vocabulo *fides*, quod fortasse olim littera **E**, scriptum, aut ejusdem sono, præsertim a plebe enunciatum fuit; quando etiamnum **E** clausum Itali, & Galli præsertim, quasi cum **I** permixtum efferunt.

Veniam præterea utcunque merentur ista: **AETRV-SCVS.** pro **ETRVSCVS.** & similia alia, præsertim dum græcis literis scripta sunt: **ΑΙΤΡΩΚΛΑΑΝ.** pro **ΕΤΡΟΥΚΙΑ-ΑΑΝ.**

ΛΑΝ. ubi pariter Ω pro OT positum, ad dialectum Doricam confugere potest : uti & illa AMYMTA pro AMYN TA. ΑΠΟΛΛΩΝΙΑΤΑΝ. pro ΑΠΟΛΛΩΝΙΑΤΩΝ. ejusdem dialecti beneficio ab erratis eximuntur. Vetera item illa errore carent : COILIVS. pro COELIVS. DOSSENI. pro DORSENI. CAISAR pro CAESAR.

Latini veteres , quod omnes norunt, sæpe O loco V posuere. Numi hæc offerunt: DIVOS. IVLIOS. AEGYPTOS. PHILIPPOS. DEO. VOLCANO. & alia. *Quintilianus Lib. 1. cap. 5.* his affinia profert : *Quid O. atque V. permutata invicem, ut Hecoba, & Notrix, Culchides, & Pulixena. Idem cap. 12. de Orthogr. Cervom, & Servom scribi O, & V. literis.* Similia in Græcis occurrere videntur ΣΕΛΙΝΟΝΤΙΩΝ. pro ΣΕΛΙΝΟΤΝΤΙΩΝ. item ΟΠΟΝΤΙΩΝ. Alias etiam vocales ob soni similitudinem in Græcis numis commutatas deprehendere est : ΑΙΓΙΠΤΟΙ. pro ΑΙΓΥΠΤΟΥ. in Antonii, & Cleopatras numo nostri Musci. ΒΗΡΗΤΙΩΝ. ΣΙΡΑΚΟΝ. in quibus I loco Y insculptum est. In Atheniensium numis ΑΘΕ, & ΑΘΗ. in Thebanorum ΘΕΒΗ, & ΘΗΒΗ. reperitur, quod ipsum argumento est, præter cætera, τὸ Η. sono literæ E. sed longo, prolatum fuisse. Pari ratione in ære veteri ΑΝΤΟΝΙΟC. pro ΑΝΤΩΝΙΟC. ΝΕΟΚΟΡΩΝ. pro ΝΕΩΚΟΡΩΝ. quin & ΝΕΟΧΟΡΩΝ legere est, quod postremum tamen vitiis accenseri mallet; etsi in vetustissimis inscriptionibus sit X pro K nonnunquam positum

Consonantium porro commutatio, facta in ære veteri, antiquæ Orthographiæ, & soni similitudine itidem excusatur a vitio. FORTVNA. OPSEQVENS. pro OBSEQVENS. uti & in marmoribus, quæ deprehendit Eru-Consonan-
tes alia
aliis subro-
gata. ditissimus Spanhemius: ΑΡΣΕΝΣ. ΟΡΣΙΔΕΣ. videntur purgari posse a vitii nota; cavente etiam *Quintiliano Lib. 1. cap. 12. Sed B. quoque in aliorum locum dedimus aliquando, unde Byrrhus, & Bryges. Et cap. 9. Nam Cicero Canopitarum exercitum dicit, ipsi Canobon vocant.* Permutatæ igitur

tur sunt B, & P. Pari ratione C loco G positum damnare non ausim: OCVLNIVS. pro OGVLNIVS. cum ipse *Quintilianus* in simili dubitet *Lib. 1. cap. 9.* Nam duos in unico nomine faciebat *Barbarismos* *Tinca Placentinus*, si reprehendenti *Hortensio* credimus, preculam pro pergula dicens, & immutatione, cum C pro G uteretur, & transmutatione, cum E praeponeret R antecedenti.

Siculi adeo, dum Romanis parebant, elementum C loco sui Γ, inscriptionibus Græcis numorum intulerunt; uti legimus ΑΚΡΑCΑΣ. CΕΛΑC pro ΑΚΡΑΓΑΣ. ΓΕΛΑC.

His accenseri merentur. KARVS. KARINVS. KARTHAGO. item TRIVMFVS. ISIS. FARIA. Et e converso Græci numi epigraphæ ΦΑΕΙΩΝ. pro ΦΑΛΕΙΩΝ. Tum ista: ORVIS. TERRARVM. DANVVIVS. CORONA. CIBICA. unde & Græci sæpe, cum Latina nomina numis insculperent, V consonantem duplici modo reddebant: ΒΑΛΕΡΙΑΝΟC. & ΟΥΑΛΕΡΙΑΝΟC. ΒΕΙΒΙΟC. & ΟΥΙΒΙΟC. porro Græculi semilatini: C. OVAL. HOSTIL. MES. COVIN. TVS. AVG. *Cajus Valens Hostilianus Messius Quintus Augustus.* Atque his affinia plura in Coloniæ numis præcipue occurrunt, quarum artifices Latinæ Orthographiæ exacta peritia nonnunquam destitutos fuisse, facile quisque sibi persuadebit. Græca rursus permutata fuisse, constat e numis, hæc elementa Z, & Σ. ita: ΖΜΤΡΝΑΙΩΝ. ΖΕΡΑΠΙC. ΦΙΛΟΚΑΗΖ. & vice versa, ΣΕΤC. pro ΖΕΤC. & in Træzenio numo Æolice ΣΔΕΤC. Non raro sæculo tertio Z loco Ξ. signatum visitur, desiderata media horizontali lineola. Numus noster argenteus X. solum, sine Σ. loco Ξ. exhibet: ΝΑΞΙΩΝ. item ΑΧΤΡ. pro ΑΞΤΡ. vel ΑΝΞΤΡ. Soni causa, & illa duplici modo numis insculpta habentur. ΑΝΚΤΡΑ & ΑΓΚΤΡΑ. ΣΥΝΚΑΗΤΟC. & ΣΥΓΚΑΗΤΩC. E quibus discimus, pronuntiatum quidem Γ ante K tanquam N fuisse, non tamen semper ipsa elementi permutatione scriptum.

Non-

Nonnunquam characteres Latini Græcis, a semilati- *Græca lite-*
nis sculptoribus permutati, ac permixti inveniuntur. KAI- *ra latinis*
SAR. SEMNOS. ΑΔΡΙΑΝΟΣ. item ΔΑΜΑΚΚΟ. ΚΟΛΟΝΙΑ. & *permutata*
ΙΛΙΝΕΝΖΕ. seu ΙΛΙΝΕΝΣΕ muncipium in Bætica : ΜΑΡΣ.
VATOR. sic ΛΑΥΔΙΚΕΩΝ pro ΑΛΟΔΙΚΕΩΝ. Et alia.

Nonnulla ex his, uti : C pro G, vel pro Γ græco : item
C pro K in Damasceno numo : S pro Σ in numo MESSE-
NION. aliæque similes literarum formæ (si in vetustiori-
bus numis reperiantur) haberi possunt velut reliquæ ve-
tustissimi Alphabeti Pelasgi, aut Etrusci ; de quo videri po-
test eruditissima dissertatio Dñi Ludovici Bourguet in li-
bro recens Romæ edito : *Saggi di Dissertazioni Accademi-*
che &c. Dissertazione I.

Perverso etiam situ unicam literam insculptam, quod *Situs elo-*
omni vitii labe non caret, in ære prisco videre est. Binos *menti in-*
ejusmodi numos in Appendicula ad Græcos Vaillantii nu- *versus.*
mos exhibui. In altero habetur C Ξ CTION. loco CHCTION.
& in altero ET. NOC. loco ET. ZOC. Nam N = 50. compo-
ni non potest cum literis epocham indicantibus OC =
200. † 70. sed Z = 7. optime annos exprimit, uti suo loco
ostendi. Hic igitur Z jacens, N ab incautis legi potuif-
set, atque illud Aufonii hic plane impletum conspicitur.

Zeta jacens, si surgat, erit nota, qua legitur Ni.

In aversa facie numi ænei, Cimelii nostri, Saloninæ, cui
IVNO. REGINA. inscripta erat, conspexi S. C. in media nu-
mi area, pro S. C. *Senatus Consulto* insculptum. Maximini
numum dedimus, in quo habetur C. R. I. T. 2. AN. 333 V.
Culpandus non est illico *μωροχαράλης* cum literæ ductus
quosdam, præter morem, aut apices præ se ferunt ; ea
quidem certe, aut ornatus, aut etiam distinctionis ali-
cujus causa ita formata fuisse probabile est. Ita in æneo
numo, medii moduli, pervetusto, a Mesambrianis percuf-
so, Cimelii nostri, peregrina literæ Σ figura conspicitur,
ut typus exhibet :



In adversa hujus numi parte caput est, Diademate cinctum, sine epigraphe. Alii bini ejusdem Cimelii, jam a Vaillantio quidem, quoad figuram, vulgati numi, Pomponiæ familiæ, Musæ figuram referunt cum epigraphe: **Q. POMPONI. MVSA.** ubi litera V. distincte apicem quemdam recurvum exhibet: quod vehementer suspicor, aut ad denotandam literam longam, uti superius e *Quintiliano* retuli: aut ad distinguendam V. vocalem a consonante, uti nos Germani hodieque scribimus: aut certe ornatus causa ita insculptum fuisse.

Est item numus noster æneus, Urbis Romæ, in quo O. longius, manifesto apice notatum, extat: **R O M A.**



CAPUT IV.

De vitiosa formarum combinatione in subaratis numis.

HAud ita longo abhinc tempore in eorum ego item *Mutanda*
sententiam pene abieram, qui numorum errata, *non un-*
etiam subaratorum (quorum typi insolitam com- *quam, in re*
binationem præ se ferunt) ingeniose conquisitis interpre- *Antiqua-*
tationibus excusare nituntur. At enim posteaquam tot, *ria, senten-*
ac tam palmaria vitia, in pelliculatis præsertim Denariis,
tum in Cimelio nostro, cum in libris adnotata repereram;
aliter mihi deinceps sentiendum esse constitui: planeque
in me expertus sum, uti ad vitam humanam, ita ad rem
numariam veterem, *Nunquam ita quemquam subducta ra-*
tione fuisse, quin res, ætas, usus semper aliquid apportet novi,
semper aliquid moneat; ut illa, quæ te scire credas, nescias,
& quæ tibi putaris prima, in experiundo ut repudies. Terent.
Adelph. Act. 5. scen. 4.

Porro ut hac in re, quam sint indigni venia Moneta- *Subarato-*
rii illi adulterini, luculentius ostendam, numorum exem- *rum vitia*
pla, primum e Cimelio Nostro, deinde aliorum proferam: *inexcusa-*
in quibus ita manifesta sunt typorum vitiose consignato- *bilis.*
rum errata; ut qui excusare illa se posse firmiori quadam
ratione adducta existimaret, ei illud Horatianum in au-
rem suggerendum putarem: *Lib. I. Sat. 2.*

*Desine -- -- -- sectarier, unde laboris
Plus haurire mali est, quam ex re decerpere fructus.*





*Titulus
TRIB. POT.
vitiosi repe-
ditus.*

IMP. CAES. DOMIT. AVG. GERM. P. M. TR. P. IIII.
*Imperator Caesar Domitianus Augustus Germanicus Pontifex
Maximus Tribunitia Potestate quartum. Caput laureatum
Domitiani.*

TR. POT. III. CENS. P. P. P. *Tribunitia Potestate Ter-
tium, Confor Perpetuus, Pater Patria. Pallas stans, d. jacu-
lum tollit, s. scutum, pedibus navi insistit, ad quos no-
ctua adstat. Suberatus.*

Hoc iconium capitis ad aliud averse partis typarium
pertinebat, in quo nulla Tribunitiæ Potestatis mentio.
Apud com. Mediobarbum extat argenteus numus, cum
eodem omnino, qua noster, Capitis epigraphe, sed in cu-
jus aversa parte legitur **IMP. IX. COS. XI. CENS. POT.
P. P. Pallas stans.**

Neque mihi quisquam hic opponat numum Aurelii
Cæs. a doctissimo Spanhemio *Tom. 2. pag. 432.* relatum, in
cujus aversa facie legitur: **TRIB. POT. VII. TRIB. POT.
VIII. S. C.** Nam isthic, si quod vitium esset, sculptoris
esset; quod hic suspicari vix possumus. Nam si oblivione
lapsus esset, se jam insculpsisse **TRIB. POT.** potius bis
TRIB. POT. cum eodem, quam diverso numero expressis-
set. Quare hic cum Spanhemio probabiliter dici posse ar-
bitror: numum hunc eo tempore signatum esse, quo Au-
relius expleta **TRIB. POT. VII.** eandem octavam sumeret.

Nihil porro moror duplicem illam Tribunitiam Pote-
statem, Civilem nempe, & Bellicam, quam **R. P. Hardui-
nus**

num excogitaverat , ad excusandos ejusmodi numos ; sed cum paucorum assensu.

Tres alios numos *subaratos* , ex epistola Illustrissimi Maffei proferam sub finem hujus capituli , qui simillimo vitio insignes TRIB. POT. & Consulatus diversos numeros in antica , & postica facie exhibent. Quare haud injuria suspicor , subaratum etiam esse numum illum , quem argenteis quidem accenset Cl. Liebeus , singulariter tamen non adnotat , quod alibi ad similem numum fecerat , esse vere argenteum. En illum !

ANTONINVS. AVG. PIVS. P. P. TR. P. XV. Caput.

TR. POT. XV. COS. IV. Vestalis stans , d. capedunculam s. tropæum.

Jam ad alios :



IMP. CAES. DOMITI. AVG. GERM. P. M. TR. P. XV. *Imperator Caesar Domitianus Augustus , Germanicus , Pontifex Maximus , Tribunitia Potestate decimum quintum. Caput laureatum.*

IMP. XIII. COS. XIII. CENS. P. P. P. *Imperator decimum quartum , Consul decimum quartum , Censor Perpetuus , Pater Patriæ. Pallas , uti in priori numo. Subaratus.*

Pugnat cum sinceris numis compluribus hæc combinatio TRIB. POT. XV. & IMP. XIII. cum longe major numerus acclamati *Imperatoris* respondere debeat numero TRIB. POT. XV. Nam apud Mediobarbum , & in Museo nostro *sincer* numi Domitiani habentur , in quibus legi-

tur : TR. P. VIII. IMP. XX. item TR. P. IX. & X. IMP. XXI. atque in aliis sinceris, vitiiq; expertibus numis Domitianus scribitur IMP. XIII. cum TRIB. POT. VII.



IMP. L. AVREL. VERVS. AVG. *Imperator Lucius Aurelius Verus Augustus. Caput nudum ejusdem.*

P. M. TR. P. XIII. IMP. VIII. COS. V. P. P. *Pontifex Maximus, Tribunitia Potestate decimum tertium, Imperator octavum, Consul quintum, Pater Patriæ. Salus sedens, d. pateram: ex ara serpens exsurgit. Subaratus.*

Hic numus a falsariis signatus est duodevicesimo saltem anno a morte Lucii Veri. Nam partis aversæ iconium est Commodi numis argenteis signandis elaboratum; uti apud Mediobarbum idem omnino extat, cum capitis epigraphæ: **M. COMM. ANT. P. FEL. AVG. BRIT.** sane Lucio Verò nec Pont. Max. nec Patris Patriæ titulus, quem solus tum M. Aurelius gerebat, congruit: nec TRIB. POT. nec COS. numeri; cum Verus duntaxat TRIB. POT. IX. & COS. III. & etiam IMP. V. in numis adnotetur.



IVLIA. PIA. FELIX. AVG. Caput Juliae Domnae.

PONTIF. TR. P. III. *Pontifex, Tribunitia Potestate tertium.* Figura stans, d. pateram, l. hastam. *Suberatus.*

Hæc aversæ partis forma ad numum Getæ, filii Juliae Domnae, parata videtur. Similis certe epigraphæ in argenteis Getæ numis in collectione Mediobarbi exhibetur. Capiti mulieris sane ita congruit hæc aversæ partis inscriptio, ut fluctibus aper.



ANTONINVS. PIVS. AVG. BRIT. *Antoninus Pius Augustus Britannicus.* Caput laureatum Caracallæ.

PONTIF. TR. P. XII. COS. III. *Pontifex, Tribunitia Potestate duodecimum, Consul tertium.* Mars gradiens, d. hastam, l. parazonium. *Suberatus.*

Mendosa harum inscriptionum consignatio haud ita *Anachronismi cum titulo BRITANNICI.* prompte omnibus fortasse subolet. Verum attentioribus ad rem numariam illud placere non potest: *BRITANNICI* titulum, Caracallæ datum, conjungi cum TRIB. POT. XII. Caracalla enim hunc titulum primum obtinuit, postquam TRIB. POT. XIII. suscepit; uti cum Chronologis numi contestantur. Extant siquidem cum in Museo nostro, tum apud Mediobarbum argentei Caracallæ numi, e quibus alii TRIB. POT. XIII. cum titulo *Britannici*, alii sine eodem ostentant; id quod indicat: assumpta jam TRIB. POT. XIII. *Britannici* titulo ornatum fuisse. Neque ul-

lus illic nūmus TRIB. POT. XII. atque Britannici cognomine insignitus, adducitur.

Ut vero scrupulum hic omnem lectori eximam; manifestiorem huac lapsum ex altero ejusdem Antonini Caracallæ subærato numo ostendo.



ANTONINVS. PIVS. AVG. BRIT. Caput laureatum Caracallæ.

P. M. TR. P. VII. COS. II. P. P. *Pontifex Maximus, Tribunitia Potestate septimum, Consul iterum, Pater Patriæ.* Victoria gradiens, utraque manu cingulum gestat.

Hic sane titulum Britannici cum TRIB. POT. VII. ingentem parachronismum conficere, ne primuli quidem historiæ Augustæ tirones ignorant; cum Caracalla Tribunitiæ Potestatis anno X. vel XI. primum iter in Britanniam instituerit. Hæc duo itaque, quæ modo proposui, Caracallæ numismata aversæ partis typum referunt, ad aliâ formam pertinentem. Prius illud iconium ad Caracallæ quidem caput pertinebat; sed sine epigraphæ BRIT. Hoc alterum vero, inscriptum: *Pontifex Maximus Tribunitia Potestate VII.* nulla ratione Caracallæ congruere potest; qui in omnibus sinceris numis cum TRIB. POT. VII & etiam ultra, solum PONTIF. & non PONT. MAX. nisi demum cum TRIB. POT. XIV. inscriptus legitur. Hæc igitur aversa numi facies Septimio Severo restituenda est. Similem errorem refert Mediobarbus; etiam sub Caracalla; nam legitur: P. M. TR. P. X. COS. II. P. P. *argent*
P. SEPT.



P. SEPT. GETA. CAES. PONT. *Publius Septimius Geta Caesar, Pontifex. Caput nudum Getæ.*

P. M. TR. P. XII. COS. III. P. P. *Pontifex Maximus, Tribunitia Potestate duodecimum, Consul tertium, Pater Patria. Vir nudus aræ adstat, d. pateram s. spicas; Est effigies Boni Eventus. Subaratus.*

Hoc aversæ partis charagma, ad Severi, Patris Getæ, *Geta aversæ* caput spectabat, atque in Museo nostro argenteus numus *sa Patri debita.* reperitur cum capite Septimii Severi, & epigraphæ: **SEVERVS PIVS. AVG.** aversæ vero partis imago eadem, & inscriptio, quæ in hoc nostro, notatur.

Getæ quidem certe adhuc dum *Cæsari*, uti capitis habet inscriptio, male jungitur in altera parte **PONT. MAX.** quo titulo, solus Septimius Severus hoc tempore gaudebat. Quod si etiam daretur, in Pontificatus Maximi communionem præter morem assumptum esse Getam; cur in altera numi facie **PONTifex** tantum, in altera *Pontifex Maximus* signaretur? Denique certum est e' numis, & historicis: Getam non nisi ad **TRIB. POT. III.** pervenisse, atque Imperii mense undecimo a fratre interemptum fuisse. Taceo, Getam non haberi in numis **COS. III.** neque ei, qui solum Cæsar appellaretur, *Patris Patria* titulum tribui. Cl. Vaillantius inter Numismata Præstantiora ex argento, similes Getæ numos refert. *Tom. 1. pag. 126.*



IVLIA. MAESA. AVG. *Julia Maesa Augusta.* Caput ejusdem.

*Titulus,
Viro pro-
prius, mu-
lieri adfi-
gnatus.*

SVMMVS. SACERDOS. AVG. *Summus Sacerdos Au-
gustus.* Sacerdos ad aram adstans, toga striata indutus, d.
pateram, s. ramum lustralem; in area astrum. *Suberatus.*

Hunc posticæ partis typum sibi vendicant numi Elagabali apud Mediobarbum, e quibus perperam ad numum Avæ maternæ signandum transumptus est. Sane Elagabalus, etiam Augustus, variis in monetis se Sacerdotem Solis Elagabali, cujus cultum in Syria puer combiberat, professus est; atque astri figura Solem Elagabalum indicare existimatur. Videri potest *Lampridius in vita Antonini Heliogab. cap. 1. Et Xiphilin. ex Dione Lib. LXXVIII.*



Sic
IVLIA. MAMEA. AVG. *Julia Mamaea Augusta.* Caput ejusdem Mamææ.

LIBER-

LIBERTAS. AVG. *Libertas Augusta.* Mulier stans d. *Suberati*
pileum, & hastam. *Suberatus.* *sape non*
agnoscun-
tur.

Frequens iste in Augustorum numis typus, qui ex Alexandri numis argenteis huc transmigravit, in nulla moneta, Augustæ nomine signata, apud Mediobarbumprehenditur, præter unicam nostræ similem, quæ inter argenteas refertur. Verum hic numus, solus cum sit, merito suspicor eundem pariter pelliculatum esse. Multos enim adulterinos, e quibus ætas, aut usus vix quidquam detraxerat, pro sinceris haberi, id mihi, quod nuper cepi, experimentum persuadet. Nactus eram Domitiani numum, quem hoc capite primum exposui, integrum plane, & elegantem. Cum vero viderem posticam partem, cum antica male cohærere; coepi, suspicatus, quod suberat, numi oram incidere: at purum putum illic argentum. Tum scalpro aream tentavi; ibi, cum pellicula argenti esset pertenuis, illico apprehendi numum

Introrsum turpem, speciosum pello decora.

Claud. laud. filic. Lib. II.

Nempe oram, quæ facilius attereretur, aut tentaretur, crassiusculo argento munivere falsarii; tenuiorem bracteam areæ inducere, ubi minus instabat detegendæ fraudis periculum.



IVLIA. MAMAEA. AVG. Caput ejusdem.

VIRTUS.

VIRTVS. AVG. *Virtus Augusti. Miles stans d. hastam, s. clypeum. Suberatus.*

Alexandri, Filii Mamææ, numis hæc forma, & epigraphe debetur; uti & eandem exhibet collectio Medio-barbi sub capite Alexandri in pluribus argenteis numis.

*Militare
Symbolum
Mulieri
tributum.*

Mulieri fane hoc symbolum haud convenit, neque in ullo Augustæ numo apud laudatum Auctorem comparet.

Quanquam vero non ignorem, dari numos Mamææ, relatos in *Commentariis Trevoltianis ad anni 1728. Aprilem pag. 621. & seq.* in quorum averfa parte **FIDES. MILITVM.** item **ADLOCVTIO. AVG.** conspiciatur: sciamque in ejusmodi numo, qui in antica parte capita Alexandri, & Mamææ jugata ostentat, legi: **MATER. CASTRORVM.** Cum tamen hæc omnia ad Imperium, quod Mamæa cum Filio, imo vero in eundem exercuerat, aut in affectum, & curam, qua milites illa complectebatur, recte referri possint; contra vero **VIRTVS. AVG.** cum viri armati effigie, propriam, belli tempore comprobata, Imperatoris virtutem, ac fortitudinem indicare soleat; hæc Mamææ capiti vitiose adsignata videntur.



IMP. GORDIANVS. PIVS. FEL. AVG. *Imperator Gordianus Pius Felix Augustus. Caput Gordiani Pii, cum corona radiata.*

ADVE. - - - AVGG. *Adventus Augustorum duorum. Imperator equo vehitur. Suberatus.*

Gordia-

Gordianus Pius solus Augustus imperavit. Nam Bal-
bino, & Pupieno Augustis, Cæsar tantum erat; mox illis
interfectis Augustus proclamatur, teste *Herodiano Lib. VIII.* *Philippo-
rum forma
Gordiano
adjuncta.*
sub finem. καὶ καταλυπόντες τὰ σώματα ἐρριμμένα ἐπὶ τῆς λεωφόρου,
ἀράμεινοι δὲ τὸν Γορδιανόν, Καίσαρα ὄντα, Αυτοκράτορά τε ἀναγορεύ-
σαντες &c. *Et relinquentes projecta cadavera* (Balbini, &
Pupieni) *in platea, tollentes autem Gordianum, qui tum Cæ-*
sar erat, & Imperatorem salutantes &c. Philippus autem,
Gordiano vivo, IMP. AVGVSTVS. saltem Romæ, agni-
tus non fuit. Quamvis enim *Jul. Capitolinus in Gordiano*
tertio, cap. 29. memoret: *Imperium Philippo mandatum esse,*
jussumque a militibus, ut quasi Tutor ejus Philippus cum eo-
dem Gordiano pariter imperaret. Idem tamen auctor *mox*
cap. 31. hæc habet: *Romam literas misit Philippus, quibus*
scripsit, Gordianum morbo periisse, seque a cunctis militibus
electum. *Nec defuit, ut Senatus de his rebus, quas non nove-*
rat, falleretur. *Appellato igitur Principe Philippo, & Augu-*
sto nuncupato &c. Nequit igitur in numo Romani cōmatīs
ulla ratione *Adventus Augustorum* Gordiano Pio adscribi.

Hic averſæ partis typus pertinere videtur ad Philip-
pos, in quorum numis habetur. Existimo enim falsarios
etiam vita functorum Imperatorum vultibus, quos facilius
nancisci poterant, numos signasse, quibus subinde posticæ
partis iconium, quod etiam surripuerant, Imperanti Au-
gusto proprium, adsignarunt:

Cujus rei bina exempla, eaque ad hunc ipsum Gor-
dianum spectantia, ad finem hujus capituli mox adferam.
Unum, & alterum numum e Cimelio nostro interpono.





IMP. GORDIANVS PIVS. FEL. AVG. Caput ejusdem laureatum.

CONSECRATIO. Pavo caudam explicans. *Subscriptus.*


*Apotheosis
Symbolum
Augusti
incongruum.*

Gordianus Pius, Capitolino teste, ab Senatu Romano inter Deos relatus est; imo Philippus ipse, homo versipellis, familiari sermone Gordianum *Divum* appellare solebat, etiam apud milites. Publico tamen ritu inter Deos relatum esse, non constat: neque satis credibile est (cum ritus hic a successore Imperii obeundus esset) id Philippum, Gordiani peremptorem, adeo effrontem fuisse, ut præstaret; cum Romæ jam Philippi doli innotuissent. Neque vero publicæ, solemnisque Consecrationis meminit *Entropius lib. IX.* Etsi referat: Gordianum a Philippo *Divum* appellatum fuisse; id quod de familiari sermone, uti Capitolinus innuit, accipiendum videtur. Sane Gordiani hujus numus nullus apud Mediobarbum exhibetur, cui Consecrationis mentio inserta sit. Quod si extaret etiam ejus rei memoria; hic tamen numus esset aperte vitiosus, qui pavonem, perpetuum, propriumque Muliebris Consecrationis Symbolum, Gordiani capiti connectat. Hic typus, & epigraphe revocantur ad numos Paulinæ, uxoris Maximini.

Erit fortasse aliquis, qui neget: perpetuum fuisse apud Augustas Consecrationis symbolum, pavonem; cum Cl.

Vail-

Vaillantius rariores inter numos , quemdam Faustinae senioris proferat , qui , cum epigraphæ CONSECratio. Aquilam in argento exhibeat. - Is numus , cum in nostro itidem Cimelio extet , hic integrum sisto.



DIVA. AVG. FAVSTINA. Caput Faustinae Pii.
CONSECRATIO. Aquila.

At enim hic numus noster manifesto subæratu est ; atque adeo una cum altero illo nostro , qui pavonem Gordiano appingit , nihil aliud , quam binos falsariorum lapsus arguit. Neque enim constans ille sincerorum numismatum consensus in aliquo perturbari uno , & altero adulterinae monetæ testimonio citra injuriam potest.



IMP. GORDIANVS PIVS. FEL. AVG. *Imperator Gordianus Pius Felix Augustus.* Caput Gordianii Pii cum corona radiata.

PRINCIPI. IVVENT. *Principi Juventutis.* Figura , sago vestita , stans , d. globum , s. hastam. *Subæratu.*

Titulus Principis Juventutis Cæsaribus , antequam Au-

gusti renunciarentur, in veteribus numis tantum tribuitur. Vitiose itaque hic aversæ partis typus adsignatus est: imagini capitis Gordiani, cum titulo *Augusti*. Accedit, hujus capitis epigraphen, eam esse, quam postremis fere Gordiani Imperantis annis numi exhibere solent; cum primis annis insculpi soleret: IMP. CAES. M. ANT. GORDIANVS. AVG. uti indicant numi, annis TRIB. POT. insignes. Neque vero ullus numus sincerus *Principem Juventutis* Gordianum refert; etsi id non repugnaret Historiæ; cum Cæsar sub Balbino, & Pupieno fuerit Gordianus. Hæc aversæ partis forma Philippi Junioris numis argenteis signandis parata erat, in cujus monetis frequentius comparet.

Viti si numi a V. Cl. Maffeo inspecti.

Haftenus dictis egregie suffragantur, quæ vir, sanguine juxta, ac eruditione clarissimus Scipio Maffei adnotavit in libro, cui titulus: *Gallia Antiquitates quadam selectæ, atque in plures epistolas distributæ*. Ubi *Epist. 22. Apostolo Zeno inscripta pag. 111.* Sequentia refert de numis ineditis, a se in Gallia visis. *Nerva est in eodem Domini Cleves scrinio, qui in anteriori parte COS. II. dicitur, in posteriori COS. III. Antiquus procul dubio est numus, argentea siquidem bractea obductus. Verum in museo Roteliniano Trajanum animadverti COS. VI. & in aversa COS. V. cum Dacia capta. Item M. Aurelium TR. P. XXIIII. & in altera TR. P. XXIII. cum Armenia.*

Gordianum Pium quoque: cum Leone gradiente, & SÆCVLARES. AVGG. etiam cum ANNONA. AVGG. qua Philippi, post Gordianum Imperantis inscriptiones sunt. At ii numi omnes argentum mentiuntur, ac prætendunt; cupro vero constant. Anticos ergo typos, moneta adulteratores, cum posticis sæpe maritabant alienis.



CAPUT V.

*Nonnulli Suberati numi, qui formis præter
solitum compositis signati, dubium de vi-
tio movent, expenduntur.*

Produkti ex unico privato Cimelio superiori capite Suberati numi ra-
tius a vitio
excusandi. suberati numi, certo vitio, male coaptatorum ty-
porum, laborantes, si una cum iis, quæ doctissi-
mus Maffei, & quæ Anonymus ille, in Diariis Trevol-
tensibus, Capite Imo laudatus, professi sunt, exactius con-
ferantur; facile quemvis in eam, credo, adducunt senten-
tiam: ut, cum numus certo suberatus offertur, insolita
quadam formarum, ad sinceros numos pertinentium, com-
binatione; malit Monetarium accusare erroris, quam de
extorquenda interpretatione quadam, ingenii, & novita-
tis plena, magnopere laborare. At enim aliter nonnul-
lis eruditis visum est.

Vir Doctissimus Franciscus Nicolaus Haym in præcla- Haymii V.
Cl. Senten-
tia de Nu-
mo Augusti. ro opere, cui titulus: *Tesoro Britannico*, inter alios raro-
res numos, eos etiam adfert, qui mira, & insolita typ-
riorum conjunctione suspensos tenent peritorum animos:
quos prope omnes suberatos esse ipse celeberrimus auctor
admonuit. Quæ ipsa res modo a me dicta confirmare,
magnamque videtur ad condemnandos vitii hosce numos
præscriptionem animo ingerere.

Qua tamen ratione Cl. Haymius numos istos a mendo
eximios præstare contendat, in præsentis dispiciamus.

CÆSAR. AVGVSTVS. Caput nudum Octaviani.

PVTEAL. SCRIBON. Solitus typus Putealis
Scribonii. *Suberatus.*

Difficultatem hic, quam formarum harum commissu-
ra adfert, ipse Haymius exposuit: cujus verba, ne longior

sim, hic, & alibi ex Italico latine reddita adscribam. Scribonia tertia fuit Augusti uxor, e qua Juliam suscepit, atque teste Dione, eadem die, qua ipsi nata est Julia Filia, Matrem ejus repudiavit, an. V. C. 716. amore Livia ad id incitatus. Scribonia vivebat adhuc an. 749 quoniam, ut habet Dio, sponte, cum Filia sua Julia in exilium secessit. Hic tamen numus multo post percussus est, quam Augustus Scriboniam repudiavit; quando isthic Augusti titulus comparet, quem ante annum V. C. 727. non obtinuit. Deinde ita nodum solvere aggreditur. Unde deducitur Augustum hanc monetam feriundam curasse, in honorem familiae Scribonia, revocando in memoriam affinitatem, qua eandem contingebat; atque idcirco caput suum cum aversa forma, Scribonia familiae numis propria, componi voluit.

Is nummus
vitiis ac-
confusus.

Verum numus adulterinus est, & incrustatus, quales memoriae causa procudi curasse Augustum, credibile non est. Nam sinceri quidem numi exemplum nullum, quod etiam, extat, quod Augusti caput cum Puteali Scribonii consociet; cujus typus satis frequens habetur. Memoriam porro affinitatis, insolito hoc monumento commendasse, qui illius vinculum ipse disciderit; non satis congruere videtur. Quare obvium illud falsariorum erratum, diversarum formarum conjugatione, hic etiam commissum esse arbitror, neque quidquam argutius cogitandum.

BRVTVS. Caput laureatum.

SVLLA. Caput. Subaratus.

Diversa ca-
pita a Fal-
sariis com-
posita.

De hoc numo ita Haymius: Solet alioqui Brutus cum Abala, & Sulla cum Rufo in argento veteri signari; at hic primum Rei publicae Institutorem, cum primo Monarchiae, & Romani Imperii Machinatorem expressum habemus. Conjecturam praeterea facit: a quodam e gente Cornelia, atque ab ipso Pompejo hujus numi iconia imperata esse. Ingeniose ista, non disiteor. Sed meum ego solemne repeto: subaratus est numus, sinceri alii omnes, quos hactenus vulgatos novi, utrumque caput cum alia averse partis forma

con-

conjungunt. Aut fraus hæc falsarii , non ineruditi , aut necessitas fuit.

IVLIA. AVGVSTA. Caput Juliæ Domnæ.

NOBILITAS. Mulier stans , d. hasta fulcit , s. virum sago insignem sustentat. *Subaratus.*

Multa erudite de Nobilitate Juliæ Haymius, ut hanc *Julia nummo* epigraphen eidem convenire ostendat. *Volume I. pag. 260. Typus Geta*
E quibus illud præcipuum puto: *Nobilitatis titulus anne-*
xus erat titulo Patris Senatus ! atque hunc cum obtinuerit
Commodus Imperator, etiam Nobilissimus dictus est. Qua occa-
sione in memoriam revoco : hanc ipsam Juliam , qua in numis
ornatur his titulis MATER. AVGG. MATER. SENATVS.
MATER. PATRIÆ. etiam Nobilissima Nomine compellatam,
atque idcirco hanc epigraphen , ac figuram cum ejus capite
commissam fuisse. Pulchre dictum ! At at bracteatus nu-
mus est ; neque in tota Mediobarbi collectione ulli mulie-
ri, viris vero aliquot hæc forma , & inscriptio tribuitur ;
atque inter cæteros habetur in numis Getæ , Filii Juliæ
Domnæ, e quibus ad hunc numum signandum male adhi-
bitam fuisse ab adulteratore monetæ, mihi persuadeo.

M. OPEL. DIADVMENIAN. CAES. *Marcus Ope-*
lius Diadumenianus Cæsar. Caput nudum ejusdem.

LVNA. LVCIFERA. Luna curru vehitur. *Subaratus.*

Typum hunc , mulierum numis adsignatum , cum *Subarati*
Diadumeniano conciliare studet cl Haymius, lepida illa *gravitatio-*
Endymionis fabella ; quasi amores Lunæ in Endymionem, *ne a vitio*
amabilem , & exquisitam formæ elegantiam indicarent, *purgandi.*
qua Diadumenianus florebat.

Erudito quodam joco hic mihi usus videtur Doctissi-
mus Haymius. Nam si hac ratione defendere adulterinos
numos liceat ; num erit subinde adeo palmare mendum ,
a quo purgare numos quosque , qui eruditione , atque in-
genio aliquid valeat , non possit ? Nullum numisma , apud
Mediobarbum , hunc typum Viro tribuit ; præter unicum

Seve-

Severi Alexandri, ex ære, quod fortasse etiam argentea pellicula obductum fuerat.

MAGNVS. IMP. *Magnus Imperator.* Caput nudum Pompeii cum vase, & lituo.

SSDCAVR. ÆD. CVR. RX. ARETA. *Marcus Scaurus Ædilis Curulis: Rex Aretas: Rex, prope camelum, genu flexo ramum porrigit adstanti Imperatori. Subaratus.*

*Pompeii
subaratus,
de vitio su
spiciatur.*

Super hoc ita Haymius: *Numus hic idcirco juris publici factus est; quod non dum conspectus sit hic typus cum Pompeii capite. Dio Lib. XXXVI. refert: Aretam Arabie Regem a Pompeio Magno victum esse Coss. M. Cicerone, & C. Antonio, anno V. C. 691. Ne quid autem credat, hunc numum casu quodam ita percussum esse, ut typarium capitis Pompeii arreptum, cum alio, M. Scauri numo, quem supra retulimus, proprio componeretur; observandum est, literas in averfa facie esse omnino diversas, neque in hoc, quemadmodum in illo S. C. adscriptum legi. Accedit, quod eruditissimus Vaillantius in Namis Famil. pag. 49. ad celebrem illum M. Scauri numum animadvertit: M. Scaurum Pompeio in bello Mithridatico Pro Quæstore fuisse, atque ad tempus Syriæ Præfectum, relictis duabus legionibus anno V. C. 653. bello Arabibus illato Aretam Regem ad pacem petendam compulisse.*

Pompeii vultum cum typo hoc M. Scauri egregie, si historiam spectem, convenire, in confesso est. Verum numus adulterinus est; unum sincerum si cum hac formarum compositione videro: dabo manus, & Monetarii neque fraudem, neque alium lapsum suspicabor. Quod vero averfæ partis charagma ab eo abludat, quod in Scauri numis conspici solet; id solum conficit: aliam, a publica illa, hic esse formam adhibitam.

Neque vero omne typarium, quo abutebantur falsarii, e moneta publica sublatum puto; sed ipsos etiam sua sibi iconia effinxisse. Sculptoris porro error, etsi in subaratis

æratîs numîs , utî alîbî dîxeram , rarîor sît ; cum tamen în publicîs typîs înenîatur : quîd est , cur adulterînos îllos , & clandestînos sculptrîos non etîam errasse credamus ? Fateor tamen , me hunc numum vitiosæ typorûm conjugationîs certo damnare non audere.

Jam Cimelîi nostrî numos quosdam în examen adducamus.



IVLIA. PAVLA. AVG. *Julia Paula Augusta.* Caput ejusdem.

FORTV. . . . FELIC. *Fortuna Felici.* Mulier sedens d. globum , f. Cornu copîæ. *Suberatus.*

Înscriptîo hæc , etsî mulierî non sît încongrua , solîs ta- *Julia numus incertus dubius.*
men fere în Augustorûm numîs reperîtur. Neque în tota collectîone Mediobarbî în ullîus Augustæ , quam Juliæ Piæ numîs bînis argenteîs , & uno æneo legîtur.

Quod sî constaret , numos îllos , argenteîs adnumeratos , esse bracteatos , & æneum illum esse parvî modulî (quales sæpe existîmantur ipsî subæratî , quorûm argentea pellicula omnis detrita est) facîlius de vitîo pronuntîarî posset ; quod în dubîo relînquendum est.



FFF


IMP.

IMP. C. M. AVR. SEV. ALEXAND. AVG. *Imperator Caesar Marcus Aurelius Severus Alexander Augustus.*
Caput ejusdem laureatum.

VENVS. VICTRIX. Venus stans, d. pomum, s. hastam puram, ad pedes clypeus. *Subaratus.*

*Alexandri
subaratus
excusabilis.*

Hæc forma alioqui ad Augustas pertinet, atque in multis earum numis offenditur, uti & in numis Mamææ, Matris Alexandri. Quoniam tamen apud Mediobarbum etiam in Titi aureo, & Caracallæ æneo, & argenteo (qualis etiam in Cimelio nostro) itemque in argenteo Gordiani numo idem iconium comparet; absolvendum a vitio hunc numum censeo. Nam alios illos omnes pelliculatos suspicari, ac vitiosos, quin coram inspicias, citra temeritatis notam, non licet.



IMP. C. M. AVR. SEV. ALEXAN. P. AVG. *Imperator Caesar Marcus Aurelius Severus Alexander Pius Augustus.*
Caput ejusdem laureatum.

VENVS. COELESTIS. mulier stans, vultu, ut videtur, barbato, d. nescio quid flori simile s. hastam puram. *Subaratus.*

*Ejusdem
vitiosus.*

Cum *Venus Victrix* Augustorum numis inserta sit, videtur illic etiam *Venus Cælestis* locum habere posse. At enim nulli Augustorum, sed Augustarum soli numi apud Mediobarbum hanc epigraphen ostendunt; quæ etiam in Sæmiadis numis, figura fere eadem reperitur, viventis adhuc

huc, dum Alexander Cæsar renuntiatus esset. Hunc itaque subæratum numum vitiose consignatum esse cenſeo.

Nolo hic præterire lepidam in hoc ſingulari numo *Venus bar-*
batæ. averſæ partis figuram, qua Veneris ſimulacrum, barbato
 vultu proponitur, quod alibi me vidiffe non memini. Ex-
 hiberi porro in hoc numo figuram aliam, quam in cæte-
 ris numis, in quibus legitur *Venus Cæleſtis*, id ipſum indi-
 cat, quod manu dextra hic Venus attinet, flori non abſi-
 mile; cum in aliis omnibus rotundum quidpiam, pomum,
 aut globum, oſtentet. Barbatam autem Venerem non mo-
 do in Cypro cultam fuiſſe: teſtatur *Servius ad Lib. II. Æ-*
neid. Eſt etiam in Cypro ſimulacrum Barbata Veneris. Ad-
 ditque plura de *Deo Venere*. Verum etiam in Urbe ejus-
 cemodi ſimulacrum conſtitutum, & in veneratione fuiſſe,
Suidas in voce Ἀφροδίτη perhibet. Narrat is, luem quan-
 dam Romæ graſſatam eſſe in ſcæminas, qua correptis pili
 omnes exciderent. *Ευχαμένας δὲ τῇ Ἀφροδίτῃ ἀνατερχομένηαι,*
τιμῆσαι τε αὐτὴν ἀγάλματι κίβρα φέρονταν, καὶ γένειον ἔχονταν. Con-
 ceptis autem ad Venerem votis eas pilos recepiſſe, & eandem
 ſimulacro peſtēnem ferentem, ac barbatam honoraviſſe. Quid ſi
 id, quod in numo noſtro dextra geſtat Venus, crinium fa-
 ſciculum repræſentet?

Atque hæc ipſa Veneris Barbatæ, & mulieribus pro-
 pitæ, effigies non obſcure videtur indicare, eam formam
 ad ſcæminæ numum ſignandum paratam fuiſſe. Niſi quis
 malit Venerem Maſculam hoc ſimulacro propoſitam exhi-
 beri, de qua nihil ulterius dicendum.



CAPUT VI.

De erronea formarum consignatione in numis sinceris.

HAudquaquam ita proprium erat adulterinorum Monetariorum vitium, inepta illa formarum compositio; ut non interdum ad publicæ monetæ fabros etiam pertineret. Ad exempla propero, certis errorum indicibus insignia.



HADRIANVS. AVGVSTVS. Caput Hadriani laureatum.

*Dne Capit
tis forma
ejusdem
Imperatoris.*

HADRIANVS. AVGVSTVS. Caput ejusdem, minuscula forma. *Est ex ære medii moduli, Musei nostri, securæ vetustatis.*

Sane hic dici aliud nihil potest; nisi per insignem incuriam loco typarii aversæ partis, aliud, ejusdem Imperatoris, capitis iconium arripuisse Monetarium: quod vitium ne per somnium quidem, credo, quisquam excusabit. Simili errore consignatum Veri numisma inter ænea præstantiora adfert cl. Vaillantius.

DIVVS. VERVS. Caput nudum Lucii Veri.

L. VERVS. AVG. ARM. PARTH. MAX. *Lucius Verus Augustus Armeniacus Parthicus Maximus.* Caput ejusdem laureatum.

laureatum. Idem inter Numismata præstantiora ex argento hunc adfert.

MARC. OTACIL. SEVERA. AVG. Caput Otaciliæ.

MARC. OTACIL. SEVERA. AVG. Caput idem

Addit porro laudatus Vaillantius. *Caput idem in utraque parte signatum non ad Historiam spectat: Sed Monetarium incuria, aut urgente necessitate videtur appositum, ut in area nostra moneta aliquando occurrit.*

Alius Cimelii Nostri numus, opposito quodam vitii genere laborans, hic sistitur, qui nullum caput, sed duo aversæ faciei charagmata offert.



S. P. Q. R. OPTIMO. PRINCIPI. S. C. *Senatus Populusque Romanus Optimo Principi, Senatus Consulto.* Infra ARAB. ADQVIS. *Arabia Adquisita.* Mulier stans, d. ramum, ad pedes camelus.

S. P. Q. R. OPTIMO. PRINCIPI. S. C. Mars gradiens d. hastam præpilatam, s. tropæum. *Ex ære medii moduli.*

Utraque hæc partis posticæ forma in Trajani numis, cum ejusdem capite composita, trita, & obvia est. Quod si aliud nihil hunc Monetarii male consignantis lapsum, illud abunde aperiret: in utraque numi facie legi S. C. *Senatus Consulto.* Quod in nullo vitii experte numo quisquam ostendat. Geminum huic nostro numum æneum Commodi, duobus aversæ partis typis, sub eodem Commodocurrentibus, insignem possidet Venetiis Vir Doctissimus Per-

*Duo aversæ
partis typi
vitiosè com-
positi &c.*

illustris Dominus Apostolus Zeno, Augustissimi Imperatoris Historiographus, & Poëta celeberrimus. Doctissimus Maffei Libro, & Epistola supra laudatis ita habet, post subæeratorum numorum recensionem: *Attamen in aliis quoque, ubi ejusmodi fraudis suspicio nulla, hybrida confimiles quandoque occurrunt. Domitianum arcum vidi in museo D. de Sorbek, a Tito restitutum, si numo credimus; sed Claudii typus iste fuerat, quem IMP. T. VESP. RESTituit, a monetariis per incogitantiam, & per hallucinationem sociatus. In eadem collectione amplissima, Hadriani, & Faustina Numismata inspexi eodem capite, eadem epigraphe, ipsissimo demum typo utrimque percussa, & figurata.*

Caput cum averſæ partis charagmate inſcite conjunctum ostendit numus noster ex argento puro, cujus sinceritatem, incisa ora, & scalpro tentata area, periclitatus sum.



IMP. TRAIANO. AVG. GER. DAC. P. M. TR. P.
COS. V. P. P. *Imperatori Traiano Augusto Germanico, Dacico, Pontifici Maximo, Tribunitia Potestate, Consuli quintum, Patri Patriæ.* Caput laureatum Traiani.

IMP. XIII. COS. XIII. CENS. P. P. P. *Imperator Decimum quartum, Consul Decimum tertium, Censor perpetuus, Pater Patriæ.* Pallas stans, d. hastam.

Quis hic non videt, partem averſam Domitiani numis esse restituendam? In nostro quoque Cimelio numus Domitiani habetur, hoc eodem posticæ partis typo signatus.

tus. In Traiani numis nec IMP. XIII. nec COS. XIII. nec CENS. P. uspiam legitur; ut nihil dicam, quam belle hic congruerent COS. V. & COS. XIII. item in utraque facie P. P.

Laudatus alibi *Liebeus in Gottha Numaria pag. 255.* Hadriani numum proponit, de quo singulari adnotatione cavet: esse integre, ac sincere argenteum.

HADRIANVS. AVGVSTVS. Caput ejusdem laureatum.

COS. V. P. P. S. P. Q. R. OPTIMO. PRINC. *Consuli quintum, Patri Patriæ. Senatus Populusq; Romanus optimo Principi.* Romæ figura sedens, d. victoriolæ signum, f. hastam.

Epigraphen hanc Traiani numi sibi omni jure vendicant. Nam *Optimi Principis* titulus Traiano fere proprius est in ære veteri; & COS. V. Traiano convenit, Hadriano convenire nulla ratione potest; quippe quem tertium duntaxat Consulatum iniisse Numi, Fasti, & Historiographi contestantur. Porro autem Traiani numum argenteum, a R. P. Pedrusio S. J. e Cimeliarchio Parmensi vulgatum, Cl. Liebeus repræsentat, in cujus antica parte Traiani caput, in postica vero idem, de quo hic actum, typus, eademque epigraphæ spectatur.

Cum sollicita quadam singularis numi præfatione adfertur Denarius vitiosus *Memoirs de Trevous L' année 1723. Maj. pag. 837.* e gaza Baronis Craslier.

DOMITIA. AVG. IMP. DOMIT. *Domitia Augusta, Imperatoris Domitiani* Coniux. Caput Domitiæ.

TR. POT. II. COS. VIII. DES. X. P. P. *Tribunitia Potestate iterum, Consul nonum, designatus decimum, Pater Patriæ.* Pallas galeata stans d. hastam gerens.

Domitiani numis debitum sphragisterium, Moneta-
rii errore, ad uxoris numum signandum translatum est. Sa-
ne Mediobarbi collectio proprium huic aversæ parti ca-
put ita exhibet:

IMP. *Domitia adnexus typus, & inscriptio Domitiano propria.*

IMP. CÆS. DOMITIANVS. AVG. Caput Domitiani.
TR. POT. II. COS. VIII. DES. X. P. P. Figura ga-
leata d. hastam s. clypeum.

Neque vero illum Domitiæ numum ita quispiam ex-
cusare contendat ; ut , cum adversæ partis inscriptio in
Imperatoris Domitiani nomen designat, in averfa ejusdem ti-
tuli continuati existimentur ; atque adeo totam numi epi-
graphen, in utraque numi facie signatam , tanquam unam
continuatam , legendam esse : *Domitia Augusta, Conjux Do-*
mitiani Imperatoris, Tribunitia potestate iterum, Consulis no-
num, designati decimum, Patris Patria. Contra vero est, in
Augustarum numis , ubi Augusti mentio in obliquo tan-
tum fit (ut in hujus numi adversa parte facta est) plane
insolitum esse , ut hoc modo in altera parte tituli , Augu-
sto competentes, continuati exhibeantur ; etsi in Impera-
torum numis, qui eorundem capite signati sunt, id frequen-
ter conspiciatur. Quam vellem hujus Denarii argentum
scalpro explorare !

Capitum
diversorum
configuratio
insolita.

Nunc ad binos Cimeliarchii Parmensis numos æneos
medii moduli me converto , quos omnibus titulis anti-
quos, & iconio publico signatos cum agnoscat R. P. Pio-
vene S. J. supra laudatus , a vitio , præposteræ typorum
combinationis vindicandos censet. Primum ita refert.

IMP. CÆS. VESPASIAN. AVG. COS. IIII. P. P. *Im-*
perator Cæsar Vespasianus Augustus, Consul quartum, Pater
Patria. Caput Vespasiani laureatum.

CÆSAR. DIVI. VESP. F. DOMITIANVS. COS.
VII. *Cæsar Divi Vespasiani Filius Domitianus, Consul septi-*
imum. Caput Domitiani.

Alterius hæc est inscriptio :

IMP. T. CÆS. VESP. AVG. P. M. TR. P. COS. VIII.
Imperator Titus Cæsar Vespasianus Augustus, Pontifex Maxi-
mus, Tribunitia Potestate, Consul octavum. Caput Titi cum
corona radiata.

IMP.

IMP. CÆS. DOMIT. GERM. COS. XIII. CENS. PER. P. P. *Imperator Caesar Domitianus, Germanicus, Consul decimum quartum, Censor perpetuus, Pater Patriæ. Caput Domitiani cum corona radiata.*

Aperte in his numis typorum combinatio cum chronologiæ certis quibusdam statutis pugnare videtur. Numorum quippe, & Scriptorum veterum, Fastorumque consensu decisum est: Vespasiano Consule quartum, Domitianum Consulem primum, designatum iterum fuisse. Pariter extra dubium alterius numi erratum esse videtur; cum Tito Consule octavum, Domitianus Collega sextum Consulatum adierit.

Nihil tamen hic a Monetario peccatum, sed ex proposito ita consignatos fuisse hos numos, id ingenioso invento expedire connititur *R. P. Piovene Tomo IX. pag. 50.* qua in re ducem secutus est Doctissimum Harduinum Collegam, in *Historia Aug. ex Numis antiquis restituta*. Ubi similes Flaviorum numos adfert Harduinus, atque unum Traiani, cum capite Plotinæ, & Hadriani: quem facile credo vitiosum non esse; cum sit *ex ære maximo*, & Hadriani adoptio ope Plotinæ aut facta, aut ficta sit: teste Spartiano, & Dione.

Illius vero mentem, si recte affecutus sum, latino sermone paucis exponam. Hosce numos non Vespasiani, aut Titi, sed Domitiani temporibus cufos existimat: Consulatus porro Vespasiani, & in altero, Titi, non consignatos esse tamquam synchronos insculpto Consulatu Domitiani, quando numeri minime coherent; verum aut revocatum esse hoc numo in memoriam beneficium quoddam, a Domitiano obtentum eo tempore, cui numerus, alterius Consulatu adiectus, congruit: aut magnum aliud quidpiam, eo anno, Domitiano obtigisse. Atque ita priorem numum percussum esse eo anno, quo Domitianus Consul septimum processisset; in altera vero numi parte signatum

G g g

esse

Vitiosum non esse Vir doctiss. contendit.

esse caput Vespasiani Patris, cum epigraphæ COS. III. in grati animi monumentum : quod eo anno Domitianus volente Patre primum Consul, & designatus iterum fuisset. In altero numo Consulatum XIII. Domitiani, denotare tempus, quo numus signatus sit : in altera vero illius numi parte representari Caput Titi fratris, Consulis VIII. memoriæ causa ; quod Titus eo anno, quo Consulatum octavum suscepisset, e vivis ereptus, Imperium Domitiano aperuerit.

Atque ingeniosam hanc interpretandi rationem, existimat idem vir eruditissimus, aperire novam quandam viam, quæ ad evolvenda alia plura ejuscemodi numorum mysteria deducat. Nam præter alium Gazæ Parmensis numum, similem priori e duobus relato, sed ex ære magno ; alterum adhuc magni moduli in eodem Thesauro reperiri indicat, qui caput Vespasiani COS. VII. in adversa, & caput Titi COS. II. in averfa parte exhibeat : quem simili quadam expositione a vitii suspitione purgandum censet.

*Excusatio
difficultate
non caret.*

Laudant viri ingenium Commentariorum Trevoltiensium Scriptores *L' année 1725. Août : pag. 1468. & seqq.* Laudo & ego ; ita tamen, ut mihi a viri Doctissimi hac saltem sententia discedendi veniam exorem. Ipsi Trevoltiensis difficultatis aliquid obmovent : Non legi in his numis solitos illos, in æreis numis Romanis, characteres S. C. Hæc vero responsio redditur : Numos hos peculiaris memoriæ causa, non ad currentis monetæ usum, Augustorum jussu singulari, ita signatos fuisse.

Asseruntur hæc omnia, non comprobantur. Asserti hujus fidem, bene multa sunt, quæ, si minus omnem extinguere, multum certe elevare possunt. Nam primum illa de omiſſis notis S. C. objectio haud ita facile difflatur. Numi ænei Imperatorum, magni, & medii moduli, Romæ sæculis primis duobus signati, quales isti habentur, constanter S. C. inscriptum præ se ferunt : si unicum, quod
ego

ego meminerim, Agrippinae numum demas, in quo tamen habetur S. P. Q. R. Nam cum Imperatores auream, & argenteam pecuniam signandam sibi reservassent; aeneae cu-
dendae jus Senatui, Populoque reliquere. Cujus rei indi-
cium ipsi numi argentei faciunt; cum Denarii quidam
Consulares *ad* S. C. vel Ex. S. C. exhibeant, quod in nullo
Augustorum argenteo, solitae formae, numo, quod sciam,
reperitur.

In aeneis vero, praesertim magni, & medii moduli,
numis adeo solícite S. C. insculpi curarunt Romani; ut
etiam in obvio illo, & vitii omnis certe experte numo
magni aeris, qui ex una parte caput Anronini Pii, ex altera
M. Aurelii Caesaris refert, atque adeo aversae partis solito
quodam symbolo caret; tamen literas S. C. sub capite M.
Aurelii signandas curaverint. Cur non idem in istis nu-
mis factum cernitur? Nempe, quemadmodum superius re-
lati a me numi, quia duos capitis typos mendose complectun-
tur, omni nota S. C. carent; dum contra Traiani numus, quia
duobus aversae faciei iconiis male compositus est, utrin-
que S. C. ostentat. Ita sane cum his Domitiani numis fa-
ctum existimo.

At hi peculiaris memoriae ergo, Domitiani jussu, pro-
cusi sunt? Verum si ita; ecquid ex auro, aut argento, aut *Effigies oc-
curritur.*
saltem ex aere maximi moduli haec numismata non sunt
efformata? Nam in aeneis maximi moduli numismatis, seu
missilibus notam S. C. omissam videre licet. Si autem mi-
nore modulo, cur non characteribus solitis signata?

Deinde cur Domitianus *Divi* Filius: neque tamen Ve-
spasianus, aut Titus, jam consecrati, *Divi* titulo hono-
rantur? Cur ad indicandum memoriae causa certum an-
num, Consulatus, ac non potius TRIB. POT. numeri,
vel utriusque adhibiti? cum praesertim in numis Vespasia-
nus COS. III. duobus annis signandus pro more fuerit;
quippe qui annum unum inter quartum, & quintum Con-

fulatum, se ab hoc munere abstinuerit: atque adeo Vespasianus COS. IIII. notam singularis anni certam in numo non faceret.

Porro cur mirabiles hos numos anno demum Consulatus sui VII. ac XIII. & non aliis percuti fecit Domitianus? Quid exsculpi alicunde poterit, ad liberandum vitio numum illum, qui caput Vespasiani COS. VII. cum capite Titi COS. II. connectit? cur enim Vespasianus Augustus memoriam Filii sui, viventis, & ante annos quatuor Consulis iterum, insueto hoc monumento instauret?

*Cur vitii
damnanda
hoc capi-
tum confi-
guatio.*

Denique si aliud nihil, id me isthic ad damnandos errati Monetarios adduceret: dari exempla certa vitiosarum ejusmodi combinationum in sinceris etiam numis; dari item signa probabilia, id in his quoque numis admisum esse; contra vero expositionem illam nullo exemplo, nulla veteris monumenti auctoritate, sed solo ingenio niti: præterea eosdem, qui hic compositi sunt, capitis typos in aliis sinceris numis haberi, cum aversæ partis usitato aliquo iconio conjunctos. Quod deinde R. P. Piovene existimet, id ipsum, quod similes numi sub Domitiano duntaxat proferantur, indicio esse: ex proposito, non per errorem, ita signatos fuisse; cum alioqui aliorum etiam temporum Monetariis id accidisse animadverteremus. Respondeo: aliis etiam temporibus id accidisse, uti Traiani, Hadriani, Lucii Veri, Commodi, Philippi; quorum exempla certa hujus capitis initio adduxi. Deinde si frequentiores id genus numi, Flaviorum temporibus percussi, se offerant, quam aliis, id pro me potius facere censeo; cum facilius credi possit paucis, quam aliis pluribus annis Publicæ Monetæ fabros tanta negligentia fuisse, ut sæpius laberentur: ad quos frequentes lapsus ipsa typorum varietas, & copia, sub Vespasiano, Tito, ac Domitiano adhibitorum, occasionem præbuerit.

Binos numes, argenteum unum, alterum aureum, qui ^{Numi certe vitiosi, incertum, an subarati.} typorum inepta conjunctione insignes in collectione Mediobarbi recensentur, ad hujus capitis finem rejeci, propterea; quod dubitem, an subarati, an sinceri sint? quando in laudata collectione hoc discrimen non adnotatur.

Argenteus ita habet:

SABINA. AVGVSTA. Caput ejusdem.

INDVLGENTIA. AVG. P. P. COS. III. *Indulgentia Augusti, Patris Patria, Consulis tertium.* Figura mulicbris sedens, d. pateram & hastam per transversum.

Hic aversæ partis typus sumptus est e forma argentei numi Hadriani, qui ab eodem Mediobarbo refertur, cum capitis epigraphe HADRIANVS. AVGVSTVS. Neque ullius Augustæ numo, apud laudatum auctorem, INDVLGENTIA. AVG. multo minus cum his titulis P. P. COS. III. numo foeminae minime competentibus, adscribitur.

Numi alterius, aurei, hæc est epigraphe:

AELIA. EVDOXIA. AVG. & in alio simili: AELIA. EVDOCIA. AVG.

IMP. XXXXII. COS. XVII. P. P. CONOB. *Imperator quadragesimum secundum, Consul decimum septimum, Pater Patria.* Victoria sedens, d. globum, cum Crucis signo, & Scipionem.

Patet, aversæ partis typarium ad Augustum aliquem, & quidem ad Theodosium Juniorem pertinere, Eudoxiæ maritum, in cujus aureo itidem numo exhibetur. Clarissimus Vaillantius præterea in libro, cui titulus: *Numismata Imperatorum Romanorum præstantiora &c. Tom. II. Edit Paris. 1692.* argenteos numos refert, quorum aversas partes esse per errorem cum capitis typo consignatas, ipse monuit. Ita Traiani numi pars aversa S. P. Q. R. OPTIMO. PRINCIPI. *Mulier stans, d. ramum s. Cornu copia,* cum Nervæ capite comparet. Severi caput, cum Getæ iconio: PRINC.

IVVENT. COS. *Tres figura decurrentes.* Vice versa Getæ caput, cum averſa parte Severo debita : **RESTITVTORI VRBIS.** Gordiani Pii Caput, cum poſticæ partis inſcriptione **PVDICITIA. AVG.** Tranquillinæ ſubducta. Ubi quidem Vaillantius ipſam Tranquillinam referri putat; ſed conjectura mera eſt. Deinde cum capite Gallieni, typus pueri, capræ inſidentis : **IOVI. CRESCENTI.** qui ad Saloninum filium ſpectat. Saloninæ vultus, cum altera numi parte inſcripta : **ANNONA. AVG.** quæ epigraphæ Imperatorum Numis propria eſſe videtur : & ſi qua ſunt alia. Utinam ! qui ſolido ex argento, quique pelliculati fuiſſent Numi, exploraret, ac monuiſſet Vaillantius; atque id porro facerent omnes, qui argenteos, aureosque veterum Numos recensent.

Idem ut in Albini duobus numis experiretur *R. P. Panelius S. J.* magnopere optarem. Numos illos in Diſſertatione ſua, quam referunt *Diarii Trevoltienſis celeberrimi Scriptores, an. 1735. menſe Auguſto, pag. 1367.* tamquam argenteos producit, quorum inſcriptio ita habet :

D. CLODIVS. ALBINVS. CAES. Caput nudum Albini.

P. M. TR. P. XVII IMP. VIII. COS. VII. Dea ſedens &c.

Negat *R. P. Panelius*; hic vitii quidquam, male combinatis typariis, interceſſiſſe, frivolumque id effugium appellat. Cenſet vero, hoc averſæ partis typo, qui ad Commodium citra dubium pertinet, indicari annum Commodi Auguſti ultimum, quo Albinus Cæſar renunciatus fuerit.

Verum, ſi ita ejuscemodi numos exponere licet, e numo Lucii Veri (quem ſuperiore capite exhibui, faciæ averſa inſignem, quæ ad Commodi annum Imperii nonum certo ſpectat) conficere jam aliquis poterit : Lucium Verum eo anno Commodi Collegam fuiſſe. En lepidam ſequelam, quæ ſatis ægre faciat omnibus Hiſtoricorum veterum fautoribus.

Necue

Neque ex vano numos hosce suberatos esse suspicor ; cum geminum plane alterutri horum, aut omnino alterutrum Doctissimus P. Harduinus referat in Notis ad Plinii *Lib. XI. cap. 71.* ac diserte numum illum esse *Suberatum* admoneat, quem ex Museo Dñi Abbatis Fauvel deprompserat, e quo Museo suorum quoque numorum alterum R. P. Panielius produxit.

CAPUT VII.

De quibusdam numis sinceris, qui vitii suspicionem injiciunt ; neque tamen certo damnari possunt.

Non sum adeo iniquus in veteres Monetarios judex ; *Monetarii veteres causam arguendi.* ut sine discrimine, quidquid se in numis, aut ab Historiographis alienum, aut in Re Publica Numaria peregrinum obtulerit, continuo vitii damnandum censeam. Sunt incerta quædam in sinceris perinde, atque adulterinis numis, dubiique in utramvis partem argumenti ; de quorum nonnullis Terentianum illud non inepte pronunties : *Incerta hæc, si tu postules ratione certa facere, nihilo plus agas, quam si des operam, ut cum ratione insanias.*

Rigidiuscula mihi videtur in arguendis Monetariis *Pagii V. Cl. opinio de quibusdam numis sinceris.* sententia quædam Eruditissimi Viri *A. R. P. Pagii in Criticis ad Annales Baronii ad annum J. C. 253. V. C. 1006. num. 13.* Recenset illic Scriptores veteres pene omnes, qui Gallo, ac Volusiano Augustis pauciores, quam numi, Imperii annos tribuunt. Ita Eutropius, Victor, Eusebius *Lib. VII. hist. cap. 18.* Orosius *Lib. VII. cap. 18.* non completo biennio Imperii eodem mortem oppetiisse perhibent. Ipse porro Eusebius in Chronico, item Cassiodorus, & S. Epiphanius eisdem duos Imperii annos, & quatuor menses assignant : Pomponius Lætus tertium annum, nempe non completum.

tum. Dexippus vero, scriptor Gallo, & Volufiano Syn-
chronus, a Georgio Syncello pag. 366. relatus, ita de iisdem :
Οἱ καὶ βασιλεῖς, κατὰ Δέξιππον, μῆνας ἦν. *Qui regnabant, juxta
Dexippum, menses duodeviginti.* Hi tamen numeri ab aliis
immutati videntur ; cum Zonaras utrumque Imperato-
rem occisum referat : *Postquam biennium, & Menses octo
imperasset.*

Deinde Num. 14. ita pergit doctissimus Criticus : *Qua-
cunque a Baronio in Annal. a Cointo, in Annal. Eccles. Fran-
corum, a Petavio lib. 11. de doctrina temporum afferuntur, ad
ostendendum, Gallum, & Volufianum quartam Tribunitiā Po-
testatem inchoasse, ideoque & quartum Imperii annum, licet
insolubilia videantur, facilem tamen explicationem habent.
Producunt illi varia utriusque Imperatoris numismata, in qui-
bus uterque dicitur P. M. TR. P. III. COS. II. vel P. M. TR.
P. IIII. COS. II. & quod antiquariis observatum, hujusmodi
numismata, in Cimeliis Principum passim obvia, eaque indu-
bitate antiquitatis, & fidei. Verum de Philippo Imp. loquen-
tes diximus : in aversa parte numi alicujus Imp. inscriptionem
quandoque legi alteri Imperatori convenientem, non vero illi,
qui in antica parte representatur. Nunc addo, id saepe etiam
contigisse Monetariorum errore, uti in casu, de quo agitur.
Pars enim illa aversa numerum prefatorum Galli, & Volufiani
referenda vel ad Gordianum Juniores, vel ad Philippum etiam
Jun. qui cum COS. II. tertiam, & quartam TR. POT. junxere.*

Numero sequente 15. hæc stabilire contendit numo
Galli Imp., quem doctissimus Begerus in Thesauro Palati-
no vulgavit, in quo visitur templum hexastylon cum hac
epigraphe : SAECVLVM. NOVVM. quæ ad Philippum
pertinet.

Pariter Philippi Jun. numum producit *ad annum J. C.
249. V. C. 1002.* ita inscriptum : PONTIFEX. MAX. TR.
P. V. COS. III. quæ epigraphe ad Philippum Patrem refe-
renda est. Denique *ad annum V. C. 856. J. C. 109.* ita paucis
men-

mentem aperit: *Hæc mea de hujusmodi numis conjectura: omnes numi latini, in quibus anni TRIB. POT. annos Imperii excedunt, aut mendose descripti, aut a monetariis in iis cudendis erratum, aut anni unius Imperatoris alteri attributi, ut de Gallo, & Volusiano loquens ostendi. Quoad numos Græcos, vel idem dicendum, ac de Latinis, in quibus anni TRIB. POT. annos Imperii superant; vel existimandum annos illos non ad Imperium, sed ad aliud nobis incognitum referri.*

Liceat hic mihi in aliquo a Viri eruditissimi opinione ^{Pugnancia ad versus Cl. Pagii opinionem.} discedere. De numis Galli, & Volusiani, qui TRIB. POT. III. ostentant, vitiose consignatos esse, haud ita libere dixero; propterea, quod observatum sit: *esse hujusmodi numismata in Cimeliis Principum passim obvia, eaque indubitata antiquitatis, & fidei.* Idem de Philippi Jun. numis, qui PONT. MAX. TR. P. V. COS III. exhibent, sentio. Certe in ejusdem numis etiam TRIB. POT. VI. legere est, quorum tres argenteos, optimæ notæ, & ad Philippum Filium certo spectantes in unico Museo nostro videre est. Unum ex his, etiam quoad aversæ partis typum rarum, & nondum, quod sciam, editum, hic exhibeo.



IMP. M. IVL. PHILIPPVS. AVG. *Imperator Marcus Julius Philippus Augustus. Caput Philippi Junioris cum corona radiata.*

P. M. TR. P. VI. COS. P. P. *Pontifex Maximus, Tribunitia Potestate Sextum, Consul, Pater Patriæ. Leo gradens, capite radiato.*

H h h

Neque

Neque cum Patino dicere juvat : Interdum in Philipporum numis faciem unius, loco alterius signatam videri, atque ita TRIB. POT. annos, Patri debitos, ad Filium transmigrasse. Nam etsi in Coloniarum numis id nonnumquam acciderit, ut distingui amborum vultus exacte non possint ; in Romanis tamen, quales & nostri argentei, manifesta est vultus, & ætatis distinctio. Illud difficilius, quod e numis Viminacensibus, contra TRIB. POT. V. & VI. Philippo Filio tribuendam, obmoveri posset. Cum enim in numis Gordiani, ejusdem Colonie annus Quintus, idemque in Philippi numis offendatur ; certum est, eo anno, sublato Gordiano, Philippum Imperium obtinuisse. Deinde, quoniam annus Decimus Viminacensis urbis in Philipporum numis postremum, & idem primum in Decii numis comparet ; extra dubium est, intra hos sex annos, non expletos, omne Philipporum Imperium contineri. Porro autem in Viminacensibus numis Philippus Jun. anno V. Colonie, & VI. & VII. tantum Cæsar appellatur, atque anno demum VIII. IX. & X. IMP. AVG. inscribitur. In Appendicula ad numos Coloniarum, Philippi Jun. numum Sinopensem adduximus, cujus numericæ notæ annum Philipporum ultimum indicabant ; & Philippus tamen illic nudo capite, ac tantum *Cæsar*, exhibetur. Atque in hoc quidem casu haud ægre crediderim, minus peritum hujus Ponticæ Colonie Monetarium novum aversæ faciei iconium, ad vetus Capitis typarium adhibuisse.

Quare non videtur eidem TRIB. POT. VI. convenire, quæ Potestas, non nisi cum Imperii, & Augustalis Tituli communione tribui solebat.

Id solum dici hic fortasse posset : Philippo Filio TRIB. POT. una cum Cæsaris titulo a Patre, præter morem, ante Imperii Societatem datam esse. Neque tamen etiam illico in Pontificatus Maximi Collegam assumptum dicere necesse est ; quando is titulus in Philippi Filii numis ante TRIB. POT. IIII. non inventus est. Haud

Haud abſimilis nodus in Galliceni numis ſeſe offert, in quibus apud Bandurium habetur : TRIB. POT. XVI. dum tamen Scriptores eidem Imperii annos , etiam qui plurimos , non niſi quatuordecim attribuunt , iis quoque , quos cum Patre Valeriano Imperavit , computatis. Poſtumum pariter famoſus ille Trebellius Pollio ſeptem duntaxat annis Imperium tenuiſſe refert ; Numi tamen TRIB. POT. IX. & X. præ ſe ferunt.

Hos tamen ego , ſimilesque *frequentes* numos , conſignati per errorem , cum alieno capite , averſæ partis typarii damnare nolim. Numi ſiquidem , quos ita vitioſe combinatos tenemus , ſinceri præſertim , non niſi ſingulares , aut pauciſſimi , ejusdem omnino formæ , eſſe ſolent : neque ſatis credibile videtur , adeo inſignes errores , non antea , quam tam late in publicum proferrentur , ab iis , quorum intererat , cognitos , ac ſuppreſſos fuiſſe.

Historicorum conſenſui , quod hæc numiſmata refragentur , non idcirco vitii continuo convincuntur. Quam enim bonis Scriptoribus miſere deſtituta ſint hæc poſt Gordianum tempora , omnes queruntur. Præter Dexippi verba (quæ , quod ad numeros attinet , dubia reddit , & Zonaræ narratio , & ſcribarum in numeris tranſcribendis frequentes lapſus) nihil eſt , quod magnam fidem mereatur. Sunt ex adverſo numi ſinceri , & comprobatæ vetuſtatis , totidem monumenta , certiora ipſis Historicorum Manuſcriptis , publica , ſynchrone ; quibus , ſi certus Monetarii lapſus exhiberi non poteſt , ſique multi , & cum variis averſæ partis typis obvii ſint , nescio , an non major fides habenda ſit , quam declamatoriis fere horum temporum Hiſtoriographis.

Quam facile ab his ſileri , aut etiam ignorari poterant multa : ut ſi Gallus , & Voluſianus uno , alterove anno antea , quam Romæ Auguſti agnoſcerentur , ſibi Imperatoris AVG. & TRIB. POT. titulos arrogaveſſent , atque ab eo

tempore annos TRIB. POT. in numis consignari voluissent. Quemadmodum Elagabalus annos TRIB. POT. in numis a morte Caracallæ deduxit, exclusis Macrini, tanquam Tyranni, temporibus: atque ita TRIB. POT. V. in numis Elagabali conciliatur; suffragante *Dione Lib. LXXVIII.* Quid si ab ipso Decio in Collegas fuissent assumpti Gallus, & Volusianus, aut a Senatu dati; ut ingruentibus undequaque hostibus, ac tumultibus melius occurreretur? Quam facile etiam ab Historicis illis omitti poterat, siquid immutatum tum fuisset, antehac, primis duobus Augustorum sæculis, constanter observatum; uti si quis Augustus Collegam in Pontificatu Maximo, quem olim unus gerebat, sibi assumpsisset. Tot sane sinceros illos numos vitii omnes arguere, durum videtur.

Quid igitur, si me quis roget, Historicos hic omnes damnabis? non ausim. At Monetarios veteres absolves? ne id quidem. Nempe ergo, tot verba faciendo, nihil dices denique? Id mihi in præsentis satis dictum esto: in Galli, & Volusiani, ac Philippi Jun. & aliorum *frequentibus* illis numis certum extare veteris Monetarii lapsum, non esse pronuntiandum. De reliquo his quidem de numis silendum puto, dum plura, ac certiora eruantur, atque illo Plutarchi dicto me interea solabor *περὶ παιδῶν ἀγωγῆς. Σοφὸν γὰρ εὐκαιρὸς σιγῇ καὶ παντὸς λόγου κρείττων.* *Sapientis est, opportune silere, & omni sermone præstantius.*

*Alii sinceri
numi, qui
scrupulum
injiciunt.*

Sunt & alii sinceri numi, insolita formarum compositione signati, quos mirandum potius, quam damnandum puto. Talis est æneus magni moduli, Cimelii nostri.



FAVSTINA. AV AVG. PII. F. *Faustina Augusta, Augusti Pii Filia.* Caput Faustinae Junioris,

INDVLGENTIA. AVG. S. C. Mulier sedens, d. pateram protendit, s. latus fulcit.

Numi bene multi, qui hanc epigraphen apud Mediobarbum præ se ferunt, omnes Augustorum vultibus insignes sunt; unicus argenteus, de vitio, uti ad finem capitis præcedentis dixeram, merito suspectus, Sabine inscriptus, hic nihil momenti habet. Quare & numus hic dubium aliquod vitiosæ combinationis ingerit. Quod vero me præter hujus epigraphes insolentiam perturbat, est fabrica numi, certo antiqui, rudiuscula, quæ ab Latinis hujus temporis numis, qui S. C. præ se ferunt, non parum abludat.

Alium ex ære, magni itidem moduli *doctissimus Haym* exhibet. *Volume I. pag. 241.* quem certæ, integræque vetustatis esse commemorat.

TI. CÆSAR. DIVI. AVG. F. AVGVST. IMP. *Tiberii & Agrippina Caput.*
Tiberius Caesar Divi Augusti Filius, Augustus Imperator. Caput nudum Tiberii.

AGRIPPINA. M. F. MAT. C. CAESARIS. AV. GVSTI. *Agrippina Marci Filia, Mater Caji Caesaris Augusti.* Caput Agrippinae.

Suspicionem erroneæ, aut nequioris combinationis movet Haymius; quod Agrippinam inter, ac Tiberium pertinaces inimiciæ intercessissent. Neque vero ullus Agrippinae numus extat, quem vivente Tiberio percussum esse constaret. Inscriptio etiam utriusque capitis plane eadem, cum aliis aversæ partis typis habetur apud Mediobarbum.

Rem dubiam ita expedire nititur Haymius, ut Caji Augusti jussu hunc numum signatum arbitretur, in memoriam Tiberii, & Agrippinae; quod ab hac vitam, ab illo Imperium accepisset. Satis acuta hæc quidem; sed non satis coherentia cum solitis numorum monumentis.

Acute itidem eruditus Seguinus exponit numum argenteum, qui etiam in Cimelio nostro integer, & sincerus habetur.

*Figura ob-
via cum
insolita epi-
grapha.*

IMP. CAES. HELV. PERTIN. AVG. *Imperator Caesar Helvius Pertinax Augustus.* Caput laureatum Pertinacis. LIBERATIS. CIVIBVS. mulier stans, d. tesseram frumentariam, s. Cornu copiae.

Nihil magis obvium in numis hac figura, cui perpetuo, quod ego viderim, adscriptum est: LIBERALITAS. AVG. Laudatus Seguinus conjecturam facit: ob procuratam sollicitate, & liberaliter distributam a Pertinace annuam, cum summa ejus difficultas esset, quasi liberatos ab exitio cives praedicari: vel post sublatum Commodum, liberalitate Pertinacis restitutam veluti libertatem cives gratulari. Haec tamen omnem mihi scrupulum de aliquo sculptoris errore non eximunt.

*Tituli ejus-
dem repeti-
tio.*

Admiratione dignos Carini, & Numeriani numos referunt *Memoirs de Trevoux l'année 1728. Avril. pag. 621. &c.* insolita capitis, & aversae partis inscriptione:

IMP. C. M. AVR. CARINVS. NOB. C. *Imperator Caesar Marcus Aurelius Carinus Nobilissimus Caesar.* Caput ejusdem. VIRTVS. AVGG. *Virtus Augustorum.* Duæ figurae sago vestitae stantes, d. globum, s. hastam utraque tenet. *Abbat. Fauvel.*

Similis plane Numeriani numus in Regis Galliarum Cimeliarchio habetur; atque ibidem Graeca utriusque numismata ita inscripta: A. K. M. A. KAPINOC. K. *Ἀυτοκράτωρ Καῖσαρ Μάρκος Ἀυγῆλιος Καρίνος Καῖσαρ.* *Imperator Caesar Marcus Aurelius Carinus Caesar.* Et alter Numeriani. A. K. M. A. NOYMEPIANOC. K.

Insolens haec *Casares* tituli repetitio sculptoris lapsui tribui posset, nisi tot, ac tam diversis in numis extaret. Quid vero sibi ea res velit, divertunt Antiquariorum sententiae. Anonymus in laudatis Diariis existimat a

Caro

Caro Patre, Carino, & Numeriano filiis parem, quasi Augustis, potestatem tum attributam esse, cum alteri eorum Orientem, Occidentem alteri regendum committeret, ipse in Persas profectus. Indicare id videtur titulus IMPERATOR. & repetitum τὸ CAESAR. item in averſa parte VIRTVS. AVGG. id est: Augusti, & Cæsaris cum Potestate Augusti: quæ eadem inscriptio, ac typus in Carinumis reperitur.

Pro firmamento conjecturæ suæ adfert Anonymus Carini aureum numisma e Gaza Regia: M. AVR. CARINVS. P. F. NOB. CAES. *Marcus Aurelius Carinus Pius* Erudite ejus repetitionis occasione.
felix, Nobilissimus Caesar.

VICTORIA. AVGG.

Ubi eruditus Anonymus animadvertit τὸ PIVS. FELIX. solis illis, qui Imperassent, aut in Gubernii Communionem venissent, in numis adsignatum esse. Fœminas etiam, quæ partem curarum Imperii sustinerent, his titulis ornatas esse contendit. Loquuntur hæc numi Juliæ Severi, in quibus illa PIA. FELIX. inscribitur: atque in iisdem alia sæpe Juliæ attribuuntur, quæ Imperatoribus propria videntur. Paria fere in Severinæ numis habentur, quæ etiam illic PIA. FELIX. compellata legitur. Prolabente Imperio Ælia Eudoxia, Galla Placidia, & Justa Grata Honoria PIA. FELIX. inscriptæ leguntur, in quarum numis etiam averſæ partis typi habentur, Imperantibus congruentes.

Obstant porro opinioni huic exempla alia. Nam Alexandri Mater Mamæa magnam certe potestatem in Imperio exercebat, idque numi item contestantur; similes etiam Saloninæ numos æneos non paucos parvæ formæ (nisi forte detriti subæratī sint) ipse Anonymus producit: neque tamen in Mamææ, aut Saloninæ monetis τὸ PIA. FELIX. reperitur. Obstant nummuli laudato excusatio- ni.

Quare

Quare Doctissimus P. Harduinus *memoirs de Trevoux* l'année 1728. Aout. pag. 1461. τὸ PIVS. FELIX. cum hic, tum alibi familiarum cognomina esse censet, quemadmodum & illa CAESAR. & AVGVSTVS Ei rei argumenta dicit non levia, ipsis e numis deprompta, quæ, qui volet, loco indicato legat. Unum hic, quem inter cæteros adducit, numum præterire nolo, qui suspectis de vitio accenseri potest. *Mai l'année 1729.*

A. VITELLIVS. GERM. IMP. AVG. *Aulus Vitellius Germanicus Imperator Augustus.*

IMPERATOR. GERMANICVS. Imperator stans in veste militari.

Hic *Germanici* vocabulum, capiti adscriptum, cognomen Familiae esse censet P. Harduinus; ne idem inepte repetatur. Non incongrue tamen hic videtur dici posse: Vitellium jam antea *Imperatorem Germanicum* a militibus salutatam, nova victoria obtenta, de integro Imperatorem acclamatum, atque in ejus rei memoriam hunc numum ita signatum fuisse. Præterea Genealogiæ, a R. P. Harduino e numis deductæ, non dum eruditis plerisque probatæ sunt.

*De Constantis Jun.
numo.*

Celeberrimus P. Bandurinus numum, in quo insculptum legitur: CONSTANS. IVN. *Constantis Junior*, de antiquitate suspectum, aut falsarii manu adulteratum arbitratur; haud alia, ut opinor, de causa, quam quod de altero quodam Constante, qui Cæsar fuisset vivente Constante, Constantini Magni filio, Historici omnes fileant. Verum detecta jam e numis tenemus alia, quæ Scriptorum Veterum silentium feliciter compensant. Porro iste parvi æris numus, ita inscriptus: CONSTANS. IVN. NOB. C. habetur in Cimelio nostro integerrimus, æque certo antiquus, atque alius nullus, neque ullo recentioris manus adulterino scalpro violatus. Quod si vitii aliquid in hoc numo suspicari liceat, in sculptorem typarii eam suspicionem derivari

vari mallem ; id quod his temporibus exemplo non caret. Cum enim per id tempus sæpius hæc insculperentur :

CONSTANTIVS. IVN. NOB. C. & CONSTANTIVS. IVN. NOB. C. facile erat , ut memoria lapsus sculptor , etiam ad nomen CONSTANS. ꝛ IVN. adjungeret , aut loco Constantii , vel Constantini , quod habebat præscriptum nomen , Constantem formæ insculperet. Sed hæc incerta.

Decantatus ille Romuli , Maxentii Filii , numus Antiquariorum diversas subiit sententias.

*Romuli, &
M. Aurelii
Numus.*

DIVO. ROMVLO. NVBIS. CONS.

Ubi alii legendum putant ; *Nostra Urbis bis Consul* , vel *Conservatori* : alii sculptorem , R. litera omissa lapsum censentes , legunt : *Nostra VRBIS. Consuli* vel *Conservatori*. Singulare est numisma æris magni R. P. Chamillart S. J. quod velut integerrimum , ac sincerissimum R. P. Harduinus in *Historia Augusta* produxit. Ita habet :

M. ANTONINVS. AVG. TR. P. XXIII. Capite laureato.

AVG. COS. VII. AVG. COS. IIII. S. C. Effigies Pietatis cum hasta pura , & patera.

Hic sane , etsi inscriptio sit omnino insolita , formæ sculptorem lapsus arguere non licet ; quando is error nimium crassus , atque ab inscriptionis alicujus , quæ quidem ex aliis numis obtendi possit , similitudine nimium diversus esset. Jam vero , etsi ꝛ AVG. COS. IIII. ad Antoninum Pium referri possit , qui M. Aurelium adoptavit , & COS. IIII. fuit ; illud tamen AVG. COS. VII. alio sane referri non potest , quam ad Domitiani , vel Titi memoriam. Laudatus Harduinus Titi memoriam instauratam censet , cujus Filiam Juliam , Nervæ conjugem dat ; eorum Filium L. Ælium facit , Ælii vero Antoninum Pium , Antonini M. Aurelium. Verum hæc Genealogia , pluribus firmamentis eget. Quid si Domitiani COS. VII. memoria hic signata est ;

qui septimo Consulatu Augustus renunciatus est ? idque propterea fortasse, quod ob cognationis nexum cum gente Flavia M. Aurelius a Pio adoptatus sit. Nam & M. Aurelii Mater, & Domitiani uxor Domitia fuit : si *Capitoline fides in Vita M. Antonini*. Græcum porro numisma unum, & alterum, de vitio suspectum protuli in Appendicula ad Numos urbium Græce loquentium, quos ibi quærat, qui se operæ pretium facturum putabit. Nam mihi quidem certe contrahenda sunt vela, inter dubia, & lites nimium diu fluctuanti. Sane super his, aliisque ejuscemodi numis certi aliud nihil pronuntiare adhuc ausim, nisi Horatianum illud : *Lib. I. Epist. 1.*

Est quodam prodire tenus, si non datur ultra.

CAPUT VIII.

ET

U L T I M U M.

De aliis Monetariorum erratis, rei literaria minus obnoxiiis.

Non omnis Monetariorum veterum culpa componendis, quæ non congruunt typariis, aut iisdem vitio se sculpendis definitur. Alia detecta sunt in monetis veteribus vitia, quæ minus quidem, quam frequentiora illa, in rem literariam periculi invehant; paucis tamen delibanda, ne quid, ad materiam præfixam faciens, omnino neglectum videatur.

Numi Recusi.

Vitii speciem quandam obijciunt oculis numi *Recusi*. Appello *Recusos*, qui signati typario quodam, alio rursus iconio resignati sunt, priori forma non plane abolita; ita, ut utriusque typarii vestigia extent, et si confusas figuras, literasque exhibentia. Ejus rei exemplum omnibus notum,

tum , ac obvium in Gallica moderna majoris moduli argentea moneta intueri licet.

Veteres numos , non nisi perpauca conspiciere mihi datum est , manifestis indiciis resignatos ; quod ego a veteribus non item , ut a nostri temporis Monetariis , de industria , ut labori , ac sumptibus parceretur , sed per negligentiam , & vitiose factum arbitror. Ejus facti , atque lapsus originem omnem haud ita facile e numis tam paucis conicere possumus.

Antiquorum numismatum , detritorum praesertim , metallum conflatum , & novorum Imperatorum iconis signatum fuisse satis certum est. Trajani jussu simile quid factum fuisse *Xiphilinus e Dione Lib. LXXVII.* refert : *τότε νόμισμα πᾶν τὸ ἐξίτηλον ἐξεχώνισσι.* Numum omnem evanidum conflare jussit. Quem locum haud recte mihi reddidisse videntur , qui numum adulterinum , pro : *evanidum* : id est , typo fugiente , & attrito vilescientem , posuere , quod posterius τὸ ἐξίτηλον rectius significat.

Ea veteris monetae in nova numismata μεταμόρφωσις tum in usu praecipue fuerit , cum novi Imperatores sui memoriam quam primum , & quam plurimis in monetis extare vellent , neque adesset metallum , quod sufficeret ; tum enim numos veteres , aut usu admodum attritos , aut qui expendi haecenus non potuere , conflatos : aut , cum temporis angustiae urgerent , etiam malleo tantum contusos fuisse , ut pristina forma aboleretur , existimo , atque ita novo charagmate signatos. Qua in re id non nunquam accidisse , primum est cogitare : ut sumerentur numi resignandi , e quibus veteris typi omne vestigium non dum abusus , aut malleus deleverit ; atque dum novum typarium etiam negligentius incuteretur , & novae formae , & veteris item aliquid in recuso numo comparuisse.

Numum , qui dictis meis fidem adstruat , attento oculo contemplatus sum in Cimelio Perillustri , ac Eruditissimi

Viri Domini Vicinelli in averſa parte optime, in averſa ſatis conſervatum, ac elegantem ex ære magni moduli.

*Postumi
numus
reversus.*

IMP. C. - - - T. POSTVMVS. P. F. AVG. *Imperator Caesar Marcus Cassius Latienus Postumus, Pius Felix Augustus.* Caput radiatum Postumi.

RESTITVTOR. GALNVS. AVG. Mulier genu flexens, d. orbem porrigit Imperatori stanti.

In averſa hujus numi parte figura Imperatoris stantis capite mutilata comparet, atque ejus loco videtur capitis laureati pars posterior, una cum ligulis lauri, & punctulis, oram alioqui ambientibus, plane ita, uti in averſa numorum facie laureata capita signari solent; atque juxta hoc capitis reſegmen illæ literæ comparent NVS. AVG. non bene cohærentes eodem ordine cum RESTITVTOR. GAL. Ex ipſo typo manifestum est, in averſa parte novo hoc iconio exhiberi, cum solita effigie, epigraphen: RESTITVTOR. GALLIARVM. Illam porro capitis laureati partem cum NVS. AVG. esse veteris ſignaturæ vestigia, quæ repræſentavit caput Imperatoris, cujus nomen ſyllaba NVS. terminaretur.

*Græcus
Gallieni re-
signatus.*

Numum Gallieni, magni æris, a Syedreis cuſum, edideram in Appendicula ad numos Urbium, Græce loquentium, in quo caput minusculum nudum, super majori alio laureato ſignatum ſpectatur, estque in ejus numi imagine probe, uti numus ipſe habet, expreſſum. Neque vero illic, ut antea ſuſpicabar, iſtus geminatus, aut aberrans ſub iſtu typarium id cauſare poterant; cum literæ in ora integræ, & capita diverſa eſſent. Verum antea laureato capite ex eadem parte hic metalli orbiculus ſignatus erat, cujus figura in media area non plane extrita, novo iſtu impreſſam ſubinde aliam capitis formam minus perfecte recepit.

Alium numum, duplici iconio in averſa parte inſignitum, hic in effigie ſiſto, qui est ex ære, mediæ formæ, in C. melio Noſtro.

HADRI.



HADRIVS. AVGVSTVS. COS. III. P. P. Caput ejusdem.

In averſa parte inferne Nili jacentis mutila figura, *Hadriani recuſus.* cum Hippopotamo, ſub qua, in imma ora S. C. in ſuperiori area Daciæ ſedentis ſimulacrum, juxta quod ad dextram litera S. cui ad lævam C. reſpondere deberet, in ſuperiori ora. VS. legitur ex inſcriptione NILVS.

De mirabili hoc numo, quid dicam, nescio. Nam recuſum eſſe numum jam attritum, aut alius Imperatoris forma antea ſignatum, dicere hic non licet; cum ſub eodem Hadriano uterque hic averſæ partis typus, & in quo DACIA, & in quo NILVS, legitur, frequens occurrat.

Qua ratione autem (capitis imagine, in adverſa parte, integra, & indemni) duo typaria, diverſæ formæ, averſæ parti impreſſa ſint, arduum eſt divinare.

Inſigne reſignati numi exemplum hic aliud adfero, *Reconſermis alia exem- pla.* quod Perilluſtri Dño de Garelli debeo, Viro, quem apud Eruditos nominaffe, ſatis eſt, quique pro ingenti ſua, quam omnigenæ eruditioni junxit, humanitate, ultro hunc mihi numum e pretioſo Cimelio ſuo obtulerat.





PIETAS AC ILL Caput Etruscillæ, aut alterius Augustæ, cujus nomen **CILL.** continet.

IVLIA. NI REGIN. Figura muliebris velata stans, s. hastam puram. In area ad dextram vestigia capitis muliebris.

Hic numus antea signatus erat capite Juliæ Piæ Augustæ; & in averfa Pietatis symbolo, quales numi Juliæ etiamnum habentur.

Resignatus vero hic numus est iconio Etruscillæ, cum averfa facie, *Junoni Regina* inscripta Facies vero Etruscillæ impressa est posticæ parti numi Juliæ, uti typus exhibet.

Illud hic mirum est, integram epigraphes partem e numo Juliæ indemnem mansisse ita, ut prope vestigia capitis legatur **IVLIA**, & in altera facie **PIETAS. A** *Augusta*. quæ literæ ipsa formæ elegantia multum ab aliis differunt characteribus, qui ad *Etruscillam* spectant; nempe . . . **CILL.** . . . ex parte novi capitis, & ex alia . . . **NI. REGIN** . . . qui admodum rudes comparent. Est quoque hic numus argento multum inæquali, & rupto atque aliquanto latior solito, ut facile recusum ex hoc solo agnosceres. Ea orbiculi, præter solitum, latitudine etiam ænei numi resignati, quos inspexeram, repetitos mallei ictus se pertulisse fatentur.

Numum aureum Heraclii, qui venum circumferebatur, alia ratione resignatum, curiosissime sum contemplatus.

tus. Is eodem iconio in utraque facie iterum fuerat signatus; sed sub altera typi impressione auri orbiculus inverso situ iconiis interpositus est, ita, ut eadem imago utrimque superne, & inferne, eademque inscriptio ad dextram, & ad sinistram in utraque numi facie compareret. Alterius tamen signaturæ multo tenuiora sunt vestigia, quæ haud dubie prior fuerit & vel ideo, ut typus extaret manifestior, idem numus ad incudem revocatus videtur.

Epigraphæ numi, partim mutila, partim repetita est, uti sequitur.

D. D. N. N. HERACLIVS. ET. . . . D. D. N. N. HERACL. . . . Duæ dimidiæ figuræ, vultu barbato, in medio Crux.

VICTOR. . . . VICTOR. & infra hoc. . . . UGUE. Nempe: *Victoria Augustorum*, erat inscriptio. Crucis figura, gradibus insistentis.

Alia denique resignandorum numorum causa fuisse videtur, abolitio nominis, atque memoriæ quorundam Augustorum, qui tyrannice imperassent, a Senatu Romano decreta: id quod in *vita Vitellii lib. LXV. & lib. LXVIII.* de Domitiano, & de Commodio *lib. LXXIII.* deque aliis narrat *Dio Cassius*. Eorundem nempe statuas, & arcus triumphales, aliaque monumenta dejecta, atque abolita fuisse. De Domitiano refert *Suetonius cap. ult.* memoriam ejusdem multis detestatum fuisse Senatum; ita, ut *Clypeos, & imagines ejus coram detrahi, & ibidem solo affigi juberet: novissime eradendos ubique titulos, abolendamque omnem memoriam decerneret.* Numorum quidem singularis hic mentio, atque alibi quoque, quod ego meminerim, non incidit; satis tamen *id ubique* indicare videtur: talium Imperatorum numos a morte, eos saltem, qui in Moneta publica superessent, aut conflatos, aut resignatos fuisse.

Aliud vitiosorum numorum genus est, quos *Incusos Numi* appellant. De his, nihil melius me facturum existimo, ^{cuſi.} quam

quam si ea, quæ R. P. Jobert in laudato sæpius libello *Instru-
tion.* 8. adnotavit, hic latinis verbis reddidero. Denique
non nunquam accidit, ut Monetarius, memoria lapsus, utrum-
que typarium non apponeret, atque ita numus sine partis aver-
sæ typo exiret. Ea res frequens est in recentioribus monetis,
præcipue post Othonem, & Henricum Aucupem. Antiquos inter
numos, nonnulli Familiarum Romanarum tales reperiuntur, &
aliqui Augustorum numi ex ære. (In Cimelio Nostro præ ter
æneos duos parvi moduli, etiam Tib. Claudii argenteus in-
cusus habetur.) Nos ejusmodi numos Incusos dicimus. Eo-
rum forma illudere posset novitio antiquario; quando loco ty-
pi aversæ partis non aliam, quam qua in adversa parte signa-
ta est, figuram exhibent, introrsum impressam, quasi typarium
esset, pro signandis aliis numis excavatum. Fateor me semper
difficilem fuisse: ut crederem, id factum ea ratione fuisse, ut
neglecta fuerit alterius typarii suppositio: malebamq; ad alias
usque rationes confugere; dum e viro quodam, artis moneta-
ria in omni Gallia peritissimo, didicissem: id originem habere i
festinatione Monetarii, qui, antequam signatam recens mone-
tam ab incude deponeret, imposuit alium metalli orbiculum;
cui cum ex una parte typarium capitis, ex altera numus, eo
typario jam signatus, occurreret; efformabatur in utraque nu-
mi superficie idem caput, in altera quidem parte figuram ex-
stantem, & prominentem, in altera vero retrocedentem, & im-
pressam exhibens. Atque posterior illa cava figura imperfectior
semper comparet; cum ex parte obfistentis numi, antea signati,
minor multo vis premeret, quam ex parte typarii, malleo ad-
acti. Cum nempe typarium e chalybe durissimo, numus
ex alio, multo molliore, metallo constaret.

Apud Amicum quendam accurate inspexi, ac depin-
xi numum æneum Aureliani, parvi moduli, recusum una,
& incusum. En ejus typum!





AureliaNVS. AVG. Figuræ partis averſæ incuſæ, & mutilæ, cum retrogradiente epigraphe IOVI.

IOVI. CONSE . . . Jupiter ſtans, d. orbem porrigit adſtanti Imperatori. Infra * Q. Adverſa pars Aureliani capite primum ſignata erat, uti aliis ex numis colligitur, & pars reliquæ in ora inſcriptionis NVS. AVG. indicat. Deinde, cum numum recens percuffum e typario eximere oblivifceretur Suppoſitor; addito altero errore loco metalli rudis, & ſignandi, alium, jam eodem typario ſignatum, numo noſtro impoſuit: atque ita altero hoc icſu, iconi capitis numi ſuppoſiti impreſſa, & incuſa eſt figura averſæ partis numi ſuperpoſiti, inæqualiter tamen, & mutilæ, quod extantes in utroque Numo figuræ æqualem impreſſionem impedirent.

Affine quoddam Incuſis vitium præ ſe ferunt illa numiſmata, quæ averſam ſuam ſuperficiem nullo omnino iconio ſignatam offerunt. Ejus generis bina in Cimeliar-
chio Regio ſe conſpexiſſe teſtatur Jobertus, citra dubium antiqua: quorum alterum erat Antonini Pii Trib. Pot. XXIIII. alterum Græcum Lucii Veri, nil aliud, niſi ejusdem nomen oſtentans. Etſi vero ea numiſmata ad maximum modulum accedere memoret laudatus Auſtor; vix tamen eſt, ut credamus, ea ex propoſito ita altera ex parte *αὐτὰ* relictæ fuiſſe.

Numum Auguſti ex ære, bene magni moduli, ipſe intuitus ſum in Cimelio ſupra laudati Doctiſſimi Domini Vicinelli, in cujus adverſa parte caput laureatum Auguſti, cum epigraphe: AVGVSTVS. In averſa numi facie ne

vestigia quidem typarii, sed æs omnino informe. In eodem Cimelio simile numisma habetur, Antinoi caput cum ramo una ex parte exhibens, absque ulla inscriptione, ul-
lave alterius partis forma.

*Numi Im-
peratorum
vitiis
non sub-
iunguntur.*

Denique vitii suspitione non carent numi illi, qui, Im-
peratorum temporibus percussi, eorundem effigie destituti
sunt. Sane ipse Divinus Servator *Matth. XXII. v. 20.* cum
per Phariseos: Liceretne censum dare Cæsari? tentare-
tur; denarium sibi exhiberi petiit, atque illico rogavit:
*Τίος ἡ εἰκὼν αὐτῆς, καὶ ἡ ἐπιγραφή; Cujus est hæc imago, & super-
scriptio? λέγουσιν αὐτῷ, Καίσαρος. Dicunt ei: Cæsaris.*

Id tamen Imperatoriæ imaginis requisitum signum de
moneta publici usus intelligi oportere docet *Scævola Lib.
202 ff. de Solut. Pecunie usus interdicitur, a qua vultus Im-
peratorius abest.*

Hoc vitio sane laborant numi illi, de quibus capite
septimo actum, quorum utraque facies typum, aversæ parti
debitum, & alias etiam adhibitum, repræsentat; Nam
numi illi monetæ currentes esse debuerant.

*Non omnes
vitiis ad-
iunguntur.*

Alios porro numos quosdam, Augustorum tempore,
sine eorum capitis effigie signatos, non continuo vitiosos
dici posse liquet; uti frequentes illos, qui Cæsaris Augusti
solo nomine inscripti, ex altera parte Triumvirorum Mo-
netalium nomina exhibent; cum sub initium timide ad-
huc capitis sui effigiem primus Augustus numis inferendam
curaret. Urbium item, Græce loquentium, & Coloniarum
numi habentur sine Augustorum vultu, quos tamen fabri-
ca Augustis *συγκρότης* arguit. Quæ Urbes aut nondum Ro-
manis subditæ, aut liberæ relictæ sunt: aut etiam diversa
duo monetarum typaria, & fors officinas habuere, in qua-
rum altera veteri urbis typo monetam signarint.

Vitii expertes sunt etiam illi numi, Imperatorio vultu
destituti, qui peculiaris memoriæ causa, non ad publicum
com-

commercium percussi sunt ; atque habentur præcipue ex ære parvo sub Nerva Trajano , & Juliano Apostata.

Juliani certe temporibus merito adscripti complures extant , atque etiam in Cimelio nostro nonnulli ostenduntur , qui una ex parte caput radiatum , vel tutulatum exhibent , cum epigraphe : DEO SERAPIDI. aut nonnunquam etiam ipsius Juliani Imp. caput præ se ferunt ; in altera parte Dei alicujus simulacrum , Ægyptium fere , comparet , cum inscriptione : VOTA. PVBLICA. quæ epigraphe etiam in altera parte repetita interdum reperitur. Ut adeo dubium nullum videatur , hos numos occasione festorum , ac rituum Idololatricorum , ab Imp. Juliano instituatorum , percussos esse. Utrum vero (cum Idola Ægyptia referantur) etiam in Ægypto signati sint , uti censet Patinus : certi nihil asserendum putem ; cum fabrica horum numorum ab Ægyptia multum abludat : præterquam quod latinam epigraphen omnes exhibeant.

R. P. Piovene S. J. Tom. X. Tav. 10. N. 13. Numum æneum sistit , quem e fabricæ specie Trajano , aut Hadriano tribuit. In ejus altera facie Hippogryphus visitur , rotam pede contingens , in altera Tripus cum epigraphe S. C. Trajani quidem temporibus similes numos singularis memoriæ ergo percussos esse , confirmant alii duo numi æris parvi , *ibidem N. 6. & Tav. 9. propositi.* Alter ita habet.

ROMA. Caput galeatum.

DARDANICI. Mulier stans , d. spicas gerens.

Alter eandem plane partis aversæ epigraphen , & figuram , cum Trajani capite sistit ; ut adeo hic posterior , priori , quo referendus sit , lucem attulerit.

Hiscæ numis , qui sine vultu Augusti Imperantis , vel alicujus ex Augusta familia , singulari de causa cusi sunt , & idcirco vitiosis accenseri non debeant , R. P. Jobertus ad-
 jungi posse existimat argenteum , Vitellii tempore signatum , qui ita habet

*Numisma,
Vitellii ty-
pariis si-
gnatum, de
vitio suspen-
sum.*

FIDES. EXERCITVVM. Duæ manus junctæ.

CONCORDIA. PRAETORIANORVM. Idem typus.

Similem item ex argento doctissimus Liebe in laudato alibi opere *pag. 248.* producit.

FIDES. EXERCITVVM. Duæ manus junctæ.

FIDES. PRAETORIA. Idem typus.

Multa erudite Liebeus de fide, & affectu militum in Vitellium; ut conficiat: aut fuisse hos numos signatos in Castris, quod facile concedetur: aut militarium Præfectorum impetratum esse precibus, vel ultronea Principis indulgentia concessum, ut hi numi solis fidei militaris symbolis, sine vultu Imperatoris, signarentur.

Verum si tantus militum amor, ac fides in Principem; cur ejusdem vultus non hic potissimum exprimendus erat? cur eadem omnino manuum junctarum symbola in eodem numo repetita? cur in aliis frequentibus numis argenteis eadem junctarum manuum habetur epigraphe: **FIDES. EXERCITVVM. & CONCORDIA. PRAETORIANO. RVM.** Apud Mediobarbum, cura Philippi Argelati auctum. Item cum his inscriptionibus ænei, & argentei: **CONCORDIA. EXERCITVVM. & CONSENSVS. EXERCITVVM. & PRAETORIANORVM.** apud *Vailant. Tom. II. fol. 46.* Hi tamen numi omnes caput Vitellii in adversa facie repræsentant? Vix mihi hic tempero; quin ambos illos numos vitiosa partium duarum averfarum conjugatione signatos dicam. Binos vero illos Vitelliani commatis numos ex argento puro, atque adeo sinceros esse, nihil obesset; quin promoveret potius suspicionem de duobus, averse partis, typis per errorem consociatis.

Nam ea, quæ *Cap. V. & VII.* producta sunt, numorum exempla satis ostendunt: falsarios quidem frequentius capitæ typo impertinentem averse partis formam adjunxisse; attamen duo averse, aut adverse partis iconia eadem humo

numo non consignasse: id quod Monetarii Publici nonnumquam festinatione, & incuria peccarunt.

Adulterini certe Monetarii, severissimarum Legum timore cautiores, neque tamen ita ignorantes fuere; ut sine omni capitis, aut aversæ partis typo numum proferentes, sperarent suæ fraudis successum. Etsi, quæ cujusque capiti competeret posticæ partis figura, atque inscriptio, aut non satis perspectum haberent: aut charagmatis congrui defectu, eam exhibere in ipso numo non possent. Nolim tamen de horum numorum vitio certi quidquam pronunciare: & cum ejuscemodi numos *complures, variosq;* retulerit *R. P. Panelius S. J. in Diariis Trevolt. supra laudatis*; jam in alteram prope partem abeundum statui, istosque numos esse vitio absolvendos: ita, ut aut milites has monetas, aut Imperatores, ad lucrandos his laudibus militum animos, percutiendas curaverint.

Atque hæc de numis, Monetariorum veterum culpa, *Epilogus.* vitiosis, brevi, pro rei dignitate, dissertatione hætenus prolata boni consule, Erudite Lector! Plura his, exempla in primis, adjungi posse, si arbitreris; juxta mecum senties. Neque enim omnia, quod in hac re nemo: neque lectissima quæque, quod solum præstare doctissimi valent, me hac opella executurum unquam somniabam. Rudes quosdam ductus, & prima lineamenta, occasione ejuscemodi numorum, e Cimelio Granelliano mihi exhibitorum, tabulæ illevi, quæ artificis manum (cui plus artis, otiique sit, quam mihi) dum absolvantur, expectant. Si qua porro sunt, non Monetarium tantum, sed mea item, de his scribentis, vitia; ea vel condonari mihi, vel a peritis benigne, & amore veritatis argui peto. Quam vero pronum sit, in hoc scribendi genere deficere nonnumquam, ac labi; omnes, qui rei antiquariæ qualemcunque operam damus:

Scimus, & hanc veniam petimusq;, damusq;, vicissim.

Auctarium Appendiculæ

Ad Numos Augustorum, ab Urbibus, Græce loquentibus, percussos.

Cum interea temporis, dum Appendicula utraque typis excuderetur, Numi nonnulli Græci Cimelio nostro, (ita Granellianum appellare soleo) accessissent: effectque unus, & alter hos inter eximie raritatis; eosdem hic saltem adferendos putavi. Imagines horum numorum adjecta ad finem pagina exhibet, Græcis literis indicatas.

a.

ΑΤΤ. Κ - - - Α - ΑΤΡ. ΚΟΜΟΔΟC. *Imperator Caesar Lucius Aurelius Commodus.* Caput laureatum.

- - - - ΚΑΔΟΗΝΩΝ. *Cadoënorum.* Magistratus nomen, etsi ægre legatur, ita tamen me exsculpisse existimo: - - - ΑΝΤΩΝ. ΠΕΡΙΤΩΜΟΝΙΑ. ΦΙΛΟΠΑΤΟΡΑ - - - ΟΛΟ - - - *Sub Antonina Peritomoniade, Philopatoris filio* - - - Diana, cujus caput ornat lunula, phœtram a tergo gestans, sinistra prehendit cornua cervi, cui insidet: dextra protensa quid gerat, non dignoscitur.

Raros admodum Cadoënorum numos recenset Vailantius; sub Commodo nullum: noster est moduli bene magni. Urbem hanc, *Κάδοι*, *Cadi* dictam, *Stephanus* Mysiæ tribuit, atque citat *Strabonem lib. 12.* qui tamen paullo aliter habet: τῆς δὲ Ἐπιλήτου Φρυγίας Ἀζανοὶ τὴν ἔσσι, καὶ Νακόλεια - - - καὶ Κάδοι, τῆς δὲ Κάδου ἐννοῖ τῆς Μυσίας Φασίν. *Phrygia Epicteti sunt Azani, & Nacolia* - - - & *Cadi*; *Cados* vero nonnulli *Mysia* tribuunt. *Phrygiæ Pacatianæ* hanc urbem adscribit *Notitia Hieroclis*: ad *Phrygiæ* fines, in *Mæonia*, eandem locat *Ptolemæus lib. 5. cap. 2.* Sita fuerit in *Phrygiæ*, & *Mæoniæ*, seu *Lydiæ* confiniis.

Dianæ cultum *Cadis* floruisse, comprobatur numus *Domitiæ*, a *Patino* relatus, in quo *Dianæ Ephesiæ* imago exhibe-

hibetur. De variis Dianæ, in ære veteri, cum Cervis combinationibus, ad Ephesinum Antonini Pii numum quædam sunt adnotata, quibus rarior hæc Dianæ figura adjungi meretur. Incolæ urbis Cadorum a Plinio Cadueni, a Stephano *καδωνοι* vocantur: Numi vero *καδωνοι* scribendum suadent.

6.

AT. A. CETH. CETHPOC. *Imperator Lucius Septimius Severus. Caput laureatum.*

T. I. ΦΑΥΣΤΙΝΙΑΝΟΥ. ΜΑΡΚΙΑΝΟΠΟΛΙΤΩΝ. *Sub Julio Faustiano, Marcianopolitarum. Cybele sedens, capite tutulato, d. pateram porrigit, sinistram cymbalo acclinat.*

Inter Senatores, quos ob defectionem Albinianam necari jusserat Severus, uti *Spartianus in vita ejusdem* refert, etiam Faustianus nominatur. Typum similem dedimus ad Caracallæ numum, a Tyrannis percussum. Medii moduli est.

7.

AT. K. A. CETH. CETHPOC. *Imperator Caesar Lucius Septimius Severus Pertinax. Caput laureatum.*

ΗΓ. ΤΙ. ΒΑΡΒΑΡΟΥ. ΑΥΓΟΥΣΤΗΣ. ΤΡΑΙΑΝΗΣ. *Præfide Statilio Barbaro, Augusta Traiana. Figura Dææ stantis, d. pomum, vel pateram, s. hastam puram gerit. Medii moduli est.*

Severi alius numus, a Cl. P. Harduino vulgatus, hujus Magistratus prænomen detegit hac inscriptione: ΗΓ. ΤΙΒ. ΒΑΡΒΑΡΟΥ. ΤΡΑΙΑΝΟΠΟΛΕΙΤΩΝ. Ex quibus duobus numis conficitur: Traianam Augustam, si non eadem fuerit cum Traianopoli Thraciæ, ad eandem saltem Thraciæ Præfecturam hoc tempore pertinuisse.

8.

ΙΟΥΛΙΑ. ΔΟΜΝΑ. *Julia Domna. Caput ejusdem.*

ΑΔΡΙΑΝΟΠΟΛΕΙΤΩΝ. *Hadrianopolitarum. Figura muliebris stans, d. pateram, s. Cornu Copiæ; capite tutulato. Est numus parvæ formæ: typum similem exhibuimus in Marcianopolitano Caracallæ numo.*

9. ΙΟΥ.

IOTAIA. DOMNA. CE. *Julia Domna Augusta.* Caput ejusdem.

ΟΥΑΠΙΑC. CΕΡΑΙΚΗC. *Ulpia Serdica.* Mars galeatus, cætera nudus, stans, dextram capiti admovet, l. scutum, & hastam præpilatam gerit.

Rarus hic, ad caput Augustæ, typus videtur eum amorem adversus milites, eamque curam Juliæ Augustæ denotare, ob quam ipsa, numis testibus; MATER CASTRO-RVM. appellata fuit; quem titulum antea Faustina, postea vero Mamaea obtinuerunt. Numus est elegans magni moduli.

ANTONINOC. *Antoninus.* Caput laureatum Caracallæ.

ΑΠΟΛΛΩΝΙΑΤΑΝ. *Apolloniatarum.* Apollo nudus stans, arcum sinistra sustinet: adstat Fortuna, d. temonem, l. Cornu Copiæ gerens.

Ad Apolloniam in Illyrici ora, vel in Epiro sitam, hic numus referendus videtur. Apolloniam hanc Cicero *Philippic. 11.* Magnam urbem, & gravem appellat. Stephano vero, est πρώτη πόλις Ἰλλυρίας. *Prima Urbs Illyrici*; atque idem Auctor viginti quinque hujus nominis urbes recenset, quod nomen omnes ab *Apollinis* cultu traxerunt. Alii hujus urbis numi unam Dei, Dæve figuram exhibere solent. Apollinis stantis imaginem, in alio hujus urbis numo repertam, cum Epigraphæ: ΑΠΟΛΛΩΝΟΣ. ΚΟΚ. R. P. Harduinus descripsit; ubi adnotavit: Dianam quoque κοκκίναν, Pausania teste, compellatam fuisse. Originem nominis nescimus, neque vero est, quod in ea inquirenda multum operæ, ac temporis infumamus. Fortasse *Celerem* id vocabulum notat. Nam *Suidas* ita habet: κοκκῖν ἁγίως ἀντὶ ταχέϊ. Celeritatis porro laus Apollini, ac Dianæ attribuitur: sive Apollo Solem, & Diana Lunam referat, sive ambo sagittis jaculentur.

ATT. KAI. M. ATPH. ANTONEINOC. *Imperator Caesar Marcus Aurelius Antoninus. Protome Caracallæ laureati.*

ЄΠΙ. CTP. CTPATONEIKIANOY - - - *Sub Pratore Stratoniciano. Corona ex lauro, intra quam legitur: ATTOYCTEIA. ITΘIA. ΘYATEIPHNON. Augustalia, Pythia, Thyatirenorum.*

Thyatiram *Plinius lib. 5. In Jonia, ad Lycum fluvium, recenset. Stephano vero subinde Lydia urbs, antea Pelopia dicta: gentile Thyatirenus. Θυάτιρα πόλις Λυδίας, ἡ πρότερον Πελοπία. τὸ ἰδιὸν Θυατιηνός. Eandem Metropolim Ptolemaeus lib. 5. compellat.*

Certaminum, aut ludorum nomina, hætenus nulla, quod sciam, in hujus urbis numis deprehensa sunt. Stratonicianum Magistratum numi Apameæ Phrygiæ sub Commodo exhibent. Numus noster, maximi moduli, singulari utriusque faciei imagine exhibetur.

AT. K. ANTONEINOC. AT. CЄΠ. ΓETAC. *Imperator Caesar Antoninus Augustus: Septimius Geta. Capita adversa laureata Caracallæ, & Getæ.*

ΤΠ. ΦΑ. ΟΥΑΠΙΑΝΟΥ. ΜΑΡΚΙΑΝΟΠΟΛΙΤΩΝ. Є. *Sub Flavio Ulpiano, Marcianopolitarum. Fortuna stans, capite tutulato, d. temonem, f. Cornu Copiæ. Typum hujus numi, qui medii moduli est, vulgarem, & obvium repræsentare non est opus.*

AT. K. M. AT. ANTONINOC. ATT. Π. Γ. ΓETAC. *Imperator Caesar Marcus Aurelius Antoninus Augustus: Publius Septimius Geta. Capita adversa, & laureata Caracallæ, & Getæ.*

ΜΑΡΚΙΑΝΟΠΟΛΙΤΩΝ. Є. *Marcianopolitarum. Caput Serapidis tutulatum. Mediæ formæ, cujus typum exhibit numus Nicopolitanus Severi.*

ATT. K. M. ATPH. CETH. ANTONEINOC. *Imperator Caesar Marcus Aurelius Severus Antoninus. Caput Caracallæ laureatum.*

ΟΤΑΠΙΑC. CΕΡΔΙΚΗC. *Ulpia Serdica*. Apollo nudus, capite radiato, currens, dextram attollit, l. flagellum, & strophium attinet.

Apollinis, seu Solis cursus, qua hic effigie expressus est, rarius in Græcis numis occurrit. Exprimi hoc symbolo videtur Oriens, a Caracalla peragratus. Numus est elegans, magni moduli.

1 a.

ΑΤΤ. Κ. Μ. ΑΥΡΗ. ΑΝΤΩΝΙΝΟC. *Imperator Caesar Marcus Aurelius Antoninus*. Caput Caracallæ laureatum.

ΟΤΑΠΙΑC. CΕΡΔΙΚΗC. *Ulpia Serdica*. Nemesis stans, d. bilancem, f. scuticam, seu flagellum sustinet; ad pedes rota. Imaginem Nemesis in utraque Appendicula proposuimus. Hic numus est mediæ magnitudinis, integer, & elegans.

1 b.

---- ΑΝΤΩΝΕΙΝΟC. CΕΒ. *Antoninus Augustus* Pro-
tome Caracallæ, capite laureato.

ΚΟΙΝΟC. ΤΩΝ. ΤΡΙΩΝ. ΕΠΑΡΧΙΩΝ. *Commune Certamen trium Provinciarum*. Corona, in medio ejus ΤΑΡCΕΩΝ. *Tarsensium*. Coronæ insunt duæ literæ longiusculæ ρ. & β. Γερουσίας Βουλῇ *Senatus Consulto*. item undecim capita, quorum quinque mulierum, ex ornatu capitis, quatuor virorum esse dignoscuntur, duobus attritis. Est magni moduli numus, ejus iconem chalcographus non satis exacte expressit.

In hujus numi, qui eximie raritatis est, averfa facie duo sunt singulari attentione digna: inscriptio, & undecim capitum simulacra, coronæ circumposita.

Inscriptio quidem certe nulla similis, in plurimis, variisque Tarsensium numis, a me est uspiam deprehensa. Ac primum ΚΟΙΝΟC. hic intelligendus est ΑΓΩΝ. *Commune Certamen*. Huc faciunt, quæ ad Cæsareensem Caracallæ numum, in Appendicula adnotaveram, cujus Epigraphe ad urnas ludorum erat: ΚΟΙΝΟC. ΦΙΛΑΔΕΛΦΙΟC. Alii quidem Tarsen-

Tarsensium numi habentur, in quibus templi extat effigies, cujus fronti inscriptum legitur: KOINOC. Ubi facile adducor, ut cum Doctissimo Harduino credam, subaudiri NAOC. *Templum.* In Nostro tamen numo, cum corona, commune ludorum, ac certaminum symbolum, sit consignata; *Agon Communis* potius indicari videtur.

Commodi numus Tarsensis, a laudato *P. Harduino*, de *Numis Popul. & Urbium* prolatus, id etiam confirmat, in quo legitur KOMOΔΕΙOC. ΟΙΚΟΥΜΕΝΙΚOC. ΤΑΡCOC. ubi sane τῷ Οικουμενικῷ, notum est ludorum vocabulum.

Minus perspicuum est, quod in epigraphe sequitur: ΤΩΝ. ΤΡΙΩΝ. ΕΠΑΡΧΙΩΝ. Quarumnam *Trium Provinciarum* Communia fuerint hæc Certamina? Nam, cum Ciliciæ fuisse Metropolim Tarsum constet, aliaque hic de nomine Provincia non exprimatur; videri possent, non nisi Ciliciæ tres regiones hic esse designatæ. Verum nulla satis apta auctoritate firmari potest, Ciliciam, hoc præsertim, quo hic numus cusus erat, tempore, in tres divisam esse regiones; cum celeberrima sit ejusdem in duas partes distinctio, quarum altera *τῶν Ἀσπερῶν Aspera: πεδία Campestris* sit altera appellata. Ejusdem *Ptolemaus lib. 5.* meminit, & Ciliciam Asperam rursus in *Selentidem, Cetidem, & Pisidiam* dividit. Sed hæc per vetus, atque jam dudum abrogata videtur divisio; cum de eadem reliqui scriptores sileant. Atque cum Campestris Ciliciæ urbs esset Tarsus; aut hæc divisio huc nihil faceret, aut quatuor potius Ciliciæ regiones scribendæ erant, Campestri utique non omittenda.

Nonnemo fortasse ex *Dionis lib. 36.* aliam Ciliciæ regionem, nempe Maritimam dictam, exsculpere volet; cum illic de urbe Pompeiopoli ita legatur? ἐστὶ ἐν τῇ Κιλικίᾳ τῇ παραθαλασσίᾳ. *Sita est in Cilicia Maritima.* Verum hæc ad situm tractus illius exprimendum potius, quam ad politicam divisionem indicandam scripta videntur. Quemadmodum *Strabo*, dum *lib. 14.* ait: τῆς Κιλικίας, τῆς Ἰζω τῷ Ταύρῳ,

ἡ μὲν λέγεται τραχεῖα ἡ δὲ πεδία. *Cilicia, quæ extra Taurum est, altera pars Aspera, altera Campestris dicitur.* Quamvis hic eadem sit in repetito articulo emphasis; non idcirco tamen aliam Ciliciæ regionem intra Taurum fuisse, Strabo indicare voluit; sed Ciliciam extra Taurum, si cum Cappadocia conferatur, sitam fuisse. Neque vero Eleuthero-Cilices, hoc præsertim tempore, distinctam aliquam, & notatu dignam, Ciliciæ regionem effecisse, credibile videtur.

Quod si constaret etiam, Caracallæ ætate, in tres regiones dispartitam fuisse Ciliciam: crederem tamen, in hoc numo tum haud scriptum fuisse κοινὸς τῶν τεσσάρων επαρχιῶν, si nempe solius Provinciæ Ciliciæ Communis ille Agon designandus fuerat; sed ΚΟΙΝΟC. ΚΙΑΚΙΑC. vel ΚΟΙΝΟΝ ΚΙΑΚΙΑC. quibus verbis alii Tarsensium numi Communia Cilicum Certamina, aliaque sacra eloquuntur. Præterea τὸ Ἐπαρχία majus aliquid, quam ejusdem Provinciæ minores quasdam regiones, significare videtur; cum proprie conveniat *Provincia*, quæ a singulari *Præfeto* gubernatur: uti nominis origo prodit. Est enim Ἀρχὴ *Principatus, Imperium*: inde Ἐπάχω *Impero, Prasum*, atque ex hoc Ἐπαρχία. Hac sane notione vocabulum istud *Strabo lib. 17. in fine*, atque alibi exhibuit. χώρα vero magis proprie *regionem*, seu majoris Provinciæ partem denotat. Et quanquam *Stephanus Byzantius* nonnunquam τὸ χώρα loco τῆς Ἐπαρχίας ponat; vice versa tamen Ἐπαρχία pro subalterna regione adhibitum, nescio, an reperiat.

Inveniendæ sunt igitur tres aliæ Provinciæ, quibus hoc ipso tempore, Ludorum, aliorumque Sacrorum Communio cum Cilicibus intercesserit. Ipse hic numi subsidium ferant, oportet, quod ab Historicis nequidquam, aut a Geographicis præstolamur. Septimii Severi numisma, Tarsi signatum, a Cl. *Vaillantio*, & a R. P. *Harduino* ita refertur, *De num. Popul. & urb.* ΕΠΙ. ΑΡΧ. Γ. ΟΜ. CETHPIAN. ΤΑΡCOT. ΜΗΤΡ. ΤΩΝ. ΚΙΑΚΩΝ. ΙCΑΤΡΙΑ. ΚΑΡΙΑ. ΑΥΚΑΟΝΙΑ. *Sub Archon-*

ebonte Caio Hem - - Severiana Tarſi, Metropolis Cilicum: Iſauria, Caria, Lycaonia. Provinciæ tres turrato capite adſtant, quarum una Genio civitatis Tarſenſis coronam imponit.

En tres Provincias, Tarſenſibus, Ciliciæ metropolitibus, hac ipſa ætate ſociatas, atque obſtriſſas ! De Caria fortasſe ſola difficultas aliqua oboriri poſſet ; quoniam Ciliciæ finibus non attingitur ; ſed interpoſita Pamphylia, atque Piſidia dirimitur. Verum & huic malo , quamquam admodum levi , remedium eſt. Pamphylia enim , & Piſidia ad Ciliciam , latius ſumptam , ſeu ad Præſecturam Provinciæ Ciliciæ , ſaltem olim , pertinebat. Cui rei ipſe *M. Tullius Cicero* , qui huic Provinciæ Proconſul præfuit , luculentum teſtimonium dicit : *Lib. 1. de Divinat. Cap. 1. Cilicum, & Piſidarum gens, & bis finitima Pamphylia, quibus nationibus præſuimus ipſi &c.* Similia videri poſſunt apud eruditiffimum *Noriſum Cenotaph. Piſ. Diſſert. 2.* Et licet Provinciarum diviſiones interea temporis , uſque ad Caracallam , multum variare potuerint ; aliquos tamen vetuſtæ quoque vicinitatis nexus etiam tum perduraſſe , laudatus Severi numus inviſte demonſtrat.

Vetus illud amicitie , ac ſocietatis vinculum , quo Carie , Cilicieque urbes mutuam obſtringebantur, magna item , ut opinor , probabilitate colligitur e numo præſtantiffimo , ac pervetuiſto , Coryci ſignato, Cimelii noſtri , qui etiam æram Seleucidarum , hætenus huius in urbis numo non detectam , exhibet :

Caput turratum : pone ΔΤ. *Anno 304.* Æræ Seleucidarum , uti quidem arbitramur.

ΚΩΡΥΚΙΩΤ. - - ΗΡ. ΤΑΡ. *Coryciotarum, Heraclea, Tarſus.* Mercurius ſtans ſ. Caduceum ſuſtinet.

Urbs hæc Corycus , ſive Ciliciæ , quod probabilius , ſive Pamphylie , fuerit , omnia in rem noſtram ſunt. Heracleam enim hic aliam vero ſimilius intelligi vix poſſe exiſtimo,

stimo, quam quæ in Caria sita erat; quando urbem, Heraclæe nomine illustrem, quæ Tarso, & Ciliciæ vicinior sit, atque hæc Carica, aliam nullam reperimus.

Accedit alterum numisma apud *P. Harduinum*, ita inscriptum: H. TA. ΑΔΕΑΦΩΝ. ΔΗΜΩΝ. *Heraclea, & Tarfi Fratrum Populorum*. Ita legendum doctissimus ille Pater censuit, atque Caricæ quoque Heracleæ in notis meminit.

Atque hæc, cum pretioso illo Severi numismate collata, suisque momentis æstimata, facile, mihi quidem, persuadent: per *tres Provincias*, in numo nostro obscure indicatas, Cariam, Isauriam, & Lycaoniam designari, quarum incolæ *Communem* cum Cilicibus *agonem Tarfi* celebraverint.

Reliquum est, ut, quid capitum imagines, coronæ impositæ, sibi velint, expediamus. His ego opinor Septimii Severi Familiam referri. Quando enim Tarsenses, in ejusdem Familiæ honorem, sese *Severianos*, & *Antoninianos* compellasse, e numis discimus; pronum conjectu, atque ex aliis numis perspicuum est: ludos quoque, ac certamina in ejus Familiæ honorem instituta fuisse, quorum amplificandæ solemnitati Severi, & Caracallæ, quique hos proxime contingerent, imagines fuerint in publico constitutæ.

Undecim capitum formæ in tres veluti classes, ope litterarum Γ. & Β. Coronæ etiam impositarum, distinguuntur. Quinque capita, quæ supremam classem obtinent, referre opinor Severum, ejusque Patrem, & Matrem, tum uxorem Juliam, & filium primogenitum Caracallam. Atque supremum in medio locum obtinere, arbitror, Caput Patris Severi, proximum ad dexteram, Matris: quæ duo tamen, cum attrita sint; nihil certi dictum velim. Caput ad sinistram primum Severi ipsius, proximum Caracallæ puto: quæ ambæ capitum imagines viros manifeste exhibent. Alterum ad dexteram Caput Juliæ Domnæ deputo; cum similem aliquem capitis ornatum, quo Augusta hæc in nu-

mis comparere solet , hic deprehendam : etsi non ita perspicue , ut in aliis mulierum Capitibus , de quibus in ordinibus sequentibus.

In altero Caputum ordine , ad dexteram , post literam B. clare primum Caput virum indicat , ambo reliqua mulieres , eleganti capitis , & quo Augustæ in numis solent , ornatu decoras. His repræsentari censeo Getam , alterum Severi ex Julia filium , ejusdemque duas sorores.

Tertius ordo post literam Γ. pariter masculæ formæ primum Caput , cum foemineis duobus , iisque itidem comptulis , ostentat. His exhiberi suspicor Caracallæ filium , & binas filias. Sed est jam hujus distributionis mihi reddenda ratio , & quædam ulterius sunt exponenda.

Pater Septimii Severi Augusti erat Marcus Septimius Geta. Ejus prænomen discimus ex inscriptione arcus Septimii Severi , qui Romæ extat ; cujus initio ita legitur : IMP. CAES. LVCIO. SEPTIMIO. M. FIL. SEVERO.

Cognomen prodidit *Ælius Spartianus* , in *vita Septimii Sev* ubi sub initium ita habet : *Severus , Africa oriundus , Imperium obtinuit : cui civitas Leptis , Pater Geta. Matrem Severi mox idem Auctor nominat : Mater Fulvia Pia. Porro autem a Severo Patri statuas erectas fuisse idem Spartianus in eadem vita meminit.*

Primam Severi uxorem , Marciam nomine , hoc in numo prætermisam puto , propterea etiam ; quod ex ea liberos non suscepisset Severus. Quod enim *Spartianus* scribat : Caracallam ex prima uxore Severe natum ; nemo jam credit : repugnante Dione , & ipsomet Spartiano hac in re secum pugnante.

Sola Julia Pia Domna , altera Severi uxor , hic exprimitur , ex qua geniti , Marcus Aurelius Antoninus Caracalla , & Septimius Geta , prænومine Lucius , & etiam Publius. Eadem Julia filiarum duarum e Severo mater fuit , quarum *Spartianus loco citato* mentionem facit : *Filias suas*
(Seve-

(Severus) *dotatas maritis Probo, & Aëtio dedit.* Eleganti quoque symbolo Numus æneus Juliæ Domnæ quatuor ejusdem proles repræsentat, apud Patinum exhibitus:

IVLIA. AVGVSTA. Caput Juliæ Domnæ.

FECVNDITAS Mulier semicincta, forte Venus, sub arbore decumbens; pone ipsam orbis, quatuor stellis ornatus, quem totidem parvulæ figuræ circumstant.

Deniq; de Caracallæ liberis agendum, de quibus puto idcirco aut dissensisse, aut siluisse Historicos; quod, si quis erat eidem filius, in tenera ætate mortem oppetierit: filiarum vero, quæ & ipsæ parvulæ fuerint, vix operæ pretium visum sit, mentionem injicere. Equidem *Spartianus* Caracallæ, *in ejus vita*, filium tribuit: *Filium reliquit, qui postea & ipse M. Antoninus Heliogabalus est dictus.* Sed *Dio in Macrino* Elagabalum Varii Marcelli, ex Soæmiade, filium facit. Neque vero ipse *Spartianus in Elagabali vita* certo affirmare jam audet, quod paulo antea scripserat. Quod si natus etiam esset Caracallæ e Soæmiade filius; credibile vix est, eum clancularii, & incesti amoris fructum publicis honoribus, ut in numo nostro, inter Familiæ Severianæ propagines affectum esse.

Igitur ab Historiographis veteribus ad marmora confugio, & ad numos; ut de Sobole Caracallæ paullo certiora referre possim. Inscriptionum complurium, Ephesi repperarum; & ab Anglis descriptarum, exempla mecum communicavit R. P. C. E. Soc. Jesu, Vir Antiquitatum cognitione, & plurimarum linguarum peritia insignis, ejus vero exemplaris copiam ipsi fecit Illustr. D. Comes de Kinoull, Aula Britannicæ ad Ottomanicam Legatus: itemque Clarissimus Dñs De la Condamine, Academiæ Regiæ Scientiarum membrum dignissimum. Ex his tria marmora referam, quæ ad constituendum aquæ ductum, a Turcis procul dubio, adhibita, eo digniora sunt fide, quo minus hic ulla faciendi quæstus suspicio intervenit.

Inscriptio arcus septimi aqueductus.

M ΑΥΡΗΑΙΟΝ	ΦΑΔΙΑΛΑΝ	- - - - -
- - - ΟΝ ΣΕΒΑΣ	ΘΥΓΑΤΕΡΑ	ΘΥΓΑΤ
- - - - ΝΙΚΟΝ	M ΑΥΡΗΑΙΟΤ	- - ΜΑΤΡ
ΣΕΟΥΘΡΟΝ	ΑΝΤΩΝΕΙΝΟΤ	- - ΑΝΤΩ
	ΚΑΙΣΑΡΟΣ ΣΕΒΑΣΤΟΥ	ΚΑΙΣΑΡΟ

Quod ita, uti res ipsa monet, suppleo, & latine red-
do : *Marcum Aurelium Antoninum Augustum, Britannicum, Severum.* Deinde: *Fadillam filiam M. Aurelii Antonini Cæsaris Augusti.* Denique in tertia columna : - - - *Filiam M. Aurelii Antonini Cæsaris Augusti.* En duas Caracallæ filias ! hic enim, M. Aurelius Antoninus, alius dici, quam Caracalla, propter adscriptum *Britannici, & Severi* titulum, nullo modo potest.

Inscriptio arcus decimi quarti ejusdem aqueductus.

ΑΔΡΙΑΝΟΝ	Hadrianum
ΤΙΟΝ Μ ΑΥΡΗΑΙΟΤ	Filium Marci Aurelii
ΑΝΤΩΝΕΙΝΟΤ	Antonini
ΚΑΙΣΑΡΟΣ ΣΕΒΑΣΤΟΥ	Cæsaris Augusti.

Hic quoque Marcum Aurelium Antoninum Caracallam designari, vix est, quod ambigamus. Nam Marcus Antoninus Philosophus dictus, duos tantum filios genuit, quorum nomina scimus. Alter enim Lucius, aut Marcus Aurelius Antoninus Commodus, alter Annius Verus, aut Verissimus appellabatur : quorum etiam numos habemus. Plures vero duobus non habuisse filios Marcum Aurelium, aperte *Herodianus lib. 1. sub initium*, ita indicat : τῷ βασιλευσσι Μάρκῳ Συγατήρες μὲν ἦσαν πλείους, ἀγρόνες δὲ δύο. *Marcæ Imperatori filia quidem plures fuerunt, filiis autem duo.*

M m m

Neque

Neque vero hac lapidis Epigraphe , sub M. Aureli Antonini nomine , Elagabalum intelligi , inde verosimile fit ; quod de Elagabali prolibus (qui sedecim, aut duodeviginti annos natus, e vivis excessit) ne tenue quidem vestigium reperiamus.

Caracallæ vero filium e Plautilla genitum esse , perspicue testatur *Herodianus lib. 3.* ab *Angelo Politiano* latinitate donatus, *Edit. Lugdun. 1533.* Ita habet de Plautilla relegata : *Severus ipsam pariter cum filio, quem pepererat, relegavit in Siciliam.* Et quanquam alii, Græci textus Editores, legant : καὶ τοῦ ἀδελφοῦ αὐτῆς. *Et Fratrem ejus.* Et quamquam *Xiphilinus ex Dionis lib. 76.* referat : Plautillam , & Plautum, vel Plautium, Plautiani proles, relegatos fuisse ; facile tamen id conciliari potest : si cum filiolo, & cum fratre in exilium missa dicatur Plautilla. Sane Angelum Politianum aut adeo ignorantem, aut adeo infidelem, incuriumve fuisse, ut loco *fratris*, *filium* poneret : adderetque de suo : *quem pepererat* ; nisi in suo græco exemplari legisset : καὶ τοῦ υἱοῦ αὐτῆς , ὃν ἔτιμην. mihi ego persuadere non possum.

Denique pro asserenda Plautillæ prole , & probabilius mascula (cum sola in numo exprimatur) facere videtur Plautillæ numus perrarus, Cimelii Granelliani , quem inter argenteos asservatum , ita in aversa facie signatum offendi : VENVS. GENETRIX. Venus sedens , sinistra hastam puram sustinet , dextra pomum porrigit adstanti, & manus attollenti parvulo.

Jam vero , quisnam , quove nomine , an ex Plautilla, aliave uxore, Caracallæ filius : an fortasse Elagabalus (qui a morte Caracallæ, pro Antonini filio obtrusus erat) in hoc nostro numo signatus sit ; decidere neque possum, neque digestus a me , & expositus Capitum ordo desiderat : ad quem comprobandum satis erat, duas Caracallæ filias, unumque filium e veterum monumentis produxisse.

Unicus

Unicus etiam scrupulus, qui de marmoris, primo loco adducti, expositione hærere posset, est ad extremum Lectori eximendus. Marco Aurelio Antonino Philosopho duas, atque adeo plures fuisse filias, & quidem natu maximam, Fadillam dictam, *Herodianus lib. 1.* fidem facit. Constat item e *Xiphilino*: Severum in Marci familiam assumptum esse. Ex his conjicere fortasse aliquis posset: in illo marmore, cum Caracalla, superstites adhuc duas Marci filias, & priore loco Fadillam, majorem natu, honorari.

Sed his facile occurritur. Primum si Fadilla dicta est Marci filia, nihil obest, cur non ita Caracallæ quoque filia appellaretur; imo vero familiæ Marci, cum Severiana familia nexus, id probabilius reddit. Deinde quam insolitum, & incongruum id foret, si solus Caracalla Augustus, cum duabus Marci filiabus, in marmore collocaretur; nemo non videt. Denique si Marci filias potius, quam Caracallæ, hoc marmore veteres honorassent; addidissent profecto, eas esse *Divi M. Aurelii Antonini* filias, præsertim in his circumstantiis, ubi facile, ob similitudinem nominis Antoniniani, confusio oriri posset. Quod ne a me citra rationem allatum putetur, aliud, idque tertium, uti recepi, marmor producam, quod Fadillam, Marci filiam, ut opinor, cum Divi titulo exhibet.

*Supra lapidem inversum quinti arcus
aquaductus.*

ΦΑΔΙΛΛΑΝ
ΘΥΓΑΤΕΡΑ
Μ ΑΥΡΗΛΙΟΥ
ΑΝΤΩΝΕΙΝΟΥ ΘΕΟΥ
ΚΑΙΣΑΡΟΣ ΣΕΒΑΣΤΟΥ

Fadillam
Filiam
Marci Aurelii
Antonini Dei *vel Divi*
Cæsaris Augusti.

M m m 2

17. ATT.

, γ.

ΑΤΤ. Κ. Μ. ΑΥΡ. ΚΕ. ΑΝΤΩΝΕΙΝΟC. *Imperator Caesar Marcus Aurelius Severus Antoninus. Caput laureatum Caracallæ.*

ΤΡΑΙΑΝΟΠΟΛΕΙΤΩΝ. *Traianopolitarum. Cista, ex qua serpens promicat.*

Ejusmodi cista ad Bacchi cultum, & nefanda mysteria pertinebat, unde & numi, argentei præsertim, *Cistophori* dicti sunt. Præclaram Dissertationem *De Cistophoriis* edidit R. P. *Panelius S. J.* typis datam *Lugduni 1734.* Numus noster est minimi moduli.

, δ.

ΑΥΤ. Μ. ΑΥΡ. ΑΝΤΩΝΕΙΝΟC. ΚΕΒ. *Imperator Caesar Marcus Aurelius Antoninus Augustus. Caput laureatum Caracallæ, vultu imberbi.*

ΓΡ. ΑΥΡ. ΜΕΝΕΚΡΑΤΟΥC. ΕΥΤΥΧΙΔΟΥ. ΤΡΑΛΛΙΑΝΩΝ. ΝΕΟΚΟΡΩΝ. ΤΩΝ. ΚΕΒΑΚΤΩΝ. In tribus Coronis, mensæ impostis: ΟΛΥΜΠΙΑ. ΑΥΤΟΥCΤΕΙΑ. ΠΥΘΙΑ. *Scriba Aurelio Menecrate, Eutychidis filio, Trallianorum, Ædituorum Augustorum: nempe Severi, & Caracallæ. Olympia, Augustalia, Pythia.*

Auro contra charus est hic bene magni moduli numus, elegantissimus, & integerrimus, quique inscriptionis verba pleraque, integre scripta, exhibeat. Tanta Ludorum solemnitate, ac varietate, in ære consignata, & Neocoratus utriusque Augusti professione, videntur Tralliani initum a Caracalla, cum Patre, Imperium, aut recurrentem annua solemnitate Imperii diem celebrasse: qua de re ad Anazarbensem Traiani Decii numum plura retulimus.

, ε.

ΟΠΕΛΙ. ΔΙΑΔΟΥΜΕΝΙΑΝΟC. *Marcus Opelius Didumenianus. Caput ejusdem nudum.*

Τ. Μ. ΑΓΡΙΠΠΙΑ. ΝΙΚΟΠΟΛΙΤΩΝ. ΠΡΟC. ΙCΤΡΟΝ. *Sub Marcio Agrippa, Nicopolitarum ad Istrum. Mercurius nudus*
stans

stans, d. crumenam, f. strophium gestat, & forte Caduceum. Mediæ formæ est.

15.

ΑΥΤ. Κ. Μ. ΑΥΡΗ. ΑΝΤΩΝΙΝΟΥ. *Imperator Caesar Marcus Aurelius Antoninus. Caput Elagabali laureatum.*

- - - - ΤΑ. ΑΝΤ. ΣΕΛΕΥΚΟΥ. ΜΑΡΚΙΑΝΟΠΟΛΙΤΩΝ. *Sub Julio Antonino, Seleuci filio, Marcianopolitarum. Æsculapius stans, d. baculum attinet, serpente obvolutum. Typum hujus, & superioris numi jam alibi proposuimus: hic numus est mediæ formæ.*

16.

ΑΥΤ. Κ. Μ. ΑΥΡΗ. ΑΝΤΩΝΙΝΟΥ. *Imperator Caesar Marcus Aurelius Antoninus. Caput laureatum Elagabali.*

ΝΙΚΟΠΟΛΙΤΩΝ. ΠΡΟΣ. ΙΣΤΡΩΝ. *Nicopolitarum ad Istrum. Botrus, uberem vini proventum indicans. Est numus minimi moduli.*

17.

- - - - ΑΛΕΞΑΝΔΡΟΥ. *Alexander. Caput laureatum Severi Alexandri.*

ΜΗΤΡΟΠΟ. ΚΑΙ - - - *Metropolis Cesarea. Caput muliebre, tectum simulacro montis Argæi, in quo specus. Sub Gordiano similem fere figuram exhibet Patinus; illic tamen Caput virile comparet, & Argæus sine specu. Numus noster est medii moduli.*

18.

ΑΥΤ. Κ. Μ. ΑΝΤ. ΓΟΡΔΙΑΝΟΥ. ΑΥΤ. *Imperator Caesar Marcus Antonius Gordianus Augustus. Caput Gordiani Pii laureatum.*

ΤΙ. ΣΑΒ. ΜΟΔΕΣΤΟΥ. ΝΙΚΟΠΟΛΙΤΩΝ. ΠΡΟΣ. ΙΣΤ. *Sub Sabino Modesto, Nicopolitarum ad Istrum. Mercurius nudus stans, d. crumenam, f. strophium, & Caduceum. Medii moduli, ejus figura obvia est.*

M m m 3

n. Ea-

z.

Eadem , quæ in præcedente , capitis figura , & inscriptio.

ΤΗ. - - - ΝΙΚΟΠΟΛΕΙΤΩΝ. ΠΡΟC. ΙCΤΡ. *Nicopolitarum ad Istrum.* Ceres stans , d. spicas , f. facem longam. Est medii moduli.

x a.

ΑΤΤ. Κ. Μ. ΑΝΤ. ΓΟΡΔΙΑΝΟC. *Imperator Caesar Marcus Antonius Gordianus.* Caput ejusdem laureatum.

ΤΠ. CΑΒ. ΜΟΔΕCΤΟΥ. ΝΙΚΟΠΟΛΕΙΤΩΝ. ΠΡΟC. ΙCΤΡΟΝ. *Sub Sabino Modesto, Nicopolitarum ad Istrum.* Aquila , rostro coronam gerens , basi insistit , utrimque signum militare adstitutum. Mediæ formæ numus : similem fere typum dedimus in numo Marci Aurelij , Nicææ percusso.

x c.


Μ. ΙΟΥΛ. ΦΙΛΙΠΠΟC. Κ. *Marcus Julius Philippus Caesar.* Caput nudum Philippi Junioris.

ΙΟΥΛΙΟΥΠΟΛΕΙΤΩΝ. *Julio-politarum.* Tria signa militaria , quorum cuilibet imposita est corona. Numus est minimi moduli , cui similem typum exhibuimus in numo Maximi Cæs. a Nicæensibus signato.

O. A. M. D. G.



Index



I N D E X

REGIONUM, ET URBIVM,

QUARVM

*Numi producti sunt in utraque Appendicula,
& Auctario:*

Adjectis Nominibus Augustorum, & Caesarum.

A.

Ἀβυδηνῶν. *Abdenorum, in Troade.*

Commodi. pag. 218.

Ἀγκύρας. vide Ἀγκύρας.

Ἀγχιαλείων. *Anchialensium, in Thracia,*
cui cognomine Ὀυλπιανῶν.

Septimii Severi. 232.

Ejusdem. 233. bis.

Maximiani. 313.

Ἀδριανέων. *Hadrianeorum, in Bithynia.*

Getæ. 285.

Ἀδριανοπολετῶν. *Hadrianopolitarum, in Thracia.*

Julie Domnæ. 447.

Caracallæ. 254.

Ejusdem. 255.

Gordiani Pii. 325. bis.

Ejusdem. 326. bis.

In, vel de Ægypto cusi, sine urbis nomine.

Antonii, & Cleopatrz. 153.

Othonis. 166.

Julie Paulæ. 304.

Ejusdem. 305.

Gordiani Africani. 323.

Ἀμασιῶν. *Amaseorum, in Ponto Asiatico.*
Traiani. 174.

Ἀκρασιωτῶν. *Acrafiotarum, in Lydia.*

Commodi. 219.

Getæ. 285.

Ἀμασειανῶν. *Amastrianorum, in Paphlagonia.*

Plotinæ. 179.

Faustinæ Junioris. 209.

Ἀμφιπολετῶν. *Amphipolitarum, in Macedonia.*

Marci Aurelii. 197.

Ἀναζόρεω. *Anazarbi, in Cilicia.*

Gordiani Pii. 326.

Decii. 342.

Ἀνεμυρίων. *Anemuriensium, in Cilicia.*

Alexandri. 305.

Ἀγκύρας. *Ancyra, in Galatia.*

Septimii Sev. 231.

Caracallæ. 255.

Saloninæ. 359.

Ἀντιοχείων. *Antiochenorum, in Caria.*

Antonini Pii. 187.

Ἀντιόχεια Καίσαρος Colonia, in Pisidia.

Septi-

Septimii Sev. 96.
 Julia Domnæ. 97.
 Ejusdem. 99.
 Gordiani Pii. 119.
 Philippi Patris. 130.
 Ejusdem. 131.
 Philippi Filii. 132.
 Ejusdem. 133.
 Decii. 134.
 Cornelii Salon. Gallieni. 148.
 Claudii Gothici. 151.
 Ἀπολλωνιατῶν. *Apolloniatarum, in Il-
 lyrico.*
 Caracallæ. 448.
 B.
 Berytus, Julia Felix Colonia, in *Palestina.*
 Gallieni. 142.
 Βιζυνηῶν. *Bizyenorum, in Thracia, vel
 in Ponto.*
 Getæ. 286.
 Philippi Patris. 339.
 Βιθυνίων. *Bithynicorum, in Bithynia.*
 Commodi. 219.
 Βεστρα Col. in *Arabia Petraea.*
 Philippi Patris. 128.
 Βυζαντίων. *Byzantiorum, in Thracia,*
 Cæsar. Aug. 162.
 Commodi. 220.
 Γ.
 Γαλαλέων. *Gabalensium, in Syria.*
 Traiani. 176.
 Γαβηνῶν. *Gabenorum, in Ituraea, vel Tra-
 chonitide.*
 Tit. 167.
 Domitiae. 169.
 Γαδαρέων. *Gadarensum, in Cæsaryia.*
 Caracallæ. 256.
 Γάζα. *Gaza, in Palestina.*
 Julia Domnæ. 249.

Γαλατίας Κοινόν. *Commune Galatie.*
 Traiani. 177.

Δ.

Dacia Provincia.
 Etruscillæ. 135.
 Volussiani, & Galli. 137.
 Valeriani Senioris. 138.
 Gallieni. 140.
 Δαμάσκει. *Damasci, in Syria.*
 Julia Domnæ. 250.
 Ejusdem *Damasci, Colonia.*
 Saloninæ. 145.
 Salonini Valeriani. 147.
 Deulsum, vel Deulson, *Flavia Patensis,
 Colonia in Thracia.*
 Diadumeniani. 115.
 Alexandri Sev. 115.
 Ejusdem. 116.
 Mamææ. 117.
 Gordiani Pii. 120.
 Ejusdem. 122.
 Δορυλαίων. *Dorylensium, in Phrygia.*
 Gordiani Pii. 327.
 Δορείων. *Dorensium, in Cilicia.*
 Marci Aurelii. 203.
 E.
 Ἑρμιονίων. *Hermionensium, in Argolide.*
 Plautillæ. 283.
 Ἐφεσίων. *Ephesorum in Jonia, vel Lydia.*
 Neronis, & Agrippinæ. 163.
 Antonini Pii. 189.
 Faustinae Jun. 210.
 Getæ. 289.
 Elagabali. 299. bis.
 Ζ.
 Ζηλτῶν. *Zelitarum, in Ponto Cappadocia.*
 Caracallæ. 257.
 Η.
 Ἠλείων. *Eleorum, in Peloponneso.*
 Hadria-

Hadriani. 180.

Θ.

Θεσσαλῶν. *Thessalorum*.

Valeriani. 350.

Θεσσαλονικίων. *Thessalonicensium*, in *Macedonia*.

Neronis. 164.

Titi. 168.

Elagabali. 299.

Θυατειρηνῶν. *Thyatirenorum*, in *Lydia*.

Caracallæ. 449.

I.

Ἱεροπολιτῶν. *Hieropolitarum*, in *Syria*.

Caracallæ. 258.

Iconiensium Colonia, in *Lycania*.

Gallient. 143.

Ἰλίων. *Iliensium*, in *Phrygia*.

Diadumeniani. 295.

Ἰουλιέων. *Juliensium*, in *Phrygia*.

Marci Aurelii. 198.

Ἰουλιοπολετῶν. *Juliopolitatum*, in *Bithynia*.

Julie Domne. 250.

Gordiani Pil. 327.

Philippi Filii. 462.

K.

Καδονηῶν. *Cadoënorum*, in *Phrygia*, vel *Lydia*.

Commodi. 446.

Cæsarea Antiochia. Vide *Antiochia*.

Καίσαρεια Μητροπόλις. *Cæsarea Metropolis*, ad *Argentum montem*, in *Cappadocia*.

Caracallæ. 259.

Ejusdem. 260.

Alexandri Sev. 306.

Ejusdem. 461.

Καίσαρεια πρὸς Πανεία. *Cæsarea ad Panium*, in *Ituraea*.

Commodi. 224.

Καλυνδῶν. *Calyndeorum*, in *Caria*.

Caii Cæsaris, Agrippæ Filii. 161.

Καλχαδονίων. *Calchedoniolum*, in *Bithynia*.

Getæ. 287.

Capitolina Ælia Colonia, in *Palaestina*.

Antonini Pil. 93.

Marci Aurelii. 94.

Cassandrensium Colonia, in *Macedonia*.

Philippi Patris. 127.

Καταλλιωτῶν. *Caralliotatum*, in *Isauria*.

Maximoli. 314.

Κιανῶν. *Cianorum*, in *Propontide*.

Getæ. 287.

Tranquillina. 338.

Volusiani. 349.

Κιλβιανῶν τῶν κάτω. *Cilbianorum inferiorum*, in *Lydia*.

Caii, & Lucii Cæss. 158.

Κλαυδιοπολετῶν. *Claudiopolitatum*, in *Lycania*.

Faustinae Jun. 213.

Corinthus, *Laus*, *Julia*, *Col.* in *Isthmo cognomine*, in *Græcia*.

Augusti. 81.

Ejusdem. 83.

Tib. Claudii. 84.

Neronis. 85.

Ejusdem. 86.

Ejusdem. 87.

Caracallæ. 105.

Κοτιαίων. *Cotiaensium*, in *Phrygia*.

Diadumeniani. 296.

Philippi Patris. 340.

Philippi Filii. 341.

Κεντιέων Φλαουιέων. *Crentiensium Flavianorum*, in *Bithynia*.

Septimii Sev. 234.

Κυζικηνῶν. *Cyzicenorum*, in *Propontide*.

Antonini Pil. 190.

N n n

Fau

Faustinae Jun. 212. bis.

Ejusdem. 213.

Septimii Sev. 234.

Gallieni. 352.

Saloninae. 359.

A.

Λαοδικείων. *Laodiceorum*, in *Caria*, vel *Phrygia*.

Juliae Domnae. 251.

Laodicea Colonia, in *Syria*.

Juliae Domnae. 100.

Λεοντοπολιτῶν. *Leontopolitarum*, in *Ægypto*.

Hadriani. 181.

Αυδίας κοινόν. *Commune Lydia*.

Marci Aurelii. 199.

Λυκαονίας κοινόν. *Commune Lycania*.

Vide Κλαυδοπολιτῶν.

Λυβητικῶν. *Lyrbitarum*, in *Phrygia*.

Gordiani Pii. 328. bis.

Traquillinae. 338.

M.

Μαγνήτων. *Magnesiorum*, in *Jonia*.

Juliae Mamae. 312.

Μανταληνῶν. *Mantaleorum*, in *Phrygia*.

Hadriani. 183.

Μαντινέων. *Mantineorum*, in *Arcadia*.

Septimii Sev. 234.

Μαρκιανοπολιτῶν. *Marcianopolitarum*, in *Mæsia*, vel *Thracia*.

Septimii Sev. 235. & 447.

Caracallæ. 261.

Caracallæ, & Domnae. 261.

Eorundem. 262.

Caracallæ, & Getæ. 449. bis.

Macrini, & Diadumeniani. 291.

Eorundem. 291.

Macrini. 292. bis.

Diadumeniani. 296.

Elagabali. 300.

Ejusdem. 301. & 461.

Alexandri Sev. 307. bis.

Ejusdem. 308. bis.

Gordiani Pii. 328.

Μεγαρέων. *Megarensium*, in *Megaride*, Septimii Severi. 235.

Μεσαμβριανῶν. *Mesambrianorum*, in *Thracia*.

Hadriani. 184.

Philippi filii. 341.

Μητροπολιτῶν. *Metropolitatum*, in *Jonia*.

Gordiani Pii. 329.

Μητροπολιτῶν. *Metropolitatum*, in *Phrygia*.

Maximiani. 315.

Μιλησίων. *Milesiarum*, in *Jonia*.

Marc. Aurelii. 201.

Juliae Domnae. 262.

Μυτιληναίων. *Mysilenorum*, in *Insula Lesbo*.

Titianæ. 230.

N.

Ναχαστῶν. *Nacastiarum*, in *Caria*, vel *Lydia*.

Hadriani. 185.

Νίσις Πόλεως, Φλαβίας. *Flavia Neapolis*, in *Samaria*.

Treboniani Galli. 347.

Νικοπόλεως Ἰερᾶς. *Nicopolis Sacra*, in *Epiro*.

Antonini Pii. 190.

Septimii Sev. 236.

Gordiani Pii. 330.

Νικαίων. *Nicaensium*, in *Bithynia*.

Marci Aurelii. 201.

Faustinae Jun. 214.

Septimii Sev. 236.

Ejusdem 237 ter.

Caracallæ. 236.

Ejusdem. 264. Item 264. 265. bis.

266. bis. 267. bis.

Getæ. 288.

Elagabali. 301.

Ejusdem. 302.

Alexandri Sev. 308. bis.

Ejusdem. 309 ter.

Maximini. 315.

Maximi. 319.

Ejusdem. 320. bis.

Ejusdem. 321.

Valeriani Sen. 350.

Saloninæ. 359.

Νικαίου. Nicæensem, in Thracia, forte.

Maximi. 322.

Νικομηδείων. Nicomediensem, in Bithynia.

Commodi. 225.

Julie Domnæ. 251.

Elagabali. 302.

Alexandri Sev. 309. bis.

Ejusdem. 310 ter.

Gallieni. 353.

Νικοπολιτών, πρὸς Ἰζρον. Nicopolitarum, ad Istrum, in Mesia.

Septimii Severi. 238.

Ejusdem. 238. Item 239. bis. 240. ter. 241. ter. 242. bis. 243.

Julie Domnæ. 252. bis.

Caracallæ. 268. bis.

Ejusdem. 269.

Ejusdem. 270.

Plautillæ. 283.

Ejusdem. 284.

Getæ. 288. bis.

Macrini. 292.

Ejusdem. 293. bis.

Ejusdem. 294. bis.

Diadumeniani. 296.

Ejusdem. 297. bis.

Ejusdem. 460.

Elagabali. 303. bis.

Ejusdem. 461.

Gordiani Pil. 330. & 331. bis.

Ejusdem. 332 ter. 461. 462. bis.

Νικοπόλειος, πρὸς Μεσόν, vel Μεσῶ. Nicopolis, ad Mesum, in Thracia.

Julie Domnæ. 252.

Νυσσίων. Nyssorum, in Caria.

Augusti. 155.

Marci Aurelii, & Lucii Veri. 202.

Alexandri Sev. 311.

O.

Ὀδησσεῶν. Odessitarum, in Thracia.

Gordiani Pil. 333.

Ejusdem. 334.

Ὀλβηρῶν. Olbenorum, in Cilicia, forte.

Marci Aurelii. Vide Δωριέων.

Ὀτρεονῶν. Otresenorum, in Phrygia.

Caracallæ. 270.

Π.

Παγάρων. Pagorum. In finibus Bæotia.

Septimii Sev. 243.

Πανορμιτανῶν. Panormitanorum, in Sicilia, forte.

Claudii, & Agrippinæ. 162.

Patrensis Colonia, Augusta, Arōs, in Asbasia.

Domitiani. 91.

Caracallæ. 107.

Πανταλιωτῶν, vel Ὀυλπίας Πανταλίας. Vlpie Pantalias, in Thracia.

Marci Aurelii. 206.

Lucii Veri. 215.

Commodi. 226.

Septimii Sev. 245 ter.

Julie Domnæ. 253.

Caracallæ. 271. bis.

Ejusdem. 272. bis.

Plaucillæ. 284.
 Πεδυαίων. *Pellæorum*, in *Decapolitana Syria*.
 Commodi. 226.
 Περγαίων. *Pergæorum*, in *Pamphylia*.
 Gordiani Pii. 334.
 Περινθίων. *Perinthiorum*, in *Thracia*.
 Nervæ. 173.
 Antonini Pii. 191.
 Septimii Sev. 246.
 Gordiani Pii. 334.
 Περπερενίων. *Perperenorum*, in *Lydia*, vel *Mysia*.
 Hostiliani. 345.
 Πεσσιοντιών. *Pessinuntiorum*, in *Galatia*.
 Lucii Veri. 216.
 Πλωτηνοπολεϊτών. *Plotinopolitarum*, in *Thracia*.
 Faustine Jun. 214.
 Caracallæ. 272.
 Πομπειοπολεϊτών. *Pompeïopolitarum*, in *Cilicia*.
 Caracallæ. 273.
 Πομπειοπολεϊτών. *Pompeïopolitarum*, in *Paphlagonia*.
 Marci Aurelii. 207.
 Πρωσαίων. *Prusensium*, in *Bithynia*.
 Commodi. 228.
 Caracallæ. 273.
 Πρωσιών. *Prusensium*, in *Bithynia*.
 Diadumentiani. 298.
 Ptolemæis, Colonia, in *Phœnicia*.
 Hadriani. 92.
 Σ.
 Σαμίων. *Samiorum*, ad *Joniam*, & *Cariam*.
 Macrini. 294.
 Σαουατρέϊων. *Savatrensium*, in finibus *Isauriæ*.
 Antonini Pii. 192.

Σαρδιανών *Sardianorum*, in *Lydia*.
 Septimii Sev. 246.
 Σελευκίων τῶν πρὸς τῷ Καλυκάδῳ. *Seleucensium ad Calycadnum*, in *Cilicia*.
 Gordiani Pii. 335.
 Gallieni. 353.
 Σερδών, vel 'Ουλπίας Σερδικῆς. *Vlpi Sardica*, seu *Serdica*, in *Thracia*.
 Lucii Veri. 216.
 Ejsdem. 217.
 Juliæ Domnæ. 253.
 Ejsdem. 254. item 448.
 Caracallæ. 274 ter.
 Ejsdem. 275. bis. item 276. bis.
 449. 450.
 Getæ. 289.
 Gallichi. 354.
 Σεστίων. *Sestiorum*, ad *Hellepontum*.
 Caracallæ. 277.
 Σιδιτῶν. *Sidetarum*, in *Pamphylia*.
 Domitiani. 169.
 Alexandri Sev. 312.
 Gordiani Pii. 336.
 Gallieni. 354.
 Saloninæ. 360.
 Sinope, Julia Felix, Colonia, in *Paphlagonia*.
 Neronis, & Octaviæ: cum allis. 85.
 Σμυρνείων. *Smyræorum*, in *Jonia*.
 Caracallæ. 282.
 Gallieni. 355.
 Στοβενσὲ Μονικίον. in *Macedonia*.
 Juliæ Domnæ. 100.
 Caracallæ. 102.
 Getæ. 108.
 Elagabali. 109.
 Ejsdem. 111.
 Συεδρέϊων. *Syedreorum*, in *Cilicia*.
 Hadriani. 185.

Treboniani Galli 348.
Valeriani Sen. 351.
Gallienl. 357.
Συναετῶν. Synaetarum, in Phrygia.
Neronis, & Agrippinæ. 165.

Ταβενερῶν. Tabenorum, in Lydia.

Traiani. 178.
Ταρσῶ. Tarsi, in Cilicia.

Caracallæ. 450.
Maximini. 316.
Ejusdem. 318.
Balbini. 323.
Gordiani Pii. 336.
Ejusdem. 337. bis.
Valeriani Sen. 352.
Gallienl. 358.

Τιβεριοπολετῶν. Tiberiopolitarum, in Phrygia.

Caracallæ. 277.
Τομεως. Tomorum, in Ponto ad Thraciam.

Marci Aurelii. 208.
Caracallæ. 278.
Elagabali. 303.
Alexandri Sev. 312.
Maximini. 319.
Tranquillinæ. 339.

Τραιανῆς Αὐγούστης. Traiana Augusta, in Dacia, vel in Thracia.

Septimii Severi. 447.
Caracallæ. 278.
Getæ. 289.

Τραιανοπολετῶν. Traianopolitarum, in Phrygia.

Caracallæ. 279. & 460.
Τραλλιανῶν. Trallianorum, in Lydia.
Antonini Pii. 193.
Caracallæ. 460.

Gallienl. 358.

Τραπεζεντιῶν. Trapezantinorum, in Ponti Asiatici extremo litore.

Septimii Sev. 246.

Caracallæ. 279.

Ejusdem. 280.

Gordiani Pii. 338.

Τριπολετῶν. Tripolitatum, in Lydia.

Caracallæ. 281.

Τροας, Augusta, Colonia, in Troade.

Caracallæ. 103.

Maximini. 118.

Maximi. 118.

Treboniani Galli. 136.

Τροιζηνίων. Troezeniorum, in Argolide.

Septimii Severi. 248.

Τυρανῶν. Tyranorum, in Mæsia, aut Sarmatia.

Commodi. 228.

Caracallæ. 281.

Getæ. 289.

Τυρὺς, Septimia, Colonia, in Phœnicia.

Caracallæ. 104.

Elagabali. 108.

Julia Aquilia. 112.

Ejusdem. 113.

Valeriani Sen. 139.

Τ.

Viminacium Colonia, in Mæsia Superiore.

Gordiani Pii. 122.

Ejusdem. 124.

Ejusdem. 125.

Philippi Patris. 129.

Φ.

Φιλαδελφείας. Philadelphie, in Decapolisana Syria.

Antonini Pii. 195.

Philippi, Julia Augusta, Colonia, in Macedonia.

Commodi. 95.

Φιλιπποπολεων. Philippopolisenum, in Thracia.

Antonini Pii. 195.

Ejusdem. 196.

Faustinae Jun. 215.

Commodi. 229.

Ejusdem. 230.

Septimii Sev. 148.

Juliae Domnae. 254.

Juliae Paulae. 304.

X.



Χαλκιδίων Φλαυίων. Chalcidensenum,


Flavianorum, in Caesytia.

Hadriani. 186.

F I N I S.








Addenda , & Corrigenda.

Pagina	Linea			
5.	27.	libram	adde	vel orbiculus unciam.
18.	17.	sed	adde	non.
41.	7.	post 442.	adde	Æram propriam Tyrionum Norisius inchoat an. 628.
75.	28.	observata	lege	obversata.
102.	5.	MVNICI	lege	MVNICIPI.
110.	12.	ἀγῶνας	lege	ἀγῶνας.
186.	ante Num. XXVII. omissa est imago numi , quæ tamen nihil rari exhibet.			
206.	11.	fraterni	lege	fraterno.
283.	3.	sequentem	adde	Num. CLXXV.
306.	12.	ὕψηλοτάτῳ	lege	ὕψηλοτάτῳ.

Alia , si qua occurrent , Benevclus Lector corrigeť.

L. D. S.



DUBIA
DE
MINNISARI
ALIORTUMQUE
ARMENIÆ REGUM
NUMIS
ET
ARSACIDARUM EPOCHA
NUPER VULGATIS
PROPOSITA
PER ERASMUM FROELICH S. J. S.



VIENNÆ AUSTRIÆ,
Typis JOANNIS THOMÆ TRATTNER, Cæs. Reg. Aulæ
Typographi, & Bibliopolæ, MDCCLIV.



DUBIORUM OCCASIO.



anno isthoc labenie MDCCLIV Liburni publicam in lucem prodiit liber multiplici eruditione, & ingenioso conjecturarum nexu insignis, a Viro doctissimo, clarissimoque RDSS^{mo} P. EDUARDO CORSINO Cl. Reg. Scholarum piarum, in Academia Pisana humaniorum literarum Professore, hac epigraphe, conscriptus : *De Minnisari, aliorumque Armenia Regum nummis, & Ar. sacidarum Epocha Dissertatio.*

Præclari operis ea summa est: Numus primum vulgatus *Regis Minnisari*, tribuitur *Manisaro*, cujus apud DIONEM fit mentio: *Manisarus* iste *Rex Armenia* vocatur, eique Numus *Minnisari Regis*, nomen-

que applicatur. Notæ numericæ, in prædicto numo, Æræ Parthicæ Arfacidarum adscribuntur, & Æræ Parthicæ initium tribuitur circiter anno ante Æram Christianam CCXXIX. V. C. DXXV., contra, quam hætenus VAILLANTIUS, aliique statuerint.

Denique de Numo *Arsamis* disceptatur, isque Ciliciæ præfecto, aut Arsaci Armeniæ Regi vindicandus censetur. Eruditæ huic Dissertationi elegantem numismatis, antea non vulgati, iconem, novumque Æræ Arfacidarum initium indicatum debemus, præter complura erudite, acuteque observata, detectaque.

Enim vero uti laudes uberrimas Eruditissimo Auctori lubens merito attribuo, ita in sententiam ejusdem, candido veritatis studio, concederem; nisi dubia mihi succurrissent aliqua, quæ propensi animi assensionem suspendendam admonebant. Modeste itaque dubia illa proponenda putavi, ut explicatis ambiguis, ad perspicuæ, aut quæ ei proxima sit, veritatis partes transitum mihi, aliisque complanarem. Ita quidem non tam adversarii, quam ejus, qui a doctioribus instrui cupiat, personam sustinebo. In tres Partes disceptatio omnis distributa est: I^{ma} de Numismate Minnisari, & Manisaro: II^{da} De Æra Parthica: III^{tia} De Numis Regum Armeniæ, ac de Arsamis numo tractabitur.

P A R S I.

De Numismate Minnisari, & Manisaro.

D U B I U M I.

*Sitne Numi, a Cl. Corsino propositi, lectio certa:
Minnisari?*

De Numi Minnisari, ab se*proposito iconismo,
ita Cl. CORSINUS (a) „ Nihil est sane, quod
„ in exprimenda præsertim numismatis facie, ejus-
„ que characteribus accurate exsculpendis optan-
„ dum reliquerim. Etenim non modo ectypam
„ ipsius imaginem diligenter expressi, quæ olim Ro-
„ mæ excepta a Te (a Cl. VENUTO) fuerat, dum
„ Nummus ipse a Palatio, non inglorio antiquita-
„ tis cultore, asservabatur, mihi que perhumaniter
„ concessa a Te fuit; verum etiam imaginem ipsam
„ cum argenteo nummo conferre mox volui, quem
„ in uberrimo, ditissimoque rariorum Numismatum
„ thesauro Stofschiano Florentiæ conspexi.)

Laudabilis plane, ac necessaria industria, ut
ectypa duntaxat imago, cum numo ipso contende-
retur; præsertim cum *Stofschianum* numismata aut idem
esse cum *Palatiano* videatur; quando figuræ omnes,

A 3

no-

(a) Corsini Dissertatio: præfationis pag. IV. & V.

notæque, atque ipsæ literæ, in vocabulo ΒΑΣΙΛΕΩΣ extritæ, ad amussim conveniunt : aut sane numismata ambo eodem typario procusa fuisse res ipsa fere prodant.

Dubium itaque molestissimum mihi subortum est : rectene lectum sit nomen : *Minnisari*, in *ectypa imagine* : ΑΣΙΑ. ΜΙΝΝΙΣΑΡ. ΕΩΤΗΡΟ. ΤΑΓ. quando in ipso prototypo STOSCHIANO legitur : ΑΣΙΑ. ΑΔΙΝΝΙΓΑΟ : ΕΩΤΗΡΟΕ. ΤΑΓ. *Regis Adinnigai* . . . Nam cetera omnia plane gemina sunt. En igitur iconismum numismatis *Stoschiani*, *Ænei*, non *argentei*, quod ipso Cl. Barone STOSCHIO liberaliter præbente, Doctissimus ANTONIUS FRANCISCUS GORIUS delineandum curavit, atque ad me misit, manu sua testatus, peraccuratum hunc esse iconismum.

Vide Tabulam Numismatum Num. I.

Cum itaque plus tribuendum sit *Numismati ipsi*, quam *ectypæ imagini olim acceptæ*, & cum numo ipso indiligenter collatæ, aut ejus dissimulata diversitate ; profecto dubitare magnopere licet : utrum ex ΑΔΙΝΝΙΓΑΟ, vel simili saltem vocabulo, ΜΑΝΙΣΑΡΟΣ enasci probabiliter possit?

DU-

DUBIUM II.

Anne Manisarus Dianis, Rex dici satis tuto possit?

Sed demus, loco ADINNIGAI legi posse: MINNISARI, si fingatur Tò M male per $\Lambda\Delta$ expressum in numo barbaræ fabricæ: item si ponamus in T desiderari lineam inferiorem, item loco P facili lapsu O positum fuisse: quæ quidem ego omnia ita immutare non auderem, rem novam asserturus. Quod si adeo barbaræ fabricæ essent hæc numismata, nihil verisimile ex iis extundi pro MANISARO posset. Demus inquam MINNISARUM legi posse, & admodum simile esse MANISARI nomen. Hæreo tamen anxius, fatin' tuto ΒΑΣΙΛΕΩΣ *Regis* titulus, tribuatur MANISARO, qui in numismate isto, MINNISARO (ADINNIGAO) adscriptus cernitur.

Equidem Cl. CORSINO dubium vix occurrisset videtur, dum scripsit: (b) „ A Dione solum,
 „ quidam Manisarus Armeniæ, ac Mesopotamiæ
 „ REX memoratur: ac Minnisari nostri ætas, æra
 „ nempe nummo inscripta, cum ejus Manisari
 „ ætate mire conspirat, nullus propemodum dubito,
 „ quin nummus iste, quem illustrandum su-
 „ scepi,

(b) *Dissertationis pag. 2. item pag. 29.*

„ scepi, ad Manisarum Armeniæ REGEM, a Dio-
 „ ne memoratum referri debeat.) Et alibi confi-
 „ dentia majore „ sed unus tamen idemque censens
 „ dus erit MANISARUS ille, qui a Dione memoratur,
 „ & MINNISARUS in nostro nummo expressus, qui in
 „ Armenia imperavit anno V.C. 858.

Si DIO CASSIUS, qui solus MANISARI meminit,
 eundem REGEM appellasset, nullus dubitarem de
 Manisaro Rege; verum locus DIONIS, qui Regem præ-
 potentem probare videtur MANISARUM, neque DIO-
 NIS ipsius verba complectitur, sed THEODOSII ex-
 cerptis constat: neque locus ille satis sanus, aut
 satis integer est; sed quæ de MANISARO dici, deque
 Armenia, & Mesopotamia videntur, ea ad CHOSRÖEN
 Parthorum Regem propemodum certo sunt refe-
 renda. Ita vero DIONIS locus habet: „ Cum au-
 „ tem venisset in Mesopotamiam Trajanus, jam-
 „ que missi essent de pace præcones a Mano, & Ma-
 „ nisaro (quod eidem Hosröes bellum inferret)
 „ mittente, & paratum se se ostendente ut dece-
 „ dat Armenia, & Mesopotamia captis: nec ei-
 „ dem se prius fidem habiturum (TRAJANUS) re-
 „ spondit, quam profectus ad se, promissa factis
 „ constabiliret: & Manum suspectum habebat, tum

„ quod auxiliares copias Mebarsapæ Adiabenes Regi misisset, tum quod - - -) (c)

Hic primum MANISARUS non compellatur BASIAETΣ REX, quo titulo mox honoratur Mebarsapes, Adiabenes Rex. Quod si Armeniam, & Mesopotamiam ab se occupatas tenuisset MANISARUS, profecto præ Mebarsape Regis titulus eidem erat adscribendus. Verum, vitiosus præterea est hic locus, atque narrationi THEODOSII deesse videtur aliquid, quo restitutio Armeniæ, ac Mesopotamiæ ad Chosröem referatur, qui Armeniam, Exedari ereptam, Parthamasiridi fratri suo tribuerat, ipso Cl. CORSINO (d) id confitente.

Sed ego partium studio fortasse adducor, ut THEODOSII ex DIONE locum ita accipiendum censeam? Sumatur igitur causæ arbiter, ab ipso Cl. CORSINO merito dilaudatus, atque in hujusmet hi-

B

sto-

(c) *Excerpta Theodosii ex Dionis lib. LXVIII. pag. 780. edit. Wechel.*
Græca ita: Τὸ δὲ Τραυρὺ εἰς Μεσοποταμίαν ἐλθόντος ἡ τῷ Μάρῳ ἐπιση-
 ρευσαμένη, ἡ τῷ Μανισάρῳ περὶ σβείας ὑπὲρ εἰρήνης, διὰ τὸ τὸν Ὀσρόην
 ἐπιστρατεύειν αὐτῷ, πύμψαντος, ἡ τῆς τε Ἀρμενίας ἡ τῆς Μεσοποταμίας ἐπα-
 λουσίας ἀπώσθαι, ἰσομῶς ἐχούσης; Οὐτε ἐκείνῳ πιστεύσειν τί ἔρη, πρὶν
 ἀπελθὼν πρὸς αὐτόν, ὥσπερ ὑπισχέσσο τοῖς ἔργοις τὰς ἐπαγγελίας ἐξαίωσθαι.
 καὶ τὸν Μάρον ὑποπτεύσειν, ἄλλως τε ὅτι ἡ συμμαχίαν Μανβαρσαπῆ τῆς
 Ἀδριαβηνῆς βασιλῆϊ πύμψας - - .

(d) *Dissertat. pag. 3. 4.*

storiæ decursu singulari encomio decoratus: TIL-
 „ LEMONTIUS quo certe nemo subtilius, atque accu-
 „ ratiùs hanc temporum, rerumque gestarum feriem
 „ exploravit.) (e) TILLEMONTIUS itaque (f) po-
 steaquam MANISARI (quem *Dynastam aliquem* iis in
 regionibus appellat) legationem ad Trajanum ex
 controverso isthoc DIONIS loco exposuit, deinde
 subjungit.: (g) „ Sententia seu contextus Dionis
 „ indicat: Manifarum obtulisse (TRAIANO) cessio-
 „ nem Armeniæ, & ejus, quod in Mesopotamia
 „ occupatum erat.* Sed hoc admodum male co-
 „ hæret; neque enim aliud id offerre, præterquam
 „ Chrosões poterat.) Itaque TILLEMONTIO arbitro,
 (qui in asserendo & castigando modum tenere sem-
 per solet) neque REX fuit MANISARUS, neque Re-
 giæ potentiæ argumentum desumi ex prædicto Dio-
 nis loco potest, adeo male cohærente.

DU-

(e) *Dissertationis pag. 6.* (f) *Tillemont Histoire des Empereurs To-
 moll. pag. 193. Trajani Agric. XX. Manisare, qui étoit quelque Seigneur
 de ces quartiers-là.* (g) *Tillemont ibidem pag. 194.: Le texte de Dion por-
 te, que ce Manisare offroit de céder l'Arménie, & ce qui étoit conquis dans
 la Mesopotamie. Cela se suit très mal, & il n'y avoit que Chrosées, qui
 pût faire une telle offre.*

DUBIUM III.

*Si Rex fuisset Manisarus, utrum credibile sit,
Armeniae Regem fuisse?*

QUOD si rursus liberaliter demus, Regem fortasse dici potuisse MANISARUM; Reliquum erit dubium, utrum ARMENIAE REX probabiliter a CL. CORSINO sit compellatus. Scriptoris veteris testimonium nullum suppetit, præter DIONIS locum illum, cui TILLEMONTIUS, quam æquus iudex, quamque in definiendo cautus! jus suffragii diserte abrogavit. Quod si TILLEMONTIO non acquiescat fastidiosus aliquis, ipsum CL. CORSINUM testem adduco, quo evincam, ex Dionis auctoritate deduci non posse: MANISARUM ARMENIAE REGEM fuisse. EN seriem certorum Armeniae Regum inde ab Neronis temporibus, ad priorem Trajani expeditionem in Mesopotamiam, Armeniam, & Parthiam, verbis CL. CORSINI: (h.) „ Tiridati, qui „ Armeniae Regnum anno V. C. 819. a Nerone „ obtinuerat, Exedares filius successerat. Exedarem autem hunc Chosrões Parthorum Rex „ Armenia spoliavit, ut regnum illud Parthamasi- „ ridi tribueret. - - - Quum vero Trajanus im-

B 2

perii

„ perii Romani jura, ac Majestatem violatam esse
 „ cenferet, quod Armeniæ rex Parthamasiris (non
 „ Exedares ut putavit Tillemontius) a Parthis in-
 „ intrusus, non a Cæsare electus esset, anno V. C.
 „ 859. bellum Parthis illaturus concessit.)
 Porro idem Cl. Dissertator ex DIONE narrat: a Tra-
 jano spem omnem REGNI ARMENIÆ retinendæ a-
 demtam fuisse PARTHAMASIRIDI, qui dissimulato an-
 tea Regis titulo ultro se Trajano stiterat. His ad-
 jungo aliam rem, quæ huc plane facit, ex CL.
 CORSINO: (i.) „ Accedit etiam, quod ubi pri-
 „ mum Trajanus in orientem pervenit, Chosroïs
 „ ac Parthorum res mire florebant.

Cuivis jam judicandum relinquo, sitne ulla ra-
 tione probabile, hoc rerum statu, certo ARME-
 NIÆ REGE Parthamasiride, quem Chosroïs fratrem,
 (non nepotem) CL. CORSINUS nominat: (l.) flo-
 rentibus maxime Chosroïs rebus, ARMENIAM, & ME-
 SOPOTAMIAM possedisse MANISARUM nescio quem, at-
 que de his Provinciis Trajano ab se reddendis per
 legatos MANISARUM potius, quam Chosroëm egisse?
 Porro autem locus ille vitiosus THEODOSII ex DIO-
 NE, aliud nihil de MANISARO refert, neque alio

tem-

(i) *Discretionis pag. 5. ad finem.* (l) *pag. 4. sub initium.*

tempore Manisari mentionem ullam facit quam priore ist hac Trajani in orientem expeditione.

Quod vero CL. CORSINUS, ut suæ Æræ Parthicæ fa-
veat, Manisarum intra annos V. C. 853. & 859. partem
ARMENIÆ, & MESOPOTAMIÆ (etsi DIONIS locus non
partem, sed ARMENIAM, & MESOPOTAMIAM OCCU-
patas perhibeat) occupasse coniectet, id an quis-
quam, sine certiore ullo scriptoris veteris testimo-
nio crediturus sit, dubitare non desino.

DUBIUM IV.

*An propositi numi species suadeat, eundem Ar-
meniae, aut Parthici generis Regi tribuendum.*

Nihil argumentorum prætermittendum censuit
CL. CORSINUS, quis probabile ostenderet:
MINNISARI sui numisma ad Armeniæ Regem, cum-
que Parthis aliqua ratione obnoxium pertinere.
Ipso præclaræ Dissertationis initio ita ex numisma-
tis modulo, ac metallo conjiciendi initium facit,
quo MINNISARI numisma referendum sit: „ Min-
„ nisari Regis numus, quem ipse omnium primus
„ in lucem hic profero, *argenteus, ac tetradrachmus*
„ est: cujusmodi fere plerique Parthorum, atque Ar-

„MENIORUM regum nummi esse solent.) Primum Stoschianus ADINNIGAI numus æneus, aut fors subæratatus est: deinde non possum non de utraque assertionem magnopere dubitare. Parthiæ regum in *Vaillantii historia Arsacidarum* plures proferuntur parvi moduli, argentei numi, quam magnæ formæ, seu plures unius drachmæ, quam drachmarum quatuor. Inter Arsacidarum numos argenteos triginta & octo, quos rara felicitate simul omnes FRANCISCUS IMP. AUG. acquisivit, non nisi quinque tetradrachmi sunt, ceteros omnes, sextuplo plures, drachmales, seu parvi moduli esse, oculatus testis assevero.

Armeniæ Regum certos numos alios non inveni, (præter duos vel tres *æneos*, quos inferius producturus sum) nisi Tigranis. Quotquot porro Tigranis numos noveram, aut ipse inspexeram, recensui in opusculo meo: *Annales Compendiarii Regum, & rerum Syria*. (m.) Argenteos magni moduli, seu tetradrachmos Tigranis non nisi unius typarii, apud VAILLANTIUM (n.) deprehendi: æneos vero, ac parvi moduli, diversæ aliquantum rationis, omnino quatuor exhibui.

Sed

(m) *Annalium* pag. 115. & *Tabula figurarum*: XVI. (n) In *Historia Seleucidarum, in Tigraue ad initium & finem ejus vite*, pag. 388. & 400. Paris. 1681.

Sed est hoc de re levi, etsi non leve, dubium, soleantne plerique PARTHORUM, atque ARMENIORUM regum numi esse argentei tetradrachmi. Fortasse de Syriacis Seleucidarum regum numis tum cogitabat CL. CORSINUS, quorum plerique numi argentei *tetradrachmi* esse solent: rari vero sunt didrachmi, & drachmales. Quare argumentum a modulo, & metallo *numi Minnisari*, cum potius ad Seleucidarum rationem, & Æram revocandum suadent.

Gradum jam faciamus ad ea, quæ majoris sint momenti. MINNISARI sui numisma persimile esse numis MONNESIS, Parthorum, sive Armeniorum regis, CL. CORSINUS prædicat. (*) „ Si regis facies huic numo impressa cum ceteris hætenus „ vulgatis Regum vultibus conferatur, nulli pro- „ pemodum similis deprehendi illa poterit, quam- „ vis promissa coma, barba, ac diadema in pleris- „ que Arsacidarum nummis occurrant.

Dubito, an non *sola barba* Arsacidarum ad similitudinem numi MINNISARI referri possit; nam diadema aliud est in Parthicis numis, & in Mon-
ne-

(*) *Dissertationis pag. 1.*

16 NUMI SPECIES AN ARMENIACA?

nefis numo: ac non raro caput Parthorum mitra tegitur. Coma vero MINNISARI (seu ADINNIGAI) ita peregrino, lepidoque cultu composita est, aut contestā; ut nulli omnino Parthiæ, aut Armeniæ regum numismatico capiti comparari possit. Barbato vero, ac diadematū caput etiam Seleucidas inter Syriæ reges videre licet Seleuci II, Demetrii II. Antiochi IX. Demetrii III. Antiochi XIII. (o) Neque vero Arsacidæ omnes barbato vultu, aut promissa cum barba comparent.

Sed pergamus ad alteram numismatis novi faciem, quæ forte Herculem sedentem exhibet. „ Hic „ ipse tamen (*prosequitur Cl. Auctor*) adversæ partis „ typus in duplici Monnesis Parthorum, sive Armeniorum Regis nummo conspicitur, quorum alter a Vaillantio, cum epocha T K B, altera Maffejo describitur cum epocha T K E. atque „ ita in utroque legitur: BACIAEΩC. MON- „ NHCOT. ΣΩTHPOC. *Regis Monnesis Servatoris.*

Dubitatur, num integre hæc relata sint? nihil ne suppressum, quo similior MINNISARI numus MONNESIS numis videatur? Nam in VAILLAN-

TII

(o) *Annales compend. Regum & rerum Syria Tab. V. VIII. X. XIII. XV. XVI*

Ἡ numo MONNESIS est titulus major: ΒΑCΙΑΕΩC.
ΒΑCΙΑΕΩΝ. *Regis Regum*: præterea tam apud
VAILLANT additur ΕΠΙΦΑΝΟΥC., quàm apud
Massejum adjunctus legitur præterea titulus ΕΤΕΡ-
ΓΕΤΟΥ ΒΕΝΕΦΙCΙ, post ΣΩΤΗΡΟC. Itaque
apud VAILLANT legimus: (p)

ΒΑCΙΑΕΩC. ΒΑCΙΑΕΩΝ. ΜΟΝΝΗCΟΥ
CΩΤΗΡΟC. ΕΠΙΦΑΝΟΥC. Υ Κ Β.
Regis Regum Monnesis Servatoris Illustris. anno 422.

Apud MAFFEIUM: ΒΑCΙΑΕΩC. ΜΟΝΝΗ-
CΟΥ. CΩΤΗΡΟC. ΕΤΕΡΓΕΤΟΥ. Υ Κ Ε.
Regis Monnesis Servatoris Benefici: anno 425.

Est quoque characterum forma in Ω, & Ο,
& C, alia in ΜΙΝΝΙCΑΡΙ, vel ΑΔΙΝΝΙΓΑΙ numis. Hæc
diversa, sed dissimulata, numorum ratio ambi-
guum me relinquit, sitne omnino suffragandum
illis doctissimi CORSINI verbis: (q.) „ Itaque hæc
„ maxima affinitas, quæ inter Monnesis, ac Min-
„ nisari nummos reperitur; sive diadema, crines,
„ & barbam, sive potius characterum ordinem,
„ situm, atque æram, præsertim vero adversæ par-

C

tis

(p) *Vaillant Regum Persarum historia Tom. I. pag. 339. edit. Paris.*
1725. (q) *Dissertationis pag. 2.*

„ tis typum consideres, facile, ut opinor, certo-
 „ que ostendit, Minnisarum hunc Armeniæ, aut
 „ Parthiæ regibus accensendum esse, quibus Mon-
 „ neses ipse Vaillantio, ac Maffeo iudice adscribi
 „ debet.

VAILLANTIUS pag. 339. Monnesen Regem Par-
 thiæ, non Armeniæ, facit : MAFFEIUS Epist. XXII.
 dubitat, an Regi Parthis dato sub Trajano, an
 Monnesi nobili Partho, anne MANISARO Dionis
 tribuat, quem tamen Armeniæ regem non creat.

Mitius jam hic locutus est Cl. Auctor, & *potius*
affinitas maxima, inter laudatos numos, redit deni-
 que ad *characterum ordinem, situm, & æram, ac typum*
 Herculis sedentis, & clavam tenentis, quem in
 VAILLANTI numo Monnesis similem concedo nu-
 mismati ADINNIGAI, seu MINNISARI; sed MAFFEIUS
 non nisi figuræ nudæ sedentis meminit. Enim ve-
 ro barba, diadema similis, *characterum ordo & situs,*
 & æræ modus, vel numerus, singula Seleucida-
 rum numis æque convenire possunt: atque Hercu-
 lis sedentis & clavam tenentis *typum* sub Antio-
 cho II. Syriæ Rege in *argenteo numo* tetradrachmo
 ego

ego quoque, fortasse primus, protuleram, (r) cum capite d'ademato, similique literarum ordine, ac situ. Denique in Seleucidarum Syriae regum numis titulus ΣΩΤΗΡΟΣ, SERVATORIS (qui ADIN-NIGAO, seu MINNISARO adscriptus est) legitur, cum in argenteo tetradrachmo, tum in æneo minore Antiochi I. SOTERIS, tum aliis Demetrii I. numis vel solus ΣΩΤΗΡΟΣ titulus, vel aliis subjunctus.

Comparatis itaque omnibus dubito, an non ad Seleucidarum numismatum potius, quam ad Parthicorum vel Armeniacorum similitudinem ADIN-NIGAI, vel MINNISARI numisma accedat. De numis porro Armeniae regum maximus me urit scrupulus. Certi regum Armeniae numi haecenus producti non sunt, nisi Tigranis; at ii imberbem exhibent vultum, caput cidari quadrata, & coronata obtectum: in averfa parte nullam æram, & præterea typum longe alium, vel mulieris turritæ sedentis cum emergente ad pedes fluvii figura, vel Victoriæ gradientis; ut plane de Armenia plusquam dubium mihi videatur, ad ejus nempe reges numisma novum nullo modo esse referendum. Hac igitur Prima parte solvenda proponuntur dubia; fidentumne sit lectioni: MINNISARI, in novo numisma-

C 2

te?

20 QUÆ CONSENSU DE ÆRA PARTHICA?

te? deinde an idem numisma sit MANISARO DIONIS tribuendum, isque ARMENIÆ REX dici possit, aut an ulli denique ARMENIÆ REGI hoc numisma convenire videatur?

P A R S II. *De Æra Parthica.*

D U B I U M I.

Utrum omnes Chronologi, & Frælicibilis, Vaillantii Æram Parthicam adoptent?

V AILLANTIUS Æræ Parthicæ initium in HISTORIA REGUM SYRIÆ (s) deduxit ab anno V. C. 504. ante Chr. 250. Sed in HISTORIA REGUM PARTHORUM (t) ab anno V. C. 498. Ante Chr. 256. utrumque initium sub Antiochi II., οὐδὲ dicti, regno Syriaco continetur. In ea sententia de Æra Parthica fuisse præter VAILLANTIUM, ac post eundem, omnes Chronologos, ac eruditos, CL. CORSINUS diserte pronunciat: (u) „ Quod a Vaillantio, ceterisque Chronologis omnibus æræ Parthicæ initium ab anno V. C.

(s) Pag. 48. & in Canone Chronologico præfixo.

(t) Pag. 2. edit. in 4. Parisina.

(u) Dissertationis pag. 11.

„ V, C. 498. five 504. ducebatur) Item alibi
 „ (x) ceterosque Eruditos omnes in hanc senten-
 „ tiam abripuit) nempe VAILLANTIUS de anno V.
 C. 498. Denique enumerando quosdam ita
 „ scribit: (y) Præsertim vero ut celeberrima Ar-
 „ facidarum Epocha Usserio, Petavio, Norisio,
 „ Spanhemio, Vaillantio, Froelichio, doctissimis
 „ nempe viris probata refelleretur.) Habitis pri-
 mum doctissimo CORSINO gratias, quod me tantis
 viris, præter mea merita, adnumerare dignetur;
 dubia duo subnascuntur: ane ego, ane Erudi-
 ti omnes citra exceptionem Vaillantio assentian-
 tur.

Me quod attinet, binis in opusculis Æræ Par-
 thicæ mentionem feci: in altero nihil definivi (z)
 sed posteaquam Regum Parthiæ numos proposui,
 subjunxi: „ Si calculum Vaillantii sequamur, qui
 „ initium Æræ primæ (vel solius) Parthicæ consti-
 tuit anno ante Æram 256. - -) Igitur quæcunque
 deinceps de Æra Parthica dixi, ea in *hypothesi* acci-
 pienda sunt: *Si calculum Vaillantii sequamur.*

Sed a Vaillantii sententia me non ita cæco

C 3

im-

(x) Ibidem pag. 20. (y) Præfationis *de differt.* pag. III. & IV.
 (z) *Regum Veterum numismata* pag. 67.

22. QUÆ CONSENSIO DE ÆRA PARTHICA?

impetu abreptum fuisse, sed propemodum in Pyrrhonismum Chrono-parthicum me incidisse, declaravi in ea opella, quam de Syriæ Regibus conscripsi. (a) ubi diversa Æræ Parthicæ initia indicavi; tametsi in eam sententiam potius inclinaverim, quæ circa Antiochi Θέρου finem, & Seleuci II. initium Æram Parthicam ex diserto EUSEBII temporis characterē constituit ad annum Olympiad. CXXXIII. primum, qui cum anni V. C. 506. & sequentis parte congruit, quo Antiochus II. decessit. Denique *tertia* (de celebrioribus) & maxime *solemnis Æra Parthica*, sub Seleuco II. mentionem feci, & in *Annalibus* ad an. Ante Chr. 238. & fusi in *Prolegomenis*, (b) Nihil vero definire volui, quænam ex his Æra sit, unde ducendi sint *anni*, Regum Arsacidarum *numis* inscripti. Porro non probari mihi omnem ordinem, quo Arsacidarum numos digessit VAILLANTIUS, indicavi, & probare conatus sum argumento, sumpto ab ipsa VAILLANTII Æra Parthica. (c)

Sed parum refert, quid ego sentiam, dum Eruditi omnes in Vaillantii opinionem conspirent. O-

mnnes

(a) *Annales compendiarii Regum & rerum Syria: ad annum ante Æram Christi 256. item anno 253. item 250. item 248. omnia pag. 26. Annalium.* (b) *Ibidem Annalium pag. 30. anno ante Christum 238. & Prolegomen. Parte IV. Cap. V. pag. 64. &c.*

(c) *Regum Veterum numismata pag. 57.*

mnes non consului; at occurrere tamen facile aliqui, qui reclamant. THEOPHILUS SIGEF. BAYERUS, (d) qui tertiam æram Parthicam refert in annum Ante X. 240., Seleuci II^{di} octavum. VALESIIUS quoque in notis ad AMMIANUM MARCELLINUM, a sententia illa non abripitur, quæ sub Antiocho II. tantum Æram Parthicam inchoat; quippe qui auctores diffidentes, atque obscure quædam narrantes conciliare nititur, (e) itaque subjungit: „Duplex igitur „ epocha Parthici imperii notanda est: prima ex „ defectione Parthorum sub Antiocho Theo con- „ surgit: secunda a victoria insigni, qua Seleucus „ Callinicus ab iisdem superatus est.) Neque defunt alii Chronologi, qui sub Seleuco II. contra VAILLANTII sententiam, Parthici regni cum Arsace initium constituent. (*) Perquam ambiguum igitur manet, omnesne Eruditi, & post eos Froelichius, Vaillantii sententiæ suffragentur?

DU.

(d) In historia regni Græcorum Bactriani. (e) Valesii adnotatio fuffior ad lib. XXIII. Cap. VI. Ammiani Marcellini, pag. 282. edit. 1693. Lugd. Batav.

(*) Sub Seleuco II. Parthica Monarchia cum Arsace initium posuere: Sallianus in Epitome Annalium ab se facta, pag. 849. (Resnerus Reineccius Syntagmatis de Familiis Tom. I. pag. 238.) (Dubitat Sæthius Calvisius in opere Chronolog. pag. 134.

DUBIUM II.

An non probabilius sit sub Antiocho II., quam sub Seleuco II. Æram, aut regnum Parthicum cœpisse?

AT plerique saltem Chronologi, ac Eruditi Antiochi II. temporibus æræ Parthicæ initium illigavere? Sit ita sane, atque inde alius me scrupulus urit: invenisse nempe Eruditos prope omnes magni momenti argumenta, queis permoti Æram Parthicam sub Antiocho II. potius, quam sub Seleuco II. inchoarent.

Illud hic mihi, spero, facile concedetur, dum inter scriptores controversum est, quo tempore, quoque anno res aliqua acciderit; ab illis auctoribus potius esse standum, qui perspicuos, certosque temporis, annive ipsius characteres prodidere, quam ab aliis, etsi vetustioribus, qui aliud agentes, narrationem aliquam, quæ dubio non careat, protulere, de cujus tempore certo nihil adjiciatur.

Jam vero EUSEBIUS, Chronologiæ Pater, ita de initio regni Parthici, ad *Olympiadis CXXXIII.*
annum

annum primum, Antiochi Θεῶν XIV. (f) „ Parthi
 „ a Macedonum & ANTIOCHORUM principatu
 „ defecerē. Primus regnat apud eos Arsaces, a
 „ quo Parthorum reges Arsacidæ compellati sunt.

Rem eandem eodem *anni* caractere adnota-
 vit *Olympionicarum Catalogus*, seu *Historiarum Colle-
 ctio vetusta*, *Olymp. CXXXIII. an. 1.* (g) „ Parthi
 „ a Macedonibus defecere, primusque regnavit
 „ Arsaces, unde Arsacidæ.

Alio item *certo anni* adscripti caractere, Scri-
 ptoribus græcis suffragantur, de initio regni Par-
 thici sub Antiocho II. statuendo, duo Scriptores
 peregrini, qui Parthicas res e suis, vicinisque
 tabulariis fortasse æque, aut magis etiam nosse
 poterant, quam Græci. *Moses Chorenensis*, sæcu-
 li a Christo nato quinti Scriptor, qui Armenia-
 cam historiam Armenus ipse patria lingua conscri-
 psit, Regni Parthici initium ab Arsace constituit

D

anno

(f) *Eusebii Chronicæ posse. seu Canon, pag. 169. in Thesauri Temporum
 Scaligeri*: ΟΛ. ΡΑΓ. Α. ΑΝΤΙΟΧΟΥ ΘΕΟΥ ΙΔ. Πάρθοι τῆς Μα-
 κεδονῶν ἢ Ἀντιοχῶν ἀρχῆς ἀπέστησαν. Πρώτος βασιλεὺς αὐτῶν Ἀρσάκης.
 ἀπ' οὗ οἱ Παρθῶν βασιλεῖς Ἀρσακίδαι ἐχρημάτισαν.

(g) *Thesauri temporum pag. 336.* ΟΛ. ΡΑΓ. Α. Πάρθοι Μα-
 κεδόνων ἀπέστησαν, ἢ πρώτος ἐβασίλευσεν Ἀρσάκης, ὁδὸν Ἀρσακίδαι.

anno Æræ Seleucidarum LX. qui est Antiochi II.
Θ'ος undecimus, vel decimus, V. C. 501. (h)

Quod si CL. CORSINUS (pag. 22. & 23.)
non modo AGATHIÆ, sed SYNCELLI etiam, & ipsius
compilatoris SUIDÆ testimonio ad exculpandum
ingeniose pro sua sententia temporis argumentum
adhibere, & cum fiduciæ quadam specie ea pro-
ducere voluit; mihi sane quinti, & ita multo
melioris, sæculi historicum, qui proximæ sibi
regionis res certo temporis charactere enarrat, in me-
dium adducere cur non liceat?

• Et quoniam USSERIUS, vir e Chronologorum
ordine inter præcipuos, MIRCONDI Persæ suffra-
gium adhibere hanc in rem non dedignatur, ver-
ba USSERII adscribere non pigebit: (i) „ Man-
„ lio Vulsone, & Attilio Regulo consulibus (in
„ quorum consulatum belli Punici primi annum
„ 14. incidisse notat POLYBIUS) Parthi Arsace
„ Duce a Macedonibus primum defecerunt.
„ (TROGUS POMPEJUS lib 41.) Hunc recentio-
res

(h) Edita est hac *Historia Armenia*, Armeniace scripta, cum addita
interpretatione latina Whistonorum fratrum, Londini 1737. quam vide
lib. II cap. I. & II. (i) *Usserii Annales Per. & novi Testam. ad an-*
num ante Æram Christi 250. edit Geneva.

„ res Persæ *ASKI*, vel *ASKAM* nominant, *Mircondus* *CHAPUR* : quem 72. annis post mortem *Alexandri* regnare cœpisse scribit, quod tempus uno tantum anno *Vulsonis*, & *Reguli* consulum antecedit, triennio vero *Olympiadem* CXXXIII. qua *Arfacis*, & *Parthorum* defectio- nem. . . .

Recentioribus qui dem sæculi XV. temporibus floruisse *MIRCONDUM* (seu *MIRKOND*, seu *EMIR-KOND*) me non latet; magni tamen fieri solet ejus historia Persica; quod e vetustis Persicis Scriptoribus sua sumpsisse videatur.

Quotcunque fere antiquorum temporum habentur characteres certi apud Græcos, & Orientales, nempe *Olympiades*, anni *Æræ Seleucidarum*, anni ab obitu *Alexandri Magni*, isti omnes *Arfacidarum* initium sub *ANTIOCHO II.* comprobant.

Transcamus etiam ad Latinum Scriptorem, eumque pervetustum *TACITUM POMPEJUM*, cujus utinam plura nobis, magisque dilucide *JUSTINUS* in sua epitome perhibuisset. Quod si in rerum gestarum ordine, ut facile compendiorum fabris accidit, ali-

quid peccavit JUSTINUS, *disertos tamen temporis characteres* a primævo auctore desumptos fuisse, dubitare non licet.

Scriptores inter, qui satis perspicue Antiochi II. *Θεῶν* temporibus Parthici Arsacidarum regni exordia includunt, TROGUM jure merito censeo, consentiente USSERIO; etsi JUSTINUS de suo aliqua immiscuisse videatur, atque intempestive SELEUCUM Regem appellasset illic, ubi ANTIOCHI II. prodita sunt tempora. De *Anno* isthici, atque de *certo tempore* agitur: *Anni* porro, certique temporis characteres duos, & concordēs, ex TROGO JUSTINUS profert, eisque Arsacis a Macedonibus defectionem illigat his verbis: (K.) „Posthunc (EUMENEM) a Nicatore „Seleuco, ac mox ab Antiocho possessi, (PARTHI) „a cujus pronepote Seleuco primum defecere pri- „mo bello Punico, L. Manlio Vulsone, & M. Atti- „lio Regulo Coss. Hujus defectionis impunitatem „illis duorum fratrum regum Seleuci, & Antiochi „discordia dedit.

Hic jam criticorum more quæritur; utri assertioni JUSTINI epitomatoris plus deferendum sit, dum

(K.) *Justinus historia Philippica libro XLI. cap. IV.*

dum *de tempore* quæritur, an duplici *notæ temporis*: an appellationi SELEUCI, pronepotis Seleuci I., quando horum alterum cum veritate stare non potest?

Porro autem Consulum illorum MANLI & ATTILII tempus, egregie & Antiochi secundi regno, & bello Runico primo respondet, sive MANLIUM cum M. ATTILIO, sive cum L. ATTILIO REGULO consulem conjungas, secundum Chronologiam PETAVII, & communem.

Videtur fane IUSTINUS ambigua sua narratione primordia principatus Arsacis, cum belli progressu confudisse, & cum seditiosorum impunitate, quam continuo Seleuci II. & Antiochi fratrum discordiæ recte adscribit.

Idem JUSTINUS ejusdem narrationis decursu Arsacem primum cum secundo, ejusque rebus gestis, confudisse videtur; si SYNCELLO (addo & EUSEBIO) credimus, de duobus tantum Parthici regni, annis Arsacis primi. Itaque si libero a partium studiis animo JUSTINI, vel potius TROGI sententiam dijudicemus (ita sentientibus *omnibus fere Chronologis*

30 ANNI ERÆ PARTH MENTIO CLARA.

& eruditis, qui JUSTINUM legerunt, & pro ANTIOCHI II. ætate hic tamen pronunciarunt) statuemus: JUSTINUM in Seleuco II. primum appellando de suo errasse, quoad Parthicæ defectionis initia: anni vero characterem ex TROGO retulisse. Atque ea ratione magni momenti dubium est reliquum, an non TROGUS VAILLANTII sententiæ probabilius faveat, quam CL. CORSINI?

DUBIUM III.

Anne Arrianus potius Cl. Corsino, quam Vaillantio faveat?

Vidimus Scriptores, qui certo, ac definito anni characteri usi sunt, sub Antiocho II. Parthici regni initia constituisse. Videamus jam auctorem, qui non anni quidem, sed Regis Syriaci mentionem fecit, sub quo id evenerit. Ex ARRIANI pervetusti historici libris de *Rebus Parthis* sequentia excerptit PHOTIUS (1). „ Parthorum genus esse Scythicum ait: „de-

(1) *Bibliotheca Ptoleii Codice LVIII. pag. 51. editio Schotti: Græca illa solum adferam, qua controversiam proprie illustrant: Οὗτοι Περσικὰ καὶ τὰ ὑπὸ τῷ Ἀντίοχῳ τῷ Βασιλεὺς, Θεὸν αὐτὸν ἐπικληρὶ ἀνομαζόν ἀλλ' ὀνομαζόμενοι Ἀρσασίδαι ὑπὸ Ἀντίοχῳ σαλβακῆς αὐτῆς τῆς χώρας καλῶς αὖτις Περσικαί, ἐπεὶ τοὶ ἱεροὶ τῶν ἀδελφῶν ἀισχυρῶς ἐπίστασι βιωσάμενοι, ἐν ἐνεργούσιν τὴν ὕβριν, ἀπελθόντες τὸν ὕβριστα, καὶ ἱεροὺς πύλας τῆν πρᾶξιν ἀνακρίνομενοι, καὶ τὸ ἴδιον τῶν Μακεδόνων ἀπέχουσι καὶ κατ' ἐαυτοὺς ἡρῶν. Similia plane de Antiocho, dicto Deo, habet editio Hasehellii pag. 24.*

» defecisse autem ipsos, in servitutem olim reda-
 » tos, a potestate Macedonum, averfis una Persis,
 » hanc ob causam: erant Arsaces ac Tiridates fra-
 » tres Arsacidæ, descendentes ab Arsacis Phriapiti
 » filio; hi Phereclum, sub ANTIOCHO REGE, cui
 » DEI cognomen imposuere, hi inquam Arsacidæ
 » illum sub ANTIOCHO Satrapam eidem regioni præ-
 » positum Phereclum, quod alteri fratrum vim tur-
 » piter inferre tentasset, non sustinentes contume-
 » liam, sustulere contumeliæ auctorem, aliisque
 » quinque ejus facti notitiam communicavere, at-
 » que gentem a Macedonibus abducentes ipsimet
 » ibidem regnare.

Hæc ex græco fere ad verbum transtuli, fidem præelegantia spectans. Novi equidem apud EUSEBIUM *Chronico priore*, ex quo sua (quod miror non observasse CL. CORSINUM) mutuatus est GEORGIUS SYNCYLLUS, eam rem paullo aliter proferri; sed PHOTIO, qui *ex professo* se excerpta illa ex *Arriani Particula* fecisse memorat, plus hic utique tribuendum, quam EUSEBIO, & SYNCYELLO, qui in media narratione obiter ita meminere: *at Arrianus inquit*, ut nescias, quidnam ex ARRIANO sit isthuc desumptum. PHOTII porro eruditio, judicium, & accurata industria (et-

si alibi vitiis, fraudibusque, ubi rei suae intererat, famae suae nocuerit.) facile hac in re EUSEBIO hæsitanti, ac varianti, & SYNCELLO exscribenti, etsi verustioribus, criticorum arbitrio præferetur. Denique in eadem illa narratione EUSEBII ubi, ARRIANI meminit, nulla ibi SELEUCI, sed tantum ANTIOCHI Regis fit mentio. Equidem EUSEBIUS, & SYNCELLUS in summa præfixa *Epigraphe*, Seleuco II. tribuere frequentem historiam videntur; sed id minus habet momenti. Nam cum PHOTII excerpta diserte, & iterum; Regem Antiochum II. *ὁν*, appellant; EUSEBII VERO, & SYNCELLI excerpta in ipsa narratione id, nominato illic solum ANTIOCHO, non negent; utique pro PHOTIO hic standum censeo.

Et vero EUSEBII, SYNCELLIQUE denique ambigua hæc opinio est: num reipsa sub Seleuco id contigisset; cum in ipsa *Epigraphe*, seu *titulo narrationis* hæitationem ambo suam prodant, dum ANTIOCHUM, CALLINICUM *cognominatum*, qui & SELEUCUS dictus sit, contra probos auctores, multoque antiquiores appellant SELEUCUM II. Antiochi II. filium, quem tamen SELEUCUM CALLINICUM, vel SELEUCUM *Tantum*, POLYBIUS, JUSTINUS, APLIANUS, STRABO, MARMOR VETUS ARUNDELIANUM, POLYANUS, PLU-

PLUTARCHUS, & in *Chronico Canone* ipse EUSEBIUS, PORPHYRIUSQUE appellant. Legerit nempe EUSEBIUS (& fors SYNCELLUS) in ARRIANO (vel potius SYNCELLUS in EUSEBIO) prædicta de Parthorum regni exordio sub ANTIOCHO contigisse; ast, cum ipsis alibi de SELEUCO quidquam occurrisset, iidem miram hanc auctores conciliandi methodum invenisse videntur, ut ita ANTIOCHUS CALLINICUS, quasi vero præcipuo, & usitato eo nomine, procuderetur, quem etiam SELEUCUM, velut secundario nomine, alii appellassent. Cl. CORSINUS (i) veluti ex ARRIANO is narrationis *titulus* quoque excerptus fuisset, una contextus serie, *titulum illum cum narratione* conjunxit; cum contra in *narrationis* exordio, solius ANTIOCHI vocabulum (ad mentem ARRIANI a PHOTIO expostiti) compareat, & in prævia *sua Epigraphæ* solum EUSEBIUS, & SYNCELLUS exscriptor, Seleucum cum Antiocho confuderint. Verum ut hæc omnia æquo Lectori manifeste pateant, SYNCELLI verba (quia SYNCELLUM, non EUSEBIUM, allegavit Cl. CORSINUS, ctsi eadem pene verba sint) & modum, quo in *Regia Parisina editione* proponuntur, hic repræsentabo.

E

SY-

(i) *Dissertatio Cl. Corsini pag. 16. & pag. 17. eadem ex Syncello repetit his verbis: Itaque si prima Arsacidarum desertio Antiochi, vel Seleuci Callinici tempore erupit.*

SYRIÆ ET ASIÆ REGES

Syriæ & Asiæ Rex 4. Antiochus, Antiochi Dei Filius, cognomento Callinicus, idemque Seleucus annis 27., mundi vero 5238.

„ **H**ujus ANTIOCHI tempore Persæ ab Alexandri
 „ Conditoris imperio Macedonibus & ANTI-
 „ OCHIS subjecti & ab eis ex causa hujusmodi de-
 „ fecerunt. Arsaces & Teridates fratres generis
 „ originem in Artaxerxem Persarum (quondam
 „ Principem) referentes, Satraparum munus in
 „ Bactros exercebant, sub Agathocle Macedone
 „ Persiæ Præsidente. Agathocles amatus Tiri-
 „ dati (ut Arrianus ait) adolescenti e fratribus
 „ structurus insidias, nihil obtinens ab eodem in-
 „ terfectus est, & ab Arsace fratre ipsius, & re-
 „ gnum Persarum capit Arsaces, (a quo Persarum
 „ Reges appellati sunt) annis duobus, ac tollitur
 „ e medio. Post eum Tiridates, frater annis tri-
 „ ginta septem. (k.) To-

(k) Syncelli (Et vero Eusebii quoque propemodum omnia) hæc sunt verba: Syncelli quidem pag. 248. edit. Regia; Eusebii Chronico priore, in Thesaurο tempor. pag. 54. Græc.

Συρίας & Ἀσίας βασιλεῖς.

Συρίας & Ἀσίας δ' ἐβασίλευσεν ὁ Ἀντίοχος

ὁ υἱὸς αὐτοῦ (ὡς τὸ Θεὸς) ὁ ἐπικληθεὶς Καλλίνικος

ὁ αὐτὸς & Σέλευκος ἔτη καὶ τῷ δὲ κόσμῳ εὐχρη.

Ἐπὶ τῷ τῷ Ἀντιόχῳ Πέρσαι τῆς Μακεδωνίας & ANTIOXΩΝ ἀρχῆς ἀπέστησαν, ὑπ' αὐτοῦ τελευτήσαντες ἀπὸ Ἀλεξάνδρου τῷ κτίσει διὰ τοιαύτην αἰτίαν. Ἀρσακὴς τις & Τιριδάτης ἀδελφοὶ τὸ γένος ἑλκονεῖς ἀπὸ τῶν Περσῶν Ἀγαθαδόχῳ ἐσαλράπτεον βασιλεῶν, ἐπὶ Ἀγαθοδόχῳ Μακεδόνος τῆς Περσικῆς. Ἀγαθοδόχῳ ἐραθεὶς Τιριδάτῃ, ὡς Ἀρσάκιος φησὶ, ἕως τῶν ἀδελφῶν & τῶν βασιλεῶν.

Totus hic in ANTIOCHI, & ANTIOCHORUM nomine, dum ex ARRIANO aliqua narrat, versatur SYNCCELLUS, & EUSEBIUS; haud dubie, quod in ARRIANO ANTIOCHUM legerint, uti PHOTIUS legit. Sequentem enim paragrapho (ubi nil ex ARRIANO) non jam ANTIOCHUM Callinicum, sed SELEUCUM Callinicum nominant & SYNCCELLUS; & eo potior EUSEBIUS. Itaque si non omnino certum, probabilius sane est, quæ EUSEBIUS ex ARRIANO de ANTIOCHO narrat (et si epigraphæ narrationis de Seleuco seu, Antiocho Callinico agat) de Antiocho II. Deo dicto, accipienda esse; primo, quia PHOTIUS ex eodem ARRIANO sua omnia excerpens, diserte isthuc ANTIOCHUM eo, appellat: deinde quia EUSEBIUS dubiæ, ut minimum dicam, locutionis suæ optimus interpres, in *Chronico posteriore* (ubi collectaneorum *Chronici prioris* fructus promit) sine omni dubio Parthicæ defectionis initium, auctore Arsace, statuit anno Antiochi II. 688 XIV.^{to} Olymp. CXXXIII.^{tiæ} anno primo. Cum ita perspicue de EUSEBII sententia constet, valeat SYNCCELLUS.



DUBIUM IV.

*Utrum Agathias cum Suida Cl. Corsini sententiae
faveant?*

CL. CORSINUS cum Scriptorem nullum inveni-
ret, qui Æræ Parthicæ, sub SELEUCO II. coep-
tæ, annum definitum, ac certum prodidisset, insigni in-
genii acumine ex AGATHIA pro sua sententia aliquid
argumenti, pro anni nota, eruere conatus est. Ita in-
quit (m) „Sed Parthicum tamen imperium ab il-
„ lo (ARSACE) occupatum, ad proximos annos,
„ nimirum ad 509. vel 514. v. c. referri debet. Id
„ ego facile ex pulcherrimo Agathiæ (*Lib. II. pag. 46.*)
„ loco ostendi posse putaverim. Itaque scriptor il-
„ le, quem Suidas etiam exscripsit, ut proinde in
„ annorum numeris error effingi non possit,
„ de Macedonibus ab Arsace ejectis, Parthico-
„ que imperio ab Arsacidis instituto loquens ait:
„ Ἀρσάκης ὁ Παρθυσῆος τῆς Μακεδονίας κρατή-
„ σαντας τῆς Περσῶν ἀρχῆς Ἐπὶ Σ' ϞΓ' ἐκβα-
„ λῶν, Πάρθοις τὴν βασιλείαν παρέδωκε. ARSACES
„ PARTHUS MACEDONES, qui PERSARUM imperium 293.
„ annis tenuerant, ejiciens, regnum PARTHIS tradidit. Quo
„ tamen loco, quum vere Macedones & Syriæ Reges
„ Ma-

(m) pag. 22. Dissertationis. Jam olim ex hoc Suida loco quem loco,
Agathia hic quoque Cl. Auctor citat, & ex ara Cyri, simile quid tentau-
rat Sallianus, quem vide in Epitome Annal. V. T. pag. 849.

„ Macedonum successores non 293. sed vix centum
 „ annis PERSIDIS imperio potiti sint, in Agathiæ vel
 „ Suidæ textu cum Scaligero legendum arbitror:
 τῆς Μακεδονας κρατήσας τῆς Περσῶν ἀρχῆς
 *Ετεῖ ΣϩΓ ἐκβαλῶν -- *Macedones, imperio Persarum anno*
 „ 293. potitus, ejiciens. Ergo prima Arsacis defectio
 „ contigit anno 293. ex quo Cyrus Babylonem in-
 „ gressus, imperium illud instituit.

Multa hic me incertum reddunt: Primo, si ex
 AGATHIÆ *pulcherrimo loco* resuscitandi potest, ecquid igitur
 locus AGATHIÆ non citatur? Cur præ fonte AGATHIÆ,
 lutulentus SUIDÆ, qui AGATHIAM excerp-
 sit, rivulus propinatur? lutulentus, inquam, is est
 rivulus, neque enim accurate SUIDAS AGATHIAM ex-
 scripsit, uti mox ostendam. Porro verba illa, non
 AGATHIÆ, sed SUIDÆ, quæ CL. CORSINUS protulit,
 atque illa ipsa forte non ita protulit, uti in SUIDA
 sunt; nam in SUIDÆ editione ex optimis una le-
 go: *Ετη διακόσια οὐνεήκοντα τρία - - - (n)
 non vero *Ετη ΣϩΓ. fors hæ *notæ* substitu-
 tæ sunt *vocabulis integris* numerorum; quod illa mu-
 tatio ETEI loco ETH nimis violenta videretur, de-
 berentque omnia illa vocabula mutari *Ετεῖ δια-

(n) Ita habet editio Suidæ Cantabrigiensis, curante Kustero 1705. qui
 extant Græcum cum Mss. codicibus contulit.

κοσιοσῶ ἔννενηκοσῶ τρίτῳ. Sed mittamus hæc, nam editiones diversæ esse possunt, ac potius redeamus ad AGATHIAM ipsum, qui citato loco, nempe libro II. (o) enarrat regni Medorum, regni Persarum, & regni Macedonum, ac denique Parthorum annos intervalli, nusquam autem in hac narratione refert, quo anno, vel quali inceperit regnum, sed quot annos duraverit. Atque ita nusquam ETEI sed ETH, aut æquivalentem sententiam isthic legimus.

De Medorum regno ita: ETH δὲ καὶ τέττων ἐν τῇ ἀρχῇ διανυσάντων οὐ μείον ἢ τριακόσια. Cum vero bi (Medi) annos non minus, quam trecentos imperio potiti essent. Deinde de Persarum regno ita: Κρατήσαντες δὲ καὶ οἱ Περσικοὶ βασιλεῖς ὀκτώ δὲ καὶ ἑκοσι καὶ διακόσια ETH. Persici autem Reges cum imperassent an nos viginti octo supra ducentos.

Mox Macedonum regnum prosequitur, de cuius duratione ita habet: Τοιγάρτοι ἄρξαντες οὐ λίαν ἐλάττωνα χρόνου τῶν Μήδων, ὅτι μὴ ἑπτα ἔτεσι δέοντα, πλείον δὲ κ' αὐταῦθα τῶν Πολυίσοι. Quæ ita pene ad verbum reddo:

Hi siquidem cum imperassent non valde minori tempore, quam Medi, quia nec septem annis minore: est vero isthic Polybistori cre-

credendum.) Ex hoc AGATHIÆ fonte SUIDAS (& etiam antea SYNCELLUS) deduxit annos 293. imperii Macedonici, *durationis annos*, inquam, non initium, aut *quoto anno* cœperit, aut desierit. Verum non accurate AGATHIÆ sententiam SUIDAS, & SYNCELLUS sunt assecuti: non enim dixit AGATHIAS: Medos præcise 300. annos, neque plures, imperasse, sed: *non minus quam. 300.* Dein AGATHIAS non asseverat: annos Macedonici regni esse præcise pauciores *annis septem*, quam regum Medorum, sed *nec septem annis* deficere. Ita cum 300. ut minimum, aut potius *plusculum quam 300. annos*, Medi regnaverint ad mentem AGATHIÆ, & *neque annis septem minus* duravit regnum Macedonicum, eidem ad mentem AGATHIÆ certo plures quam 293. anni durationis assignandi erunt, ac nimis perfunctorie ex AGATHIA calculos subduxere duo historici juniores. Est vero hæc AGATHIÆ narratio triplici titulo majori fide digna, quam SYNCELLI, & SUIDÆ; primo, quia vetustiore ab auctore prolata: deinde quia admodum caute, & modeste *de annis durationis* AGATHIAS loquitur: tertio quia ex pervetusti Scriptoris *Polyhistoris* fontibus ea se accepisse testatur.

Itaque plures quam 293. anni, quæ Macedones imperarint, AGATHIÆ & POLYHISTORIS auctoritati

ritati propius respondent, quam præcise 293., aut pauciores.

Hæc observatio mihi viam aperuit, absque ulla certi, & constantis textus arbitraria permutatione AGATHIAM explicandi. Macedonum regnum AGATHIAS extendit in omnes Alexandri Magni successores, etiam *Ægypti Reges*; *Ægyptum* enim expresse nominat inter regna Macedonum, quo uno Parthi non sint potiti: Igitur Macedonum *universum* tempus regni deficit denique vel in pugna Asiaca anno ante Christi æram XXXI. vel in morte Cleopatæ, ultimæ e Macedonum stirpe Reginæ: ea obiit anno ante Christi æram XXX. Incipit vero AGATHIAS regnum Macedonum diserte *interfectio Dario*: Δαρειῶν ἀποκτείνας, ac tum Alexandrum a Persis ad Macedones regnum transtulisse, quod evenit anno ante Christum CCCCXXX. Itaque de 330. demendo 30. vel 31. relinquuntur 300. vel 299. id est: *minus quam septem* demendo de 300. (aut potius de *plurculum quam trecentis*) ad mentem AGATHIÆ.

Itaque neque opus est immutatione vocis E T H apud SUIDAM, & SYNCELLUM in E T E I, neque sententia clara durationis regni; apud AGATHIAM, & SYNCELLUM, hanc correctionem admittit. Apud SYN-

CEL-

CELLUM enim æque diferte de duratione *regni Macedonici* agitur ; atque contra grammaticæ leges prodiret sermo , si loco E T H ponatur E T E I. Ἀλέξανδρος Μακεδόσι τῇν Περσῶν βασιλείαν ἐπέδωκεν, ἐκράτησαν δὲ τῆς Περσικῆς ἀρχῆς Μακεδόνες Ἐτη ΣϩΓ; οὗς ἐκβαλὼν Ἀρσάκης (ρ) si inquam ponatur: ἐκράτησαν Ἐτει ΣϩΓ ἔς ἐκβαλὼν, nempe loco veri sensus: *Macedones obtinuerunt Persicum Principatum annis 293, quos Arsaces ejiciens Partbis regnum tradidit.* Quæ foret ista locutio seu latina, seu græca? *Macedones obtinuerunt Persicum Principatum; anno 293 quos Arsaces ejiciens* . . . Sane Tò QUOS præponendum fuisset, si E T E I substituatur pro E T H. Verum cum in SUIDÆ textu facilius corrigi posset ΕΤΕΙ pro ΕΤΗ, ideo præ AGATHIA & SYNCELLO, utrique impar SUIDAS placuit.

At fingamus etiam (quod nullo modo admitti potest) legendum in SYNCELLO & SUIDA anno 293^{tiò} E T E I ΣϩΓ. unde convincet nos Cl. CORSINUS ab Æra CYRI esse annos illos deductos? quando singula regnorum intervalla suis regibus AGATHIAS terminat, quid Cyrus ad Macedones? At quoniam liberalissime cum viro liberalium artium peritissimo

F

pro-

procedendum est, concedam ab Epochâ Cyri AGATHIAM initium duxisse usque ad Arsâcis defectionem, quæ facta sit *anno Cyri 293*.

Duplicem esse CYRI regni epocham, nemo nescit: altera prior a devicto ASTYAGE: ab regno Babylonico occupato ducitur altera. Et quoniam de Cyri Epochâ PETAVIUM testem adducit Cl. CORVINUS, ejus arbitrium libenter accipio. Probabilius itaque erit, ut ab Epochâ *certa*, & a plerisque omnibus antiquis, ac recentioribus recepta, AGATHIAM Cyri initium supputasse dicamus, quam ab *incerta omnino*, etsi sacris in Literis ejus fiat mentio.

Audiat PETAVIUS, qui de priore Cyri Epochâ, ab ASTYAGE devicto, ita scribit (q) „ Nihil tam „ Chronologorum omnium veterum perinde ac „ recentiorum consensione firmatum, ac stabilitum „ est, atque Epochâ Cyri prior, quod ad Olympiadem spectat.) In Chronico PETAVIUS eam item collocat Olymp. L V. an. 2, ante Christum 559. V. C. 195. (r)

De altera Cyri Epochâ, ab occupato Babylonis regno, ita PETAVIUS (s) „ Quoto regni sui anno Babylo- „ ne potitus sit Cyrus, nulla in historia declaratum legi-

(q) *Petavius de doctrina Tempor. lib. X. capitis XV. initio.* (r) *Idem ibidem lib. XIII. pag. 307.* (s) *Idem lib. X. cap. XVI. initio.*

„legimus.) Atque hanc Epocham probabili ratione figit ante Christ. 538. V. C. 216. (t)

Quæro jam: si AGATHIAS nihil de utraque Epochâ indicasset, ab utro Cyri exordio annos supputasse potius sit censendus? Existimo ab certo illo, & ab omnibus comprobato, a victo Astyage. Sed Agathias ipse litem decadat: is nulla omnino posterioris Epochæ, seu Babylonici regni mentione hoc loco facta, de Persici regni initio diserte (u) ita scribit: Κῦρος ὁ Καμβύσης τὸν Ἀστυάγην καταπολεμήσας ἐπὶ Πέρσας τὴν ἡγεμονίαν μετέγαγεν „ Cyrus „ Cambysis filius, debellato Astyage, in Persas principatum transtulit.)

Itaque si correctio illa SUIDÆ (nam in AGATHIA locum alioqui non habet) ΕΤΕΙ. Σ q Γ. admittatur, dicaturque Arfacis defectio ad mentem AGATHIÆ contigisse anno Cyri 293^{to}, accipiatur porro Epochâ Cyri ab AGATHIA ipso, hoc eodem loco, diserte memorata, eaque certa; incidet defectio Arfacis circa annum ante Christum 266. V. C. 488. qui etiam ipso ANTIOCHO II., Syriæ Rege, anterior fuit: adeo ad SELEUCUM II. trahi AGATHIÆ hic lo-

F 2

cus

(t) Idem lib. XIII. pag. 308. (u) Agathias lib. II. pag. 64. edit. Regia Parisiæ.

cus nullo modo potest. Certa vero isthic est Olympias, quod abunde satis est.

Attamen cum invito AGATHIA, annos illos ab altera, & incerta illa Babylonica Cyri Epocha computasset Cl. CORSINUS, eaque ipsa supputatio non nisi in annum V. C. 509. defectionem Arfacis pertraheret, qui annus procul abest ab anno V. C. circiter 525. quem *novum certioremq* æræ Parthicæ cardinem appellat Cl. CORSINUS (x), idcirco relicto AGATHIA ad SYNCELLUM descendit, ut paullo vicinius cum sua Æra Parthica ad annum V. C. 525. accedere videretur. Ita vero Cl. *Dissertator* (y) „ Quam-
 „ doquidem vero SYNCELLUS ab eodem illo Cyri
 „ initio ad Callinici quidem exordium, quo re-
 „ gnante Arfacem a Syriæ Regibus defecisse dixe-
 „ rat, 286. annos enumerat, sed ab initio Cyri ad
 „ defectionem ipsam 293. effluxisse dicit, ex Syncel-
 „ li calculo Arfacis defectio anno V. C. 514. con-
 „ tigisset.

Magna hic rursus oboriuntur dubia. Si Syncellus 293. annorum *ab eadem Æra* Cyri calculum subducit, uti AGATHIAS, cur non idem annus prodit
 V. C.

(x) pag. 25. *Dissertationis*. (y) *Ibidem* pag. 23.)

V. C. 599? *Vel cur tandem hic non corrigitur loco ETH illud ETEI?* Cur hic idem numerus legitur ΣqΓ annos 293, in AGATHIA autem, seu potius in latente, sub AGATHIÆ elegante larva, deformi *Suida*, iidem numerileguntur *anno ducentesimo nonagesimo tertio?* Deinde non video, quid illi 286. anni, ad initium Seleuci II. ab Æra Cyri Babylonica deducti, huc faciant; cum tamen nusquam SYNCELLUS prodat, *quoto SELEUCI, seu ANTIOCHI CALLINICI anno*, Arsaces defecerit. Enim vero totus hic SYNCELLI locus, in quo numerus annorum 293. occurrit, prorsus (quoad Medicæ, Macedonicæ, & Parthicæ Monarchiæ durationem) plane cum AGATHIÆ explicato loco congruit: ut ex AGATHIA totum id hausisse videatur SYNCELLUS. Nam hic pariter SYNCELLUS de *duratione regnorum*, quot annos Monarchia quæque obtinuerit, tantum agit, non de *anno initii*: eosdem numeros exhibet, nisi quod SYNCELLUS, non bene intellecto AGATHIA (ut superius monui) præcise scribat Macedonas regnasse *annos 293*, AGATHIAS vero circumspecte scripserit: regnasse eos paullo minus quam Medos, Medos vero annis non minus ac trecentis. Aliud etiam, idque erroneum, de 270. annis ab Arsace ad Artabanum elapsis, ex AGATHIA, SYNCELLUS repetit.

Itaque non assequor, cur ex AGATHIA aliter, quam ex SYNCELLO ratiocinandum fuerit. Ego vero Agathiam scripsisse ex ipsius verbis ostendi: Macedonici Imperii *durationem* fuisse a morte Darii ad mortem Cleopatrae, minus quam trecentorum annorum: quod non satis accurate expressit SYNCELLUS per 293, & ex eo SUIDAS exscripsit. Sed proferatur SYNCELLI locus, ut pateat, eundem ex AGATHIA desumptum, atque adeo, ut pateat, etiam hic valere omnia difficilima dubia, a me contra argumentationes CL. CORSINI in hac causa proposita.

Ita ergo Syncellus (2) „Medis veto annis tre-
 „centis imperio potitis (*error typi est* Λ 30. in Editio-
 „ne Regia, loco T. 300.) postremum Medorum Re-
 „gem ASTYAGEM Cyrus Persa sustulit, & ad Per-
 „sas Principatum traduxit. Regnare autem Persæ
 „annos 228. usque ad Darium Arsamis filium,
 „quem vincens Alexander, Philippi Filius, Ma-
 „cedonibus Persarum regnum tradidit. Obtinue-
 „re autem Persicum Principatum Macedones an-
 „nos 293.

Quis

(2) Georgius Syncellus *Chronographia* pag. 350. edit. Regia: Τῶν δὲ Μη-
 δων τ' ἔτη βασιλευσάντων τὸν υἱαὸν βασιλεῖα Μηδῶν Ἀστυάγου Κυροῦ κα-
 τεῖλεν ὁ Πέρσης, ἃ εἰς Πέρσας τῇ ἡγεμονίᾳ Μελιγαγεν. Ἐβασίλευσαι
 δὲ οἱ Πέρσαι ἔτη σκὴ μέχρι Δαρείου τοῦ Ἀσπασίου, ὃν νικῶντας ὁ φιλόσοφος
 Ἀλέξανδρος Μακεδὼν βασιλείαν ἀπιδωκεν. Ἐκράτησαι δὲ τῆς Περσικῆς
 ἀρχῆς Μακεδόνες ΕΤΗ σφγ.

Quis quæso hic locus *anno* EPOCHÆ CYRI esse potest, ubi de duratione imperii Mæcedonum tam diserte (ut in AGATHIA) tractatur ? At enim si etiam a Cyri Epochâ ducerentur anni, quia tam perspicue hoc eodem loco Cyri monarchia ab ASTYAGE *devicto* inchoatur, utique ducendus hic foret calculus a prioræ æræ Cyri, *debellato* ASTYAGE, quæ res CL. CORSINI calculos omnes conturbaret, ita plane, uti de AGATHIÆ loco paullo ante demonstravi.

Post hunc *pulcherrimum* AGATHIÆ, SYNCELLI, & SUIDÆ locum (qui mihi sane perpulchra suppeditavit dubia) obiter monet CL. AUCTOR, depravatum AGATHIÆ & SYNCELLI proxime sequentem locum, quo scribunt : ab Arsace ad Artabani finem, imperium Parthicum durasse 270. annis, ita corrigendum videri, ut loco 270. ponatur 470, quia ita ipsius CL. CORSINI calculis, ex AGATHIA, seu SUIDA, & SYNCELLO ductis, apte hoc intervallum congrueret.

Error AGATHIÆ hac in re tam certus est, quam incerta correctio CL. CORSINI, quæ nititur fundamento, tot dubiis suffosso. Si quid hariolandum est, mallet errasse AGATHIAM in voce *primo*, quam
in

in numeris , dum scribit a *Primo Arsace* ad Artabani finem 270. annos abiisse. Suspicor enim , *hic* Parthicum Imperium non univérse accipi , sed ab eo tempore , quo ultimus Syriæ rex Antiochus XIII, aut ejus fortasse filius expiravit , idcirco , quod olim Syriæ regibus Parthia subiecta fuisset. Quod si itaque AGATHIAS credidisset (quod ego præstare nolim) Antiochum XIII. vixisse etiam , aut filium ejus , viginti circiter annos , post Syriam a Pompejo in Provinciam redactam , atque inde coepisset Parthicum imperium , ab omni Seleucidarum , SYRIÆ regum , etiam qualicunque dominiî titulo liberatum ; tum enim vero 270. circiter annis durasse Parthicum imperium recte scripisset. Cum enim Syria in provinciam redacta sit anno ante Christi æram 64. si addas circiter 20. annos vitæ Antiochi XIII , aut potius ejus filii : prodit annus 44. Ante Christ. Artabanus Arsaces Parthiæ imperium amisit anno post æram Christi 226 , quod interval- lum omnino conficeret annos 270. Id ego tanquam verum omnino , ac certum non vendito ; sed cum Macedonicum imperium coeperit AGATHIAS non nisi a morte Darii , etiam forte isthic imperium Parthicum , a Seleucidis omnimode liberum , a morte ultimi Seleucidarum Syriæ regum supputare voluit.

voluit, Verum ut ut restituendus sit hic AGATHIÆ locus, CL. CORSINI quidem certe correctio, quæ nititur præcedente AGATHIÆ loco aliter, ac oportebat, accepto, citra gravissimum de veritate dubium admitti nequit, nisi aliis argumentis fulciatur. Quod autem ego Tò primus Arsaces, corrigere, aut interpretari malim, quam numeros 270, quos itidem SYNCELLUS ex AGATHIA exscripsit (uti SUIDAS ex AGATHIA non tam exscripsit, quam male calculavit numerum 293.) id facio ad mentem CL. CORSINI, qui aiebat: *errorem effingi non posse*, quod numeros 293. SUIDAS ex AGATHIA eosdem descripsit. (*)

DUBIUM V.

Utrum Strabo, & Appianus, aut Justinus denique novi, aut certi aliquid pro nova Parthica æra, an. V. C. 525. statuta, sufficiant?

GRadum facimus ad Scriptores illos, qui serio denique favere aliqua in re CL. CORSINI sententiæ videntur. STRABO nempe, & APPIANUS satis perspicue Parthicam defectionem ad Seleuci II. Calinici ætatem referunt. STRABO quidem occasione

G

bel-

(*) *Dissertationis pag. 32. Verba retulimus initio hujus dubii IV.*

50 QUID STRABO, APPIANUS, JUSTINUS?

belli, inter fratres Seleucum II., & Antiochum Hieracem gesti, narrat; Bactrianos primum defecisse, instigatoribus his, qui circa Euthydemum erant. „Deinde (pergit STRABO (a) Arfaces vir „ Scythia, Daos quosdam secum ducens, Parnos „ dictos, Nomades, qui ad Ochum accolebant, „ Parthiam invasit & occupavit.) Attamen non memorat STRABO: ARSACEM tum primum a Macedonibus defecisse, sed *cum suis* Parthiam occupasse. APPIANUS quoque (b) nihil de Arsacis prima defectione a Regibus Syriæ diserte ponit; sed postquam occiso Antiocho II. Ptolemæum Evergetem Syriam invasisse, & Babylonem usque pervenisse, perhibuisset, addit („Et Parthi tunc defectionem „ incepere, quippe, conturbato Seleucidarum principatu.)

Itaque hoc Scriptorum veterum par in eo solum consentit: sub Seleuco II. Parthiam ab Seleucidis ad Arfacem defecisse; nequaquam verò negant,

(a) Strabonis Geographia lib. XI. pag. 783. (vel 515. laterali nota) editionis Amstelodami, fol. Ἐπειὶ Ἀρσάκης ἀνὴρ Σκύθης τῶν Δαῶν τινας ἔχων τῆς Πάρου καλεσμένους Νόμαδας, παροικήσας τὸν Ὀχον, ἐπῆλθεν ἐπὶ τὴν Παρθυσίαν, & ἐκρατήσεν αὐτῆς.

(b) Appianus de bello Syriaco, pag. 130. Editio Henr. Stephani. Καὶ Παρθυσίῃ τῆς ἀποστάσεως τότε ἤρξαν, ὡς τῆραραγμένης τῆς Σελευκιδῶν ἀρχῆς.

QUID STRABO, APPIANUS, JUSTINUS? SI

gant, (contra asserit potius STRABO) jam antea Arfacem populis quibusdam imperasse , quorum ope Parthiam occuparit.

Plurimum igitur si largiamur , sique interea hos duos Scriptores (qui, alia agentes , Parthicae Monarchiae initia attigere) praë aliis pluribus, quique definitos temporis characteres prodidere , audire velimus , dicemus : Arfacem accessione Parthiae sub Seleuco II. potentiorum effectum , atque in Parthia fortasse (si Syncellum & Eusebium sequamur) biennio tantum Arfacem primum regnasse.

At numnam inde consequitur : Arfacem I. (aut successores) ab eo demum anno , quo is Parthiam occuparit, potius, quam a Principatus sui & primum excussi jugi Macedonici exordio , Aëram instituisse, quod exordium tot Scriptores , tam *certis indiciis*, Antiochi II. ætati tribuere ?

Deinde si STRABONEM etiam, & APPIANUM in subsidium vocet CL. CORSINUS, annum tamen illum V. C. 525. aut ei proximum , inde non consequitur. APPIANUS tempus notat, quo Ptolemæus Evergetes Babylonem pervenit ; id evenit anno V. C.

52. QUID STRABO, APPIANUS, JUSTINUS?

509. proxime. STRABO: fraterna bella inter Antiochum Hieracem, & Seleucum II. commemorat, quæ quidem cœpere, si non cum ipso Seleuci II. regni initio, saltem anno V. C. 510, finitaque bella isthæc fuere victoria Seleuci, anno V. C. 514. Strabo annum prædicti belli non prædit, quo Bactriani, & deinde Parthi defecerint. Igitur ne nimium ab aliis Scriptoribus, & ab ipso APPIANO dissentiat unus STRABO, primis saltem belli fraterni annis circa V. C. 511. aut 512. Parthica defectione ad mentem STRABONIS statuenda erit: qui annus longe etiam ab an. V. C. 525. abest.

Denique cum veterum Scriptorum nullus sub SELEUCO II. annum seditionis Parthicæ definiat, aut tempus saltem anno V. C. 525. propinquius nemo perhibeat; res ad JUSTINUM rediit, qui immemor Consulum, sub quibus defectionem Parthicam contigisse ex TROGO retulit, rursus tempore fraterni belli inter Seleucum II., & Hieracem, imperium Parthicum ab Arsace, oppresso Andragora præfecto, occupatum commemorat, accepta fama seu opinione, Seleucum a Gallis in Asia victum fuisse: atque haud ita multo post etiam Hyrcaniam sibi eundem Arsacem subjecisse: conciliato porro Theodoto

doto Bactrianorum Rege, & comparato exercitu, Seleucum II. ab eodem Arsace victum fuisse. En hac de re verba JUSTINI : (c) „ cum Seleuco Re- „ ge ad defectores persequendos veniente Arsaces „ congressus victor fuit ; quem diem Parthi exin- „ de solennem velut initium libertatis observant. „ Revocato deinde Seleuco novis motibus in A- „ siam, dato laxamento regnum Parthicum format.

Ab hac victoria potuisse Æram aliquam Parthi- cam inchoari, jam alii videre : USSERIUS, BAYERUS, & ego quoque, qui scripsi hoc tertium (aut quar- tum), ac maxime solenne Æræ Parthicæ initium dici posse (d). Tametsi re accuratius perpen- sa ex JUSTINI loco isthoc *Epochæ* initium certo deduci mi- hi jam non videatur. *Diem* enim ingentis victoriæ, & a magno metu liberationem *annis* computandis initium dare, non est necesse ; præsertim si antea jam auctores alii *Principatus initia* constituta certo temporum charactere adnotarint. Hac victoria ni- hil novi lucratus fuisse videtur Arsaces (isque se- cundus, non primus, si SYNCELLUM de biennio re- gni audimus) sed metu liberatus, datoque laxamen-

(c) *Lib. XLI. cap. IV. ad finem, & initio quinti.* (d) *Annales com- pendiaris Regum & Rerum Syria pag. 20. Anno ante Christum 148.*

§4 QUID STRABO, APPIANUS, JUSTINUS?

to, ob discessum Seleuci in Asiam, fiducia concepta, regnum Parthicum in meliorem statum redegit.

Porro ex *Die* victoriæ maxime solenni, non consequitur, uti modo dixi, anni initium desumi, & *Æram novam* constitui. Seleucus I. Syriæ Rex superato Nicanore, & capta Babylone, *Æram* Seleucidarum primum instituit: idem cum deinde Nicanorem non vicisset tantum, sed vita & regno Mediæ spoliasset, eaque victoria omnia late ad Indiam usque obtinuisset, nequaquam ab illustriore hac victoria cœptam jam *æram* immutandam duxit. Vix ullum regnum esse credo, quod non solennes victoriarum *dies* celebret, quin *annorum* inde calculum deducat. Austriaci diem illum, quo Vindobona ab Turcarum obsidione, gravissimoque foedissimæ servitutis metu anno 1683. liberata est, quot annis solennem celebrant, quin *Æram* inde novam numerandorum annorum instituerint. Sed largiamur iterum: posse hic initium esse aliquod, e pluribus controversis, a quo Arfacidæ annos suos deinde numerarint; magnum tamen mihi reliquum est dubium, an hæc victoria, de qua JUSTINUS agit, contigerit proxime circa annum V. C. 525.?

Enim

Enim vero victoriam illam, de qua JUSTINUS, & ex qua *die illa sollemnis* originem duxit, anno V. C. 516. quam proxime adscribendam videri, puto me probabiliter admodum comprobasse, (e) media quadam via incedendo inter BAYERI, & VAILLANTII sententiam, quem hic sine nova discussione CL. COR- SINUS (f) sibi sequendum putavit. Paucis repetam argumenta mea. Seleucus II. anno V. C. 514. Antiochum Hieracem vicit, & Callinicipolin condidit, uti *e Fastis Siculis* colligitur. Movit inde primum anno 516. Seleucus in Arfacem, qui metu initio quidem perculsus, & fugiens, STRABONE teste, dein vicit tamen, JUSTINO auctore. Deinde vindicare Seleucus cladem acceptam cupiens, in Asiam novis motibus revocabatur; itaque laxamentum dabat Arfaci, quo regnum Parthicum alioqui victor, melius formaret, solidaretque. Atque hujus prioris victoriæ occasione *diem illum solennem* institutum fuisse JUSTINUS memorat. Nihil hic omnino de capto Seleuco memorat JUSTINUS; captum ab Arface tamen fuisse Seleucum, certum est ex POSIDONIO apud ATHENÆUM (g). Itaque altero bello

rur-

(e) In *prolegomenis ad Annales Syria Parce IV. cap. V.*

(f) *Dissertationis pag. 27.*

(g) *Athenæus lib. IV. ex Posidonii lib. XVI. p. 153.*

56 QUID STRABO, APPIANUS, JUSTINUS?

rursum Arsaces a Seleuco impetitus est; id bellum
VAILLANTIUS (*) proxime refert ad an. V. C. 525.
& cum eo Cl. CORSINUS.

Verum, JUSTINUM si audimus, non ab hac secunda, sed a priori victoria *dies ille sollemnis*, & deducta inde, uti putatur, æra Parthica initium sumpsit. Deinde ATHENÆI verba si perpendam, qui πολλὸν χρόνον, *multo tempore* Seleucum captivum, sed honorifice detentum fuisse scribit, non videtur ejus captivitatis initium in antepenultimum circiter regni Seleuci annum removendum. Diuturno captivitatis tempori suffragatur POLYBIUS (h) quo teste Seleucus II. (quod promissa cum barba, Syriæ regibus antehac non usitata, e captivitate Parthica rediisset) a dicaci populo Πωγων barbatus dictus est: quo vultu etiam in numo rarissimo apud HAYMIUM exhibetur (i) qualis extat quoque in CIMELIO GARELLIANO apud D. de SUTNERN Vindobonæ.

Hæc omnia me permovere, ut circa nonum annum ante obitum Seleuci II., alteram hanc ejusdem

(*) Vaillant in *Canone Chronol.* ad historiam Arsacidarum anno V. C. 525. captum ponit Seleucum II. Sed in *Historia Regum Syria* pag. 61. an. V. C. 526.

(h) Polybius lib. II. sub finem.

(i) Haym. *Tesoro Britannico* Tomo I. pag. 35.

dem in Parthos expeditionem collocarem, nempe ad an. V. C. 519. vel sequentem, ut ita septem circiter annos captivus detentus sit Seleucus, ac subinde uno, alterove liberatus supervixerit; quo tempore, POLYBIO teste, Rhodiis terræ motu afflictis dona submitit, ac paullo post vivere, JUSTINO TESTE, equo lapsus, desit. Et sane illis Seleuci apud Parthos detenti annis, nihil ab eodem gestum in historia se se offert. Itaque probabilius etiam altera expeditio Seleuci II. in Parthos non est ad an. V. C. 525. quam proxime removenda, neque *dies ille maxime sollemnis* apud Parthos ab hac Arsacis victoria, sed a priore omnino derivandus est circa an. V. C. 516. si JUSTINUM audimus, qui solus hujus *diei* tam *sollemnis* meminit. Frustra vero a secunda victoria (quia *major*, & quod per eam Arsaces *Mediam* obtinuisse videatur) Æram Parthicam, diemque *solemnem* deducere conatur Cl. CORSINUS; id enim esse & contra mentem JUSTINI, & contra exemplum plane simillimum, quod de Seleuci I. Nicatoris duplici victoria, deque deducta a priore victoria Seleucidarum epocha, nec deinde immutata, paullo ante adduxi.

Quod

SECRET

~~THE FOLLOWING INFORMATION IS UNCLASSIFIED~~
~~DATE 11-11-2001 BY 60322 UCBAW~~
~~EXEMPT FROM AUTOMATIC DOWNGRADING AND~~
~~DECLASSIFICATION SCHEDULE~~
~~EXEMPTION CODE 25X(1)~~
~~EXEMPTION AUTHORITY 50 USC 3024~~
~~EXEMPTION DATE 11-11-2001~~
~~EXEMPTION REVIEW DATE 11-11-2001~~
~~EXEMPTION REVIEW BY 60322 UCBAW~~

[illegible]

SECRET

THE UNITED STATES OF AMERICA
DEPARTMENT OF JUSTICE
FEDERAL BUREAU OF INVESTIGATION
WASHINGTON, D. C. 20535

Q *What is the difference between a "strong" and a "weak" acid?*

cho II, an sub Seleuco II. multo serius fuisse constitutam?

Dispeximus hactenus Scriptores veteres, qui certum anni characterem prodidere, quique Antiochi temporibus omnes favent: deinde eos, qui ad Seleuci II tempora Parthici imperii initia submovere videntur; isthic paucis expendamus historicorum testimonia, qui in consignandis Parthicae Aerae, & regni primordiis tempus certo erroneum adnotarunt.

Ex his aberrationibus illud unum per conjecturam deduci posse arbitror, ut, si plures ante Antiochi tempora Aerae Parthicae initia indicarint, quam post Seleuci II regnum; probabilior videatur ea sententia, quae ante Seleucum II Aerae Parthicae exordium constituit, quam quae in posteriora tempora rejiecit: praesertim si clarius, certiusque de *Arfacidarum initio* agant priores, quam posteriores.

Tres invenio Scriptores veteres, quorum duo ante Antiochi II. regnum Parthici Arfacidarum regni initia collocant: unus post Seleuci II. aetatem eadem commemoravit.

Sub Seleuco I Nicatore, Syriæ Rege, Arsacis, & Parthicæ Monarchiæ initia ita collocat AMMIANUS MARCELLINUS (*) „Qui (Arsaces) post multa gloriose & fortiter gesta, superato Nicatore Seleuco, ejusdem Alexandri successore, cui victoriarum crebritas hoc indiderat cognomentum, præfidiisque Macedonum pulsus, ipse tranquillius agens, temperator obedientium fuit, & arbiter lenis.) Suspicatur quidem CL. CORSINUS (x) loco SELEUCI NICATORIS hic facili substitutione SELEUCUM CALLINICUM, ob similitudinem vocabuli, a VICTORIA sumpti, accipi potuisse; sed MARCELLINUS duplicem aliam SELEUCO suo notionem adjunxit, quæ SELEUCO CALLINICO attribui vix poterit: nempe SELEUCUS ALEXANDRI SUCCESSOR, et is, cui *crebritas Victoriarum* nomen splendidum addidit, dici non potest, nisi Seleucus I. Nicator: quando Seleucus II, quartus denique post Alexandrum regnavit, atque idem potius crebro victus, regnoque pene exutus, & a Parthis captus, unica, quod sciatur, de Antiocho Hierace Victoria Callinici nomen est adeptus.

Alter Scriptorum veterum, qui *Historiarum collectionem, seu Olympionicarum catalogum confecit* (**) ad Olym-

(*) *Ammianus Marcellinus lib. XXXIII. Cap. VI. pag. 282. Editio 1693. L. Bat.*

(x) *Corsini dissertatio pag. 15.*

(**) *In thesauro Temporum Jos. Scaligeri pag. 335.*

Olympiadis CXXVIII. initium hæc adscripsit:
 „ Arsaces Parthicus obtento principatu , Macedo-
 „ nibusque ejectis Parthis regnum tradidit : inde
 „ Arsacidæ appellati sunt Persarum Reges.)

Minus hic aberratur a vero tempore , quam apud MARCELLINUM ; nam Olympiadis CXXVIII. annus primus incidit in an. V. C. 486. Antiochi primi Soteris XII. , aut XIII^{tium}. Attamen hic Scriptor paullo post errorem hunc correxit , & cum EUSEBII CANONE ad Antiochi II. ætatem Parthici regni incunabula felicius retulit.

Tertius historicorum CORNELIUS TACITUS (*) ad quarti Antiochi tempora , nimium sero , Arsacidarum regni primordia his verbis rejecisse videtur:
 „ Dum Assyrios penes , Medosque , & Persas ori-
 „ ens fuit , despectissima pars servientium (erant
 „ Judæi.) Postquam Macedones præpotuere , rex
 „ Antiochus demere superstitionem , & mores Græ-
 „ corum dare adnixus , quo minus deterrimam
 „ gentem in melius mutaret , Parthorum bello pro-
 „ hibitus est. Nam ea tempestate Arsaces descive-
 „ rat. Tum Judæi Macedonibus invalidis , Parthis
 „ nondum adultis , (& Romani procul aberant)

H 3

sibi

(*) Tacitus *historiarum lib. V. cap. VIII. pag. 807. 808. in usum Delph.*
Pichoni nota in hunc locum corrigenda sunt , qui Antiochum Sidesem cum
Epiphane confudit.

„ sibi ipsi reges imposuere.) Manifesto hæc quidem ad Antiochum IV. pertinent, qui Judæos ad idolorum cultum traducere, etiam tormentis adactos, conabatur. Attamen nihil hic diserte de primo ARSACE, neque de regni Arsacidarum *primordio* satis certo agere videtur TACITUS. Nam quod ARSACES defecisse, quodque PARTHORUM regnum *nondum adultum* dicatur, id referri commode potest, ad Antiochi III. Magni expeditionem in Orientem, qua Arsacidas rursus aliqua ratione subegit, eorumque potentiam infirmavit; ut ita ARSACES PHRAATES (aut ARSACES MITRIDATES) eatenus defecisse ab Antiocho IV. dici possit, quatenus amicitiae & clientelae jura, pactaque, sub Antiocho Magno inita, violarit.

Itaque qui unus *post* Seleuci II. tempora Arsacis, & Parthorum nondum adulti imperii meminit Tacitus, nequaquam certo de initio ipso regni Arsacidarum, neque de primo Arsace locutus fuisse videtur; ut adeo neque ex antiquorum Scriptorum erroribus conjectura probabilis cogi possit: sub Seleuco II. potius, quam sub Antiochio II. Parthici Arsacidarum regni initia esse collocanda.

Altera igitur hac parte e Chronologorum fere
omnium

omnium consensu, e Scriptorum veterum Græcorum, Latinorum, peregrinorum testimoniis, certis, dubiis, erroneis; et vero ex iis præsertim, quæ certum anni characterem rite exhibent, grave profecto dubium existit: an non multo probabilior habenda sit VAILLANTII, quam CL. CORSINI de Æræ Parthicæ initio sententia?

P. A R S I I I.

De Numis Regum Armeniæ, ac de Arsacis Numo.

D U B I U M I.

*Possintne Numi Vologæsis Æræ Parthicæ
novæ accommodari?*

Illud facile pervidit Vir perspicax, atque rei nummarie veteris egregie peritus CL. CORSINUS, numos quosdam VOLOGÆSIS (quem tertium ejus nominis Parthorum regem VAILLANTIUS appellat) constitutæ ab se Æræ Parthicæ plurimum obesse. Itaque tametsi *Paragraphe III.* præclaræ *Dissertationis* hanc epigraphen fiduciæ plenam præfixerit. *Parthigam æram ab Arsacidis etiam Armeniæ Regibus usurpatam esse*

esse demonstratur, eorumque Regum series ac nummi ostenduntur.

Attamen rem ipsam a solutione permolesti dubii aggreditur his verbis : „ Illud unum huic novæ

„ Arfacidarum æræ, superius a me constitutæ, oppo-

„ ni posse conspicio, quod apud Vail lantium

„ in argenteo Vologæsis III. numo characteres

„ ANT. in altero ET reperiuntur, quibus annus

„ 451. & 460. in Arfacidarum æra numeratus ex-

„ primitur - - -) Proposita difficultate ita candide

„ confitetur: (k) „ ut hæc difficultas, cui *ma-*

„ *xima sane ac infinita propemodum vis* inesse deberet, ac-

„ curate dirimatur. - - -

Quamquam complura, eaque haud levia hæcenus adversus novam æram Parthicam e vetustis Scrip-
toribus obmoverim dubia ; finam tamen ad hujus dubii solutionem causam devolvi. Quod si *maxima ac infinita propemodum vis* dubio alicui inesse posset, nisi idem accurate dissolvatur ; methodus dissolvendi saltem *magna probabilitate* gaudere debet, atque majore, quam sententia contraria.

Conabor igitur breviter ac perspicue, difficultatem istam primum, dein ejusdem solutionem a Cl.

COR-

(k) *Dissertationis pag. 31.*

CORSINO tentatam proponere, denique VAILLANTII sententiam cum ea solutione conferre.

Aliquot numi Vologæsis cum hac inscriptione habentur: *Regis Regum Arsacis Vologæsis, Justi, Illustris*, & in alio additur: *Græcorum amici*. Caput est mitra tectum, cum diademate multiplici, apud VAILLANT. In aversa rex mitratus sedet, cui mulier turrata sertum porrigit.

In hujusmodi numis Vologæsis, numeri æræ Parthicæ observati sunt sequentes, reducti ad annos Urb. cond.

	<i>Ad Æram Corsini.</i>		<i>Ad Æram Vaillant.</i>	
<i>Anni numorum, apud Vail.</i>	448	973	<i>Urb. Cond.</i>	946
<i>Apud Vaillant & Spanheim.</i>	451	976		949
<i>In Catalogo Mus. Theupoli.</i>	454	979		952
<i>Apud Vaillant.</i>	460	985		958
<i>Haym. Tes. Brit.</i>	461	986		959

Subjungam laterculum Historico Chronologicum Regum Parthiæ & Armeniæ, quoad ea, quæ circa tempus Vologæsis III ex vetustis historicis certa sunt, & comprobata apud TILLEMONTIUM, & VAILLANTIUM.

Anni

Anni Urb. Cond.

942 *circiter* Vologæsi II. mortuo succedit *Vologæses* III. R. Parth. Initium enim ejus incertum est. *Vaillant Canone Chron.*

950 VOLOGÆSES REX PARTHIÆ Mesopotamiam occupat.

951 VOLOGÆSES REX ARMENIÆ a Septimio Severo ditatur. Sed VOLOGÆSES REX PARTHIÆ fugit Septimii Severi metu.

967, vel 968 VOLOGÆSES III. Rex Parthiæ obit. Ejus filius ARTABANUS IV. cum fratribus (quorum unus ARSAGES) de Parthiæ imperio certat, solusque, superatis fratribus, regnat: ab Antonino Caracalla impetitur.

970 TIRIDATES, Vologæsis ARMENII filius, id regnum a Macrino Aug. obtinet.

976 ARTABANUS IV. Arsacen fratrem Regem Armeniæ constituit.

979 ARTABANO IV. victo, & occiso, ARTAXARES, seu ARTAXERXES Persa Parthis imperat, contra quem Rex Arsaces in Armenia se armis tuctur, cum Artabani prolibus.

993 ARTAXARI succedit SAPOR, qui annis XXXI. regnavit. *Agathias lib. II. pag. 134.*

Contendamus jam hos annos cum iis, qui applicati ad sententiam novæ Æræ Parthicæ in numis VOLOGÆSIS deprehenduntur; videbimus illico, nulum in annis Corfinianis *certum Vologæsen* nec Parthiæ, nec Armeniæ Regem occurrere ab anno V. C. 973 ad 986. quos annos Cl. CORSINUS notis numorum VOLOGÆSIS ex sua Æra applicandos putat.

Quid igitur? „ Vologæses alius ordine IV.
 „ Vaillantio prorsus incognitus Parthiæ Regibus
 „ adjungi fortasse debet, qui simul cum Atrabano
 „ IV. fratre in Parthiæ Regno imperavit.) (l) Ita
 Cl. CORSINUS conjecturarum agmen orditur, atque
 eo finito, ita Vir magnæ sapientiæ, & judicii ipse
 candide profitetur) „ Ac ne conjecturis solum a-
 „ gere, iisque doctissimi Vaillantii sententiam Eru-
 „ ditis omnibus modo receptam convellere hic vi-
 deat - - - (m) Conjecturis itaque solum hic VO-
 LOGÆSES novus aliquis inquiritur, atque haud sat
 constante sententia. Nam primum *Parthiæ Rex*, Ar-
 tabani IV. frater, & collega VOLOGÆSES nomine of-
 fertur: deinde VOLOGÆSIS nomen ARSACI ARMENIÆ
 REGI, Artabani item fratri, liberaliter adjungen-
 dum putatur. (n) „ Quod SI Arsacis Vologæsis

I 2

„ nomen

(l) Cl. Corfini Dissertatio pag. 31. (m) pag. 35. ibidem. (n) ibidem pag. 34-

„ nomen non Patri solum Parthiæ Regi, sed filio quoque ARMENIÆ Regi commune esse POTUIT.)

Sed videamus conjecturarum pro utroque, vel unico novo Vologæse fundamenta (o). Ex Dione constat : Caracallam Aug. ad Senatum scripsisse : *De Regibus Parthorum, quod cum fratres essent, & inter se dissiderent, respublica Parthorum, ex fratrum dissensione magnum detrimentum aliquod esset habitura.*) Itaque REGES tum erant Parthiæ, & fratres, quorum unus utique nomen Patris VOLOGÆSIS habere potuit.

At enim Dio, qui hæc dissidia fratrum refert, (quæ res ad annum V. C. 968. a TILLEMONTIO refertur) deinceps solius semper ARTABANI Parthiæ regis meminit, ut dubium non sit TILLEMONTIO, & VAILLANTIO quoque, Artabanum superatis fratribus *solum Parthis imperasse*; neque nisi post annos fere octo Artabanum Arsaci fratri Armeniam dedisse constat. Deinde quod omnes fratres Artabani, ab eodem dissidentes, Reges vocentur, id aut de *contentione, affectationeque* ipsorum accipiendum est, atque τὸ βασιλευσάντων apud DIONEM, potius *regnatorum, seu regnare volentium*, quam reipsa βασιλευόντων

των

των notionem ingerit: aut Caracalla augere utique volens quacunque ratione periculi Parthiæ independentis speciem, omnes diffidentes fratres REGES appellavit. Sed aliquem ARTABANI fratrem, & VOLOGÆSEN nomine, & PARTHIÆ partis REGEM fuisse, si etiam darem, circa an. V. C. 968. id accidisset; quo pacto ejusdem numi anno V. C. 986. cum titulo REGIS REGUM cūsi fingi poterunt, posteaquam Artabanus IV. ipsemet ab Artaxerxe Persa jam an. V. C. 979. victus, & interemptus fuit, Parthiæque Monarchia omnis proximis annis in ejus potestatem est redacta?

Alterum conjecturæ momentum erat: ab DIONE ista memorari: *Caracallæ bellum Parthis inferenti ea causa prætexebatur, quod Vologæses Tiridatem unaque Antiochum quemdam sibi, eos postulanti, non dedisset.* Fatetur Cl. CORSINUS (p) perspicue certoque ex hoc loco deprehendi non posse, an Caracalla ab Artabani IV *patre, vel fratre Vologæse* illos transfugas repetierit. Itaque ego ita arguo: cum *Patris* nomen *certissimum* sit VOLOGÆSES, fratris vero nullo modo; utique de Artabani IV. patre VOLOGÆSE accipi is locus, potius debet, & ita accipit accuratissimus TILLEMONTIUS

TIUS

(p) *Dissertationis pag. 32.*

TIUS, neutrarum partium Scriptor (q) qui de alio nullo Vologæse, nisi de Rege Parthiæ, Patre Artabani ad an. V. C. 968. loquitur, eidemque anno mortem Vologæsis adscribit, eique continenter eodem anno adjungit prætenfam a Caracalla belli Parthici causam, quod Vologæses petitos duos transfugas non tradidisset.

Quod deinde additur: certum saltem esse, Artabani IV. ætate, fratrem ejus Regem Parthiæ fuisse; repono de nomine Regis tantum a Caracalla dato, ac de prætensione id certum esse, non de potestate: minime vero Regem illum Parthiæ ad ea tempora extendi posse, quæ numis Vologæsis Regis Regum usque ad an. V. C. 986. indicantur, uti paullo ante monui.

At enim in *Partiborum* novo Rege VOLOGÆSE IV (quem quidem nemo ita veterum appellat) cum Cl. CORSINUS ipse non acquiesceret, conjecturas ad ARSACEM, certum quidem Artabani IV. fratrem, & *Armeniæ Regem* transtulit, his verbis: (r) „ Quod „ SI ARSACIS VOLOGÆSIS nomen non patri solum „ Parthiæ Regi, sed filio quoque Armeniæ Regi

„ com-

(q) Tillemont *Histoire des Empereurs* Tom. III. pag. 113, & in *Chronologia* pag. 546. (r) *Dissertationis* pag. 34.

„ commune esse POTUIT, idque Vaillantius ipse
 „ CONCEDERET. (Qui in Zonaræ loco ARSA-
 „ CEM legendum, atque ARSACEM VOLOGÆSEM in-
 „ telligendum esse jam viderat) quo demum cha-
 „ ractere, certaue nota ostendi jam poterit, quod
 „ numi solo ARSACIS, vel ARSACIS VOLOGÆSIS no-
 „ mine insignes, ac notis ANT. ΣΤ. decorati ad
 „ Vologæsem Parthorum, non vero potius ad al-
 „ terum Armeniorum Regem referri debeant ?

Sed rursus hic merum SI. SI CONCEDERET.
 POTUIT. occurrunt, quæ nihil probant. De
 VAILLANTII loco citato pag. 291. *Arsacidarum historie*,
 admodum dubito, an probe huc quadret; nam
 VAILLANT pag. 290. § 291. item in præmissis ANNA-
 LIBUS pag. 17. loco ARTABANI, *apud Zonaram lib. XI.*
cap. 18. legendum censet ARSACEM tanquam commu-
 ne regum Parthiæ vocabulum: cum vero ARSACEM
 monet VOLOGÆSEM fuisse, non ARTABANUM; quod
 Parthici regis VOLOGÆSIS nomen hoc tempore apud
 probatos auctores diserte occurrat, non item AR-
 TABANI. Itaque VAILLANTII lectio illa potius pugnat
 contra CL. CORSINI sententiam, qua VOLOGÆSIS
 nomen, ARSACIS Armeniæ regis soli certo nomini,
 sine ulla veterum auctoritate, adstituitur.

Nu-

Numos vero illos REGIS REGUM ARSACIS VOLOGÆSIS, in quibus leguntur anni 451. 454. 460. non Armeniæ dubio, sed certo Parthiæ regi esse adscribendos, melius ostendit titulus REGIS REGUM & mitra, seu tiara, etiam cum *multiplici diademate* (quales sunt numi duo apud VAILLANT.) quam omnes conjecturæ pro ARSACE Armeniæ rege vel pro novo VOLOGÆSE IV. PARTHIÆ excogitato Monarcha opere prolata.

Neque licet hic obmovere Tigranis numos, etiam Armeniæ Regis, titulo REGIS REGUM superbientes. De Tigrane siquidem disertum habemus PLOTARCHI testimonium (APPIANO (s) suffragante) eundem subactis vicinis provinciis, reges multos obnoxios, & aliquot ab obsequiis semper habuisse, seque, occupata etiam Syria, Regem Regum appellari voluisse, atque idcirco Lucullo succensuisse, quod se REGEM *tantum* per epistolam salutasset. (t) Quod si similia potestatis, fastusque perspicua exempla de nostro ARSACE, ARMENIÆ rege, prolata fuerint, fatebor tum quidem Arsaci Armenio REGIS REGUM titulum dari potuisse, at non item cognomen VOLOGÆSIS, nisi id etiam auctoritate roboretur.

Vi-

(s) Appianus in Syriacis pag. 118. edit. Henr. Stephani: Βασιλεὺς ἀπὸ τῶν βασιλέων ἠγείτο εἶναι. Ex quo Regem Regum se esse existimavit.)

(t) Plutarchus in Lucullo pag. 505. edit. Paris. Fol. Videri etiam potest Strabo sub finem lib. XL. de potentia Tigranis.

Videamus jam, & comparemus VAILLANTII sententiam cum prædictis numorum VOLOGÆSIS titulis, & cultu capitis, & notis numericis. Nomen ipsum VOLOGÆSIS, seu VOLOGASIS prodidit historicus synchronus de hoc Arsace VOLOGASE III. DIO CASSIUS. (u) Nomen ARSACES, ac titulus REGIS REGUM, itemque *diadema multiplex*, *tiara* & *candys*, Parthiæ regum sunt propria, uti nemo ignorat: denique annorum numeri omnes quinque (respice laterculum Chronologicum) intra Vologæsis III. regni tempus fere medium concluduntur. Ita præcipua omnia congruunt de his numis in VAILLANTII sententiam, quæ Æram Parthicam anno V. C. 498. affigit; ut nulla conjectura hac in re sit opus, sed suapte omnia in Vologæsen III. conspirent; ubi contra in CL. CORSINI operosa dissertatione incerta, spinosisque dubiis impedita prorsus omnia ostendimus, qua tamen solvi debuisset dubium maximum, ac infinita propemodum vi præditum.

DUBIUM II.

*De aliis numis Armeniæ Regum, & inde
petito argumento.*

AD Achilleum CL. CORSINI argumentum delabimur, quo post conjecturarum velitationes,
K velut

(u) Dio lib. LXXV. pag. 854. edit Wechel. & Lib. LXXVII. pag. 878.

74 AN ARSACUM NUMI ARMENIACI?

velut gravis armaturæ milite, VAILLANTII-Systema impugnatur. Conferam in pauca vim argumenti. (x)

Inventi sunt numi REGIS ARSACIS, & REGIS REGUM ARSACIS, cum notis numericis 491. & 508, quæ ad Æram Parthicam VAILLANTII applicatæ, ultra Artabani IV. postremi ex Arsacidis Parthiæ regis obitum excurrunt. Hi numi Persicis Regibus Artaxari, & Saporì tribui non posse videntur; cum quod Artaxares Arsacidæ, & regni initium Arsacidarum odisset, belloque infectatus delere Arsacidæ cupe- ret, ipsumque Artabanum occiderit: tum quod Scriptorum veterum fortasse nemo, præter Symmachum, & Sidonium Persas istos ARSACIDAS appellet: ipsique Persiæ reges in epistolis se se non ARSACIS vocabulo (quod in *omnibus* Parthorum, & pluribus Armeniæ regibus observatum) sed aliis nomini- bus scripserint. Denique quod alii Persici comma- tis numi extent, alio capitis ornatu, quam Arsaci- dæ, aliis characteribus, alio aversæ partis typo, sine epochæ notis; ut adeo prope certum esse vi- deatur, numos istos, etsi Parthicorum numerum si- militudinem aliquam præ se ferant, ad Armeniæ re- ges referendos, qui post ARSACEM, Artabani IV.

ARSA-

(x) *Corsini Dissertat. pag. 35. ad 40.*

ARSACIDÆ fratrem, ei regno præfuisse, ex Arsacidarum stirpe oriundi.

Occurrā singulis. Si Arttabanum odio habuit, & occidit, fratremque Arsacem bello impetiit Artaxares Persa; inde non consequitur, etiam diu receptam annos numis inscribendi methodum odisse; sane æmuli regnorum fere cupiditate imperandi potius, quam odio ejus familiæ, quæ antea imperaverit, incitantur.

Contra vero cum alioqui ex humili stirpe (ZONARÆ testi si credimus) ortus sit Artaxares, ejusdem, novum regnum apud Persas & Parthos auspicientis omnino intererat, saltem *apud Parthos*, vetus ARSACIS nomen, tantopere Parthis carum (*) ac venerabile (ut mox ostendam) in cudendis, saltem in Parthia, numis retinere.

Octavianus Cæsar Augustus, & reliqui Romani Imperatores usque ad Neronem, cognomen CAESAR, Juliæ gentis proprium, numis suis inferi voluere. Galba, qui nullo, ne adoptionis quidem aut affinitatis titulo, ad familiam Juliam pertinebat, Nerone Cæsare æmulo sublato, se CÆSAREM tamen etiam in numis scribendum curavit; quod

K 2

vene-

(*) Strabo lib. XVI, pag. 1086. edit. Amstelod. Διὰ τὸ εἶναι σφόδρα φιλάσσαντες τοὺς Πάρθους. Quod valde Arsacum amantes sint Parthi.

venerandum id esset Romanis nomen, & eatenus in numis Romanorum Imperatorum usitatum. Num simile quid in oriente evenire non potuit? Quid si ego ostendam, non modo ARSACIS nomen, saltem apud Parthos, retinuisse Persicos reges, Artaxaris successores, sed eosdem aut reipsa ex vetustiorum Arsacidarum aliqua linea descendisse (quando alioquin ARRIANUS apud PHOTIUM, & SYNCELLUM e Persia, ab Artaxerxe Persa, stirpem Arsacis primi deducit) aut certe ita apud Parthos credi voluisse.

Atque isthic ego non solum SYMMACHI, & SIDONII (tametsi præclare & isti huc faciant) testimoniis utar, sed insigni plane loco AMMIANI MARCELLINI, qui de *suo tempore*, id est, de Augustorum quarto sæculo, loquens, & meam de CÆSARIS AUGUSTI titulo comparationem firmat, & ARSACIDARUM venerationem, ac stirpem PERSICIS regibus asserit hisce verbis, de regno Parthico, de que Arface primo Parthiæ rege (**), „Utque Imperatoribus nostris AUGUSTA nuncupatio amabilis est & optata; „ ita regibus Parthicis abjectis & ignobilibus antea, „ incrementa dignitatum felicibus ARSACIS auspiciis accedere vel maxima. Quamobrem numihis „ eum

(**) *Ammianus Marcellinus Rerum gestarum sui temporis lib. XXIII. Cap. VI. pag. 283. edit. 1694. Lugd. Bat.*

„ eum vice venerantur & colunt , EO USQUE
 „ propagatis honoribus , ut ad NOSTRI memori-
 „ am , nisi ARSACIDES is SIT , quisquam in fusc-
 „ piendo regno cunctis anteponatur : & in quali-
 „ bet civili concertatione , quæ assidue apud eos
 „ eveniunt , velut sacrilegium quisque caveat , ne
 „ dextra sua Arfacidem arma gestantem feriat vel
 „ privatum.

Non absque causâ igitur SYMMACUS & SIDONI-
 US , a CL. CORSINO citati : ac præterea ISIDORUS HI-
 SPALENSIS (y) ac SUIDAS (z) PERSARUM etiam reges
 ARSACIDAS appellavere ; qui quidem ista é MAURI
 SERVII *Commentariis in VIRGILIUM* (a) hausisse
 videntur , ita scribentis : „ Scimus enim solere ple-
 „ rumque fieri , ut primi Regis reliqui nomen ejus
 „ possideant , ut apud Romanos AUGUSTI vocantur ,
 „ apud Albanos SILVII , apud PERSAS ARSACIDÆ ,
 „ apud Ægyptios Ptolemæi.

At enim Scriptores alii Persicos reges , Artaxa-
 rem , & Successores , Arfacidas non vocant ? sed ne-

K 3

que

(y) *Originum lib. IX. Cap. II. pag. 122.* „ Quod (Cæsaris nomen)
 „ & sequentes Cæsares hæcenus usurpaverunt. Solet enim fieri , ut primi
 „ Regis nomen etiam reliqui possideant , sicut apud Albanos ex Silvii nomi-
 „ ne omnes Reges Albanorum Silvii appellati sunt , sicut & apud Persas Ar-
 „ sacida. (z) *Suidas in Vocabulo Arfaces.* (a) *Maurus Servius Honoratus*
in lib. XII. Æneidos pag. 690. edit. Rob. Stephani 1532.

que negant: eosdem aut vere, aut affectate id vocabulum, apud Parthos tam sanctum, alicubi usurpasse, & more recepto numis saltem Parthicis intulisse. Quod nemo negat, & quidam asserunt, (*) atque ratione ipsa politica probabile videtur, fide dignum est illud sane potius, quam oppositum.

Verum Artaxares de se loquens apud HERODIANUM, & Sapor in Epistola apud AMMIANUM, non se compellant nomine ARSACIS! Ergo nullibi, nullo tempore, se se Arsacis compellatione indicari, nec apud Parthos vultuere? nego enim vero sequelam. HERODIANUS ipse eodem libro IV. etsi certo Arsacidam, non nisi ARTABANUM appellat, multique alii Scriptores plerumque ARSACIDAS ipsos Parthiæ reges alio, quam ARSACIS vocabulo designant; etsi Parthicorum regum numi solo ARSACIS Vocabulo plerumque, (in omnibus tamen Parthorum, atque in pluribus Armenia regibus, uti vult. (b) CL. CORSINUS, id non observatur) præter titulos honorum resplendeant.

Instat porro CL. CORSINUS: HERODIANUM, AGATHIAM, & SYNCELLUM diserte Arsacidarum Imperium cum

(*) Marcellinus, Servius, Symmachus, Sidonius.

(b) Dissertationis pag. 36. ad finem. Sane Numi Volagasis & Moabasis cum titulo Regis Regum, regum Parthia sunt: De Armenia regum numis quaritur, an quis Arsaci Armenia regi tribuendus sit? Reliquorum Armenia regum numos certos, præter Tigranis, & Xerxis non agnoscimus.

cum Artabano extinctum perhibuisse. Repono ego: MARCELLINUM, SYMMACHUM, SERVIUM, SIDONIUM APOLLINAREM, quarto & quinto post Christum sæculo Persiæ, Parthiæque Reges ARSACIDAS appellasse; atque adeo priores illi Scriptores, de vera ARSACIDARUM, aut rami recentioris stirpē locuti sunt, quæ quoad Parthiæ, & Persiæ regna desit in ARTABANO IV. posteriores vero isti Scriptores *de vocabulo Arsacidarum, de Arsacidarum* compellatione, aut stirpē *affectata*, aut inserto saltem sub primis regibus, numis Parthici commatis ARSACIS nomine, egisse sunt censendi, ut veritatem utrisque asseramus.

Postremum Cl. CORSINI argumentum, quo negat Numos *Regis Regum Arsacis* cum annis 491. & 508. ad Persiæ Reges revocari posse, desumitur a numis argenteis Persicorum Regum, atque fortasse primorum, qui alio capitis cultu, alio aversæ partis typo, aliis characteribus inscripti, facile evincant, ad Reges Persicos illos Arsacis numos nullo modo pertinere.

Primum respondeo: incertum esse, a quibusnam primum Persicorum Regum, novi illi, alterius omnino commatis, numi signati fuerint; si enim
con-

conjectura mea, qui Perficos illos numos e FRANCISCI Cæsaris Augusti Cimelio, in publicam lucem protuleram, aliquid momenti habet, ut *primis* Perficis regibus attribuantur; profecto alii ænei illi numi minoris moduli, qui Æram Parthicam sine Regis nomine præ se ferunt, atque Armeniæ regibus ab Eruditissimo CORSINO tribuuntur, aut Armenis abjudicandi erunt, aut potius ob caput cum multiplici diademate, aut more Parthico mitratum, & ob capillos in orbem glomeratos, ad postremos Parthiæ reges referendi erunt, quorum morem, de conglobatis crinibus aliquem, aliave in numis aliquibus magis, in aliis minus servarint successores Perfici Reges.

Quod vero Perficorum regum aliud genus numorum *in Persia* cufum sit, aliud *in Parthia*, veteri more cudendum, ut in novitia potestate, curarint, aut permiserint Persiæ Reges; id Romanorum Cæsarum comprobari exemplo, confirmarique potest. Romæ cudebantur Imperatorum numi aurei, argentei, ænei, charactere Romano, cum annis TRIB. POT., & averfa parte sæpe Romanis rebus propria, at iidem Imperatores indulgere per tria fere sæcula urbibus Græciæ, & Asiæ, ut Græco cha-

charactere, & epochæ antea usitatæ numeris, aut in Ægypto, more priorum Regum, annis imperii, cum Diis, cum ludis, cum figuris, cuique genti propriis, insignes numos ex *ære tantum* procuderent, capite interdum cum corôna radiata, aut posita infra pectus, aquila, aliterve, quam in multis Romani sphragisterii numis occurrat. Rectene ex his numis, præsertim si eos legere non nosset (uti nos Persicos non legimus) Persicus quidam antiquarius argueret: non esse hos etiam Romanorum Augustorum numos, neque his *Cæsaris* assumptum titulum competere, neque epochæ annos Cæsaribus respondentes comparere?

Itaque probabiliter admodum dici potest: (si etiam Persicos illos numos primis Persiæ regibus, quod certum non est, tribuere libeat.) Artaxarem, & Successores proximos, ne Parthos recens subactos offenderent, apud eosdem, uti antehac numos veteri more & epocha signandos indulgisse cum facili illo ARSACIS vocabulo: in Persia tamen aliam monetam instituisse, ubi Persici illi elegantes numi signati sint.

Id comprobare videtur ipsa amborum numorum species; nam Parthici commatis numi, cum po-

stremis annis, rudi & neglecto sunt artificio, characteribus græcis interdum vitiose expressis, ex argento admodum impuro, aut ex ære sine nomine Regis; quod nempe Parthica moneta jam negligi inciperet, aula regnante in Persiam translata: contra Persici numi ex argento puro, elegante fabrica, aut ex flavo metallo, auri æmulo, conflata sunt, novo ornatu, novisque aversæ partis figuris, quæ Ignis & Astrorum cultum indicarent, veteribus etiam Persis solennem. Minime itaque necesse est ARSACIS numos cum annis 491. 508. Persarum regibus auferre, & Armeniæ Regibus Arsacidis tribuere. Quod si daremus etiam numos istos ad Artabani IV posteros referri posse, qui Dione teste lib. LXXX, in Armenia restitere: id nihil obesset Æræ Parthicæ VAILLANTII, iisdem enim æque in VAILLANTII sententia applicari possent anni ipsissimi, quos Persicis regibus adscribimus, ad eandem ætatem spectantibus.

DUBIUM III.

*An non satis certo ostendi possit: postremos illos
Arsacis numos Armeniæ Regibus non esse adscribendos?*

Nequaquam satis me erudito, & æquo Lectori facturum arbitrabar, si ea duntaxat diluerem, quæ
Cl. CORSINUS e duobus Numis ARSACIS contra VAIL-

LANTII sententiam de Æra Parthica operose obmoverat; nisi iisdem ego numis ut argumentis uterer, queis probabilius evincerem, eosdem ad Armeniæ reges, etsi Arsacidas, non esse referendos. Numi ipsi a VAILLANTIO (c) ita proponuntur:

Caput barbatum, mitra rotunda gemmata, cum diademate multiplici, testum, a tergo B.

ΒΑΣΙΛΕΩΣ ΑΡΣΑΚΟΥ - - - ΕΠΙΦΑΝΟΥΣ.

Mulier stans, d. sertum offert regi mitrato & barbato sedenti. *Epocha* ΑϞΥ *Anno* 491.

In hoc numismate attrito aliqua defunt, incertumque est, an non ante ΑΡΣΑΚΟΥ desit pro more ΒΑΣΙΛΕΩΝ. ut sit: *Regis Regum Arsacis* - - - *Illustris*. Sane de similibus aliis tetradrachmis argenteis numis, quibus aversæ Partis figuræ istæ propriæ sunt, legitur semper *Regis Regum* titulus, uti & in sequente.

Alterum numisma ita habet:

Caput proluxa cum barba, multiplici diademate cinctum, crispatum, & humeri Candy testî.

ΒΑΣΙΛΕΩΣ. ΒΑΣΙΛΕΩΝ ΑΡΣΑΠ-
ΚΟΥ... ΜΕΓΑΛΟΥ. *Regis Regum Arsacis* - - - *magi*. Eædem figuræ, quæ in priore: *Epocha* ΗΦ. *Anno* 508. *Argentum tetradrachmum*.

L 2

Pri-

Primum hæc duo numismata ea specie sunt, uti cetera ejusmodi Regum Parthicorum, quæ titulos *Regis Regum Arsacis* præ se ferunt; itaque jam communi præjudicio ad Parthiæ Monarchas pertinent, quales deinde fuere Reges Persiæ, pulso Artabano IV.

Deinde Persicos hos reges *Arsacidarum* quoque nomen (jure, an politica fictione, non definio) affectasse, ex MARCELLINO, SERVIO, SYMMACHO, SIDONIO, ISIDORO, SUIDA, priore dubio comprobavi: ac Persicæ fabricæ numos nihil obesse, quo minus & Parthici commatis monetæ sub Regibus Persiæ signatæ sint, ex Augustorum numis Græcanicis, ac Ægyptiacis admodum probabiliter deduxi.

Porro Armeniæ Regibus post Tigranem, magnum illum, & certum *Regem Regum*, titulus iste non competit; quippe qui sub Romanorum Imperatorum alias, alias sub Parthiæ, aut Persiæ Regum tutela, neque magni Reges, minus *Reges Regum*, sed potius Augustorum, aut Regum clientes fuere. Accedit illud, quod Armeniæ *Regum* numismata, nempe Tigranis, & numi Romani, in quibus *Armenia* fit mentio, aliam mitram, seu ornatum capitis certo referant, quam in præmissis duobus numis ARSACIS videatur.

Alii

Alii Regum Armeniæ numi. certi non sunt producti, nisi Tigranis: unum, aut etiam alterum, producam sequente dubio, sed alio iterum capitis ornatu, quam in numis istis, ARSACIS nomine insignibus, compareat.

Veniamus vero etiam ad Chronologica argumenta. Fingamus verum esse initium Æræ Parthicæ, a CL. CORSINO statutum anno V. C. 525. Itaque numi illi duo ARSACIS nomen exhibentes e VAILLANTIO adducti, cum annis 491. & 508. incident in años V. C. 1016. & 1033. quibus aſiis nemo, ARSACES nomine, ARMENIÆ rex fuiſſe ab ullo ſcriptore vetere, quod ſciam, proditur: ſed anno V. C. 1016. aut ARTAVASDES, aut certe TIRIDATES Armeniæ præfuit, quem ex ZONARÆ *lib. XII. Cap. XXI.* CL. CORSINUS prolatum (duce TILLEMONTIO) inter ARSACEN, & ARTAVASDEN inferendum erudite, vereque monuit. ARSACEN vero Armeniæ regem jam antea obiſſe, & tempus ipſum perſuadet, quod is jam anno V. C. 942. circiter de regno Parthico cum Artabano fratre contenderit: & certius id conſtet ex eo, quod Tiridates ſolus Armeniæ Rex, cum filiis ſuis, jam anno V. C. 1006. memoretur ſub Gallo, & Voluſiano Augg. in præclaro illo ZONARÆ loco, quem CL.

CORSINUS post TILLEMONTIUM, aut ex eo, indicavit. Anno itaque V. C. 1016. (qui esset numismati ARSACIS proprius, ex calculo CL. CORSINI) nemo nomine ARSACIS rex Armeniæ fuit; nec igitur numus ille (cujus alioqui species ab Armeniacis certis numis abhorret) Armeniæ regi vindicari debet, sed relinquendus est Parthorum, Persarumque monarchis.

Opponet mihi aliquis: at ARSACIDÆ fuere Reges Armeniæ post Arsacen, Artabani fratrem, ad Theodosium Augustum usque, teste PROCOPIO. (*)

Repono: etiam Persiæ reges, & una Parthiæ domini, (quocunque titulo) ARSACIDÆ dicti sunt; igitur si ad communem aliquam, & generalem ARSACIDARVM appellationem res redeat, ea quoad numos Parthici commatis æque communis esse potuit Persiæ, & Parthiæ regibus, ut successoribus ARSACUM, quam regibus Armeniæ ARSACIDIS: numi porro species nihil certi habet, cur ad Armeniæ reges referatur; omnia contra præ se fert, Parthicis monetis propria; ut adeo potiori jure ad Parthiæ monarchas rescribatur.

Neque

(*) *Procopius de bello Persico lib. II. Cap. III. pag. 93. edit. Regia.*

Neque vero ostendi vetusta auctoritate posse puto, regibus Armeniæ, licet ARSACIDIS, ita commune fuisse ARSACIS nomen, uti Regibus PARTHIÆ fuit, teste JUSTINO: *ut omnes exinde reges suos Arsacis nomine nuncupent.* Sane dum Arsacidæ Armeniæ Reges, alii nomen ARSACIS tantum, alii tantum nomen aliud, uti TIRIDATIS, vel *Artavasdæ*, a Scriptoribus obtinere; nemo vero duplici vocabulo ARSACES TIRIDATES, ARSACES ARTAVASDES. appelletur, id ipsum plane arguit: Armeniæ regibus nequaquam commune fuisse ac *proprium*, ARSACIS nomen, etiam post Arsacen, Artabani IV. regis Parthici fratrem.

Dispiciamus alterum numisma, in quo illico REGIS REGUM ARSACIS titulus ab se cantat, cujus sit; nempe magni Parthiæ Persiæque monarchæ, quem diadema multiplex, & *magni* titulus porro Parthiæ, ac Persiæ regibus, utique præ Armeniæ regibus, vindicandum arguit.

Quod si monetæ hujus numerales notas 508. ad CL. CORSINI Æram Parthicam exigamus, exhibit annus V. C. 1033, Probi Augusti quartus, & quintus. Armeniæ rex tempore isto aut Artavasdes V. fuit, aut filius ejus anonymus: certe ARSACEN
nomi-

nomine fuisse non constat. Quisquis autem, cujusvis nominis, Armeniam tum rexit, ei sane titulus REGIS REGUM competere minime potest. Aut enim Persarum tum amicus, seu eliens potius, fuit Rex Armeniæ, aut Romanorum? nam alterna sorte hæc patrocinia subire in more habebant Reges Armenii, (Fatente CL. CORSINØ pag. 33. *ad finem*.) Si Romanis tunc studuere, Imp. Probus, recens Blemmyarum victor, & Persarum terror, id profecto non sustinisset, nec adeo effrontes fuissent exigui illi Reges, ut se REGES REGUM palam scriberent. Sane Parthamasiris Armeniæ Rex, ad Trajanum Aug. scribens, ne REGIS quidem titulo uti est ausus, uti ex DIONE CL. CORSINUS observat pag. 4. Quod si Persis tum obnoxii erant Armenii, quo pacto Rex Armeniæ se REGEM REGUM compellaret eo tempore, quo ipse Persarum, & Parthorum Rex Varanes II. advenientis Romani exercitus metu perculsus, a Probo Augusto pacem iterato petitam vix impetravit? (d) Denique testimonia Veterum produci debent (qualia de Tigraue produxi) ut credibile fiat, hujus sæculi Reges Armeniæ titulo REGIS REGUM ab se, aut ab aliis fuisse compellatos.

Ambo.

(d) *Tillemonts histoire des Empereurs Tom. III. pag. 430. Antic. VI. cæ. Ravio Vopisco in vita. Probi, & probabiliter ex Synesio.*

Ambo igitur, quos discussimus, a Vaillantio relati ARSACIS numi, annis 491. & 508. insignes, multo probabilius ad Persarum reges, & Parthico-
rum regum successores, certosque REGES REGUM referendi sunt, quam ad Reges Armeniæ; ut ita rationabile plane dubium remaneat, anne momenti aliqujus argumentum pro sententia sua inde arcessere CL. CORSINUS jure meritoque potuerit? Inde sequela capietur de reliquis Parthicæ speciei numis, quos ARSACIS quidem, & vero omni Regis nomine, atque adeo & Regis titulo carentes, æræ tamen Parthicæ numeris notatos, idem Eruditissimus vir dilectæ sibi Armeniæ Regibus attribuit.

DUBIUM IV.

*De Arsamis Regis numo, deque numis
Regum Xerxis, & Sami.*

Egregium ex ære numum in Cimelio Aug. Domus Austriacæ Vindobonensi inveni, quem ego perinde, atque alii Antiquarii, legeramus bona fide: ΑΡΣΑΜΟΥ. quem etiam ut ARSAMI cuidam regi tribuendum, vulgandum curaveram, (e) &
M isthic

(e) Regum veterum numismata anecdota, aut pertrata. pag. 13. & Tab. I.
Hujus numi iconem hic reddimus Tabella Num. II.

isthic sisto accuratius delineatum. Monueram tamen literam A initio nominis non dignosci: de reliquis nihil dubitabam.

Interea Eruditissimus Bozius, pretiosæ memoriæ Vir, Illustris Parisinæ Academiae Regiæ, quæ ab Inscriptionibus & amœnioribus literis nomen habet, tum a Secretis, & cimeliarchii Christianissimi Regis Custos dignissimus, libellum illum nostrum illico nactus, ad nos misit iconismos duos numismatum, cimelii Regii, quorum alteri, plane integro, inscriptum est: ΒΑΣΙΛΕΩΣ. ΣΑΜΟΤ. cum iisdem omnino adjunctis titulis, qui in nostro ARSAMIS putato numo leguntur: ΘΕΟΣΕΒΟΥΣ. ΚΑΙ. ΔΙΚΑΙΟΥ. qui duo tituli, in nullo hætenus alterius regis numo, simul *ambo*, deprehensi sunt. Addidit Bozius etiam XERXIS REGIS numisma: ambos iconismos isthic, utpote alibi fortasse nondum vulgatos, sistendos duxi. (f) Monuit me præterea Cl. DE BOZE: inspicerem iterum numum illum - - ΠΣΑΜΟΥ an non itidem sit: ΣΑΜΟΥ.; cum alioqui Τὸ Α initio desideretur. Itaque oculo armato numum illum accuratissime dispiciens, deprehendi, aliquam æris inæqualis maculam aut verru-

cu-

(f) Vide Tabellam iconismorum Num. III. & IV.

culam mihi aliisque Τῆς Ρ speciem præbuisse, ut legeremus - - ΡΣΑΜΟΤ. ubi tamen ΣΑΜΟΤ. SAMIS, aut SAMI, tantum certo legitur, non ΑΡΣΑΜΟΤ.

Veritatem cum quæram, non gloriolam, profiteor me, quæ de *Arsamis numo* dixi, dicta nolle. Quapropter dubium hoc, cuinam denique Arsami, ex aliquot ejus nominis, quos protuli, is numus adscribendus sit, non tam solvo, quam nodi Gordii instar discindo, nullique omnino ARSAMI, minus ARSABI, Cappadocico, tribuendum esse declaro, aut incognito Armeniæ Regi ARSAMI, quos Cl. CORSINUS in medium adduxit. Prætermittendæ sunt itaque & meæ, & Cl. CORSINI, prolixiores ea de re conjecturæ, ne aërem verberemus.

Doctissimus DE BOZE p. m. indicarat mihi: suspicari se, ex numo XERXIS REGIS, qui fere simili mitra, seu tiara conica ornatus, veluti SAMES, compareret, SAMEN Regulum item fuisse Armosatæ, seu Arsamosatæ, uti XERXES certo fuit teste POLYBIO. (g) Inspecto POLYBII eo loco, tum primum animadverti, me in adjectitia aliqua, ad disertatiunculam

M 2

lam.

(g) *Excerpta Polybii ex lib. VIII. de Virtut. & Vitiis, ad finem.*

lam de Arfame, conjectura super Armofatæ vel Ar-
 famofatæ controverfo vocabulo, erraffe in XERXIS
 acceptione; eo quod HARDUINO (non infpecto ipfo
 POLYBIO) in tali conjectura tum fiderem, quæ ad
 summam parum faceret. (h) Eo de errore me e-
 tiam deinde Cl. CORSINUS merito, ut candide fa-
 teor, coarguit; quare eundem retractatum volo.
 Libet locum POLYBII integrum referre, ad illuftran-
 dum hujus XERXIS fingularem numum, & quædam
 amplius declaranda: „ Quod regnante Xerxe fu-
 „ per Armofata urbe, quæ fita eft ad campum pul-
 „ chrum dictum, in medio inter Tigrim, & Euphra-
 „ tem, ei urbi arma admovens Antiochus Rex, ean-
 „ dem obfidere pararit. Apparatum Regis con-
 „ templatus Xerxes, primo quidem in fugam fe
 „ dedit: paullo poft vero metuens, ne capta ab
 „ hoftibus regia fua, reliquum etiam regni fui peſ-
 „ ſum iret; confilium mutavit, miſitque ad Antio-
 „ chum, profeſſus, velle ſe ad colloquium venire.
 „ Itaque fidi (*Antiocho Regi*) amici ſuggeſſere, non
 „ eſſe dimittendum adoleſcentem, quem in pote-
 „ ſtate haberent: ſed ſuaſere (ANTIOCHO) ut oc-
 „ cupata urbe (ARMOSATA) provinciam illam trade-
 „ ret Mithridati, qui erat filius ſororis ipſius (ANTIO-
 CHI)

(h) *Regum veterum numismata anecdota aut perrara. pag. 27.*

„ CHI) secundum naturam. Sed Rex eos non audiit,
 „ verum accersens adolescentem, inimicitiam dissol-
 „ vit, remisitque eidem maximam partem reliquo-
 „ veterum tributorum, quæ Pater ipsius persolve-
 „ re debuisset: porro acceptis illico trecentis ta-
 „ lentis, & mille equis, totidemque mulis, cum
 „ congruo instrumento, omnia, quæ ad eum prin-
 „ cipatum pertinerent, ordinavit, collocataque ipsi
 „ (XERXI) sorore sua Antiochide, omnes eorum
 „ locorum incolas in sui amorem pertraxit, quip-
 „ pe qui magno atque regio animo in his usus esse
 „ videretur.)

Cl. CORSINUS, post relatam hujus loci epitomen,
 ita citra omne dubium Antiochum Regem Syriæ de-
 signat, a quo hæc gesta sint: „Perspicuis his characte-
 „ ribus *manifestissime apparet*, quod Antiochus ille, qui
 „ Antiochidem sororem suam Ariarathi Cappado-
 „ dociae Regi desponderat, & sororem aliam, quæ
 „ fortasse Eumeni Regi destinata fuerat, Xerxi Ar-
 „ meniae Regi destinata fuerat, non alius profecto
 „ fuit, quam ANTIOCHUS cognomento *Magnus*, qui
 „ in Syria ab an. V. C. 530. ad annum usque 566.
 „ regnavit.)

M 3

Enim

Enim vero mihi hac de re propemodum plusquam dubium suboritur, an non contra manifestissime appareat, Antiochum Syriæ Regem, qui Xerxem istum benigne suscepit, quique sorores duas, prædictis regibus desponsatas habuerit, non fuisse ANTIOCHUM Magnum, seu tertium ejus nominis, sed ANTIOCHUM IV., qui Θεός Epiphanes in numis legitur, quique ab anno V. C. 577. vel 578. annis deinde integris undecim regnavit.

. Ex DIODORO, & POLYBIO res continuò palam fiet: DIODORUS (k) Ariarathem V. Cappadociæ regem perhibet duxisse uxorem Antiochidem, *Filiam Magni dicti ANTIOCHI*, atque ex ea paullo serius *Filium Mithridatem* genitum fuisse commemorat. Porro MITHRIDATIS istius matrem POLYBIUS, laudato loco, ejus *Antiochi sororem* testatur fuisse secundum naturam, qui XERXEM Armofatæ regem benigne habuit: fuit vero ANTIOCHI III. magni filius ANTIOCHUS IV., uti nemo ignorat; & filia itidem Antiochi III. magni, fuit *mater Mithridatis* ex DIODORO; ergo is ANTIOCHUS, cujus *soror* erat mater Mithridatis

(k) *Ecloga ex Diodori Siculi lib. XXXI. Cap. III. pag. 895. edit. Weckheliana*, ita: 'Αριαράτης βασιλευσι καὶ ἑαυτὸν, ἢ μεταλασσὼν τὸν βίον κατέλιπε τὴν βασιλείαν. Ἀριαραθὴ τῷ υἱῷ νηπίῳ παντελῶς ὄντι τὴν ἡλικίαν ἔτος δὲ ἑγήμε θυγάτηρα τῆς μεγάλῃ κληθεύσης Ἀντιόχῃ --- Μετὰ δὲ τινα χρόνον τῆς φύσεως ἐπιδεδυμένης ἀνελπίτως τακτὴν αἰσῆν δυο μὲν θυγατέρας, ὅν. δὲ ἓνα τὸν ὀνομαζόμενον Μιθριδατῆς.

tis, fuit ANTIOCHUS IV. q. e. d. Pariter altera Antiochi IV. soror (Antiochi III. non soror, sed filia) oblata fuit Eumeni Pergameno. Ita enim Eumenes ipse loquitur apud POLYBIUM, de iis, quæ Antiochus III. magnus tentasset: (1) „ ANTIOCHO „ enim id agente, ut nobis filiam daret.) Est vero, citra dubium hic sermo de ANTIOCHO III. MAGNO. Neque hanc partem omnino negat CL. CORSINUS, qui eadem pagina LX. filiam ANTIOCHI Eumeni desponsam scripsit, sed paullo post, forte errore calami, Sponsam Eumenis, eandem ANTIOCHI ejusdem tertii & magni SOROREM appellat.

Confirmat nostram sententiam porro APPIANUS (m) ubi de Antiocho magno, ejusque liberorum nuptiis agit, ita scribens: *Antiochidem vero mittebat Ariarathi regi Cappadocum, & reliquam Eumeni regi Pergami.* (n) Nempe Antiochi magni filia fuit & Antiochis Ariarathi data, & altera Eumeni oblata.

Quodsi POLYBIUM conciliare penitus cum APPIANO libeat; dicendum est: ANTIOCHIDEM, filiam Antio-

(1) Polybius in Excerptis Legation. XXV. pag. 1140. Αντιόχου γὰρ σπένδαλον ἡμῖν συγγαίῃα δέσναι. Antiocho vero id agente, ut nobis filiam daret.

(m) Appianus de bellis Syriacis pag. 88. Henrici Stephani. Γαμὸς δὲ τῶν παιδῶν ἔδωκεν Ἀντίοχος ἡ Λυοδίκης --- Ἀντιόχιδαν δ' ἐπέμπευ Ἀριαράθῃ τῷ καππαδοκῶν βασιλεῖ, ἡ τῇ ἐτι λοιπᾷ Ἐυμενεί τῷ Περσῶν βασιλεῖ.

(n) Appianus ibidem pag. 131.

Antiochi III, quæ antea ARIARATHI data, eidemque MITHRIDATEM peperit, deinde Xerxi ab Antiocho quarto collocatam fuisse forte viduam; aut duas Antiochi magni filias nomen ANTIOCHIDIS tulisse. POLYBIO soli potius si pro merito deferimus, & duas ANTIOCHIDES sorores si non admittimus, APPIANUM dicemus Antiochidis nomen sororum alteri, contra quam oportebat; tribuisse; uti idem paullo post Antiochi IV. & quinti regni annos confundit (o) attamen certum semper: (ut ut hæc se habent) illud manet: ab Antiocho IV. Θεῶν Epiphane SO-ROREM Antiochidem XERXI sponsam esse attributam.

Itaque non anno V. C. 560. florebat XERXES Armofatæ rex, sed circa annum V. C. 588. (quo tempore Antiochus IV. per Mesopotamiam in orientem profectus est, (p) alteroque anno misere interiiit) Xerxes juvenis regnare cœpit, diu, numo teste, regnaturus.

Eadem expeditione ANTIOCHI IV. in orientem suscepta, nempe paullo ante mortem, ARTAXIAM, partis Armeniæ regem, captum fuisse, binis locis me-

(o) Petavii Chronicon, & Chronologi communi fere sententia.

(p) Appianus de bellis Syriacis pag. 117. & 131. Ἐξερσεύσε δὲ καὶ ἐπὶ Ἀρταξίαν τῶν Ἀρμενίων βασιλίστα, καὶ τούτων ἐλθὼν ἐτελευτήσεν.

memorat APPIANUS (*) Xerxes quoque quasi cap-
tus (teste POLYBIO) in potestate Antiochi IV. fuit.
Artaxias vero, & Zadriadres jam sub Antiocho III.
a Syriaco regno defecerant, Armeniam inter se
partiti, cujus minorem partem occidentalem Za-
driadres obtinuerat. (q) Quare Xerxem, Armofa-
tæ regulum, Zadriadris filium, aut Successorem fuiſ-
ſe ſuſpicio, qui a majore potioris Armeniæ rege
Artaxia ad ſocietatem belli inductus fuerit, atque
deinde Antiocho IV. exercitum adducenti ſe ſe ultro
dediderit, Artaxia eadem expeditione capto.

Quis vero SAMES ille, ſeu SAMUS REX, quove
tempore, & cujus regni habenas moderatus ſit,
haud ita facile definiri poteſt. Eruditiffimus de BOZE
ex mitra, ſeu cidari, in cuſpidem deſinente, & ex
averſæ partis figura ſimili; quæ Victoriâ ſtantem
refert, modeſte conjecerat: SAMEM ſeu SAMUM hunc
Armofatæ regulum fuiſſe, uti XERXEM; quia nem-
pe Vindobonenſis numus Regis ΣΑΜΟΥ, caput
ita fere mitratum exhibet, ſicut numus Pariſinus
caput Regis ΕΡΕΞΟΥ. Accedit: fabricam numi
Pariſini SAMI regis (qui diverſo capite eſt a Vin-
N do-

(*) Appianus de bellis Syr. p. 117. & 131. vide notam præcedentem, hæc
reponendam.

(q) Strabo Lib. XI. pag. 801. & circa finem pag. 804. edit. Amſtelod.
fol.) (Polybius in Excerptis Legat. 59. mentionem Artaxia facit, Regis Ar-
menia, quoad ejus regionis maximam partem.

dobonenſi) cum Victoriæ figura, accedere ad ſpeciem numi XERXIS, quam ſimilitudinem animadvertere potuit Bozius, qui ambos illos numos delineandos curavit.

Subvereor tamen, ut iſta ſatis ſint, ad aſſerendum: Sami quoque numum ad Armoſatenos Reges eſſe referendum. Abgarorum Edeſſæ regulorum, in Meſopotamia, numi caput exhibent ſimili tiara teſtum, ut in multis Parthiæ Regum numis occurrit, neque fabricæ modus a quibusdam Parthicis ablu- dit; quin inde Abgaros Parthiæ regibus inferere liceat; Victoriæ verò typus admodum frequens eſt.

Inquiſivi nonnulla diligentia, numnam SAMUS aut SAMES nomine aliquis ſe offerret, cui non in- epte numi illi duo tribuerentur. Omitto hic SA- MUM vetuſtiſſimum Ancæi filium, de quo PAUSANIAS. (r) Alterum item classiſ Lacedæmoniorum præfe- ctum, tempore Cyri Regis, apud DIODORUM SI- CULUM (s) Neque huc facit SAMBUS, ſeu SABUS vel SAMUS rex Indiæ, apud CURTIUM (t), & alios

Nimi-

(r) *Pausanias in Achaicis, ſeu Lib. VII. Cap. 1V. initio.*

(s) *Diodorus Siculus lib. XIV. pag. 249. & 250. (t) Curtius lib. IX. Cap. VII. Sabum & Samum appellat. Arrianus Samum, vocat & Diodorus: ſed Sabum Plutarchus.*

Nimium vero recens mihi videtur pro numis ΣΑΜΟΤ ZAMES ille, Cabadis Regis Persiæ filius, & frater Chosröis, quem Persæ Chosröi subrogare cupiebant, ni oculi vitio excluderetur, teste PROCOPIO. (u)

Quod si SAMI istius REGIS, cui numi debentur, aliqua in vetustis scriptoribus extat memoria, fortasse SAMUS ille huc quadrabit, quem POLYBIUS (x) Chryfogoni filium, atque cum Antiocho III. magno Syriæ rege educatum fuisse, perhibet his verbis: „ Jam tum elegantis ingenii sui specimen edere incipiente SAMO, Chryfogoni filio, qui una cum Rege fuerat educatus.)

Chryfogonus porro Philippi Macedoniae Regis amicus, (y) & dux copiarum Antiochi Magni in Græcia fuit, (z) POLYBII fide. Hujus igitur Chryfogoni filio, ΣΥΝΤΡΟΦῳ suo SAMO, Antiochus magnus Dynastiam quandam ad Euphratem dedisse videtur, cui titulum regis aut ipse Antiochus III, aut ejus filiorum alter Seleucus, aut Antiochus IV. adjecerit; nisi SAMUS id ipse sibi arrogarit. Equidem id unum

N 2

desi-

(u) Procopius de bello Persico lib. I. cap. 23. inisio pag. 66. edit. Regia. (x) Polybius histor. lib. V. pag. 499. edit. Amstelod. Ἡδὲ τότε τῆς ἐπιδεξιότητος τῆς τῷ Σάμῳ προσετινῆς ὅς ἦν υἱὸς μὲν Χρυσογό- νου συντροφὸς δὲ τῷ βασιλεῶς.

(y) Polybius in excerpt. de Virtut. & vitiis Lib. VII. pag. 1371. (z) Idem lib. V. histor. pag. 508. & 609.

desideratur, ut auctoritate aliqua SAMUM istum REGEM appellatum fuisse, stabiliri possit. Cetera enim vero probe congruere videntur, tempus sub Antiocho IV, Xerxi regi Armofateno conveniens, cui vicinum regnum circa SAMOSATA, urbem ab hoc SAMO probabiliter extructam, idem SAMUS possederit: unde & ratio similis ornamenti capitis reddi poterit. SAMOSATA Urbem vero ab hoc SAMO extructam fuisse, aut in ejus memoriam, probabile facit primo exemplum Urbis, nomine ARTAXIASATA, ab Hannibale ARTAXIÆ regis Armeniæ honori conditæ, circa hoc idem tempus, teste STRABONE. (a) Deinde comprobare videtur silentium Scriptorum hac ætate vetustiorum de SAMOSATIS, usque probabiliter ad POLYBIUM, (b) qui post Antiochi III. tempora proxime floruit, quique, quod meminerim, (apud STRABONEM) primus Samosata urbem appellat.

Comprobat hæc omnia numus *Sami Regis* a desideratissimo Bozio prolatus, qui (uti ipse animadvertit) capite radiato non refert regem SAMUM, qui in numo nostro cidari ornatus, alioque vultu comparet, sed fortasse Phœbum. Mihi vero, e similibus Antiochi IV. numis, eo capite radiato, ipsius ANTIOCHI IV. ΘΕΩΝ *Epiphanis* imago repræsentata

(a) *Strabo lib. XI. pag. 801. edit. Amstelod. fol.* (b) *Polybii continuata excerpta, uti quidem videtur, apud Strabonem lib. XIV. pag. 976.*

tata videtur, qui primus Regum Syriæ, quod sciam, in numis, præter usurpatum impie DEI titulum, *corona radiata* caput amicivit. Susplicari itaque licebit, ab Antiocho IV. auctam fuisse SAMO dynastiam, & fortasse adjectum *Regis* titulum, cui additus in numo titulus ΘΕΟΣΕΒΟΥΣ *cultoris DEI* nescio, an non ad reverentiam ANTIOCHO IV. Θεῷ ab rege cliente præstitam, atque ad detestandam adulationem sit referendus.

Fateor lubens, non nisi conjecturas esse has, queis SAMO, Chrysogoni filio, Numos duos ΒΑΣΙΛΕΥΣ, ΣΑΜΟΥ. ΘΕΟΣΕΒΟΥΣ. ΚΑΙ. ΔΙΚΑΙΟΥ. interea adscribi posse opinor, dum aptior SAMUS denique alius detegatur. Attamen mihi blandior, tantundem, aut forte plusculum probabilitatis inesse huic conjectationi, atque illi, qua Adinnigai, seu MINNISARI REGIS numus tribuitur MANISARO cuidam apud DIONEM, tanquam ARMENIÆ regi.

Porro ex hisce duobus numis SAMI, regis aut in Armenia, aut in vicinia, atque XERXIS uno, qui Armofatenus regulus in Armenia fuit, rursus argumentum colligo, quo probabiliter ADINNIGAI seu MINNISARI numus Armeniæ regum monetis abjudi-

candus est ; quippe cujus capitis spe ciesabludit ab omnibus TIGRANIS, XERXIS, SAMIQUE numis , quos denique, duorum priorum præcipue, solos Armeniacorum regum numos certos novimus: itemque ab omnibus Romani commatis aberrat numis, in quibus Armeniacæ tiaræ imagines, cum Armeniæ mentione, comparent.

In Parifino numo SAMI Regis, qui altera ex parte caput radiatum Antiochi IV. regis Syriæ, ut opinor, offert: altera ex parte sub nomine ΣΑΜΙ regis leguntur literæ numericæ ΛΓ seu XXXIII. quas ego regni Samosateni, aut vicini, Regis SAMI esse arbitror; quæ res cum ætate SAMI, filii Chryfogoni (qui ab Antiocho III. Magno primum regis titulum obtinuerit) egregie consentit: Post Antiochum III. enim regnavit annis XI. Seleucus IV ejus filius: post hunc annis totidem Antiochus IV, Seleuci frater, cujus tempore numus SAMI, cum capite Antiochi IV cusus fuit, signatus *anno* regni SAMI XXXIII, quod inceperit ante ultimum Antiochi III decennium, qui regnum Syriæ annis XXXVI completis modératus fuerat.


Victoriæ Figuram (quæ in XERXIS numo stans, d. coronam, s. scutum ad terram detinens: at in
SAMI

SAMI numo Parisino quasi gradiens, sine scuto, exprimitur) suspicor ad regum horum, vel alicujus Syriæ regis victoriam pertinere, quam ambo reges clientelares Patrono suo gratulantur, sive in SAMI numo ea sit de Artaxia ab Antiocho IV^{to} relata, sive in XERXIS jam adulti, & barbati numo, serior multo, posteriorum temporum. Illud certum est, similes duos victoriæ typos in numis Regum Syriæ, sub Seleuco Nicatoris, & sub successoribus sese offerre; ut id ipsum admoneat, ad Syriæ regem quendam Seleucidam illam victoriæ figuram, præsertim cum capite radiato Antiochi IV, in Sami numo, referri posse.

Tertia denique hac parte expedienda offeruntur dubia: primo de Vologæsis III numis, e quibus prope modum certo demonstratur, initium Æræ Parthicæ, quæ numis inserta est, illud omnino admittendum, aut proximum ei, quod VAILLANTIUS constituit, aut certe longiuscule abscedens ab illo anno, quem Cl. CORSINUS assignavit. Deinde de postremis ARSACUM numis, qui annorum notas exhibent, merito ambigitur, an iidem ad Armeniæ reges referri, salvis criticis numariæ regulis, possint? Demum de numis regis SAMI (non jam ARSAMIS) id unum disceptari poterit: rectene iidem SAMO, Chrysogoni filio, aut
cui-

cuinam tandem rectius tribuendi videantur? De Xerxe, Armofatenorege, certum habeo, eundem sub Antiocho IV, Syriæ rege, ac deinceps, non sub Antiocho III. magno, floruisse.

Cum libellus hic noster jam typis exscribi cœpisset, allata est ad nos fama, summe Reverendum Patrem EDUARDUM CORSINUM, Virum a plurimis scientiis, ac virtutibus instructissimum, atque Literatæ Italiæ in signe decus, concordibus suffragiis sacri sui & illustris Ordinis caput renunciatum fuisse. Hunc eminentem honoris gradum, Viri summi meritis congruum, ex animo eidem gratulamur, atque ab sapientissimi Viri æquitate, candidoque veritatis studio, id nobis pollicemur: non accepturum eum in sequiorem partem, nostram hanc exercitationem, quam non litigandi, sed proficiendi, discendique desiderio, uti sub initium diximus, nos conscripsisse profitemur.




I



II




III



IV







1010-AT-1/2

6/22/81



